



BIBLIOTHECA  
UNIV. JAGIELLONICA  
CRACOVENSIS

937

OWO-LACINA II





H. XIII. 12.



front. pp.



1000



Lisen.  
Novo Jacin.  
Q 3 7 / IV.



Henrici Nicolai

1. Natalitia, Editio 2<sup>da</sup>
2. Passionalia.
3. Paschalia.
4. Pentecostalia.
5. Michaelia.
6. Tractatus de Magia Actionibus.
7. Tr. de Causa per Accident.



D. O. M. A.

DE

# MAGICIS ACTIONIBVS,

Tractatus Singularis.

Philosophico - Theologicus & Historicus.

*Existentiam, definitionem, qualitatem, cognitionem,  
probatorem, aversionem, & remedia Magicarum actionum discutiens,  
exemplis & historiis illustrans, & obstantia  
breviter resolvens.*

Exercitationibus quibusdam in Gymnasio  
Gedanensi percursus.

AUTHORE

HENRICO NICOLAI,

Phil. ap. Gedanenses Professore.

---

DANTISCI,

E Typographejo Viduæ GEORGII RHETII.

*Anno à partu Virginis Matris*

M. DC. XXXXIX.



17/10

Tragacanth singularis.

Philosophico-Theologicus & Historicus

...moultunges, moultunges, moultunges, moultunges  
 ...moultunges, moultunges, moultunges, moultunges  
 ...moultunges, moultunges, moultunges, moultunges  
 ...moultunges, moultunges, moultunges, moultunges

Exercitationibus p[re]sidentum in Gymnasio  
Gedaniensi p[re]sentibus.

ЭЯОНТНА

HENRICO NICOLAI

Phil. ab. Gedanken. Professoren.

ДОСТАВКА

ET TYPOGRAPHVS VINDOB. GEORG. RHEIT.

*Handwritten text at the bottom of the page:*

Handwritten text, likely bleed-through from the reverse side.

M. DC. XXXIX



*Nobilissimis, Amplissimis, Consultissimisq;*

**VIRIS,**

**Dn. ROTGERO zum BECKEN**

Regio Secretario, Patrio Rigenfi, & in Bras-  
necken Hereditario, &c.

**Dn. HENRICO MOLLERO,**

Abbatia ac Districtus Olivenfis Advocato  
& Judici.

Dnn. Patronis ac amicis singulariter dilectis,  
observandis.

*S. E in rebus Prosperitatem.*

**Q**ui momenta Naturæ rerum, Nobilissimi,  
Amplissimiq; Viri, Amici observandi, ne-  
xusq; causarum latentium, æternaq; mente  
destinatarum, curatius indagant, & nodos offen-  
dunt, quibus se impediunt, sæpeq; quæ exitus de-  
tur, unde inchoet Natura, quovè se condar, nec ra-  
tione, nec sensu percipiunt. Alexandrum illum  
Magnum in Phrygiâ Gordius nodus, notabile vin-  
culum adstrictum, compluribus nodis in semet im-  
plicatis, nexusq; celantibus, sollicitum tenuit. Phry-  
gum turba circa illum explicatione suspensâ, Mace-  
donum sollicita ex temerariâ regis fiduciâ, adstiterit.  
Solvere enim aggressus curam injecit, ne in omen  
irritum verteretur inceptum. Nequidquam tamen  
cum latentibus nodis ille luctatus, gladio ruptis uni-  
versis



versis loris, oraculi sortem, Asiae potiturum, qui in-  
explicabile vinculum solvisset, vel implevit, vel  
eludit. Mortale genus Naturæ regnum, quæq; in-  
eo, nodis & Gordiis, & Herculanis, exercitat, qui-  
bus & Delphicus Apollo sollicitetur. Quandoque  
enim rumpendi sunt, vix solvendi, & ad γ Non  
Liquet, decurrendum, illudq; Horatii adhiben-  
dum: *Nec scire fas est omnia*. Ipsa coelestia, Sol,  
astra, motus, ordo, statio, vis, quantum intricari  
spatiosiq; involucris obtineant, non antè liquidò  
constat, quàm in seriam contemplationem nos de-  
miserimus. Ibi & curam difficultas ciebit, & de-  
sperationi januam inextricabilis involutio aperiet.  
In terris, aquis, elementis, mineralibus, plantis, ani-  
malibus, infinitos labyrinthos occurrere, & res do-  
cet, & Physiologi ore ac scriptis proclamant. Hoc  
*Fracastorio* lamenta excivit: hoc multis inquirendi  
fastidium peperit, à curâ vestigandi avertit, *Acade-  
micis* nihil sciri posse suggestit, & omnibus exercen-  
di argumentum suppeditavit. Animum humanum  
si ad calculum revocare placeat, ob quem divinum  
in animantium genere hominem Atheniensis qui-  
dam ap. *Platonem* censuit, disceptatio omni Mæan-  
dro tortuosior excipiet. Dum nodos omni dili-  
gentiâ exsolvere videamur, novis colligabimus, &  
velut superfluâ caligine imbuemus. Occurret, ubi  
miremur, vel quo vultu rem excipiamus, vel qui-  
bus verbis proferamus. Pallium, quod pictor Aga-  
memmo-



memnoni circumduxit, in damnato stupore exoptare eveniet. Non supernaturalia in exemplum traham, notissimæ perplexitatis arcana, & sensibus, & rationi humanæ abstrusa. *Horatianum* illud occurrit: Ah, quantâ laboras in Charybdi! Velut DEVS scire homini non indulserit, nisi tricosum adnexuerit. Omnia difficulratibus conferta sunt. Nemo quæ ita hebes ac demissus in scientiæ regno est, ut non advertat quandoquæ, erigaturque se, ac consurgat. In primis, ubi novum aliquod insolensque perplexi inducitur. Quamdiu enim solita decurrunt, difficultatem ac magnitudinem rerum frequentia subducit. Quia quotidiana, etsi implicita, & admiratione digna, sentiendi assiduitate ferè prætereunt. Minimorum rerum occursum, si novus ac insolens, tenet, afficitque. Ille astrorum cursus, quibus immensi corporis pulcritudo distinguitur, vix centesimum sollicitat. Sed cum ex more aliquid mutatum est, cum præter solitum quiddam rari emicuit, ad spectandum, interrogandum, ostendendum, plerique animantur. Adeò naturale nobis, magis nova, quàm perplexa & abstrusa, mirari. Quamquam omne difficile argumentum mirandi occasio sit, etsi sævum ac quotidianum. In ipso præternaturali regno, quod *Magica* constituunt, ingens tricandi, & consequenter admirandi, circulus se pandit. Hic & tricesimas in Orco scrutari, & Charybdin tentare detur,



detur, quæ & ardua ingenia absorpsit. Vacillante  
pede premenda ea, cum ignotiora ac remotiora in-  
tercurrant, quàm ut humanæ mentis vestigium  
ubiq; firmiter calceret. Per nubem videre & suspica-  
ri fas sit, non scire: ambire, non adire, lustrare, non  
penetrare. *Tractatus* hic ipse argumento sit, qui  
materiam deducit. Aristoride aut Argo opus esse  
censeatur, multiplicibus oculis vidente. Quæ ad  
Phœbi ortus direxit, illis vidit: Occidentis ad pla-  
gas clausi fuerunt apud *Euripidem*: Sic hic eveniat,  
& quæ se pandunt Magica, adverti queant: quæ in  
recessus se ocludunt, suspicari & coecutire reli-  
ctum sit. Nempe in plurib. hominis est opinari,  
DEI scire, ut cum *Xenophane* apud *Varronem* dicam.  
Everberata tamen plurima, ut spero, discussa, atq;  
ad radium ac lucem protracta. Statuta firmataq;  
ac meritissimâ propositione pleraq; monstrata.  
Quod si inferni secreta non omnia penetrata, huma-  
næ conditionis indolem cogitari æquum erit. Nul-  
li eorum, qui maximis titulis amplissimas discipli-  
nas, quas nemo non suscipit, & professi sunt, & præ-  
stiterunt, hoc ita cessit. Districtior Censor si in-  
currat, multos *proniores ad reprehendendum sine ju-  
dicio, quàm censendum sine affectu esse cogitandum.*  
*Facilius, aliena redarguere, quàm ex suo ingenio repre-  
hensione majora proferre.* Nec statim collinear, qui  
promptius carpit: Nec melius dicit, qui acrius re-  
prehen-



prehendit. Cur autem Vestro, *Viri Amplissimi, Fau-*  
*tores eximii*, patrocinio præsens meletema Magi-  
cum delegatum, nec ratio è longo, nec excusatio è  
solicito petenda fuit. *Vterq;* à longe mihi notus,  
alter oculis, alter literarum commerciis. Honestis-  
simè *uterq;* de literis censet, ut quibus imbutus: ac  
literaria scemmata non potest non magnoperè æsti-  
mare. *Vterq;* benevolentia nexu singulari mihi de-  
vinctus: alter in ædes, alter in villarum amoenita-  
tes me invitans, mereri visus est cippum, ad quem  
professio ejus appenderetur. *Vterq;* prædià, distri-  
ctus colit, quævis argumenti occasio non infreqvens,  
Sagarum negotium, considerato dignum, ne eodem  
omnes ponantur ac parentur, sed distinctorum di-  
versa cura geratur. Eoq;, quò minùs grata tracta-  
tio futura sit, minimè dubitatio animum distringe-  
re debuit. B. V. *Viri Amplissimi, & scriptum*  
*animumq;* *Scriptoris solito favore suscipirote.*  
Gedani. E Gymnasio nostro. 18. Cal. Septembris.  
An. 1649.

VV. AA.

*Additissimus*

Henricus Nicolai, Prof. Gedan.



# Catalogus Exercitationum Tractatus

hujus.

- I. De existentia & appellationib. Magicarum actionum. Resp. *Israële Ackerbaum, Dantiscavo.*
- II. De definitione & principiis Mag. act. Resp. *Venceslao Gersono Brosio, Velcardiense.*
- III. De subjectis Magicis. Resp. *Samuele Schrôtero, Vngaro.*
- IV. De Exportatione & congressu Magico. Resp. *Christiano Nisanto, Dithmarso.*
- V. De Congressu & partu Magico. Resp. *Beniamine Osvaldo, Thur.*
- VI. De transmutatione Magica. Resp. *Christiano Storchovio, Dantisc.*
- VII. De actionib. Mag. in cœlum & elementa. Resp. *Christophoro Colbio, Regiomontano.*
- VIII. De actionib. Magorum in bruta. Resp. *Michaële Gervin, Mariaburgense.*
- IX. De actionib. Mag. in hominem naturalib. Resp. *Davide Ertmanno, Mariaburgense.*
- X. De actionib. Mag. magis moralib. agnitione & aversione, cognatis ac oppositis earum. Resp. *Christiano Omuth, Dantisc.*

## Index Capitum Tractatus hujus.

- Cap. I. De Magicarum actionum existentia & appellationibus, ac necessitate & utilitate doctrinæ hujus.
- II. De Definitione Magicarum actionum.
- III. De Causis & principiis Magicarum actionum.
- IV. De Effectis & speciebus Magicarum actionum, & primò, quæ in ipsis Magis eveniunt. *AA. VV.* (prognatis.
- V. De Sagarum cum Sathanâ congressu, partu, & liberis inde
- VI. De Magorû transmutatione in lupos, feles, aliâq. bruta anim.
- VII. De actionibus Magorum in alia à se, & primò in insensata, cœlum & elementa, mineralia, vegetabilia.
- VIII. De actionibus Magorum in Corpora sensata, ut animalia, & primò quidem in bruta.
- IX. De actionib. Magorum in hominem, & primò magis naturalib.
- X. De actionibus Magorum in hominem magis moralibus.
- XI. De affectionibus Magicarum actionum.
- XII. De Cognatis & Oppositis Magicarum actionum.



D. O. M. A.

## DE MAGICIS ACTIONIBUS,

Earum principiis, attributis, effectis, specie-  
bus, probationibus, & punctionibus,

### TRACTATUS SINGULARIS,

#### CAPUT I.

De Magicarum actionum existentia, &  
appellationibus. Ac necessitate & u-  
tilitate doctrinæ hujus in Ecclesiâ,



QVOD in ore sapientum ac insipien-  
tum, Philosophorum & indoctorum, frequens  
ac diu magnum querela argumentū suppeditat,  
in exiguum ævi mortales hodiè gigni, nec  
annorum numero antecessoribus respon-  
dere: Scientiâ item, artibus, sapientiâ, & judicio, longè à  
priscis superari, ac tam ætatis numero & robore, quàm ingenio  
hodierna tempora in decrementa ire: Id nec absq; ratione for-  
tassè dolorem cieat, nec sine experientiæ approbatione asserti  
videatur. De ætate & sapientiâ tritari quidam, ac hodiern-  
a tempora Veteribus contendere præsumunt, Vt Jonstonus in  
Naturæ constantiâ, de Virtutibus etiam Puteanus l. 1. hist.  
Medicæ, nostra secula priorib. equiparat: Præter commu-  
nem tamen consensum rei huic applaudentem, & experi-  
entia Veri testimonio prælucebit. Nam & rariora in bo-  
nis hodiè, ac olim sunt, Ætasq; parentum pejor avis tulit,  
nos nequiores, mox daturos progeniem vitiosiore, ut

A

Lyri-



Lyricus l. 3. Od. 6. lamentatur: Et quæ ætatis hominum ex recente ævo adscribuntur, nunquam in eum numerum ascendent, ut antediluvianorum Patriarcharum annis respondere queant. Ingenio autem nos à priscis vinci è multis elucere debeat. Nam & artium plerarumq; illi inventores, nos excultores, saltem & usurpatores: Et fundamenta illis debemus, quibus nos superstruximus: Et linguas ab illis didicimus, quarum illi auctores & excultores primi: Et si singularem inductione confirmatio subnasci debeat, ex Hebræis Adami, Moïsis, Davidis, Salomonis, sapientiam nemo hodiè sibi arrogare audeat, ex Græcis Aristotelis, Platonis, Socratis, Plutarchi scientiæ nullus par esse queat: Ex Latinis Senecæ, Taciti, Curtii, Ciceronis, Varronis, prudentiam ac eloquium nemo hodiernorum assequatur, ut omnia priscis illustriora concedere necesse fuerit. Quibus frequentia Philosophorum lamenta adiciamus de quibus Dec. 2. Misc. d. 2. t. 1. actum. Et Scriptura non abscondit Sap. 9. v. 16. Sir. 42. v. 23. seq. Quæ cum passim in Naturæ rerum se prodant: Circa immaterialia tamen agnoscenda in primis vera observantur. Hic veritas in Democriti puteo demersa est, multumq; laboris exhauriendum, si ad solidum penetrare destinatum fuerit. Non facile quippe in intellectu est, quod in sensu nostro non est. De spiritu facilius, quid non sit, quam quid sit, dicere licebit. Ac spiritualia non nisi per analogiam corporeorum concipimus & intelligimus. De ipsis substantiis immaterialibus, in quibus potiores angeli, alibi in Michaëlibus actum Nobis. De operationibus quarundam, ut malarum Intelligentiarum, multa ac scitu digna in questionem venire posse citato Tract. t. 7. diximus, ac peculiari Tractatu Nos quadam deducturos promissimus. Cumq; olim Wittebergæ Anno 1623. Disputatio de magicis actionibus à Nobis habita fuerit, quæ bonam operationem



rationum partem, quæ à malis gentis per Magos expediri existimantur, complexa est. Eam iteratæ revisioni subicere, & pleniorè Tractatu expeditam universam istam materiem dare constituimus. Inprimis quòd & iteratâ editione disputatio ista nobis non scientibus in publicum à Typographo data fuerit, Cum si scitum istud fuisset, melius ac plenius quadam pertractare licuisset. Et ab quodam Ab. Lehmanno tertiâ vice penè tota descripta, & pro suâ Wittebergæ Anno 1636. exposita sit, Quod similiter nec scitu, nec approbatu nostro obtigit. Itaq; argumētum istud ex proprio jam demensum BONO CUM DEO exhibeamus.

2. Primum, quod in Tractatione rei antepcni solet, est quæstio, An res detur? De actionibus ergò Magicis similiter quaratur, An verè existant illæ, adeoq; an Magi Diabolici verè existant? Negari enim hoc à quibusdam, l. 8. patebit. Dari autem eas, h. e. actiones à Sathanâ ut primo authore in hominibus profectas, probatur Scripturâ & Naturâ. Scriptura l. Exemplis hominum tales actiones exercētium, ut Magorum Pharaonis in Ægypto, qui similia miraculis Moysi in convertendis baculis in serpentes patrâsse leguntur, Exod. 7. v. 11. 12. 22. C. 8. v. 7. Quod nec vi Naturæ patrârunt, Ejus enim mutatio in nonnullis planè non hic procedit, in nonnullis nonnisi cum diuturnâ morâ & alteratione, qualis hic interuenire non potuit, Cum celeriter ad imitationem Moysi & Aaronis, ut eorum miracula extenuarent & suspecta coram Rege redderent, omnia expedita fuerint: Nec virtute DEI extraordinariè illis commissâ, ut Calvinus in h. l. vult, Sic enim non Moysi & virtuti ejus restitissent, quod facere eos voluisse certum est, 2. Tim. 3. v. 8. Et per incantationes Eos id fecisse dicitur, v. 11. 22. & 7. cit. loco. Quibus invocatus demon adfu-



it, resq; eas expedit. DEI autem virtus non per incantationes procedit. Quod si DEUS author draconum etiam apud Magos fuisset, secum ipso pugnasset, & tam mendacii per Magos, quam veritatis per Moysen testis apud Pharaonem fuisset. Tam enim Magorum, quam Moysi opus sigillo sibi proprio, miraculo aliquo obsignasset. Quod absurdum & impium: Et si per præstigiis saltem oculos spectantium eluserint Magi, ut non veri serpentes fuerint, sed quasi essent, saltem apparuerint, & larvæ ac umbræ Dæmonum fuerint, ut Nysenus, Prosper, Justinus, Rupertus, Tertullianus, Et ex novellis Jacobus Rex l. 1. Dæmonol. C. 6. aliiq; volunt: siue veros serpentes in locum baculorum amotorum substituerint, ut Augustinus, Theodoretus, Lyranus, Tostatus, Brugenſis, & alii sentiunt. Vis & potestas, quæ agerunt, non DEI, sed alterius cuiusdam fuit: Nec virtute angeli boni per Eos agentis, hic enim Deo ejusq; virtuti per Prophetas suos agenti non resistere, sed se submittere solet, nec vanitatem & mendacia confirmare, ut hi Magi fecerunt. E. vi angeli mali, h. e. Sathana ista patrârunt. Sed qui ejus vi agunt, Magi & incantatores sunt. E. & tales actiones sunt, quas Magicas vocamus.

3. Similiter Bileami Pseudoprophetæ exemplo, quem Magum fuisse, & Magicis actionibus operam dedisse, et si Evgubinus, Eucherius, Drusus, Calvinus, aliiq; negent, ex textu tamen toto, Num. 22. 23. 24. manifestè probatur, & C. 24. v. 1. apertè in occursum auguriorum antea juisse dicitur, h. e. ad auguria à Sathanâ petenda, ut eorum ope Israëlitis maledicere posset. Ita & 7. altaria ipsi Baal extruxit eiꝯ immolavit, C. 24. v. 1. Israëlitis maledicere intendit, sed Deus pro Diabolo occurrens invitum benedicere cœgit, C. 22. v. 22. 35. C. 23. v. 5. 7. 8. In mercede iniquitatis beneplacitum habuit, 2. Pet. 2. v. 15. Et



## Exercitatio I.

5

*Et scandalum fornicationis ac idololatriæ in Baal'Peor Israëlitis objecit, C. 25. v. 1. 2. C. 31. v. 16. Quod DEI Prophetæ facere non solent, qui ab omni malo abstinere jubent. Unde & stolidis Prophetis, qui erroribus viam apperunt, 2. Pet. 2. c. 1. annumeratur: Et jussu postea ab Israëlitis occisus fuit, Num 31. v. 8. 16. Quæ omnia in Dei Prophetas non quadrant. Quare impium Prophetam & Ariolum eum fuisse necesse est, qui sceleribus suis tantum Dei nomen prætexuit, cum reverà Sathanam auctore sua moliretur, ut pluribus in Numeris disceptari solet. Item Exemplum Mulieris Pythonicæ Sauli umbram Samuelis representantis huc facit, 1. Sam. 28. v. 7. 8. seq. Quæ Sathana vi totum id peregit, quod expedivit, sive verum Samuelem produxerit, ut multi inter Papistas volunt, sive spectrum tantum & larvam ejus speciem representantem, ut varii Patres multiq. inter ipsos Papistas verius sentiunt, ut Tract. d. Multipræsentia t. 108. dixi. Unde & isto capite ita describitur, ut pythónico spiritu præditam fuisse constet, prout Hebraum אֵלֶּיךָ pythoneum notat, qui per illicitos modos responsa præbet, & ipsa Dominus ejus aliquoties vocatur.*

4. *Nec sufficit effugium, Saulē totum capite perturbatum, fame inediaq. confectum fuisse, eoq. omnia per phantasiā saltem ut umbras, objecta fuisse, nihil veri ac solidi in se habuisse, nec Deum concessurum, Et in formā sanctorum suorum Diabolus appareat, quo nonnulli apud Jacobum Angliæ Reg. L. 1. Dæmonologiæ C. 1. utuntur. Nam etsi verum est, spectrum Sathanicum Samuelis speciem mentitum, non autem ipsum proprium Samuelem apparuisse, ut c. 1. de Multipr. ostendi: Verè tamen illud apparuit, Sauliq. visum, verè cum eo locutum est, exitumq., quem probabiliter ex historia circumstantiis, variā ac diuturnā experiētiā, nativā ingenii sagaci-*



tate, scire potuit, prædixit, verè etiam à Saule pro Samuelis specie, qualem ille virus gesit, agnitum fuit, ac Diabulum se in angelum lucis transformare certum est, 2. Cor. II. v. 14. Quidni species sanctorum permisu Dei ad tempus representare possit? V. C. 4. t. 23. Et si id Deus permisurus non sit, ut suum populum seducat; sed eos tantum, qui se ipsos sponte propria circumveniunt, qui voluntariè in proprios laqueos currentes incidunt, & quia veritati locum dare renuerunt, validis erroribus ac mendaciis iusto Dei iudicio implicantur, 2. Thes. 2. v. 11. Ita Simonis Magi exemplum manifestum est, qui Samaritanos prestigiis Magicis detinuit; ut magnam Dei virtutem ipsum esse existimarent, Actor. 8. 9. Qui expresse μαγεύειν, v. 9. Et τὰς μαγείας ἐξουσίαν, Magicis actionibus dementasse Samaritanos v. 11. dicitur, Quod exemplum effugius eludi non potest. Verè enim Sathanae artibus ille operam dedit, usq. Samaritanos occæavit, ut divinâ vi eum talia patrare existimarent, Quod & Ecclesiastica historia de eo testatur. Sic & Act. 13. v. 6. 8. Elimæ Magi mentio fit, Qui utroq. versu expresse μαγῶν appellatur. Act. 16. v. 16. puella refertur, quæ spiritum pythonicum habuerit, & Dominis suis vaticinando magnum quæstum attulerit, quod Magicum quid fuisse necesse est. Act. 19. v. 19. quorundam mentio est, qui curiosa sectati fuerint, librosq. comportarint, & publicè ignibus subjecerint. Vbi etsi per curiosa quidam transmutationes Chymicas, ut Mariana, aut Astrologicas prædictiones intelligere velint: Communissimè tamen Magicæ artes illis notari solent, quæ verè curiositates sunt, Et Ephesi frequenter eas exercitas fuisse Hieronymus præfat. Ep. ad Ephesios testatur. Ita Apollonius Thyanæus publicè Magiam ibi docuit, ut Philostratus l. 4. de vita ejus tradit, Et proverbium, Ephesia grammata, vel notæ  
inde



unde ortum est, pro signis Magicis, quibus ad victoriam obtinendam, pericula depellenda, Demones pellendos, uterentur, ut Plurarchus l. 7. Symp. q. 5. Et Eustath. in Odysf. φ. testantur. Ita Patres communiter, Chrysostomus, Oecumenius, Beda, Eusebius l. 3. demonstr. C. 8. aliique. Unde & Syrus Magos vertit, Multi à Magis venerunt, &c.

5. 2. Scriptura magicas actiones dari testatur interdictis de illis sectandis, puniendisq. hominibus, qui illis utuntur, ut Exod. 22. v. 18. Lev. 19. v. 31. C. 20. v. 6. 27. Deut. 18. v. 10. II. Non autem Scriptura ullum peccatum interdicat, quod non detur in mundo, nec execrationem umbris saltem aut phantasiis imponit, quæ reipsa in propriis existentibus non dantur, sed illis, quæ essentialiter mala sunt, & revera in rerum natura existunt. 3. Intet cœtera peccata & incantationum ac Magicarum actionum scelera adducit & commemorat, Vt Psal. 58. v. 6. Gal. 5. v. 20. Apoc. 9. v. 21. C. 21. v. 8. C. 22. v. 15. Sic inter peccata Isebel incantamenta recensentur. 2. Reg. 9. v. 22. Israelitarum, C. 17. v. 17. Manassis, 2. Chron. 33. v. 6. Babylo-  
niorum, Esa. 47. v. 9. 12. Edomitarum, Moabitarum & Am-  
monitarum, Jer. 27. v. 9. Et Magicis actionibus inobedientia assimilatur, 1. Sam. 15. v. 23. Non autem peccatum assimiliari potest peccato, quod prorsus non datur in natura: Similiter Deus minatur se incantatores extirpaturum, Mich. 5. v. 12. Malach. 3. v. 5. Quod etiam fieri non posset, nisi tales verè alicubi existerent. E. Magicas actiones ex Scriptura testimonio omninò dari necessum est.

6. Ex naturâ Magicas actiones esse probatur partim ratione, partim experientiâ & autoritate. Ratione I. Si dantur mali genii, dabuntur & actiones per eos expeditæ. Ope-  
rosi enim illi sunt. At illi dantur, ut ex operationibus obses-  
sum.



rum immotè in Michaël t. 3. ostensum. E. & actiones eorum dantur. Et consequenter & Magica, quæ extra naturæ circum procedunt. 2. Quia Diabolus perpetua Dei in agendo simia est, ejusq; actus passim imitari cupit, ut ex Idololatriis gentilium & Iudeorum, variisq; ritibus, ceremoniis, sacrificiis, & vaticiniis apud gentes & Iudeos patet. V. C. 3. t. 19. Sed Dem mira interdum per suos seruos expedit, ut miraculorum exempla docent. E. & Diabolus incantamenta, præstigias, & similia per suos homines perficiet. At talia actiones Magicae sunt. 3. Quia si actiones ex nullæ sunt, frustra leges civiles cõtra eas latæ sunt, frustra actionũ talium authores inquiruntur, ad judicia sistuntur, damnantur, exterminantur. At plena sunt leges tam civiles, quàm municipales de illis, plena fora & judicia de magorum processibus, quæ frustra à prudentib. occupari imprudens asseritũ erit. 4. Quia actus Sagarum, in quantum tales sunt, ut fascinare, incantare, ad montem Bructerorum per aërem subito exportari, tempestates ciere, de furtis, occultis, rebus remotissimis, quæ in aliis terris geruntur, thesauris abstrusis & ignotis, responsa dare, scientias sine labore statim acquirere, ignotis linguis, quas non didiceris, loqui, corpus oculis præsens in momento subducere, aliudq; substituere, vel actus naturæ humanæ, vel peculiaris artis, vel potestatis divinæ, aut angeli boni, vel deniq; Sathanici sunt. Plura enim agendi principia in hoc negotio dari non possunt. Sed non naturæ humanæ, ejus circum multa istorum actuum supergrediuntur, ut patet: Nec peculiaris artis, quia Magia Sathanica in artium numerum non est recipienda, ut C. 2. t. 4. seq. patebit: Nec potestatis divinæ, aut angeli boni, quia multa impia hic, ut incantamenta, fascinationes, præstigia, & elusiones, qualia à vi Dei aut angelo bono non proficiuntur. E. à peculiari aliquâ intellectuali naturâ, quæ alia, quàm



quàm Sathana aut angeli mali esse non potest, & sic à potestate Sathanicà ortum habent, ut C. 3. l. 3. pluribus patebit. At qui actus inde proficiuntur, Magici vocari solent. E. & hos dari necessum est.

7. *Experientià Magicas actiones dari probatur variis exemplis prestigiarum, incantationum, & similium, Et C. 2. 3. seq. patebunt. Item exemplis Magorum, Sagarum, lamiarum, strigum, quarum gesta integris libris quandoq. descripta sunt. Sic Philostratus gesta Appollonii Thyanei Magi, Wagnerus Johannis Fausti prestigiatoris, alii aliarum descripserunt. Sic Wierus, Bodinus, Delrius, Cigogna, Remigius, aliq. in suis scriptis de Magicis rebus, Zvingerus & Beyerlingius aliq. in theatris suis varias historias & exempla Magicarum rerum recensent, ut t. II. patebit. Etiam hodierna experientia Sagarum, lamiarum, Magorum, prestigiarum, & veneficorum exempla suppeditat. Anno 1644. Quia hac commentati sumus, studiosus aliquis in Academià Gryphiswaldensi in Majo securi percussus est, quòd Magicas res discipulos suos addocere ausus esset. Anno 1627. 28. ingens Magorum & Magarum numerus in Episcopatu Bambergensi, Herbipolensi, Moguntinensi, exustus est, ut & Canonici, Cancellarii Episcoporum, eorum uxores, filii & filie totaq. penè oppida simul ob nefaria gesta Magica exusta fuerint. Ac omninò frequens Magorum & Lamiarum apud omnes ferè gentes & mentio & sententia, ut vix populus aliquis sit, qui non in eam sententiam consenserit, Magos diabolicos omninò dari. Hoc enim & Europæi, & Asiatici, & Africani, & Americani pleriq. consentunt. Autoritate Magicos actus dari probatur partim gentilium, ut Trismegisti, Pythagoræ, Platonis, Pselli, Plotini, Jamblichi, Procli, Chalcidii, Apuleii: Ex Peripate-*



ticis Aristotelis lib. de mirab. aud. Theophrasti, Ammonii, Philoponi, Avicennæ, Algazelis, quos adducit Cigogna l. 4. d. Magia, C. 2. Ex Poëtis Virgilii in Pharmaceutria, seu Ecleg. 8. Hor. Epod. Od. ult. Et lib. 1. serm. sat. 8. Sen. in Thebaide, Statii, Homeri apud Cigognam c. l. Lucani l. 6. d. bello Civili, Ex Historicis Plinii l. 25. Nat. hist. C. 9. l. 26. C. 4. Plutarchi lib. d. invid. & od. Et lib. d. Socr. genio, Philostrati. de vitâ Apollonii, Ex Oratoribus Ciceronis l. 1. d. nat. Deor. & aliorum, Partim Christianorum, ut Clementis Alex. l. 2. & 4. Recogn. Augustini in lib. d. Ciu. D. Et l. de divin. Dæmonum, Hieronymi variis in locis, Irenæi etiam, Justinii Martyris, Eusebii, Sulpitii Severi ap. Delrium præf. disquis. Magicar. Et aliorum, qui de rebus Magicis libros scripserunt, qui t. 11. narrabuntur.

8. Oppositum hic Nonnulli senserunt, & Magicas actiones dari negarunt, omniaq; quæ de illis narrantur, fabulosa censuerunt. Ita Plinius l. 30. c. 2. Magiam, quæ nulla est, inquit, Tyridates Neronem docere non potuit. Similia l. 26. C. 4. habet. Petrus de Apono Medicus spiritus nullos esse censuit, eorū & Magicos actus negavit. Quidam Guilielmus Linensis Theologus eò se Sathana obligatum fuisse fassus est, ut publicè concionaretur, fabulam esse, quicquid de Magis predicetur. Toleti, ubi Magorum Schola habitavit, fuerunt, qui effusè riserunt, cum de Magis quæstio aliqua habita est, totumq; fabulam dixerunt, quicquid de Magis diceretur. Similia Alciatus & Neopolitanus quidam, Conservator dictus, censuerunt. Ut de illis omnibus Bodinus præfat. Dæmon. testatur. Quidam Corn. Callidius Gudanus idem sensit, & publicè Treviris recantare coactus ut, ut Delrius append. l. 5. Et eodem lib. f. 4. tradit. Qui spiritus & angelos esse negaverunt.



verunt, ut Sadducæi, Epicurei, Athei, Democritus Abderites, Bernh. Rîsvvich, & similes, de quibus in Michaëlib. t. 3. egi, etiam Magicas actiones consequenter sustulerunt, harum enim primi motores angeli mali esse debent, ut C. 3. t. 3. patebit. Cardanus l. 15. de rer. Variet: de lamiis ait, Qui natura principiis insistent, talia ut fabulosa irradient. Ita magna dubitatio de his orta, aliis censentibus, eas esse, aliis negantibus. Qui illas esse affirmant, in medium experimenta adducunt, & confessiones Sagarum, & eventus à confessione non dissidentes: Ipse pleragq. plena vanitatibus, mendaciis, repugnantia, inconstantiagq. censet. Dices: Multa, qua de Magis dicuntur, fabulosa sunt, ut postea C. 4. t. 2. patebit. Et Diabolus mendax à principio, & Pater mendacii est, Joh. 8. E. quicquid hic per Magos agit, vanum & mendax esse probabile est, & totum hoc negotium fabulosum erit. R. Neg. Consequentia. Falsa veris intermissa esse possunt, ut non statim negotium totum falsum esse cogatur. Et sic in hac materiâ est. V. C. 1. t. 10. 15. Diabolus Pater mendacii est, sed non ut semper tamen facto mentiat. Quandoq. enim vera dicere potest. Sic cum Christum Dei Filium confesus est, Matth. 8. Marc. 1. & 5. Etsi ex Circumstantiâ aliquâ mali quiddam hic adjunctum esse potuerit, ut in Michaël. t. 68. dixi. Primus ipse mendacium in orbem introduxit, & sic Pater ejus est: Salvo eo verum quandoq. dicere potest. Sic omnis homo mendax, Psal. 116. v. 11. Rom. 3. v. 4. h. e. ad mentiendum pronus, ut quandoq. tamen non mentiatur, sed verum dicat. Cretenses semper mendaces, Tit. 1. v. 12. ut quandoq. tamen verum dicere possint. Sic furaces quandoq. non furari, bibaces quandoq. non bibere possunt, sed temperare.

9. Ostensum, verè Magicas actiones dari, non ex toto commentitias esse. Jam in re, non ratione dari, h. e. in na-



turâ rerum realem suam existentiam habere in ipsis actibus & Magis ope demonis patratis, non in mero intellectu cogitari totum esse habere, ut aliud præter illud nullum habeant, facile simul patet. Omnis enim actus verum & reale esse in ipso agendo habet, non merè, ac si haberet, cogitatur. Magicus autem actus est actus. E. & is in eo verum esse habebit. Tercio loco quaeritur, ubi actiones magicæ considerandæ veniant? Spectari possunt, vel prout à primario suo principio oriuntur, Sathanâ, qui dux, author, & primus motor earum in magis, sagis, & lamiis est, interdum realiter id perficiendo, quod magi perficiunt, interdum oculos spectantium perstringendo, vel cerebrum & phantasiam magorum eludendo, ut præstare, videre, tangere se videantur, cum delusoria omnia sint, & nihil realiter eveniat, ut C. 4. 5. 6. pluribus patebit: Ita ad eam disciplinam pertinebunt, in quâ angeli mali natura discutiuntur, omniaq; ejus effecta, si vera s. delusoria sint, consequenter representantur, quæ Pneumatica s. doctrina de spiritu ut sic hodie est, Quomodo Alstedius in Pneumaticis p. 3. C. 7. 8. 9. varia de illis habet. Alii in Angelographiis peculiariter ea deducunt, ut Casmannus, alii in Pancosmiis, ut Patritius: Vel prout per homines expediuntur, in hominibus ipsis tam sagis, quàm aliis, circa quos illæ agunt, perficiuntur, ut deportationes nocturnæ, animalium transformationes, sexuum mutationes. Ita ex parte ad Physicam reduci poterunt, subjecta enim motui locali aut mutationibus subjacentia corpora naturalia sunt, quæ hactenus ad Physicam jure remittuntur, motusq; ipse sæpius hominibus violentus est. Violentum autem naturale supponit, & ad id revocari solet, 5. Phys. C. 6. t. 57. Vel interventu variarum rerum Physicarum, ut herbarum, metallorum, mineralium, succorum, amuletorum, periaptorum, eveniunt, ubi agen-



ria passivis interdum à demone & magis applicantur, & medicantibus illis effecta quadam per Physicas rerum virtutes expedituntur, & Physicae virtutes jure ad Physicam referuntur.

10. Vel quatenus morbi varii, veneficia, incantamenta, fascina, per illas immittuntur, aut immissa sanantur & solvuntur, ita ad Medicinam aliqua de illis pertinebunt, unde in Medicinis Practicis etiam de morbis Magicis & per maleficia immisissis tractari solet, modique cognoscendi & curandi illos praescribi solent, V. Sennertum l. 6. Pract. medic. par. 9. Amatum Lusitanum Gen. 6. Cur. 87. Zacutum Lusit. l. 5. prax. mirab. c. 134. Ubi Codronchium, Langium, Fernelium, Gemmam, aliosque Medicos allegat. Sic & Paracelsus de morbis à maleficio curandis tradit l. d. occult. Philos. lib. de coelesti medicina, lib. d. vitæ longæ, Philos. magnâ, morbo caduco, de curand. morbis hyperphysicis, & alibi. Vel quâ actus isti constitutis legibus prohibentur, in Magos ac Sagas certa pœna constituuntur, Magi inquiruntur, & deprehensi meritis suppliciis subjiciuntur. Ita ad leges partim divinas, partim humanas, easque & civiles & publicas, vel jus publicum ut vocatur, practicas Criminales, & Thesauros practicos juridicos pertinent. Sic in lege divinâ leges contra Magos sunt, V. t. 5. In iure Canonico, Civili, & Criminali similiter contra eos edicta tota sunt, ut ex Codice, Caroli V. peinlich Hals Gericht Ordnung & similibus libris patet. Hoc modo ad Theol. & Jurisprudentiam magici actus pertineant: Vel ut justo judicio à Deo permittuntur, in castigationem, penam, probationem aut simile quid hominibus immittuntur, & ad certos hominibus salutares fines diriguntur: Ita similiter ad Theologiam in loco de providentiâ, gubernatione Dei circa homines, peccata, & similibus pertinere poterunt: Vel ut variis quantitibus, Characteribus, si-



bus, figuris, numeris, aut ridiculis ceremoniis interdum constant, Ita vel ad Metaphysicam doctrinam de quantitate, ubi an ejus in se aliqua efficacia esse possit, disquiri solet, vel ad Medicinæ partem referri debeant, in quâ an. characterum, sigillorum, Imaginum, verborum, & similium, virtus aliqua esse queat, disceptatur: Vel deniq; ut varia de illis in questionem venire possunt, quæ non uni præcisè discipline addici queant, sed partim Physicæ, partim Pneumaticæ, partim Theologicæ, Juridicæ, aut Medicæ esse possint, prout & materia hæc partim à Philosophis, partim Theologis, partim Iuris & Medicis tractata prostat, ut t. II. patebit, ut omnes facultates aliquam Magicarum actionum partem decerpserint, & suæ professionis eam esse existimaverint.

II. Cum variè Magicos actus spectari, eorū variis disciplinis ex parte inferri posse dictum sit, etiam ex omni ferè facultate Authores quidam de iis nonnulla tradiderunt, quorum syllogem aliquam inter præcognitionem Magicarum actionum ordine pertexuisse non inutile in materiâ hæc futurum est. Quod in simili Nos jam olim fecisse patet ex d. 7. Dec. 2. misc. t. 2. de resistantiâ generali, Et dec. 3. misc. d. 1. t. 28. Vbi Ethici scriptores enarrati. Ex Theologis Delrius in libris 6. disquisitionum Magicarum, Thyreus de dæmoniis & spirituum apparitionibus, Pererius de Magiâ, Danæus de sortariis, Vallicus dial. d. Lamiis, Lauaterus de spectris, Bullingerus de sagis & veneficiis, Thummius diss. d. magiâ, Saurius & Frisius de sagis, Victoria de Magia, Laur. Ananias de naturâ demonum, Sylvester de strigibus, Alph. d. Castro in opere de punitione hæreticorum, Stumphius wieder die Zauberer, Hamelmannus & J. docus Hokerus de Diabolis libro German: der Teuffel selbst, Sprengerus in malleo maleficarum.



carum, ubi & varios aliorum de ista materiâ tractatus compo-  
tat, ut Nideri *Formicarium de maleficis*, Basini d. *artib. magi-  
cis*, Mengumii *flagellum daemonum*, Gersonis, Murneri, Fe-  
licis Malleoli, Barth. de Spina *questionem de strigibus*, &  
*Apologiam*, aliorūq; Trithemius Abbas *de lamiis & sagis*,  
Binsfeldius *de Confessione maleficorum*, Et Commentario In  
Codicem l. 9. de malefic. & Mattheus Samsoni<sup>9</sup>. *Heo-  
renpredigten / Meyfarti Erinnerung von Hexerey / Scul-  
teti vel potiùs Ant. Prætorii, Cujus Tractatus esse putatur,  
Bericht von Zaubererey / Neuvaldus c. Scribonium d.  
probatione Sagarum*, Anonimus aliquis *examine Epistola &  
Physiologia Scribonii de Sagarum probatio*. Thomas l. 3. c. gen-  
ter C. 104. Et in part. I. Th. Schol. ubi *Commentatores ejus  
ad istam partem etiam de demonum actionib. nonnulla proponere  
solent, ut Valentia, Tannerus, aliiq; T. I. disp. 4. & 5. Inter-  
dum & in scriptis de Casibus conscientie aliqui horum inter-  
spergi solent, ut ex Balduini, Amesii, Alstedii, Brochmandi  
aliorumq; casibus consc. videre est. Ex Jctis, Politicis, &  
Philosophis Jacobus Anglia Rex in *Damonologia*, Lerchei-  
merus in *Bedencken von Zaubererey* / Johann. à Mynster  
von *Gespänsten* / Bodinus in *Damonomania*, Remigius in  
*Dæmonolatria*, Cigogna in *Magia omnifaria*, Lichten-  
bergius *de sagis*, Varii Jcti in responsis Germanicis *de Ma-  
gis*, Goedelmannus *de magis & veneficis*, Boisardus *de divi-  
natione & magia*, Tholosanus l. 34. Syntagm. per totum,  
& l. 13. d. Republ. C. 25. 26. seq. Althusius *Dicæologiæ* C.  
102. Hen. Grossius in *magicis historiis*, Torreblanca *de sagis*,  
Zvingerus Vol. 5. l. 4. Apuleius in libr. *Metamorphosion*,  
Beyerling l. 12. *Polyanthæ, Voce Magia*, Hildebrandus in  
*Goëtia & Theurgia*, Ulricus Molitor *dialog. de lamiis* in T. 2.*

Mall.



Mall. Malefic. Ex Medicis Wierus d. præstig. demonum, Euvichius de lamiis, Biermannus disp. de magicis actionibus, Erastus de sagis, Pomponatius de incantationibus, *Magica pertractaverunt.*

12. Ita Præcognitis circa magicos actus expeditis nominum aliqua ratio habenda, priusquam ad rem ipsam explicandam descendatur. Idq. distinctè per ambiguitatem, derivationem, & Synonymiam. Ambiguitas est, quâ Magicus actus interdum pro actu secretiori naturalis notitiæ sumitur, Quomodo Magiam aliquam Naturalem licitam & genuinam esse certum est, quæ secretior pars Philosophiæ est, quâ per occultam Naturæ & Sympathiarum ac antip. in eâ, modiq. convenientia rebus applicandi notitiâ mirabilia sciri & perfici possunt, quæ ignorantibus Sathana vi peragi videantur, ut cum Chymici artis suæ beneficio metalla transmutant, morbos transplantant, morbos difficiles facile tollunt, plantas è seminis per artem elaboratis producunt, quomodo libri de Magiâ naturali prostant, ut Baptiste Portæ, Hildebrandi, & aliorum, ut mirum sit, prorsus eam ab Erasto in p. i. disp. con. Paracelsum negari, Cum & communis Philosophorum sententia contradicat, & rem ipsam dari exemplis Magorum naturalium ac in secretioribus Naturæ versatorum doceri possit, de quibus postea: Interdum pro actu virtute Sathanicâ producto. Et hoc modo vel generaliter pro prestigatorio vel incantatorio sumitur, ubi vel prestigiis ac fallaciis saltem luditur, vel res ad usus aliquos incantantur, ut herbae, radices, serpentes, nihil autem noxæ frugibus, hominibus, aut jumentis infertur, Quomodo agrytæ serpentes incantant, ut ad usus suos innoxie eos tractare possint: Vel specialiter pro eo actu, ubi præter fascinationes, prestigias, incantationes, & maleficia ac veneficia ope diaboli exercentur, quibus damna variis rebus  
infe-



inferuntur. Quomodo hodiè Magos, Sagas, lamias, eos vocamus, qui maleficiis nocere possunt, eisi certo modo & inter voces istas discrimen sit, ut t. 14. 15. patebit. Quibus duobus postremis modis magnam partem hoc Tractatu sumetur. Interdum Magicus actus specialissimè is dicitur, qui à Sathanâ ipso ex se sine interventu hominis aut Magi expeditur, ut cum in malis operibus operas inter Diabolos partitur, homines obsidet, ut princeps aëris in aere tumultuatur, dānatos in inferno cruciat, &c. Quomodo ad doctrinam demonum pertinet, & in Michāelibus nonnulla tacta sunt, t. 65. seq. Et huius loci propriè non est, cum tales actus hic intelligantur, qui interventu Magorum aut in illis à Sathanâ expediuntur. V. C. 2. t. 3. Scaliger ex. 327. triplicem Magiam facit, unam infimam, sœdam, ac sordidam, Necromanticam: secundam naturalem, quæ ex astris vires in specula, sigilla, annulos, tabellas, deducat: Tertiā divinam, Quā Christum promissum illum Iudeorum regem natum fuisse Magi ex Oriente cognoverint. Tholosanus l. 34. Syntagm. C. I. n. 7. Magum apud Celtas etiam domum notare ex Piccardo annotat, quod Samathes Magi filius apud eos regnārit, ibiq. multa oppida exstruxerit. Inde & appellationes Urbium quarundam, Vt Juliomagum, Rothomagum, Cæsaromagum, Noviomagum, quasi Iulii domus, Cæsaris domus, &c.

13 Derivatio Vocis Magici à Magus & Magia est, quæ voces priscis temporibus honoratissimæ fuerunt, Magia contemplationem, sapientiam, & scientiarum interpretationem, Magus sapientes ac Sacerdotes, Philosophos & Theologos Persarum notavit, quorum institutioni Rex Persarum erudiendus traditus est, Vt Apuleius Apolog. I. testatur. Vnde & nomen Magi ipsis regibus Persarum attributum est, ut Cicero & Peuce-  
rus de divin. tradunt. Deinde & ad omnis generis sapientem



vox traducta, & magus quemvis sapientem notavit, quomodo Adamum, Noachum, Salomonem, Magos vocant. Vox Magi Scythiis adificatorem, Persis sapientem & Sacerdotem, Græcis speculatorem notat, ait Coelius Rhodigin. l. 5. C. 42. Postea cum progressu temporis ad vanas artes Magi converterentur, occultas vias & divinationes sectarentur, illicita licitis admiscerent & confunderent, Magia & Magi nomen ad Eos transferri cepit, qui fœdere cum Diabolo facti illusiones aut maleficia exercerent, illudq; apud vulgus odiosum fecit colluvies impostorum, propter Smerdis proditionem ac invidiam diu insensum, ut Scaliger c. l. verba sunt. Vox à Persis & Chaldæis ad Græcos & Latinos manavit, ut hodiè vulgarissimus ejus usus apud eos obtineat. Apud Herodotum vox Magi vox nationis est, quæ olim Mediam inhabitavit. Apud Epiphanium vox gentilitia hominum ex Arabia quadam regione est, quæ Magodia vocetur. Sed nec ista regio uspiam ab aliquo notata aut descripta extat, nec derivatio quadrat, nam Magodius dicendum, nec similis analogiæ exemplum reperitur. Apud Græcos μαγωδία mimica assimilatio, & μαγωδός mimicus assimilator est, qui utriusq; sexus personas assimilare novit. Quidam Græcam vocem esse volunt, ut Author Etymologici, Eustathius, Rabbinus aliquis, Author Aruk, & alii, unde à μάγῃ, pingo, subigo, derivant, & μαγὴ mensa, tripus, vel instrumentum coquinarium, unde perimaçtæ vilissimi homines dicuntur. Sed Græcis authorib; ut Homero aliisq; vox planè ignota est, & Herodorus, Strabo, Xenophon, Suidas, Plato, Laërtius, aliq; Persicam vocem esse observant, inde ad Græcos & Latinos traducta. Et Græci cum de Persicis rebus magum dicunt, sapientem notant: Cum de Græcis, maleficum & incantatorem. Unde μαγέω καὶ μαγεύω, t. 14. Ab Hebræo מַגִּיד sapientes, meditabundi, deducipossit, quod est ab מִתְיָדֵי meditati sunt, volutavit.



Autavit. Plinius l. 30. c. 1. Magiam primum à Medicinâ natam ait, salutare specie irrepsisse, velut altiore sanctioreq; aliquam medicinam. Postea promissis suis addidisse vires religionis, & artes Mathematicas miscuisse, nullo non avido futura de sese sciendi, & ea è cælo verè peti credente. Ita possessis hominum sensibus triplici vinculo in tantum adolevisse, ut hodieq; in magnâ gentiû parte prævaleat, & in Oriente regum regibus imperet.

14. Æquipollens deniq; significatio etiam varia est, & Magi à Magiâ denominati variis appellationibus insigniuntur. Dicuntur Magica actiones interdum act. Sathanicæ, actus divini à divinando, q. divinatorii, pythonici, à pythone, incantationes, præstigia, fascinationes, necromantie, & corruptè negromantie, divinationes, curiosa & curiositates V. t. 4. Ars Atracia, non ab atro calore, sed Athrace quodam, qui primus Magiam in Thesalia tradidit, ut Beroaldus in Apulei. d. asin. aur. observat. Fortè German. Schwarze Kunst inde sumptum, t. 15. Græcè μαγείαι, Act. 8. V. t. 4. γηγῆναι, μαγεύματα, τὰ μαγικά, ἐπαισιδαί, ἐπαισιδαί, ab ἐπάδω, Incanto, carmine obligo, unde ἐπαυδός, Incantator: Φαρμακείαι, unde Φαρμακός, veneficus, μαντεῖαι, unde μάντις καὶ μάντις, augur, sortilegus, κρυφία, occulta, unde κρυφιασταί, occultorum cognitores, quomodo Magos Pharaonis Aquila reddidit in Græcâ versione Exod. 7. v. 11. In veteri Glossario striges etiam λαί-τρύγες vocantur à Lestrigonibus Homeri antropophagis, quòd infantes rapiant, occidant, coquant, devorent. Hebræi variis nominibus Magos & Magica circumscribunt, unde & Magia ut abstractum variè nominatur. Appellant enim אוֹר, pythone, יִרְעָבִי sciolum, Lev. 19. v. 31 כְּחַשׁ, Conjectionem, augurium, חֲרָשִׁים, Magos, Gen. 41. v. 8. 24. טַבְשָׁפִּים præstigiatores, Exod. 7. v. 11. אֲשֶׁר כְּחַשׁ præstigiari. Quam vocem Magis ex Oriente venientibus Matt. 2, in versione sua Hebræâ N. T. accom-



modavit Seb. Munsterus: Culpam ob id ei adscribente Maldonato, sed facile eam diluente Casaubono Ex. 2. c. Baron. f. 10. aliisq. nominibus, quorum tamen quasdam differentias esse certum est, ut quædam magis consultationes, fascinationes, alia magis prestigias, incantationes, fascinationes, alia magis illicitas divinationes, alia magis omnem Magicam in genere notent & exprimant, prout ex usu vocum in sacris patet. Veluti & apud Latinos vocibus Magorum varia discrimina intercedunt. Magus generaliter notat, qui ope Daemonis & pacti cum eo aliquid perficit, siue id reale sit, siue apparens & prestigiatorium. SchwarzKünstler/ Præstigiator, qui oculos hominum illusionem dementat, ut videre se putent, quod reverà non vident. Dictus à præstringendò, quod oculos præstringat, unde prestigiū sensuum & oculorum delusio est. Betrieger/ Dicitur & Circulator. Necromanticus, & corruptè Nigromanticus, qui manes & umbras defunctorum evocat, ac illis ab responsa exposcit, Todtenfrager. Ariolus, qui quancumq. divinationem exercet, cuius varia species, per Crystallum, speculum, vitrum politum, aërem, ignem, terram, aquam, pelvim, clavem, tripodem, & alia, quæ apud Peucerum & Ciceron. de divin. Boissardum de Magia & divin. aliosq. videantur: war & Weissager/ Et veriùs Warr & Wügensager/ dicitur & augur, aruspex, divinus, q. Deo plenus, quod divinitate se plenos fingant, indeq. futura conjectent: Apud Veteres Romanos mulieres divinatrices Verratrices dictæ, quod verum divinando tricarent, & divinandi scientiam profiterentur. Incantator & Epodus, qui Dei aut Sathana verbo, aut character. vel ceremoniis adhibitis Spiritus, animalia, homines vel arma incantat, ut lædere aut vim suam exercere nequeant, sed incantantis imperio & usui subesse cogantur. Sic cum virilitatem hominib.



minib; impediunt, ut congregi, generare, semen fundere nequeant. *Beschwerer/Nestelnüppfer/Teufelsbanner*. Veneficus, qui illicitis mediis Sathanae ope frumentis & animalibus noxam infert. *Zauberer*.

15. *Pytho vel Python*, qui responsa, *Consilia*, visiones representationes, & similia à Sathana exquirat, Et *pythonia*, mulier talia exercens, ut illa, quae *Samuelem* Sauli representavit, t. 3. 4. *Geist vnd Seelenwecker*. Sortiarius & sortilegus, qui in illicita actione divinatoria sorte ad investiganda futura utitur, & superstitiosam observatione physica causa destituta nititur. *Glücksucher/Losforscher* Interdum, *Glücksröpper* quod ex ollis aut vasib; chartulas complicatas acceptandae rei notam ferentes extrahant, & sic fortuna quærant. Interdum talorum jactu, interdum numerorum & scripturarum exploratione, avium volatu, garritu, & similibus desumitur, & apud Romanos sortilegia famosa admodum fuerunt. *Lamia* à λαιμός, ingluvies dicta, quod devorare homines antiquis credatur, quae diaboli prestigiis fascinata varia ope ejus efficit, aut efficere putatur, *Hexin/Vnholde* *Strix* & *Striges* à stridore & avib; infaustis dicta, quae infantes fascinant, sanguinem extrahunt, carnem emaciant & perimunt. *Blutsaugerin/Rinderplagerin*. Has etiam volaticas vocare solent, ut *Beckmannus* in Lexi. voce *strix* annotat. *Sagæ* à praesagiendo dicta, *Ridiculæ* enim à satisagendo derivantur, quasi in impio suo negotio satis diligentes sint, cum *Binsfeldio* Comm. in tit. d. Malef. & Mathemat. Not 5. quae de amissis aut futuris ex *Crystallis*, *speculis*, *circulis*, aliisq; ridiculis divinent. *Wassagerin/Weissagerin/Kluge Frau*. Omnes hi communi nomine *magorum* & *Magarum* comprehenduntur ac enuntiari solent, etsi species interdum inter se differentes contineant, *Magus* ge-



neraliter ratione pacti cum dæmone, præstigiator ratione variarum representationum, Necromanticus manuum evocatorum, ariolus divinationis, Incantator adjurationis, Veneficus intoxicationis, Python Sathanica consultationis, Sortigellus illicitæ observationis, Lamia Sathanica confederationis & illusionis, Strix fascinationis, Saga præsagitionis ratione dicitur. Interdum Magus etiam Thesalus, Chaldaus, Genethliacus, mantes, Latinis vocatur, quod partim gentes quedam istis actib. famose, C. 2. t. 12. Partim quedam illis analogæ sint, ut Genethliacæ, quamvis & diversa ab illis sint. C. 12. Veteres Longobardi sagas Masceas suis legibus vocant, vel quod in conventibus suis larvis se tegant, quæ masque vocantur, vel quod deformes instar larvarum, ut Remig. l. 1. Doem: c. 18. tradit. Apud Scythas Sortilegi Bachsi dicti sunt, ut Idem c. 16. ex Belloforesto tradit. Apud Teutofages saga fatilieres, q. fatidica, fatiloquæ, aut fatifica, quod fatium, h. e. perniciem & mortem inferant, dicuntur, ut Tulosanus, l. 34. C. 1. n. 12. notat. Apud Gothos Magos Adelnas sermone patrio vocabant, ut idem C. 14. n. 4. notat, unde nostrum Germanorum Allraun/ vel Allraunchen/ de radice quadda, quæ ad incantationes saga adhibent, & quandoq. vendit. Per periphrasin Magi dæmonis vasalli ligii, Impietatis candidarii, fidei & honesti prodigi, Sathanici venenarii, saga, Magiciq. volatica monstri agmina Thesalicos non inficiantia rhombos, & similiter vocari queant. Germani das wütende Heer vocant. V. C. 4. t. 10.

16. Germanis magica actiones Zaubereyen/ Zauberswercke/ Teufelswercke/ Unholdenwercke/ Verblendungen/ Schwarzkünstlereyen/ Schwarzkünste/ & similiter appellantur. Magi & Mage, Zauberrinnen/ quam vocem à Zoroastre primo Magia inventore & excultore, C. 2. t. 12. deductam quidam volunt, quasi Zoroasterin/ aut Zobara-  
stres



*stres, unde Zoberer/ Zauberer/ quomodo auff & of in dialectis Germanorum miscentur, ut Stumpsius l. 1. von Zauberey c. 2. putat. Herinnen/ Heren/ à Regina quâdam Amazonum apud Aventinum l. 1. Ann. Boj. Zeilerum in Tragic. histor. f. 85. Unholden quasi on Huld/ denen niemand hold ist/ Trutten/ vnd Truntenen/ vel à Treuen/ minari, quod hominib. noxia minentur, vel Truidis & Druidis Veterum Germanorum & Gallorum doctoribus, qui Druidæ vocati; Vt Heurnius in Indico, & Alstedius in Historica c. 10. testantur. Quamquam alii pessimè inde denominari putent, cum isti liberalium rerum, ut Physicarum, Astronomicarum, Medicarum, & Politicarum Doctores & Magi Physici, non diabolici fuerint, ut Meyfartus l. 1. de ref. Acad. c. 1. Non tamen omninò vanū est, quod de illis ut Magis etiam Sathanicis dicitur. V.C. 8. t. 7. Wicbherfen/ à Saxonico Wicken/ quod idem ac Warfagen: Warfagerin/ Zeltchendeuterin/ Wettermacherin/ Nachtfrawen/ Zaubertweiber/ Geistweiber/ Segner/ Gabelreuter/ Loßleger/ Giffstöch/ Betrleger/ Landschweisser/ Schwarzkünstler/ Chrystallenseher/ Beschwörer/ Planetenleser/ Interdum Wesse vnnnd gute Leute/ per antiphrasin ap. Stumphium de Zauberey/ l. 1. C. 1. Larven/ quod lamie in conventib. suis sæpè larvis utantur, t. 15. Itali Iannara, Incantarice, strea, striga, maga, fatureia, Hispanæ bruxa vocant.*

17. Ita & nomen Magicarum actionum discussum: Restat præcognitionis quasi loco aliquid de utilitate ac necessitate doctrinæ hujus in Ecclesiâ subjungatur. Necessitas doctrinæ patet. 1. Ex rei ipsius conditione, quia Magicas actiones dari certum est, t. 2. seq. Magna etiam de essentiâ & qualitate earum concertatio apud Philosophos, t. 8. Et C. 2. t. 3. seq.

De



De vi & efficacia apud Theologos, morbis ex iis ortis apud Medicos, iudiciis, probationibus, & animadversionibus in eos apud JCtos & Politicos quaestio est, frequens etiam & quotidiana de Magis & Sagis apud plerasq. gentes mentio & querela est, t. 7. necesse omnino scire est, quid & quantum de Magicis sentiendum sit, & quomodo in toto isto negotio dextrè procedendum, ne aut nimium, aut nimis exiguum, ac par est, vel de actibus ipsis, vel Magorum pænis asseratur. 2. Ex Scripturæ attestatione, qua Magorum & actionum magicarum meminit, t. 2. 3. seq. Quorum autem Scriptura meminit, ea Christianum diligenter scrutari necesse est, juxta mandata, Joh. 5. v. 39. Colos. 3. v. 16. Necesse autem non absoluta hic, sed respectiva ratione melioris & uberioris doctrina ac eruditionis est intelligenda, cum simplex Christianus multis horum carere possit, ut in simili Tract. de notit. naturali: C. 1. t. 18. dictum. Utilitas doctrinae hujus partim ex meliore nostrâ informatione elucet, ut nos accuratius, plenius, & distinctius de toto hoc negotio informemur, partim ex practicâ directione, ut etiam inde Iudicia Dei melius agnoscamus, quid ille Sathana interdum permittat, quantum hominibus per sagas immittat, & quomodo ex casib. illis iterum eripiat, & consequenter etiam cognoscamus, quomodo nos in talib. actibus erga Sathanam, præcipuum totius negotii architectum, munire, erga larvas ejus, sagas ac lamias gerere, cum illis, si negotium nobis obveniat, procedere, & in totâ re providere nos precibus, devotione, attentione, animi firmitate, erga seductas mulieres commiseratione, & in viam reductione conformare debeamus, ut tanquam veri Christiani nos geramus, & finem utilem ac salutarem inde assequamur, Deoq. tandem liberatori in filio ejus devotas gratias persolvamus.



D. O. M. A.

*De*

# MAGICIS ACTIONIBUS

*Exercitatio II.*

Definitionem & Principia Magicarum  
actionum exhibens.

DISPUTATIONIS LOCO

Ad sententiarum Collationem in Gymnasio Dan-  
tsicano proposita.

PRÆSIDE

HENRICO NICOLAI,

Phil. Profess. Publ.

*Respondentis partes expediente*

WENCESLAO GERSONE BROGIO,  
Velcaviensi.

*Ad diem 10. Julii. S. N.*

In Auditorio Philosophico.

Horis ab 8. matutinis

---

GEDANI.

Typis Rhetianis. Anno M DC, XLVIII.





GENEROSIS & NOBILIBVS

Dominis

Dn: DANIELI ERNESTO CYRENBERG,

Domino in Kolibka &c. &c.

Dn: ISRAEL KÖHNE JASKI,

in Berwalden &c. &c.

Dn: CHRISTIANO KERSENSTEIN,

Dn: ERNESTO KERSENSTEIN,

Dominis, Patronis, ac Fautoribus  
colendisimis

Hanc Disputationem Pro ANIMI CULTU

dat, dicat, dedicat

Venceslaus Gerson Brosius

Respondens.

Typis Rheims Anno M DC XLVIII



## CAPVT II.

## De definitione Magicarum Actionum.

**P**ost existentiam & nominalem evolutionem Magicarum actionum ipsa rei tractatio succedat, quæ absoluta & respectiva esse poterit. Absoluta in definitione, Causis & principiis, attributis, effectis, subjecto, & speciebus seu modis, quibus variari ea possit.

2. Definitio *Mag. actionum* hæc sit: Magicæ actiones sunt actiones transeuntes, interventu Magi expeditæ, quarum principium est Sathanas pactum cum homine habens, eumq; dementans vel seducens, & finis ex intentione ejusdem Dei ignominia & hominis perditio est.

3. Genus est vox actionis transeuntis, ut in complexis simplex pro genere complexi esse solet, ut Corpus mistum, simplex, est corpus, substantia corporea, spiritualis, est substantia, Actio immanens, transiens, perfectiva, destructiva, est actio: Sic hic, Magica actio est actio. Actio est agentis in patiens exsertio & influxio, ut in Metaphysicis docetur. Est q; alia immanens, quæ in agente ipso manet & terminatur, ut speculatio: alia transiens, quæ extra agentem in alio terminatur. Vt combustio; Verberatio. Vt specialius genus determinetur, sub quâ specie generali actionis Magica actiones contineantur, additur, esse transeuntes. Actiones Magica non sunt immanentes in agente, Sathanâ, Prout Intellectio, Volitio, memoratio, electio, reprobatio, manent, quæ in angelo quovis, & sic etiam Sathanâ, locum habent, V. Michaelia, t. 27. seq. Sed transeuntes ab & de eo in Sagas, magos, & per hos interdum in homines, bruta, elementa, &c. Vt ex speciebus actionum Magica-



rum patebit, C. 4. t. 1. seq. Differentia in coeteris verbis continetur, & partim ab agendi modo ac processu, partim principio, unde actio, partim sine sumpta est. Ex agendi modo ac processu dicuntur actiones interventu Magi expedita. Actiones Magicae sunt actiones, non quae à solo Sathana sine hominis interventu ac pacto cum eo proficiuntur, ut cum aërem pro se turbat, tempestates citat, nō ad hominis pactū cum eo habentis postulatum, V. Job. I. v. 16. 19. Sed quae homine interveniente à Sathana expediuntur, ut vel in ipsis Sagis ac Magis expendantur, ut cum varia somnia in illis inducit, ad Choreas & convivias eos quandoq. exportat, variis prestigiis sensus eorum perstringit: vel per Magos in hominib. aut jumentis perficiantur, ut cum morbos & cruciatus immittit, conjugatos ligat, infantes effascinat, jumenta perdit, &c. Tales proprie hic magici actus dicuntur. Coeteri magis demoniaci, angelici, ac Sathanici, V. C. t. 12. Ex principio actionis dicuntur actiones, quarum principium est Sathanas pactum cum homine habens. Actionum Magicarum principium non est divinum, ut in miraculis Christi, Apostolorum, Prophetarum, aliorumq. sanctorum Dei virorum: Nec naturale, quomodo aqua liquefacit, ignis urit, homo ratiocinatur, leo rugit, ruta, salvia, theriaca, venena pellit, Multa n. in actib. Magicis supra Naturæ circum sunt, ut ignotas linguas momento temporis callere, ad disita loca momento pervolare, ex remotissimis locis brevi spatio gesta referre, &c. Nec artificiale legitimæ alicujus proprietæ dictæ artis, quomodo horologia horas indice & sonitu campanæ notant, aqua ductus aliq. mechanica materias recipiunt aut deducunt, non enim Magica inter veras artes sunt numeranda, Vt t. 4. patebit: Sed Dæmoniacum, à Dæmone malo ut primo efficiente ortum, ejus ope, juvamine, instinctu, motu, per Magos & Magas perfectum.



*Etum, semper enim hic, qualiscunq; actio sit, quam Saga, ut talis precise est, molitur, summa actionis ad Sathanam referenda, etiamsi tandem una aut altera res naturalis simul adhibeatur, quæ per Naturam sui effectus suos naturales edat, ut in morbis curandis, V. C. 9. t. 19. 24. Sic etsi sermo hominis interdum concurrat, & sermocinandi facultas homini naturalis sit: ad istum tamen effectum, qui sermone intenditur & perficitur, ut Sathane instrumentum concurrat, efficacia ad actum à Demone est, ac sic tota actio Magica & Daemoniaca est.*

4. *Quidam tamen Magicas actiones ad artes revocare volunt, & Magiam inter artes recensent. Delrius l. i. disq. Magor. C. 2. eam facultatem seu artem definit, quæ vi pacti cum demonibus mira quadam & communem hominum captum superantia efficiuntur. In Jure Civili Cod. d. malef. & Mathem. Libr. 9. Tit. 18. leg. 6. Magica & mala artes vocantur. Quod & ratione regularum ac preceptorum, quibus Impietas utatur, & fraudium ac dolorum, qui artes in jure dicantur, fieri Tholosanus dicit, l. 34. Syntagm. c. 3. n. 1. Gratianus in jure Canonico Caus. 26. q. 2. C. 6. ex Augustino l. 2. d. doct. Chr. C. 19. 20. 21. 23. artes vel nugatoria, vel noxiæ superstitionis Christiano repudiandas ac fugiendas vocat. Lactantius artes dicit l. 2. Instit. C. 17. In Sacris Sap. 17. v. 7. Magica artis ludibria memorantur. Et per artes curiosas Act. 19. v. 19. Magia ab Interpretibus intelligitur, V. t. 4. Quidam per fürwistle ge Kunst/reddiderunt, ut Lutherus, Etsi in Græco tantum Curiosa sint. Conimbricenses proëm. Dial. q. 1. a. 3. maleficas artes reverà artes esse contendunt. Stumphius l. 1. d. Zauberrey/C. 3. Et Jacobus Rex l. 1. dæmonol. C. 2. 3. 4. seq. Et passim, Hemmingius ap. Gœdelman. de Sagis l. 1. c. 7. n. 16. Pomponatius de incantation, c. 5. 6. Virgilius 4. Aeneidos,*



ubi ait, Testor chara Deos, & te germana, tuumq; dulce caput,  
 Magicas invitam accingier artes. vulgò schwarze Künste &  
 TeuffelsKünste dicuntur, C. 1. t. 16. Alii negant inter ve-  
 ras artes numerari posse, ut Schultetus de Zauberey C. 1.  
 lidem Conimbricenses in proëmio libr. Phys. q. 2. a. 4.  
 Thomas & Albertus M. apud Eosdem c. 1. aliq; Et Nos etiā  
 olim negavimus, disp. d. cogn. hum. t. 25. Et revisi. disp. t. 32.  
 Ac adhuc negamus. Et rectius hoc. Quod & ex generali artis defi-  
 nitione Luciani, & ex speciali Aristotelis patere potest. Ex gene-  
 rali Luciani definitione ars est cōprehensio praeceptū homogene-  
 orum in vitā utilium. V. d. 1. Log. repet. t. 15. Magica no-  
 titia non talis est. Nam nec praecepta inter se justē sunt ordina-  
 ta, nec ad unum homogeneum objectum & finem adeoq; corpus  
 aliquod satis distinctē traducta, nec utilitatem in vitā habent,  
 sed potius perniciem hominum spectant & inferunt, eoq; à Satha-  
 nā intendunt, Nec verum objectum scibile hūc esse potest, cum  
 Magici actus saepe meris praestigiis ac fallaciis ludant. Artis vo-  
 cem omnes Philosophi inter laudanda, honesta, & licita nume-  
 rant, & artificem in praestantib; ac premio dignis habent. At  
 Magica omnes prudentes inter nefanda ac obominanda habent,  
 quae nec disci debeant, & si exerceantur, penam secum trahant.  
 Ex speciali Aristotelis patet. 1. Quia ars hoc modo sumpta est  
 habitus operis realis & externi per instrumenta corporea effecti-  
 vus, ut C. 1. t. 16. 17. ostensum. Sed Magia opera saepe sunt il-  
 lusoria & phantastica, non realia. 2. Quia ars est habitus cum  
 rectā ratione effectivus. At in Magico opere plerumq; ratio  
 distorta, non recta, & somniis, phantasmatis, furore, prodigio-  
 sis ac monstrosis imaginationibus & nugamentis tota corrupta est,  
 ut hoc & illud se elicere videantur, cum profundo somno inter-  
 dum demersi jaceant, nihilq; verē efficiant, ut C. 4. t. 17. 18.  
 patebit.



5. 3. Quia ars omnis propriè dicta in opere honesta & naturâ sui licito versatur. At magici actus in operib. inhonestis & illicitis versantur, tam ratione principii, pacti cum demone, quod horredum in homine & Christiano est, C. 3. t. 8. Quàm processus, qui sæpe per illicitas materias, ut carnes infantum, cadauera effossa, furcis ablata, venena & res noxias, ritus & ceremonias stolidas, impias, ridiculas, perficitur. Et finis, qui magnam partem hominum & jumentorum perditio est, C. 3. t. 18.

19. 4. Quia ars instrumenta ad operandum licita, operi ipsi idonea & proportionata, requirit. Sed in Magiâ sæpè instrumenta sunt illicita, & abominanda, ut adjurationes Dæmonum, manium evocationes, horribiles nominis Dei & aliarum sacrarum rerum profanationes, vana ceremonia & ritus nihil ad operationem conducentes, nec vim naturalem efficientiæ proportionatam obtinentes, sed futiles, otiose, impie, stulta, paradoxa, & illicita phantasia, quib. Dæmon Magis suis nimis credulis illudit, ut C. 4. seq. patebit.

5. Quia ars omnis ex veris, legitimis, & solidis naturæ principijs, observatione, inductione, & experimentiâ animadversis, constitutis, probatis, & conservatis, eruitur, secundum regulas certas distinctè & ordinatè representatur, ordinariè non nisi usu, operâ, & studio acquiritur. Sed Magia ex vanis Dæmonis suggestionibus, mendacijs, fallacijs, prestigijs innumeris, & ceremonijs futilib. ac multis superstitionibus, non certis regulis, sarcinata est, eoque ab authorib. suis congesta, ut varia mendacia, futilitates, superstitiones, prestigia, veris sint commista, imò potior ejus pars in phantasijs consistat, C. 4. 5. 6. Sed quæ in verâ arte proponuntur, omnia vera, nulla falsa, ficta, & prestigiosa esse debent.

6. Accedunt authoritates prudentium, Magica pro artib. non agnoscantium. Sic Plinius Magiam falsam artem vocat, quam Nero dereliquerit, quamq. eum, ut quæ nulla sit, Tyridates Ar-



meniorum Rex docere non potuerit. V. C. i. t. 8. Curtius l. 7. c. 4. Cobarem aliquem Magica artis, si modo ars sit, non vanissimi cujusq; ludibrium, magis professione, quam scientiâ celebrem fuisse ait. Sculterus aperte negat, se Magica per artes definire velle loc. t. 4. citato. Stoici omnes artes in Virtutibus numerarunt, ut Conimbricens. c. l. a. 3. tradunt. Magica a. in vitiis sunt. Et sic à Stoicis ex artib. exclusa. Aristoteles 6. Eth. c. 4. artem inter virtutes intellectus recensuit. Vitiosa ergo, qualia Magica, inter artes referre non potui. Plutarchus l. de fortunâ artes semina quadam rectitudinis in communem vitæ utilitatem inspersa esse ait. At Magica talia non sunt. Conimbricenses proem. Phys. q. 2. a. 4. Magiam non artem, sed artis abusum ajunt. Idem sentit Thomas quodlibet. 4. q. 9. a. 1. Albertus M. 1. Eth. Tr. 3. C. 2. Jacobus Rex Angl. l. 1. Dæmonol. C. 6. scientias non permisas aut concessas abusive scientias nominari ait, veriusq; ignorantias ac inscitias dicendas esse. Nam hominem pictum hominem non esse. Ad eundem modum de arte dicendum erit, & sic Magica artibus excludenda erunt. Quamvis Idem author sapius artes vocet. V. t. 4.

6. Dices 1. Liber Sapientiæ c. 17. expressè Magicas artes vocat, V. t. 4. R. Scriptura sæpe ex vulgi sensu & communi usu de rebus loquitur, & ita res appellat, ut vulgò appellari solent, non quòd reverà tales sint, sed quòd communiter pro talib. habeantur. Sic expansum aëris cælum nominat, Gen. 1. v. 6. 7. 8. Lev. 26. vers. 20. Deut. 28. vers. 23. 24. Matth. 6. v. 26. Non quòd verè tale sit, sed quòd vulgò pro eo habeatur. Cælo columnas tribuit, Job. 26. v. 11. Et terra, Job. 9. v. 6. Cui etiam pedamentum, angulos, lapidem angularem, extremitates, & mari januas tribuit, Job. 38. v. 6. 8. 13. Vento pondus, Job.



Job. 28. v. 25. Deo membra corporea passim tribuit, Os, nasum, oculos, aures, Psal. 18. v. 9. seq. Lunam luminare majus vocat ex apparentiâ, Gen. I. v. 16. Cum plurimas stellas, ut primæ magnitudinis, longè eâ majores esse certum sit, Quæ omnia ab accuratâ veritate procul esse scimus. Sic & Magica artes vocet, quia communiter pro talibus habentur, sicq; appellantur. Non inde sequi necessum est, in accuratâ rei consideratione propriè dictis artibus agnoscenda esse. 2. Communis sententia Magiam inter artes connumerat. At publica & regia via non facilè obfistendum. R. Per publicam viam ne incedito, dicebat Pythagoras, h. e. Vulgi errores non subsequitor. Id & hic cogitandum. Communes sententia ponderanda, non sententiarum pluralitate numeranda. Cum vulgò loquendum, ut intelligamur: sed cum sapientibus sentiendum, ut accuratè rem constituamus. Plerumq; enim in rebus Vulgus delirat, ut solem festo Paschatis in ortu & occasu subsilire, lienem Cursoribus excindi posse, hominem pransum jejuno graviores esse, solem formaliter & habitualiter instar ignis calidum esse, quantitate tricubitalem aut circiter esse, non terrâ multis vicibus majorem esse, quæ omnia secùs se habere accurati rerum scrutatores noverunt. In Astrorum doctrinâ multa Mathematici observant, quæ omnia vulgò incredibilia habebantur. Ut plurib. alibi dicitur. Publica via non facilè obfistendum, quando sc. ea tuta, recta, & consummata est: Quid si insidiosa, & non satis trita ac plana, aut nimis obliqua ea est, ac compendiosior & directior haberi potest, rectè ab eâ disceditur, aliâq; inquiritur & ambulatur.

7. 3. Quod à Mago in perniciem hominum adhibentur, artium naturam non evertit. Nam & artes contemplativa ab avaro ad quæstum & lucrum adhiberi possunt, ut Physica & Mathe.



*Mathematica scientia, nec ob id vera artes esse definiunt. R. Non ex eo solo artes negantur, quod legitimum finem non habeant: sed & quod ex solidis principiis, competente ordine, iusta observatione, non procedant, recte rationis directionem, aliāque propriæ artis requisita non habeant, t. 4. 5. Deinde Physica & Mathematica ad quæstum torqueri prorsus per accidens & ex vitio subjecti tantum evenit. Sed magicis noceri hominibus ex primariâ Sathana, qui principium Magicorum est, intentione est, qui de eo etiam cum Magis suis per peculiare pactum aperte paciscitur, & hi se in eo strenuos ac obsequentes futuros pollicentur, C. 3. c. 6. 8. Quæ omnia non in Physicis aut Mathematicis artibus. 4. Ars Philosophis notitia cum rectâ ratione efficiendi id, quod homini artificialiter est bonum aut malum, definitur, eoque modo definitionem Aristotelis explicant. V. Timplerum C. 4. Technol. q. 4. At hæc tota definitio Magicis competit. R. Falsum hoc. Nec effectio propria operis realis, nec recta ratio semper in Magicis obtinet, sed sapissimè ludibria & detorsiones, t. 4. 5. Et malum in artis definitione non notat, quod homini noxium est, pernitiem, cruciatum, mortem adfert, Vt in Magicis est, Sed quod ab artis regulis abscedit, distortum & arti adversum est, etiam si homini nocivum esse nequeat, Sic qui illegitimas Chordas impulsandâ testudine tangit, malè quantum ad artem pulsatur, malumque artificiale, insuave, ac ingratum committit, sed pernitiem homini aut alii id adferre nequit.*

8. 5. Si vitia moralia in arte aliquâ proponi possunt, nec artis natura evertitur, ut in Ethicâ. Cur non & pernitiōsa in habitu aliquo proponantur, salvâ artis naturâ manente? R. Si vitia in arte proponantur eo fine, ut exerceantur, Tum & pernitiōsa proponi poterunt. Sed vitia in Ethicis non primò & ex fine proprio proponuntur, sed secundo, utquam Virtutum opposita, &



ta, & ut cognoscantur, vitentur, ac abominabilia esse judicentur, non ut exerceantur. Sed Magica in Magiâ eò proponuntur, ut exerceantur, hominib. insidia & noxa inferantur, eor. patet Magorum cum Sathanâ tendit, t. 7. Sic Sophistica in Logica traduntur, non ut exerceantur, sed animadvertantur, deprehendantur, & refutentur, nosq. cautiores evadamus, ne Sophistarum ἐγχειρήματα seducamur & succumbamus. 6. Magica, quia naturâ sui scibilia, etiam in divino intellectu locum habent, & sic perfectionem aliquam in se habebunt. Nec mala scire, sed facere velle, peccatum est. Sed quæ perfectionis alicujus intellectualis sunt, ad artem aliquam referri merentur. R. Magica in divino intellectu locum habent, sed non directè & primò, Quia multa prestigiosa, in seipsis impia, ridicula, nugatoria, mendacia, intercurrunt, quæ in Deo locum habere non possunt: Sed consequenter & secundò, quæ omnem intellectus humani capacitatem pervidet, exhaurit, & comprehendit, & sic in illo etiam, quæ Magicarum notitiarum sunt, universa pervidet. Quomodo & Entia rationis novit, sed in capacitate intellectus humani, quam totam exhaurit, non propriâ formalitate, quæ variæ imperfectionis, eor. parum Deo decora est, ut in Metaphysicis docetur. Nec quæ naturâ sui ullo modo scibilia sunt, statim peculiarem artem requirunt. Multa enim curiosa, futilia, impia, & stulta scibilia sunt, quæ arte indigna sunt. Ut currus Myrmecida, fluctus numerare, milium terebrare, mensulas nuci includendas conficere, pisum per acum trajicere, quæ nullâ arte digna sunt. Mala etiam, si palàm impia, horrenda, blasphemæ, qualia plura in Magicis, satius est prorsus non scire, quàm novisse; Minus in peculiari arte tradenda sunt. Sic ille parricidio pœnam non statuerat, quòd satius nescire duceret, an tam immane crimen ab homine committi posset.



fectio, qua in Magicis est, arti non respondet, & potius imperfectio est, cum plurima fallacia ac praestigiosa intercurrant, t. 5.

9. 7. Ad rationem artis bonitas finis moralis nihil facit, sed artificialis sufficit. Nec refert, quâ voluntate artifex efficiat. E. & artibus maleficis turpitudine finis nihil adimet. modò in seipsis accuratæ, dextræ, & concinnæ sint. R. Non ex solo fine inhonesto Magica artes negantur, sed & principio, objecto, ordine, rectâ ratione, qua hic omnia aliena ac distorta, t. 7. Magica ex pacto cum Diabolo humani generis hostes fiuntur. Sed hoc naturâ sui illicitum est. Nec ulla vera ars tale principium agnoscit, Neq. ulla propriè dicta ars finem ex se & propriâ intentione homini noxium & pernitiosum habet. Sed Magicorum finis ex primâ Sathana intentione talis est, t. 7. 8. Si Deus artes homini infundere potest, angelus bonus eas etiam docere hominem potest. Cur soli diabolo id negandum est? Cum oppositorum, ut Dei & diaboli, eadem in efficiendo ratio esse debeat. R. Aberratur à statu quaestionis. Non queritur, an & Sathanas artes suos homines docere queat, sic enim linguarum & medendi habitum ac natura scientiam illis conciliare potest: Sed an Magica, in quibus multa praestigiosa, mendacia futilia, blasphemia, confusa, & artium legibus contraria sunt, præcisè artibus accensenda? Hoc negatur. Quæ Diabolus docet, non semper Magica, sed quandoq. Physicæ, Medicinæ, Historiæ, Philologicae sunt. Horum artes aliquas esse certum est. Sed hæc naturalium interventu sapè expediuntur, non ad Magica stricte dicta referenda sunt. Sic cum Magus morbos per naturalia sanat, non artus ex toto Magicus est. Naturalia enim vim sanandi naturaliter in se habent. V. C. 9. t. 24. Oppositorum in efficiendo non eadem, sed opposita ratio esse potest. Sic album disgregat, nigrum congregat.



gregat. Calidum soluit, frigidum stringit. DEUS bona, recta, ordinata, Sathanas mala, improba, confusa, agit. Deus infinitè agit, ex nihilo creat, in nihilum redigit. Quorum nihil Diabolus efficere potest.

10. *Ostensum*, non inter artes propriè dictas Magica numerari posse. *Rectius* ergò actiones transeuntes ex genere dicuntur, non determinato, an artificiosæ dici queant. Principium agendi primum hic est Sathanas, non Deus, Natura, vera ars, aut angelus aliquis bonus, t. 3. Et C. 3. t. 3. Conditio aliqua in principio agendi inclusa est pactum Sathana, quod cum homine habet. Sine eo enim vel expreso vel tacito actio nulla Magica producet, ut C. 1. t. 6. plurib. patebit. Modus agendi in principio describitur verbis, hominem dementans & seducens. Actus Magicus à Sathanà in homine vel per eum & cum eo productus est dementatorius & seductorius, Idg. frequenter reipsa, ut actus totus in seipso tantum illusorius & deceptorius sit, nihil realitatis in se habeat. Et Sathanas varia producere videatur, quare verà non producit, sed mera illusiones & sensuum præstrictiones sint, V. C. 4. t. 15. 18. Semper autem ex fine & intentione Sathana, qui hominem seducere cupit, ut post patebit. Ex fine deniq; dicitur, quod finis actus Magici ex intentione Sathanæ hominis perditio sit. Hoc enim is intendit, ut hominem ita agendo seducat, in errores & scelera varia deducat, à Deo & divinis rebus abducatur, sibi totum ut mancipium aliquod libidinis sue devinciat, tandemq; temporaliter & aeternum hominem perdat. Joh. 8. v. 44. Plurib. C. 3. t. 17. hæc patebunt.



De Causis & Principiis Magicarum  
actionum.

**S**ic definitio *Magici actus* se habeat: *Sequuntur Causæ & principia. Quæ vel efficientia, vel materialia, vel finalia esse possunt. Efficientia, à quib. actus Magici oriuntur. Hæc vel prima vel orta esse possunt. Prima vel magis improprie, vel magis proprie dicta esse possunt. Inter impropria Deus permittens esse potest, sine cuius permisso Sathan nihil istorum actuum in homine aut Mago moliri posset. Sed causa hæc non satis proprie dicta efficiens est, potiusq. conditio agendi sine quâ non vocanda: Cum non statim proprie rem efficere dici possit, quisquis non impedit, cum possit. Qui non impedit, obicem saltem aliquem, impeditionem remonet, quæ alias posito res effici non posset, adeoq. negativè tantum ad effectum se habet. Qui autem verè efficiens atque est, positivè ad effectum influit, eumq. perficit, ut in Metaphysicâ docetur. Non posse autem sine Dei indultu Sathanam quidquam per se aut suos facere exemplo Magorum Pharaonis patet, qui pediculos producere non poterant, et siranas, serpentes, & sanguinem produxissent, Sed Dei digitum, vim, & efficaciam agnoscere tenebantur, Exod. 8. v. 18. 19. Restitit enim Damoni & Magis Deus, ne simile quid Moysi operi agerent, V. Augustin. 3. d. Trin. C. 9. Ut partim ejus potentia, partim Diaboli imbecillitas apertius proderetur, ac ne minima & vilissima Diabolum posse constaret, nisi Deus permittat, eoq. Deum, non Damonem verè nobis timendum esse pateret, & præcedentia Magorum opera fallacias tantum fuisse, non veritatem, animadverteretur.*



2. Absurdè autem Lyranus per Deum superiorem aliquem Dæmonem, qui inferiorum Dæmonum operationem per Magiam impedi-rit, intelligit, cum nec Dei nomen absolutè positum uspi- am tali significato in sacris occurrat, Nec præsentì contextui il- lud quadret. Similiter Jobi bonis aut corpori nocere Diabolus non poterat, nisi prius indultum Iehova accepisset, Job: 1. v. 12. C. 2. v. 6. 7. Et porcos ingredi nequirit, nisi venià prius à Chri- sto exorata, Matt. 8. v. 31. 32. Achabum decipere nequirit, nisi Deus prius concesserit. 1. Reg: 22. v. 21. seq. Sic puerum ali- quem per Sagam occidere voluit, nec potuit, quòd signo Crucis & piis precibus ille à parentibus præmunitus esset. Spineus d. strigib. C. 18. T. 2. mall. malef: Virginem aliquam monialem ad amores juvenis per Magum pellicere nequirit, quòd signo cru- cis & devotione contra eum illa se armaret. Molitor Tr. d. Python. C. 10. c. 1. In Nerone Imperatore, Cui ingenium, opes, voluntas, studium, Præceptores, abundè fuerunt, Magia unicum experimentum Sathanas edere nunquam potuit, cum di- vinitus impediretur. Quapropter Nero totam Magicem con- tempsit. Plin: 1. 30. C. 2. V. C. 1. t. 8. C. 2. t. 5. Magus ali- quis inimicum occidere debens omnib. Diabolicis facultatibus consumptis, Sathanam homini isti nocere non posse dixisse con- fessus est. Sic Saggæ iudicibus etiam improbis nocere non pos- sunt, omnibusq. tentatis, ut iudicibus mortem inferant, nihil se effectuisse fatentur. Bodinus l. 3. C. 4. Vix è centenis bini sunt, quib. veneficta Sagarum nocent, ut confessiones earum docent. Idem l. 2. C. 8. Sennertus l. 6. Pract. p. 9. C. 5. Licetor enim & carnifex Dei est Sathanas. Carnifex a. nihil sine indultu & licentiâ iudicis præstare potest. Sic Magi interdum se hominib. nocere non potuisse confessi sunt, quòd Deus permittere noluerit, & homines devotis precibus contra maleficia se præmunierint. Exempla apud Stapletonum T. 1. Orat: 1. vide.



3. Magis propriè dicta Magicorum causa efficiens prima ipse *Sathanas* est, primus & ultimus movens in hoc actionum genere, quarum ipse est principium, C. 2. t. 3. Quod patet 1. Scripturâ, Quia Patrem ipsum mendacii, vitiositatis, & homicidam ab initio vocat, Joh. 8. v. 44. Ab eoq, ut primo fonte omnia peccata deducit, Joh: c. 1. i. Joh: 3. v. 8. 2. Cor: 11. v. 3. Apoc. 12. v. 9. C. 20. v. 2. Ephes. 2. v. 2. In Magicis autem multa mendacia, & omnia vitiosa intercurrunt. 2. Ratione. Quia istorum actuum principium nec Deus, nec Natura, nec vera ars, nec angelus bonus est, C. 2. t. 3. 4. Et de bono angelo t. 4. patebit: E. *Sathanam* esse oportet. Aliud enim talium operationum principium esse non potest. 3. Patrum testimoniis. Ut *Arnobii* l. cont. gentes, Magi non tantum cōsulunt demones, sed & quicquid miraculi edunt, per Demones faciunt. Illis aspirantibus & infundentibus prastigias edunt, vel quæ non sunt, videri, vel quæ sunt, non videri faciunt. Plura apud *Gratianum* in Jure Canonico vide. V. C. 2. t. 4.

4. Alii diversum hic sentiunt, & hos actus quandoq, Deo vel angelis bonis vel animabus defunctis adscribere volunt ap. *Delirium* l. 2. disq. q. 2. Falsò universi. Dei non esse patet 1. Quia multa vana, mendacia, ac palam impia hic concurrunt, ut patet. At talia Deo tribuere blasphemum est, Cum ipsa prima & essentialis sanctitas sit, ut in sacris & Pneumaticis docetur. 2. Quia Deus tales actus in lege suâ prohibet, & puniendos precipit, C. 1. t. 5. At non potest Numen ejus author & effector esse, Cujus est prohibitor & punitor. Nec obstat, esse quadam dona & gratias gratis datas, quæ etiam impiis Deus largiatur, ut donum linguarum, sanitatum, prophetia. Ut *Bileami*, *Caiaphæ*, & aliorum Pseudoprophetarum Matth: 7. v. 22. exempla docent. Hac enim dona in se licita & legitima sunt, eoq, à Deo, ut au-



ut authore esse possunt. At Magica illicita, vetita à Deo, & illegitima, & sic ab eo esse nequeunt. Isti donis instructi non ad certum tempus, occasionem, ritus, & superstitionas ceremonias adstringuntur, quod Magi solent, qui se minimum praeceptorum suorum omittant, nihil efficiunt. Nec ista dona aliis per doctrina aut praeceptorum modum tradi & communicari possunt. At Magica ita possunt, ut constat. Angeli boni non esse, ut Platonici, Jamblichus, Porphyrius, Plotinus, Proclus, Julianus Apostata, Scottus Parmensis Magus aliquis celebris, Glycas p. 2. Annal. Agrippa in lib. d. occult. Philosoph. aliiq; volunt, pater, partim, quia Angeli boni non mendacia, prestigias, impietates, blasphemias, veneficia, similiaq; procurant aut efficiunt, cum in bono ita confirmati sint, ut mala velle & efficere non possint, ut in Michaelib. t. 59. dictum: At Magica talibus plena sunt: Partim quia Spiritus Magiae authores se adorari, sibi sacrificari, in nomen suum infantes baptisari, sibi offerri, à Deo & divinis homines abducti jubent & volunt. At boni angeli talia prohibent. Apoc. 19. v. 10. C. 22. v. 9. Partim, quia Magicis pernitias hominib. per furta, homicidia, adulteria, veneficia, infertur. At talia ab angelis bonis esse non possunt, qui per scelera hominum pernitiam querere & procreare nequeunt, Cum in Sanctitate plenè confirmati sint. Partim, quia Magi flagitiosissimi & impurissimi sunt, quorum societate boni angeli uti non possunt, & Demonib. suis saepe imperant, eosq; ad jussa sua perficienda minis interdum cogunt. At in bonos angelos homini nullum imperium conceditur.

5. Dices, Sathanas non potest Sathanam expellere, secus regnum ejus non diu consistet. Matth. 12. v. 26. Luc. 11. v. 18. 19. Sed per Magos interdum Sathanas ex hominib. expellitur, morbi à Sathanà immisi sanantur, ligamenta solvuntur,



*tur. E. hac ab opposito angelo perfici oportet, qui bonus erit. R. Sathanas non expellit Sathanam per vim & coactionem, ut cedere cogatur, quod Christus fecit, Luc 8. v. 28. 29. Benè tamen per cessionem & consensionem, ut unus alteri cedat, quo homo in superstitione detineatur, & in animæ exitium precipitetur, Et sic Magi expellunt. Inde & ridiculas à Sathanâ ostensas ceremonias ac media adhibent, & sæpè morbos & infortunia dissolvere non possunt, quod Diabolus cedere recuset, ut experientia testatur. Animarum defunctorum non esse patet, partim, quia illæ suis receptaculis tenentur, beatorum vel damnatorum, ut ex Sap. 3. Matt. 25. aliisq; locis alibi probatur, inde ad actiones per Magos his in terris edendas non emittuntur: Partim, quia beatarum esse nequeunt, cum multa scelera & impietates hic, quæ à beatis procurari non possunt: Nec damnatarum, quia istæ ex carcere suo, quo semel mancipata, nunquam emittuntur, & locus intermediarum, ut purgatorium, confectus, ac Scriptura & prisca primæq; 200. seculorum post Apostolos antiquitati planè ignotus est, ut alibi docetur: Partim, quia nulla ratio & finis esset, cur Deus animas separatas è suis receptaculis ad tales Magorum actus emitteret, cum per Sathanam eos sufficienter effici certum sit: Partim, quia anima humana semel à Corpore soluta, nullam amplius vim in Corpus aut per illud agendi obtinet, quamdiu soluta manet, sed immaterialiter saltem in semetipsa actione immanente operatur, ut in Pneumaticis docetur. Nec ergò per Magos actus istos transeuntes efficere potest. Dices: Animæ separatæ post mortem sæpè in terris apparuerunt, variaq; hominib. indicaverunt, aut ab illis postularunt, ut Gregorius, Beda, Bernhardus, Turonensis, aliiq; Patres magno numero docent, & exemplis per singula secula probat Delrius l. 2. disq. q. 26. f. 5.*



E. & per Magos illa aliqua efficere possunt. R. Istæ apparitiones omnes suspectæ & superstitiosæ sunt. Multæ etiam ab ipsis Papistis rejectæ, ut alibi docetur. Nec si quædam vera essent, statim ab illis ad Magorum operationes concludi posset, cum hæ nec salvatis, nec damnatis animab. justè tribui possint, ut visum, sed commodius primo authori Sathana adscribantur. Et damnatas nullâ Demonum licentiâ exire inferno posse concedunt Papistæ. V. Delirium c. l. q. 2. Maximè autem his Magica tribui deberent, ut impia & superstitiosa.

6. Orta principia Magicorum vel remotiora & occasionalia, vel propiora & effectiva esse possunt. Remotiora, quæ motiva esse possunt, ut ad ea descendatur. Hæc humani Ingenii ex corruptâ labe detorsa indoles est, quæ vel curiositati sciendi indulgetur, & rerum novarum ac abstrusarum percipiendarum desiderium naturaliter Magnis ingeniis insitum ad vœritas artes inflamat, quam occasionem Sathanas ad sibi mancipandos homines celeriter & feliciter arripuit, quomodo ipse ut sagacissimus temperamenta, inclinationes, & affectus hominum subtilissimè odorari potest: Vel inopiâ quis premitur, & bonorum cupiditate ad Sathanam decurritur, quomodo multæ Sage paupertatis stimulatione ad fœdus cum Diabolo ineundum prolapsæ sunt, Vt Exempla apud Grillandum ac Binsfeldium de Conf. Malefic. præl. 15. t. 5. Wierum l. 6. de Lam: c. 9. aliosq; prostant: Vel vindicta in cordibus eorum, qui injuriam passi sunt, profundè radicata cupiditas regnat, ex quâ quosdam etiam ad Sathanam prolapsos esse exempla docent. V. Zving. in Thea: Vel mundi & deliciarum ac voluptatum amor, aut mirabilia patrandi; Vel præ aliis eminentiam obtinendi ardor eò movere possunt, quod in Fausto & aliis contigisse putatur. Quomodo & quosdam Papas dignitatis Papalis obtinendæ amo-



read Necromantica conversi sunt, ut t. 12. patebit. Propiora, quæ proxima actionum efficientia aut suscipientia sunt. Sunt & ipsa subjecta agentia, Magi & Magæ actus edentes aut à Sathanâ in semetipsis recipientes, & quomodocumq; Magiam exercentes, De quib. t. 11. seq. in subjectis Mag. actuum videbitur. Medium aliquod & conditio ad Magica deveniendi est hominis cum Sathanâ confœderatio, quæ est pactum aliquod hominis cum Diabolo initum, apertum vel tectum, explicitum vel implicitum, manifestum vel clandestinum, quo homo se suaq; Diabolo in fidem & imperium ejus addicit, & Sathanas vicissim varie se suos beaturum, hostes ipsorum ulturum, promittit. Et sine tali pacto in Magicorum notitiam aut societatem devenire non datur.

7. De hac confœderatione queritur, 1. An realiter ea à Magis peragatur, an saltem phantasiis in capite Magorum à Diabolo excitatis constet? Modum confœderationis Goëdelmannus l. 1. d. Mag. C. 2. n. 8. Ceremonias Delrius l. 2. disq. q. 4. Et Cigogna l. 4. d. Magic. c. 3. recensent. Wierus l. 3. d. præstig. c. 3. 4. l. 6. c. 11. & Goëdelmannus l. 2. C. 2. de lamiis totum præstigiatorium censent, etsi de Magis realem contendit C. 4. l. 2. Inter lamias distinguendum est. Sunt, quædam prorsus melancholicæ & atrobilarix, quib. varia somnia in capite & spiritibus confusis excitare potest Sathanâ. Has tam in confœderatione, quàm alius variis actionibus à Sathanâ eludi probabile est, quum mille fallendi & artes & nomina ille teneat: V. C. 4. t. 18. seq. Sunt aliæ melioris complexionis, & quæ non ex melancholiâ, tristitiâ, dolore, & simili affectu ad Dæmoniaca delapsæ sunt, sed odio, invidiâ, iracundiâ, vindictâ, nocendi libidine, avaritiâ, libidine, voluptatum amore, scientes volentesq; se ad Sathanam converterunt, vel juvenculæ & pu-



& puella à matribus ad contractum istum ducta aut coacta sunt, V. Remigium L. 2. C. 2. Et has realiter fœderatas cum eo esse verius est. 1. Quia id Scriptura insinuat, cū impius fœdus cum morte ac inferno pepigisse dicit, Esa. 28. v. 15. Et capitis pœnam Magis constituit, Exod. 22. Lev. 20. Deut. 18. V. C. 1. t. 5. Quod fieri non posset, nisi peculiari Daemonis ope, consensu, & auxilio illi niterentur. Sed istud auxilium nullus sine aliquo pacto cum Sathana experietur. 2. Quia ratio idem persuadet. Nam Demon ut Spiritus, per vim cogi ab homine, ut corpore, non potest, ut auxilietur, & pro placito concurrat. In spiritualia enim nullum hominis imperium. E. per conventionem cum concurrere oportet, quæ ipsa confœderatio est. Idem demon perpetuus hominis hostis est, ac aeterno odio eum prosequitur. E. nihil gratis homini ad placitum præstabit, sed vicissim aliquod opera & auxilii sui pretium requireret. At hoc pactum involvit & prærequirit. Idem perpetua Dei simia est, ejusq. acta, quantum potest, exprimere conatur, V. C. 3. t. 18. Ut ergo Deus in V. T. per circūcisionem, in N. per baptismum fœdus cum homine init, & se Deum ejus, hominem obædientem ipsi futurum stipulatur: Sic in simili Sathanas cum suis fœdere aliquo paciscitur, se illi benè facturum, ipsos sibi obedientiam præsturos. 3. Quia experientia per exempla & propria Magorum confessio frequenter & constanter, sæpè etiam spontaneè, sine tormentis edita, id unanimiter testatur, se in fœdus cum Sathana consensisse. V. Bodinum l. 2. Dæm. G. 4. & c. Wierum, Remigium l. 1. dæmonolat. C. 5. Vbi & notæ eam fœderationem ut signis, Corporis interdum partibus imprimi exemplis multarum ostendit, Binsfeldium d. Confess. Sagarum, Sprengerum in malleo, p. 2. q. 1. C. 2. Cigognam l. 4. d. Magia C. 1. 3. aliosq. Exempla ex vita Basilii & aliis in Surrio T. 1. allegat Delrius q. 4. C. l. 4. Quia authoritates



*Iuris Civilis Cod. de Malefic. & Mathem. Leg. Multi, & Canonici. V. C. 2. t. 4. Patrum, ut Cypriani l. de dupl. Martyrio Augustini l. 2. d. doct. Christ. C. 23. seq. Terulliani d. præscript. co. hæreticos, Irenæi l. c. hæret. C. 24. Vbi de Carpocratianis Magica exercentib. id tradit, Scholasticorum, ut Scholæ Parisiensis art. 3. ap. Bodinum præf. Dæm. Variorum item Jcutorum & Philosophorum idē contestantur, V. Jacobam Regi in Dæmonol. l. c. 5. 6. Et Delrium l. 5. c. 16. Ubi Alensem, Albertum M. Bonaventuram, Guidonem, Gersonem, Victoriā, aliosq; multos allegat, Et in processib. Iuridicis contra Sagas compertissimum est. Estq; communis & recepta sententia, Cui temerè recalcitrare immodestum est. Ipsi Ethnici sedus tale agnoscunt, ut Lucanus l. 6. d. bell. civ. Cujus commercia pacti? An habent hæc carmina certum Imperiosa Deum, qui mundum cogere, quicquid cogitur ipse, potest? Quæ contra objicit Wierus c. l. apud Binsfeldium c. l. præl. Et Sennertum l. 6. p. 9. Practic. C. 5. m. 8. soluta reperias.*

8. 2. An & ritibus, ceremoniis, notis, signis, scriptionib. Sanguinis attestatione, interdum conficiatur? Omnino, ut & Exemplar, & Magorum confessiones docent. Interdum in fronte, palpebris, labiis, sede, dextro humero, femore, axillâ, genitalib. nota illa imprimitur, V. Bodinum l. 2. dæm. c. 4. Remigium C. l. Delrium c. l. Cigogham. c. 3. c. l. 3. Quotuplex confederatio cum Sathanâ sit? Duplex, manifesta & tacita. Manifesta vel solennior est, quæ ipsi demoni visibili formâ apparenti sit, Idq; vel immediatè in persona propriâ, vel mediatè in alienâ, Et Magi aut alterius intervenientis, quâ Grillandus tacitam vocat q. 3. Cum melius ad apertam revocetur, vel minus sol. sine testibus, vel cum illis. Tacita, quæ vel ex scri-



ex scriptis Magicis notoriè & spontè volenterq; sumitur, unde  
 superstitiosa adjurationes & ceremonia Magis usitata adhiben-  
 tur, & sic societas cum demone facile se, ubi vocatur, sistente  
 inquit; Vel ignoranter ex illis sumitur, ac ceremonia adhibentur,  
 quæ licitæ & Physicæ vel Theologicæ putantur, non Magicæ esse  
 creduntur. Hoc pactum levius ac obscurius est, Ac si ignorantia  
 probabilis sit, & monitus facile talib. desistat, leviter irritū red-  
 di potest. 4. Quomodo ab actibus naturalibus aut divinis  
 & miraculis confœderatio Sathanica distinguenda? De hoc  
 agetur C. II. t. 9. Vbi de Magicorum probationibus disceptabitur.  
 5. Quantum peccatū talis confœderatio sit? Gravissimum,  
 & quod omnia Decalogi præcepta evertat. Contra primum  
 idololatria, apostasia à Deo & infidelitas, & cultus Deo debitus  
 in Diabolum ac creaturam transfertur. Contra 2. Horrendæ  
 nominis Dei & sacrorū profanationes, Contra 3. Sabbathi divini  
 violatio, Contra 4. Om. superiorum contemptus, solius Satha-  
 na aestimatio, Contra 5. homicidia tectæ & aperta, C. 6. adulte-  
 ria, fornicationes, pollutiones, comesationes, cum Sathanâ con-  
 gressus, C. 7. furti tectæ & aperta per Sathanam expedienda, C. 8.  
 mendacia, doli, fallacia, præstigia, falsa testimonia, perjuria,  
 proximo nocentia, C. 9. & 10. Concupiscentiæ variorum proximī  
 bonorum committuntur, approbantur, introducuntur, & exer-  
 cere permittuntur. 6. An peccatum in Spiritum S. dici pos-  
 sit? Si ex plenâ agnitione veritatis & totâ voluntariâ malitiâ  
 fiat, & cum pertinaciâ ac blasphemiâ ad ultimum vitæ finem  
 persistat, potest ita dici. Sic enim peccatum in Sp. S. apud Theo-  
 logos describi solet, quod sit sufficienter agnita veritatis Evan-  
 gelicæ malitiosa & totalis rejectio, cum blasphemâ & finali im-  
 pœnitentiâ conjuncta. Si autem ex semiplenâ fidei cognitione  
 fiat, qualis in mulierculis, sagis, lamiis, multisq; idiotis, quales  
 E. 3. pleriq;



pleriq. Magi sunt, est, aut ex melancholiâ, terrore, egestate, miseria, vindicta cupiditate fiat, ut sæpe solet, ita appellari non meretur, etsi aliàs satis grave peccatum sit.

9. 7. An propriè dicta confœderatio ea sit? Non, quia nec homo cum Sathanâ, jurato Dei & totius generis humani hoste, paciscendi jus habet, ut qui Deo jure creationis, redemptionis, & reparationis totus jam subjectus esse tenetur: nec quidquã vera commoditatis inde reportat, ut in omni pacto esse solet, sed multũ damni, quã corpus & animã: nec inter sceleratos, ut latrones, fures seditiosos propriè confœderationem, sed factionem, conspirationem, conjurationem, & rebellionem esse Politici ajunt: Nec juris vel virtutis aliquid in demonem Magus acquirit, aut facultatis in signa aut ceremonias, quib. ex condito utendum Mago, commigrat, sed omnia simulat versipellis, ac si cogeretur, & spon- te perficit, quicquid Magica ista proficitur. V. C. 7. t. 1. 8. An ob solam confœderationem istam Magus capitaliter puniri possit? De hoc C. 11. t. 11. dicitur. 9. An ob utilem finem, ut arcanorum naturæ notitiam, varias scientias, morbos maleficos avertendos, & similia acquirenda cum Dæmone fœdus inire liceat? Id faciunt, qui Spiritus familiares ad- sciscunt, adjurationes demonum adhibent, divinationes & sor- tilegia illicita sectantur, modos imperium in demones acqui- rendi exoptant aut describunt, & similia agunt. Sed hac non sine infidelitate, idololatriâ, & insigni impietate ab homine peragi possunt, qui Deum etiam ex natura lumine novit, ut Tract. d. notit. nat. C. 5. t. 2. seq. ostensum, ac qui jure Creationis & quo- tidianæ provisionis totus jam Deo, ut quotidiano benefactori sub- jectus est, à quo non sine insigni sacrilegio desciscere potest, eti- amsi mysteriis Christianæ fidei nunquam initiatus sit aut fuerit: A Christiano, qui mysteria fidei cognovit, non sine abominati- one cogitari debent, nedum patrari possunt.



ro. ro. An Deum abnegare dicendi, qui tale foedus in-  
eunt? Si abnegare specialiter sumatur pro eam Dei cogniti-  
onem excutere, quæ ex speciali verbi revelatione hausta est, quæ  
Deus ut Creator, redemptor, sanctificator, & glorificator speciali-  
ter cum filio & spiritu eius cognoscitur, sic non omnes fœderati  
Sathana Deum abnegant, Non n. omnes ita eum cognoverunt, ut  
gentiles, Iudæi, Mahometani, qui sine Deo, specialiter cognito,  
in mundæ esse dicuntur, Eph. 2. v. 12. Si generaliter pro quam-  
vis Dei agnitionem vel ex naturâ vel Scripturâ sumptam re-  
pudiare, sic omnes Magi Deum abnegant, Facto n. à Creatore  
ad Creaturam ut summum Dominum desciscant, Deo debitum  
cultum ad eam transferunt, & summam devotionem ac obedi-  
entiam ei promittunt, eaq; designant, quæ facerent, si nullus Deus  
existeret, quod reverâ Deum abnegare dici potest. II. An &  
quomodo irritari talis confœderatio possit? Potest irritari,  
itaq; & ex parte Sathanae, & hominis. Sathan ubi is promiss-  
a aut tempus eorum non servat, aut aliàs variè Magos suos lu-  
dificatur, Prout spiritus mendax & Pater mendacii est, Joh. 8.  
v. 44 Ita sæpè 20. annos se suis inservitutum promittit, & vix  
5. aut 10. servat. Exempla apud Bodinum, Wierum, Grofium,  
prostant. Hominis, Vbi is à Sathana iterum avertitur, & ad  
Deum convertitur. Hoc pœnitentia, precibus, jeuniis, aliisq;  
fidelium exercitiis fit. Ita sæpè precibus piorum coactus Diabolus,  
ut Chirographum hominum, quo se Sathana obstrinxerant, refer-  
ret. Sic Luherus aliquando eum coëgit, ut Chirographum stu-  
diosi sub concione ad altare projiceret. Gœdelm. l. i. d. Sagis. C. 6.  
Stetini studiosus aliquis ita liberatus, ut Sathan syngrapham pro-  
missam tollere non auderet.

II. Sic principia Magiæ efficientia: Conservantia &  
propagantia eam Scholæ, Doctores Magici, libri ac scri-  
pta Magica sunt, quibus Magici actus eorumq; modi descri-  
buntur



buntur, proponuntur, docentur, & in alios transfunduntur. Scholæ Magicæ variis in locis usitate fuerunt. In Hispaniâ post Saracenorum irruptiones tantum Magia invaluit, ut palam Toleri, Hispali, & Salmantice, Dæmoniaca artes docerentur. Delrius præfat. disq. Mag. Et Tholosanus l. 34. Syntagm. C. 21. In Italia ad lacum Nursinum & in spelæo Virginiâno auiorum memoria celebres ejus Scholæ extiterunt. Delrius l. 2. q. 1. Badudus Britannorum Rex Magicas artes passim docuit. Zvingerus Vol. 5. Theat. l. 4. Cracoviæ in Poloniâ olim Magia publicè docta fuit, unde eam hausit Johan. Faustus Magus. Camerarius C. 1. c. 70. Thesfali Magicis infames, & magica curiosè ediscebant, ac vicinos docebant, Polydor. l. 1. c. 22. Ephesii Magicis dediti, unde ibi Apollonius publicè Magicorum ludum aperuit, & ab Ephesiis statuâ donatus inter divos relatus est. C. 1. t. 4. Carpocratistæ & Gnostici Magiæ Scholas introduxerunt. Epiphan. l. 1. c. hæref. hæ. 27. Libri & scripta Magica sunt, in quibus Magicorum materiæ repræsentantur. Quæ vel commentitia, vel vera sunt. Commentitia, quæ falso adducta, & alienis authoribus adscripta. Talia sunt libri Adæ, Abelis, Enochî, Abrahæ, Pauli, Cypriani, Honorii, Alberti M. Salomonis clavicula, & 7. Volumina, Liber artis Grimoriæ, apud Delrium l. 2. q. 3. Vera, quæ à suis authoribus profecta. Vt Triethemii Steganographia, Agrippæ de occulta Philosophia, quem pleriq. pro Mago habent, V. Jovium in Elogiis, Thomæ Eboracensis & Petri de Apono scripta, quæ Magicorum apud plerosq. suspecta: Julianus Chaldæus Philosophus 4. lib. d. dæm. scripsit, & Julianus filius Theurgicorum author est. Porphyrius Palladem, Symbolum, Adelphium, Acylinum, Alexandrum, Philocomum, Demonstratum, Zostrianum, Nicotheum, aliosq. allegat, quorum impis scriptis Gnostici usi sunt.



## Corollaria.

1. Notitiam aliquam Dei naturalem dari cum *ex Scripturâ* *Psalm. 19. Act. 14. Rom. 1. & 2.* tum *Naturâ* probari posse contra *Photinianos* asserimus, quamvis *Trinitatem* ex naturâ cognosci posse negemus, etsi vestigia, imagines, & similitudines ejus ex eâ animadverti concedamus, *remotas, obscuras, imperfectas,* & quæ à posteriori *ad eam allatæ,* non à priori de eâ deprehensæ fuerint. *Similiter* notitiam aliquam angelorum ex Naturâ sumi posse ab exemplo obsessorum & arreptitiorum ostendi posse censemus, in quib. operationes, quas nulli nisi angelo malo adscribere queamus, deprehenduntur, ut *alibi* ostensum, etsi distinctior ac specialior cognitio ex Scripturâ desumi queat.

2. *Veram Philosophiam* ex lumine Naturæ & notitiis naturalibus post lapsum residuis exstructam, & Fundamento suo, Naturæ rerum, ritè conformatam, *veræ Theologiæ* ex Lumine gratiæ legitimè eductæ, verè in ullo puncto contradicere, aut ullum ejus dogma realiter evertere negamus, & exempla in oppositum adducta omnia aliena esse affirmamus, ac in Philosophiâ prorsus ignota esse, adeoq; Theologicas materias evertere non posse dicimus. *Diversæ, distinctæ, ac disparatæ disciplinæ Theol. & Philos.* esse possunt, non adversæ aut contrariæ.

3. *Habrum Theologiæ & Philosophiæ,* ut promptitudo aliqua materias istas ordinè cognoscendi, explicandi, probandi, & docendi est, inter opera Carnis referenda esse negamus, perinde ac nec Medicinæ aut Jurisprudentiæ. Nec immediationem Carnis & Spiritus in Sacris propositam hic obitare posse affirmamus, quæ in suo foro legitima esse potest, ut nostris materiis illegitimè applicetur.

4. Spiritum S. tertium illum in Cœlo testem, *1. Joh. 5. v. 7.*

subsi-



substans quid, non accidens esse, ut Photiniani praeuntibus olim Simonianis, Origenistis, Macedonianis, & sequentibus hominibus, ut solent, Arminianis, volunt, & ex nominibus ejus ac descriptionibus in sacris occurrentibus, Ioh. 14. 15. 16. 2. Cor. 1. & 1. Ephes. 1. & 4. Apo. 1. & baptismi in nomen ejus distincte ac partite, perinde ut in Patris & Filij, expediendi institutione ac administratione, Matt. 28. Quem in V. aut N. T. uspiam in accidenti nomen institutum vel administratum fuisse nunquam demonstrabitur, & solam in Caelo testificatione, 1. Ioh. 5. Quae a substantiis, non accidentibus est, quomodo & omnes testes in terra c. 1. adducti substantiae sunt, & peculiari ejus contra dona & operationes, quae accidentia, distinctione, 1. Cor. 12. evidenter concluditur. Eundem donum, pignus, sigillum, virtutem altissimi salvae substantiae ratione dici posse affirmamus, nec appellationes tales infrequentes deprehenduntur.

5. Articulus de Communione Sanctorum distinctum in Symbolo punctum facere, non cum puncto de Ecclesia confundendum, aut pro ejus explicatione sumendum esse, contra dissentientes, ut Wigandum, Ferinarium, Copium, aliosq. affirmamus.

VVENCESLAUS GERSON BROSINS,

Anagramma,

Surgens, usu labores vinces.

hinc

Vincens usu labores, surges.

Si hanc jacet in molli praeclara scientia lecto, &

Praeclarum absq. usu nil valet ingenium,

Tu surgens, Brosi, ingenii usu ac arte labores

Vinces. Nam quid non vincitur ingenio?

Hinc surges, usu vincens ac arte labores.

Et solet ingenio surgens docto coherere.

Guilielmus Smeeth.



De

PRINCIPIIS ET SVBIECTIS  
MAGICIS.

## THESIS XI.

**P**lcus se Chaldaicos libros Magicos Esdra & Mehtar Magorum legisse testatur, Delrius l. 1. c. 3. Zo-roaster Magicos versus 100000. scripsit, quos Hermippus commentariis explicavit. Patricius eos ex Platoniorum scriptis laboriosè collegit. Zuinger. Vol. 5. l. 4. Antisthenes Socratis discipulus, Marcus aliquis, & Avicenna, de Magiâ scripserunt. Idem c. 1.

12. Sic Efficiens Magicorum fuit: Materia eorum, vel circa quam, vel in quâ est. Circa quam varij ritus, ceremoniæ, characteres, & superstitiones esse possunt, quibus Magi & Saga in suis actibus passim utuntur. Hac Sacramenta Diaboli, des Teuffels Heilighumb / quidam vocant. Quibus nec virtus, nec res subest, sed simulatio, quasi aliter nocere, juvare, aut perficere Sathan non possit, ut homines ita suis rebus addictos teneat. Objecta item, circa quæ actus suos exercere volunt. Quæ vel inanimata esse possunt, ut aer, aqua, terra, vel animata, ut herba, bruta, homines. Materia, in quâ sunt ipsa subiecta Magica, Magicis dedita, eaq; exercentia. Hac vel integræ gentes, vel singulares personæ sunt. Integræ gentes, quæ Magicis infames. Ut Ephesii C. 1. l. 4. Thessali, Persæ, Romani, Gallorum Druidæ, Britannii, Cabalisti, Choatræ ad Moeotim populi, Magi Mathematici cum gigantibus belligerantes, Bothnici Septentrionales, Lappi, Finnones, Biarmi, Tartatorum Horde, &c. apud Zuinger.



ger. Vol 5. l. 4. Et Beyerlingium T. 5. Polyanth. Voce  
 Magia: In Gallia Magia olim maximè viguit, ut Triscalanus  
 Magus sub Carolo 9. Rege ultra 30000. Magos ibi esse Regi af-  
 firmaret. Lansius Or. c Gall. Indi, Persa, Hyrcani, Assyri,  
 Ægyptij, Æthiopes, etiam Magicis dediti. Boifardus d. divi-  
 nat. p. 337. in Apollonio. Singulares personæ vel Viri, vel  
 Foeminae sunt. Virorum primus Magices inventor & ex-  
 cultor putatur Zoroastres, quasi vivum astrum dictus, cum  
 antea Zarades dicebatur. Sed cum multi hoc nomine fu-  
 erint, cuinam id verius adscribatur, incertum est. Goro-  
 pius Becanus nullum fuisse contendit. Sed contra fidem hi-  
 storia id est, cum multi ejus meminerint, ut patebit. Primus  
 Chaldæus fuit, & hic Magia Sathanica inventor ac excultor  
 existimatur. Quamquam Plinius Praeceptorem ei Agonacem  
 tribuit, qui 5000. annis ante bellum Trojanum vixerit, l. 30. c. 1.  
 Sixtus Senensis ac alij bonam tantum magiam ei tribuunt. Sed  
 contra Historicorum fidem, qui omnes Diabolicam ei assignant.  
 Hic Chamus Noe filius fuit, qui Magicam artem & alias libera-  
 les artes 14. columnis inscripsit, 7. aeneis, & 7. lateritiis, contra  
 duplex, quod prævidit, Orbis excidium, per aquam, & ignem.  
 Sed Ninus maximam librorum partem combussit, ut Author  
 Scholastica historia tradit. Remanserunt tamen versus, de qui-  
 bus t. 10. Et ante diluvium Magica viguisse Serenus Abbas  
 ap. Cassianum collat. 8. C. 21. 22. tradit. Vbi Doctrinam  
 DEI Setho communicatam à Caini posteris instinctu Daemonum  
 in superstitiones magicas conversam ait, & Chamum laminis  
 & lapidibus eas inscripsisse, quas post diluvium perquirens se-  
 minium nequissimarum artium ad posteros transmiserit. Scri-  
 ptura quidem ante diluvium Magorum non meminit, sed post-  
 ea Exod. 7. seq. V. C. 1. t. 2. Fuisse tamen eos, & magicam  
 impi-



impietatem in impiâ Caini familiâ inter cetera exercitam fuisse omnino credibile est, ex cujus familia Chamus tandem eam hausit, & post diluvium ad posteros transmisit. Vnde primus ejus Author putatur, quia primus post diluvium eam scivit, tractavit, & in suâ familiâ docuit ac propagavit.

13. Secundus Zoroastres Bactrianus ille fuit, qui cum Nino bellum gessit, à quo Bactrianorum regno pulsus est, tempore Abrahami circiter, 800. ante bellum Trojanum annis, de quo Plinius l. 8. C. 1. Justinus, Arnobius. Tertius, qui & Erus dictus, sive Armeni filius, juxta Clementem Alexandrinum. Arnobius quatuor memorat, Chaldaum, Bactrianum, Pamphilium genere, & quartum Armenium, Hortantis nepotem. Quintum fortè addit Suidas, cum Zoroastrem Astronomum tradit, & Persomedum fuisse dicit. Sextum Proconnesium Plinius adjicit, recentiorum, & qui circa Xerxis tempora floruit. Apud Persas enim semper Magica floruerunt. Omnes hi magi fuerunt. Post Zoroastrem infiniti Magiae cultores extiterunt. Quidam in sacris memorantur, ut Magi Pharaonis, Bileamus, Simon magus, Elimas, V. C. 1. t. 2. seq. Quidam in Profanis, ut Teldines, Amphion, Orpheus, Pelops, Pases, Cobares Medus, Curt. l. 7. c. 4. Pythagoras, Gobrias, Numa, Tullus Hostilius, Theotechnus, Maximus Ephesus, Hearsus, Libanius, Jamblichus, Julianus Apostata, Bajanus, Apollonius Thyaneus, & Manetho Magus, qui palam semper prae se contempsit Apollonium, tanquam qui solis verbis sua, ut ipse, perficere deberet, si in arte perfectus esset, ut Anastasius Episcopus tradidit. V. Boissard. d. divin. p. 347. Othinus & Ericus Sueci, Oddo & Hadingus Dani, alijs plurimi, ap. Zuingerum Vol. 5. l. 4. Beyerling. c. 1. Similia apud Cigognam l. 4. Magi. c. 1. & 3. vide. Faustus, Wagnerus & similes etiam Magi,



*si tamen vera, quæ de Fau. traduntur, quæ quibusdam suspecta sunt. Ex Papistis ipse Cigogna l. 4. d. Mag. c. 8. de Fausto, ait, mira sunt, quæ circumferuntur, magnâ tamen ex parte conficta. Etiam Agrippam ac Trithemiû pleriq; Magis accensent. Delirius Archimagum Agrippam vocat l. 2. q. 2. Sed ipse, quæ in libris de occulta Phil. magica per iuventutē scripsit, in senectute publicâ palinodiâ recantata vult apud Cigognam c. l. Multi inter Pontifices Magi, & Magicis artibus Pontificatum adierunt. Vt Sylvester II. Martinus 2. Benedictus 8. Gregorius 7. Johannes 20. & 21. Alexander Sextus, Vi Platina, Zvingerus c. l. & Goedelmann. l. 1. c. 2. testantur. Præstigiatorum, Necromanticorum, Ariolorum, Incantatorum, Veneficorum, Sortilegorum, Magicorum, Curatorum, Lamiarum, exempla apud Goedelmannum l. 1. & 2. de Magis videri possunt.*

*14. Fœminæ etiam plures memorantur, quæ Magicis imbutæ fuerunt. Earum similiter nonnulla in sacris traduntur, ut Pythonissa in Endor, & puella divinatrix. V. c. 1. t. 3. 4. Alia in profanis, ut Arabum mulieres maximè veneficæ, similiter Thessalæ, Gothicæ, Lamix, Hecate, Medea, Thracia, Circe, Olympias, Caupona ap. Auplejum 1. Metam Bela, Tetcha, Maga aliquæ in Angliâ, Magdalena Crucia, Abbatissa Hispanica, Margareta aliquæ, aliæq; apud Zvingerum c. l. Francisca Senensis Saga, ex Grillando ap. Cigognam c. l. c. 3. Canidia ap. Horatium, Medea ap. Senecam. Lamiarum Exempla apud Goedelmannum, Bodinum, Wierum, aliosq; passim prostant. Interdum pueri & puella in societatem criminis raptæ, Dæmoni; ab infantia à parentibus in fœdus data sunt, ut apud eosdem videri potest. De Subjectis Magicis diversa quæri possunt. 1. An magi verè à Dæmone obsessi dici possint? Si obsideri dicantur Generaliter, qui à Diabolo aguntur,*



aguntur, ejus nutu, auxilio, gubernaculo, cuncta administrant, & in omnibus ab eo duci regig. se patiuntur; Ita & magi ob-  
 fessi dici possunt. Ita omnes graviores peccatores à Diabolo ob-  
 deri quandoq. dicimus; quia imperium in eos satis manifestum  
 Diabolus exercet: Si specialiter, qui corporaliter à Damone  
 inhabitantur, gravissimè torquentur, & inviti imperio ejus  
 subesse coguntur, non. Magi enim spontè in imperium Diaboli  
 consentiunt, cruciatus tales, quales obfessi, non sentiunt, etiam-  
 si quandoq. ab eo exagitantur, indicia obsessionis non produunt,  
 non furore, linguarum notitiâ, inaudito robore aliisq. se osten-  
 tant, non Vinculis aut catenis ut obfessi, constringuntur, justè ob  
 crimina sua supplicis afficiuntur, quod obfessi non, cum quibus  
 potius condolentia, ut gravissimè affectis, habetur. Affirmat  
 Scribonius in Epist. d. probat. Sagarum & Physica sua, ut  
 probationem per aquam commodius statuminet. Sed sine rati-  
 one, & probatio ista tota superstitiosa ac Christiano indigna est,  
 ut C. II. t. 2. patebit.

15. 2. An pythones & divini, qui responsa authore  
 Sathanæ dant, obfessi dici possint? Generali sensu etiam,  
 quia imperium satis validum & speciale in eos Sathan exercet:  
 Speciali non, ex eisdem rationibus, ac t. 14. Obfessi malum à  
 Daemonibus patiuntur, quod pati malum non est. Divini vi,  
 consilio, & auxilio Sathana in predicendo utuntur, quod omni-  
 nò malum est. Per obfessos, ex illis, & in illis, Dæmones loquuntur  
 & predicunt, non per divinos. Hi per se divinant, licet, quod di-  
 vinant, à Sathanâ habeant. Dices: Virig. futura predicunt.  
 R. Sed diverso modo. Obfessi enim non per se, sed per Satha-  
 nam, & hic per ipsos: Divini per se & pro se, licet non à se, sed  
 à Sathanâ. Quia per obfessos Dæmones loquuntur, obfessis  
 ipsis ignota sunt, & ubi raptus obsessionis cessat, oblita: Quia



divini à Demone habent, nota & retenta, non aliter, ac quæ a hominum revelatione cognoscuntur. Quæ obsessi dicunt, de illis non prius Sathanam consulunt, sed inviti ad dicendum coguntur, illisq; ut instrumentis Demon utitur. Divini nonnisi consulto Sathanâ dicunt, & spontè consulunt, & consulta revelant, ac Sathana velut instrumento divinationis utuntur. In divinando homines Demonis operâ utuntur, In obsessis Diaboli hominib. utuntur. Ibi Dæmones Præceptores, hic Rectores & Motores sunt. Ibi actus non sine peccato divinantis est, hic sine eo est. Divinus malum gravissimum Sathanam consulendo committit: Obsessus malum gravissimum patitur, non propriè & motu proprio committit. A divinis iusta supplicia sumuntur, non obsessis. Per Accidens fieri potest, ut divinus simul sit obsessus, ut puella Pythonica Act. 16. Alia quædam sub Maximino Imp. apud Baronium T. 2. Ann. Et alia sub Hugone Episcopo Linconienſi apud Surium T. 6. Delphica Apollinis Virgo Sacerdos & divinatric, & Sybillæ interdum ap. Boisfardum, de divination. aliosq;ve. Hocq; modo divinus duplex constitui potest, vel qui inhabitantem spiritum habet, ut obsessus, vel qui assistentem, ut divinus. Ille ignota non cognoscit, etsi revelet: Hic revelat & cognoscit. In illo Demon in homine loquitur: in hoc homo loquitur, sed à Demone instructus.

16. 3. Magi Pharaonis qui & quales fuerint? Incantatores, præstigiatores, & harioli fuerunt, occultorum cognitores & patratores, qui partim mira aliqua authore Sathanâ perficere, partim res in & excantare, partim præstigiis oculos eludere potuerunt, ut etsi res non essent, esse tamen apparerent. Hoc enim Hebræa vocabula, quibus nominantur, important, V. C. 1. t. 14. Paracelsus eos commendat, artemq; eorum à Deo fuisse dicit, etiamsi Scriptura duriora illis nomina imponat l. 5. d. morb. invis. Sed Scriptura aliter de illis,



nec nomina vanè imponere solet, ut c. 1. visum. An malefici etiam fuerint, qui animalibus aut frugibus damnum intulerint, incertum est. Non videtur, cum apud Regem in gratiâ, honore, ac autoritate essent, quod publicè ac notoriè malefici obtingere non solet, etsi incantatores ac prestigiatores facile in Aulus tolerentur, quomodo Faustus aliq. magi apud magnates in gratiâ fuerunt, ut libenter eos secum ducerent. V. Cigognam l. 4. de Magia c. 3. - 4. Nomina eorum, Jannes & Jambres, unde Paulo innotuerunt, 2. Tim. 3. vers. 2? Ambrosius & Origenes ex libro Apocrypho, qui Iannes & Jambres inscriptus, cognovisse censent. Rectius vel ex traditione, quæ tum vixit de re tali, ut historicâ, vel ex peculiari Sp. S. inspiratione id cognovisse dicitur. 5. An apud Hæreticos semper Magia copiosior, & magi plures? Ita Pontificij censent, Delrius præfat. disp. mag. Thyrausp. 2. d. Dæmoniac. c. 21. Tholosanus l. 34. c. 2. n. & seq. Si id verum, quæram, quomodo tanta Magorum & Sagarum in Episcopatu Moguntino, Bambergensi, Herbipolensi, farrago invaluerit, ut tota penè oppida & pagos ob magiam exuri oportuerit, nec Canonici, Jesuitæ, Sacerdotes, Consilarii, Jcti, Medici, Nobiles aliq. à crimine immunes fuerint, ut historia an. 1626. 27. seq. annorum testatur. V. Sleidan. & Meterran. Continuat. Cum tamen hæretici ipsorum sensu dicti nulli ibi unquam fuerint, aut tolerati sint? Quid fiat, quod in Misniâ, Thuringiâ, Hassiâ, Norinbergico tractu, pauci aut nulli magi & Sage, cum tamen Hæretici istorum sensu istis in tractibus maximè dominantur? Quomodo in Italiâ, Hispaniâ, Flandriâ, Lotharingiâ, Leodiensi Episcopatu, tam ingens sagarum copia? Vid. Remig. Dæmonolat. In sola Comensi Diacesi millenarium sæpè sagarum numerus excedit, quæ ab Inquisitoribus anni decursu

exami-



examinantur, & sæpe ultra 100. singulis annis comburuntur, ut Spineus d. Strigib. c. 13. testatur, ubi nullus Hæreticorum tolleratur? Una Sabaudica natio confectos Magorum greges habet, ut nulla iudicum severitate extirpari queant. Danæus Dial. d. fort. c. 1. Quomodo ante Lutherum & Evangelij renovationem Magorum omnia plena fuerint, Evangelio reddito paulatim superstitio evanescere ceperit? Experientia ipsa testatur, comparisonem instituendo longè majorem Magorum copiam in Locis Papisticis esse, quàm Evangelicis, & cum Papisimus omnia adhuc inundasset, longè majorem Magorum numerum passim in provinciis fuisse, quàm cum Evangelium emiscere cepit. Et nullus tamen ibi hæreticus? Et ubi tantus apud hæreticos numerus usquam deprehensus est? Imò in Papatu publicè Magia in Academijs prælecta est, C. I. t. II. Quod de nullà Evangelicorum ostenditur. In Italia, Gallia, Spiritus familiares frequentissimi, qui etiam non ita apud Evangelicos.

17. 6. Unde Cadaverosus in Sagis interdum odor? Quia Diabolus ut plurimum induto cadavere sive incubus, sive succubus cum illis rem habet, indeq. grave olentia corpori Sage affricatur. Sic aliquando suspendi se assumpto corpore conatus est Damon exorcistam abigere. Sic Philinui cadaver velut virum circumgesit, & cum Machate hospite rem habuit, V. c. 4. t. 22.

7. Cur inter magos plures semper mulieres, quàm Viri? Esse ita Exempla & confessiones Sagarum confirmant, cum de conventibus suis constituentur, ubi semper plures mulieres, quàm Viros agnoscunt. V. Remigium l. 1. Dæmonol. c. 15. Ex Veteribus Fabius veneficium in feminâ facilius creditum in declam. docet. Plinius in veneficio fæminarum scientiam prævalere l. 16. c. 2. ait. In lege de veneficiis puniendis Exod. 22. v. 18. Vox Hebraea in fæminino posita est, quod plures semper



in hoc crimine mulieres, quam Viri, Quamquam vulgatus masculinè maleficos reddiderit. Rabbini in Pirke auoth proverbialiter dicunt, qui mulieres (in polygamiâ nempe,) multiplicat, veneficas multip. *Ut quævis enim præ alterâ marito placeat, etiâ per Sagas & veneficia quærun.* Ratio est, quia partim sexus naturâ imbecillior est, qui ad credendum & consentiendum magis pronus, eoque facilius falli & aliquò induci potest, indeq; ad seducendum habilior: Sic Etiam Sathanas decipere agressus est, non Adamum, Gen. 3. v. 1. Tim. 2. v. 14. Partim affectibus ira, vindicta, libidinis, curiositatis, magis & inordinatiùs subjacet ac regitur, ut modum non ita inveniatur, cum enim Vires Corporis non ita habeat, occultè per maleficia se vindicare quærit: Et imprudentia ac stoliditate magis ducitur, ut non consideratè rem attendat. Unde facilius Damon se insinuare, & in casses suos deducere potest: Partim loquacior est, & quæ mala novit, compares vix celare potest, eoque ad plures in errorem inducendos paratior est, quod in suis maleficiis Damoni gratissimum est. 8. Cur Tragicus plerumq; Magorum exitus? Esse ita experienciâ constat. Vel enim Magistratus in manus incidunt, & flammis, gladio, alijsq; modis absumuntur: Vel ab ipso Sathanâ vivi abripiuntur & tragicè exanimantur. Simon Magus ad preces Petri ex aëre dejectus ossa confregit, & postea expiravit. Gilbertus Magus obrigit, & in Insulam lacus Vetter in cavernam ligatus est. Alius parietem subiens nusquam post comparuit. V. C. 6. t. 21. Alius à Mago decollatus. C. 4. t. 19. Zidekias Magus equis discerptus, Comitissa Andegauensis viva per fenestram à Sathanâ abrepta est, Jamblichus seipsum veneno interfecit, Empedocles in flammis Ætna miserè periit. Faustus gulâ fractâ discerptus in pago repertus est. Alius Magus in Germania flammis absumptus



est. Marisconensis Comes à templo vivus abreptus est, succurrite Civēs, inclamans. Michaël Sidicites aquis suffocatus perijt. Alius Iuris Candidatus minimo vulnere interemptus est. Scaius Bernensis hastis gladiisq; ad fenestram sedens inopinatò transfixus est. Angla Maga nigro eqvo imposita per aërem viva aucta est. Agrippa cervicē sibi abscindi iussit, in vitam se reversurum sperans. V. Cigognam l. 4. C. 8. Hildebrand. p. 266. Goeti. Bodinum l. 3. C. 3. Esueus Phoenisium tyrannus duos incantatos annulos, unde rerum gerenda rñ commoda captabat, gerens dolo improvise occisus est. Thol. l. 34. C. 15. Ratio est, Partim, quia iusta DEI vindicta ita in horrenda Magorum peccata, t. 8. animadvertendum esse requirit, ut DEVM severum talium scelerum vindicem esse mortales videant, & ab illis prudentius sibi cavere discant: Partim, quia Sathanas verus homicida ab initio est, t. 18. Eoq; suos aliter ad ultimum beare non potest, nisi ut in corporis & sepe etiam anima interitum eos precipitet, eoq; facto maximè letatur & gloriatur: Partim quia per tales casus maximè Sathanas infernum suum amplificatum cupit, hominesq; argumentum inde capere debent, & malos genios reverà esse, & infernum aliquem esse, & pœnas impiè facta manere, & qui Sathana serviunt, ita ab ipso beari, sicq; potentiam agnoscere, & infensissimi hostis insidias timere eo melius debent.

18. Formalis Causa Magicorum actuum nulla est, cum ipsi ut Accidentia ipsæ ultimæ formæ sint, non formas, per quas sint, adhuc habeant, ut in Metaphysicis docetur. Quantum in malis finis esse potest, in quibus extremum & τὸ ἔσχατον Philosophi, non finem agnoscunt, V. Scalig. ex. 250. f. 1. Pro ratione diversorum subjectorum hic concurrentium, t. 1. diversus assignari debet. Vel enim iste ratione DEI permittentis, vel  
Sathana



Sathana procurantis & subministrantis, vel hominis exsequen-  
tis spectari potest. Ratione DEI permittentis finis est, ut  
partim libertatem suam ostendat, quod non omnia vi ac impe-  
tu prohibere teneatur, sed quaedam liberè dissimulare ac permit-  
tere possit, velut prudens Magistratus in liberâ Republ. scelera  
interdum dissimulat ac permittit: Partim ut hominem ipsum  
liberum in talibus esse doceat, quod liberè in his ipsum ferri si-  
nat, & ut ad bonum neminem cogat, sic à malo neminem in vi-  
tium abstrahat; Sed ex non volente prius volentem faciat; Ut  
cum ignem & aquam ei proposuerit, libertatem illi manum, ad  
quod velit, extendendi reliquerit. Sirac. 15. v. 16. Partim  
ut varietatem morum & actorum in orbe ita ostendat, actusq;  
quosdam deficientes & perversos, quosdam perscipientes & legi  
congruos esse notet. Sic in naturalibus monstra ad varietatem  
Universi faciunt: Partim ut hominum peccata vindicet, in-  
firmitatem eorum manifestet, sibi relictos & à DEO derelictos  
in Sathana casses & varia scelera incidere justamq; suam pœnam  
incurrere doceat: Partim gloriam suam variè ita aperiat, sua-  
vitatis in mirè gubernando, Clementie in determinando, ac  
metas furori Sathanico praefigendo; Sapientie in varios & Sa-  
thana ignotos fines eliciendo; Potentie in Sathanam sibi subje-  
ctum teneri ostendendo, & justitie in varias pœnas per Magos  
homini ob peccatum immittendo. Ratione Sathanæ procu-  
rantis finis eorum ultimus & intermedius esse potest.  
Ultimus DEI contumelia & hominis perditio est. Id  
enim Sathan per eos ut primus eorum motor intendit, ut DEO  
maculam ac ignominiam inurat, ejus dominio hominem sub-  
trahat, ejus operibus se objiciat, paria se aut ampliora prae-  
stare posse ostendat, se pro vero Domino potestatem in omnia habente,  
omnium largitore ac effectore substituatur, DEO honorem suffu-



retur, sibi attribuat, DEI contemptum inducat, ejus regno incommodet, illudq; minuat, suum augeat & amplifcet, pietatem profliget, impietatem inducat, stabiliat, & extendat, omniaq; ea agat & procuret, quibus DEO ejusq; regno noxam inferri, DEIq; odium ac indignationem concitari liceat, prout juratus DEI divinorumq; hostis est, quibus bene velle aut quæ procurata esse cupere non potest, ac si quandoq; aliquid hic permittat aut simulet, eum in finem facit, ut majore damno deinde DEI regnum succutiat, hominem deniq; suo regno addictum, & in casibus suis irretitum æternis cruciatibus secum intrudat, & quæ corpus & animâ perdat. Eò enim tanquã Leo rugiens obambulat, quem devoret, quærens, 1. Pet. 5. v. 2. Eoq; verus homicida à principio apostastas sua fuit Joh. 8. 44. Ac se talem esse in seductione primorum parentum Gen. 3. manifestè ostendit. Sic post Christum in carne exhibitum & inauditis miraculis illustratum, Apollonium Thyazæum Magorum præcipuum apud Gentiles suscitavit, tantaq; vi prodigiorum & præstigiærum instruxit, ut paria aut majora Christo præstitisse videri posset, sicq; Christi gloriâ deterreret, Christianis insigne scandalum objiceret, infirmos in fide succuteret, gentiles in impio idolorum cultu detineret, & salutem eorum omnibus modis impediret. Quæ de causâ Christiani contra Apollonij defensores, ut Hieroclem aliquem eum cum Christo conferentem calumiam stringere necesse habuerunt; Quod passim ille Christo à gentilibus objiceretur, & præponeretur. Sic Eusebius librum con. Hieroclem scripsit, vide & de eo Justinum qu. ad Orthod. q. 24. Quod si interdum homini beneficiat, v. g. morbos sanat, egestatem sublevet, rerum scientiam conciliet, eum in finem facit, ut regno suo tenacius hominem insigat, & sic certiore interitum eum involvat.



19. Intermedii fines varii esse possunt. *Vt potentiam suam ostentare, artes ac scientias suas exerere, hominem versare, explorare, ludificare, terroribus in hanc & illam partem agere, prout spectris Damones sæpius solent, ut Exemplis constat. V. Remigium l. 1. Dæmonol. C. 28. Ad cultum suum melius inducere, se pro DEO aliquo & hujus sæculi venditare, peccatis se delectari docere, DEI simiam esse, ejusq; acta imitari vellet, quod in multis Damonem præstare certum est. Sic enim & Publicos suorum quandoq; conventus celebrat, sibiq; honorem ibi haberi cupit. V. C. 4. t. 10. seq. Vt Deus à suis illud efflagitat: & Sacramento aliquo, fœdere ac notâ quadam suos addicit, t. 7. Et rationem colendi suos Magos docet, & gesta, quibus regnum suum propagarint, ab illis reposit, & sacrificia sibi fieri jubet, & loca quadam cultui destinata cupit, velut templa, & per Incantatores suos velut Prophetas vaticinatur, & per exta, auguria, gestus, somnia, visiones, aliquid ut DEVS per Vrim & Thumim olim, revelat, & Ecstaticos habet, C. 4. t. 1. seq. Et munditiem postulat ac præscribit, & se suos defensurum ac beaturum promittit, quandoq; & nonnulla præstat, planè ut de DEO in sacris similia extare novimus.*

20. Ratione hominis finis hic vel ipsius Magi, vel à Mago maleficiati aut lœsi, esse potest. Ratione Magi exequentis finis est vel libertas peccandi, ut liberè quavis per Sathanam agere posse ostendat: Vel nocendi ac vindictam exerendi libido, qua segetes, jumenta, & homines se perdere, in alias formas immutare, ac ad graves conditiones homines adigere posse doceat: Vel petulantia, vanitati, ac libidini animi quovis modo satisfacere velle. Ratione maleficiati vel Magico actu impetiti finis est, ut peccata ejus ita puniantur, infirmitas sibi relicta ostendatur, *Vt & violentia Sathana agnoscatur,*



imperium ejus declinetur, jugum excutatur, patientia hominis exploretur, DEI auxilium ferventiùs imploretur, fiducia & expectatio hominis exerceatur, elatus hominis spiritus infringatur, ut in Nebucadnezare, ad pietatem, devotionem, & Virtutes homo exstimuletur, justitia DEI illis interdum, per quæ peccavimus, punientis, ut cum Pythones consulvimus, jussa capessimus, per Magos iterum infestemur, manifestetur, gloriaq; DEI & regni ejus hoc modo promoveatur, & homo ad agnitionem DEI, sui, & Sathanae, deducatur.

## CAPUT IV.

De effectis Magicarum actionum, adeoq; de speciebus earum, & primò de actionibus ipsos Magos concernentibus, in illisq; terminatis.

**I**ta existentia Magicarum actionum, Definitio, & principia visa fuerunt: Succedunt effecta ipsa, quæ Magicis actionibus efficiuntur, aut effici creduntur. Quæ cum ipsis actibus inclusa, nec unius generis sint, commodè cum ipsis Mag. actionib. divisionem aliquam sortiuntur. Magici ergò actus & eorum effecta in duplici in universum reperiuntur differentia. Quædam ipsis Magis contingunt, in illisq; terminantur. Alia extra Magos ab illis ad alia feruntur, & in illis terminantur. Quæ ipsis Magis eveniunt, duplicia sunt; Vel Absoluta, vel respectiva. Absoluta, quæ Magis solitariè sine collatione ad alium Magum spectatis eveniunt. Hæc vel animam, vel corpus simul concernunt. Quæ animam, ecstasis Magica, & animæ extra corpus abreptio, & ad alia loca trans-



*translatio, atq. ad corpus iterata reductio est. De qua quæritur: An verè animæ Magi extra corpus suum à Sathana abripi, & ad Panegyres suas & loca dissita ferri, corpore alicubi sopito interea relicto, possint? Bodinus l. 2. Dæmon. c. 5. & conf. opin. Wieri affirmat, & variis exemplis confirmare allaborat. Baldvinus interdum id fieri non improbabile censet l. 5. Casu. Consc. c. 5. q. 7. Apud alios talis ecstasis Sathanica similiter veri speciem obtinuit. Cardanus secum luberet, extra corpus abripi scribit. Cardani autem pater Facius Cardan<sup>o</sup> per 30. annos spiritum familiarem habuit, ut ipse scribit l. 16. d. rer. var. c. 93. Et ex eo Zving. Vol. 5. l. 4. Vnde ad excessum mentis Cardanus informatus fuit. Plutarchus Solenem quendam, Plinius l. 7. c. 52. Hermotimum Clazomenium, Herodotus Praconnesium aliquem, Plato l. 10. d. Rep. Eren Armenium ita abreptos tradunt, ut corpora eorum pro mortuis jacuerint, Vnde & Hermotimi corpus occisum & crematum est. Similia Dec. 2. Misc. d. 9. t. 23. adducta. Apud Virgilium saga inducitur, quæ se promittit solvere mentes.*

*2. Verius contrarium, & rectius à Philosophis animam hic abripi posse negatur. Delrio q. 25. Bierman. d. Mag. act. t. 20. seq. aliisq. 1. Si anima Magi verè extra corpus abripitur, Ergò corpus mortuum erit, & cum anima ad illud reductur, verè iterum à morte in vitam aliquis revocari poterit, quod impossibile, & solius DEI proprium, ut C. 9. t. 38. patebit. Si corpus Magi vivum manere dixeris, animatum dixeris. Corpus enim sine animâ vivum non est. At animatum sine animâ esse, vel animam abreptam ab animato esse, contradictoria sunt. Si calorem nativum, vinculum animæ cum corpore, & ultimam corporis ad animam dispositionem, facultatem*



rem etiam animam reducem recipiendi, in corpore ecstático remanere, cog. id non planè pro mortuo haberi posse, in tali enim ista plane non remanent, dixeris, etiam nihil proficies. Calor enim iste ita animæ addictus agit, ut ejus vector, minister, & proximum agendi instrumentum sit, ut nec hac sine eo in corpore, nec ille sine ipsa perdurare queat. Et cum geros ac fluidus sit, quotidie in momenta cum regenerari oportet. At à quo generandus est, cum animâ adstructum ac adjutum esse oportet. Sed anima in corpore, è quo abiit, esse non potest. Nec forveri & sustentari ille sine pulsu & respiratione potest. Sine animâ autem ista cieri non possunt. 2. Si animus extra corpus abripitur, & corpus domi sopitum manet, ut sæpè Sagarum corpora ita manere animadvertuntur, ut Exemplis Bodinus c. 1. & Camerarius C. 1. hor. succis. C. 72. Ostendunt, erunt aut duo hominis hyphystamena & subsistentia, aut unum. Si prius, Ergo unus homo duabus subsistentiis subsistet, quod absurdum, Homo enim ut unus est, ita & una ejus essentia & existentia est, & consequenter subsistentia. Homo enim ut substantia est; Ita ejus existere est subsistere. Et essentia in actu constituta verè est ipsa existentia, ut in Metaphysicis docetur. Si posterius, due substantia separata, ut anima & corpus, unâ numero existent subsistentiâ, quod etiam absurdum. Quodvis enim suppositum ab alio sejunctum peculiarem requirit subsistentiam, tanquam supposito formæ vicem explentem. Rectius hac abreptio ecstasis aliqua aut ei analoga dicitur, quâ sensus externi ita ad interiora revocentur, ut nec passio corporea, nec motus externus percipiatur, & vita ipsa vix satis inesse animadvertatur. Item ludibrium aliquod Sathana ad analogiam resurrectionis mortuorum introductum, quo Veterator, cum rem verè prestare non possit, speciem tamen ejus in Sagis representare conetur,



conetur, & sic perpetuam DEI simiam agere concupiscat.  
V.C.3.l.19.

3. Dices 1. Taliter abrepti ad condictam horam revertuntur. At qui narcoticis soporantur, aut nunquam evigilant, vel 3. aut 4. dies dormiunt, ut Turcarum castrandi. Ergo nec narcoticus hic somnus est, nec mera ecstasi & sensum ad intra revocatione magi detinentur, sed verè animam abripi oportet. R. Non est somnus merè artificialis, qualis per narcotica inducitur, sed ecstasis & somnus Daemoniacus, à Sathanà in Mago excitatus, eoq. pro Sathana placito ad horas aliquot determinari, & tum iterum solvi potest. Sathana enim totius hujus fabula aëtori difficile non est, ad præstitutum tempus, quo magus condixit, & Damon consensit, magos suos somno detentos excitare, somnum pro lubitu abrumpere, membris sensum, corpori vigorem restituere. Cum & narcotica interdum per artem temperari possint, ut ad designatum circiter spatium homo à somno liberetur, & magis aut minus attineatur. 2. Qui narcoticis soporantur, nullius rei meminerunt. At magi excitati multarum, easq. distinctè referunt, verasq. eas esse inquisitionibus postea probatur. R. Qui merè narcoticis soporantur, ita fortè se habeant, quæquam res in dubium vocari possit. Sed hic soporatio est Daemoniaca, ubi fabula principalis aëtor Sathanas est, qui pro lubitu omnia hic agere & versare potest, eoq. & phantasias excitare, & memoriam sufficere, & quasi visa ac percepta magis essent, representare potest, sicq. illi tandem referunt. 3. Fatentur ipsi Magi, se animo ita abripi, ut extra corpus vagentur. Sic Cardanus, quoties lubet, se extaticum fieri scribit, t.1. Et hæc confessio publica & privata, iterata & frequentata, solennis plerisq. Magis, voluntaria & coacta, ac ad mortem constans est. Convictiones etiam, testimo-



nia, comparationes testium, & confessiones gentium omnium magnam inter se convenientiam habent. Ergo non pro vano hac res habenda. R. Qvalia labra, tales lactucæ. Confessores, magi, sunt homines corruptæ mentis & iudicii, qui à Sathanâ pro lubitu dementantur & exagitantur, milleq; ludibriis expositi sunt, ut facta & Exempla frequentissima testantur, V. C. 4. t. 15. 18. Ita & Confessio ipsorum non statim recipienda, sed examinanda & ponderanda est. Vbi de re est, quæ omnem potestatis naturalis vim superat, DEI potestati præiudicat, sanæ rationi repugnat, quæ potius inter impossibilia Creatura, quàm possibilia eam refert, V. t. 5. solidè ac plenè aliquid probare non potest. Passos esse magos aliquid, vidisse, sensisse, percepisse, aut somniasse aliquid, inde confici possit: Quomodo autem & quâ ratione, an animi extra corpus deportatione, an phantasticâ in cerebro confusione & representatione, an corporis ipsius exportatione, satis tutò narrationi ipsorum credi non potest. Sic nulli Melancholico, deliro, maniaco, somnianti, furioso, aliquid in re alicujus momenti creditur, etsi jurato. Cur hic id statim procedat? Quidam constantissimè se mortuos dixerunt, alij se veros Demones esse, nasum immensa longitudinis, nates vitreas habere, granum hordei esse asseruerunt. Nec ob id illis fides adhibita est. Perverttere ita Diabolus suorum mentem, sensus, & iudicium potest, ut se extra corpus abreptos fuisse opinentur & glorientur: fides facti in talibus ex nudâ relatione aut confessione constare non potest. V. t. 16. Convictiones autem, testes, gentium consensus, plerumq; Sagarum confessionibus nituntur, eoq; nisi hæc iusta fuerint, satis stringere non possunt.

4. 4. Multas locorum, personarum, gestorum, aliasq; materiatis circumstantias ex profectione reversi Magi referunt, ut epulas, commestationes, choreas, contentiones, gesta hominum



in remotissimis locis existentium, & similia; Quæ sine animâ observari non possunt. Corpus autem domi stertere observatum est. Ergo animam extra corpus abreptam fuisse necessum est. R. Si hæc realiter observare & observata referre possunt magi, Ergo animam extra corpus abreptam non fuisse oportet. Animus enim à corpore separatus, ut totus immaterialis, talia materiata tam distinctè & specialiter non observat aut enarrat, nec talia sentit aut patitur, ut ipsi referunt, sed corpori conjunctus talia demùm peragit, & ita ex objectione prorsus contrarium sequitur. Itaq; quælibet hæc sunt, vel mera præstigia & dementationes Diabolicae sunt, quibus hominibus glaucomata objicit: Vel commotiones phantasia, & prodigiosa somnia in animâ & corpore magi excitata sunt, quibus se hæc & illa videre extra corpus existimant. Cum anima in corpore somno sopito sit, & per somnium variis imaginibus à Sathana excitatis ita afficiatur, ac si præsens rebus interfuisset. Ut in somniis etiam naturalibus nobis quandoq; evenit, ut velut præsentibus exhibeantur, quæ imaginibus in phantasiâ per somnum formatis representantur. 5. Interdum Magi reversi literas, cultellos, aliasvè res eorum, qui longissimè absunt, secum reportant, corpore interim præ oculis multorum jacente immoto. Ergo animum exspatiari oportet. R. Indè etiam magis contrarium sequitur. Si talia materialia secum Magi deferunt, animum extra corpus non exspatiatum esse oportet. Solus enim & à corpore separatus animus materialia secum non defert, sed hoc hominis ex corpore & animâ constituti est. Deindè hic Sathana non difficile est, cultros, literas, aliundè abreptas celerrimè supponere, oculos spectantium fascinare, ne aliundè adferri sentiant, mago expergefatio ea tradere, qui, quæ



si ipse attulerit, adstantibus ostendit, cum Daemon astu oculorum aciem prestringente ac antevertente totum perfecerit.

s. 6. Corpora Magorum per aërem celerrimè interdum deferuntur, ut experientia constat, V. t. II. 12. Cur non animus extra corpus deferri queat? R. Corpora magorum deferri contra naturam non est, sed præter & ultra tantum, eoque à Sathanà effici potest. Animam extra corpus rapi contra naturam corporis vivi est, & ex vivo mortuum facit, reduciq; animam in corpus mortuum vitæ denuò reddere est, quod extra spheram activitatis rei finita est. Cum solius potestatis increata privilegium sit, animas corporibus eximere, illisq; restituere, V. C. 9. t. 38. Eoque à Sathanà effici non potest. Et illa ipsa export. corporis sæpè vana & prestigiatoria est, t. 15. Non mirum, animi abreptionem talem esse. 7. Magi ita abrepti nec verbera, nec inustiones morantur, ut illis ex somno excitari possint, ut Exempla testantur. At nullus somnus narcoticis inductus tam profundus est, ut ignis cuti admotus eum non excutiat. R. Tanta narcoticorum quandoq; vis est, ut somno detentos ne per triduum dimittat. Vi Bodinus c. 5. fatetur. Et ex Wiero L. 3. d. lam. c. 17. patet. An tales verbera aut ignes morabuntur, ut excitentur? Qui ecstasi abripiuntur, sine sensu ullo & motu velut exanimés jacent, ut pro mortuis interdum sepulti sint, ut t. 1. & dec. 2. Miscell. ibi allegata ostensum. An illi ignibus admotus in sensum revocari poterunt? Qui morbo caduco infestantur, in ipsa paroxysmo ignes nullos sentiunt. Interioribus enim passionibus pressi exteriora non animadvertunt. Nec ob id anima in illis abrepta. Sic quada Virgo sopita, ut nec adactas in pedes aciculas sentiret, Delrius l. 2. q. 25. Et tamen anima reverà in corpore fuit. Ancilla quadam Suecica Gedani anno 1610.



*sam profunde indormiſſit, ut ignibus ad faciem & collum uſta, per domum tracta, pulſata, raptata, nihil ſentiret nec evigilaret. Nec nuda narcoticorum viſ ad ſomnum in Magi eſt, ſed ecſtaſis Dæmoniaca, quâ ad lubitum Dæmonis profundius vel remiſſius ſomno Magi attineri poſſunt, t. 3. Non mirum, ſi nec ignes, nec verbera tales excitare poſſint, eſi anima reuerſa corpori iuncta ſit.*

6. 8. Actio tota hic Magica, Dæmoniaca, & ultra naturam eſt. Ergo ad naturæ leges non ita ſtrictè alliganda, ut ſi aliquid in naturâ impoſſibile videatur, ut animam extra corpus trahi, ſtatim & in Magico curſu id pro impoſſibili habendum ſit. In ipſâ Naturâ multa incredibilia ſunt, & quorum propinqua ratio reddi non poteſt. Quid non actiones ſpirituum ultra naturæ vim aſcendant, ut facultates agendi in ea ſuperare poſſint? R. Quicquid Diabolus perficit, ſi non præſtigis ludit, mediis naturalibus adhibitis & ad effectum producendum naturali agendi vi ſubordinatis perficit, ut herbis, aquis, radicibus, venenis, mineralibus, quorum facultatem exactiſſimè perſpicit, & ſufficienter penetrat, pluribus modis patientibus agentia adicere, vires facultatum aggravare, aſtutè & violentè res compellere aut diſvellere novit, ut gravior, celerior, violentior, aut horribilior effectus producat. Sic tempeſtates excitando nubes cogit, intoxicando venena parat, conjuges ligando genitalia depravat, ſexum mutando membra diſtinctionis detorquet, intromittit, aut extrâ evocat, V. C. 9. t. 5. Succumbendo aut incumbendo corpus adaptat & materiam aliquam prolicit, C. 5. t. 2. ſeq. Effecta Magicorum actuum etiam ſæpè ſunt naturalia, & naturæ vim non transcendunt, ut morbos immittere, tollere, ſanguinem provocare, liſtere. Itaq; actio ejus non ita naturæ eximenda, ut non ad leges ejus eam exami-



nare liceat. Omne violentum ad naturale reducitur. In magicis autem multa violenta, ut celerrimi corporum raptus, collisiones, attritus, tempestates, imbres, & similia. V. C. i. t. 9. 10. In Metaphysicis omne Ens in naturale & artificiale dividi solet, & sub naturali etiam DEVS comprehenditur, qui natura naturans dici solet, omneq; id eò redigitur, quicquid essenziale motus principium in seipso habet. Quidam Daemon ejusq; actus ad naturam revocari debeat, qui omnino essenziale principium motus in se habet? Vbi ipsum rō ōrī in aliquā re dubium & controversum est, non potest in eo, ut indubitato intellectus subsistere, sed ad causas, modos, circumstantias rei per vestigandas, an ita se res habere possit, ut vulgò fertur aut sentitur, progredi debet, ut accuratus rei status tandem cognoscatur. Et ita in presenti negotio est, ubi de Sathanā ejusq; actibus queritur. Quem maximum veteratorem esse novimus, de quo illud Patet, tibi nomina mille, mille nocendi artes, locum habeat, ut non statim communiter hic receptum, pro vero haberi debeat.

7. 9. Si ecstasis magica à somno & somniis sit, Sargas illā compulsas melancholicas esse oportebit, in quā complexione talia somnia excitare facilius ac commodius erit, prout dici solet, caput Melancholicum Diabolo preparatum balneum est. At fœmina rarò aut nunquam sunt melancholica, sed alterius complexionis, nec visum est, fœminam dolore animi mortuam esse, ut viri solent. Et apud boreales, ut Syecos, Finnos, Lappones, Biarmos, ingens magorum numerus est, qui cum volunt, abripiuntur. At illi minimè Melancholici sunt, cum omnes flavo capillo aut coloris ruffi sint. Ergò non somno aut somnio ecstasis ista adscribi debet, sed reverà anima à corpore abrepta est. R. Non sunt ista somnia merè Melancholica, sed Dæmoniaca, à Sathanā procurata, excitata, & deter-



### Exercitatio III.

71

determinata ac directa, qui ut actor negotii ad lubitum suum hic cuncta exsequitur, non meris narcoticis aut natura complexionis adscribi debent, t. 3. 4. Inde quidam 3. horas, alij semihora detinentur, ut Bodinus annotat c. 5. c. l. & confut. Wieri. Intercurrere autem Exemplum Melancholicarum Sagarum experientia constat, & apud Medicos mulierum Melancholicarum exempla prostant. Sic Melancholiam aliquam ex utero agnoscunt, cum sanguis ad uterum confluens ibi exitum quaerens, eum ibi non invenit; Et feminis familiare hoc malum, quia & magis dejecti animi, & cum viduae sunt, animi morere ac curis magis cruciantur. Vt Hippocrates aliq. tradunt. V. Sennertum l. 5. Pract. Medic. p. 2. C. 13. Exemplum Melancholicarum mulierum apud Schenkium obs. med. p. 270. seq. Et ex eo Melandrum T. 1. Jocor. C. 467. seq. vide. Septentrionales Melancholicos esse, ut non universè affirmari potest, sic nec negari debet. Possunt & inter illos Melancholici incurrere, etsi ob circumstantis frigus aëris capillo maxime flavo aut albente sint. Sic corvi in Islandia ob perpetuos nives albi nascuntur. Aristot. 5. d. gen. anim. c. 6. Et l. 3. hist. anim. c. 12. Scaliger ex. 59. l. 1. Et tamen corvi ac Melancholica alites, etsi plumis albi: Quidam plures ad septentrionem Melancholicos esse ajunt, ac alibi, ob aërem, vapores, cibos crassos, viscidos, & insalubres. 10. Anima rationalis est Spiritus immortalis, ut in Theologicis & Pneumaticis docetur. Ergo à corpore separabilis. R. Est separabilis, sed à DEO, qui vitam & dare & eripere in homine potest, Deut. 32. vers. 39. I. Sam. 2. v. 6. Non natura aut genij potestate, quam talis separatio & reductio transcendit, t. 8. II. Paulus in ecstasi raptus dubitat, an in corpore, an extra id fuerit, 2. Cor. 12. v. 2. 3. Ergo & simile quid in Magis Damon facere poterit. R. Raptus



ptus iste divinus fuit, non Magicus, DEO id possibile esse certum, t. 2. Et an anima Pauli extra corpus raptâ fuerit, Paulus ignotum esse ait. Nec ergo nobis præcisè affirmandum.

8. 2. An anima semel ex corpore Magi extracta iterum Sathanæ potestate realiter reduci ad illud, eiq; reuniri possit? Affirmat idem Bodinus c. l. Et Baldwinus c. l. V. t. 1. Falsò 1. Nam abreptio animæ à corpore vi magica peracta nugatoria est, t. 2. seq. Ergò & reductio talis. 2. Reunire animam eidem corpori, à quo realiter separata fuit, est verè mortuum in vitam animalem revocare. Mors enim ex separatione reali animæ à corpore est. Dec. 2. Miscell. d. 9. t. 7. & d. 10. t. 8. Oppositum ergo ejus, resuscitatio aut vivificatio est, ex conjunctione reali ejusdem ad idem corpus, à quo separata fuit. At mortuos resuscitare solius potestatis divine argumentum est, quam cum Sathanâ nunquam DEVS communicabit, C. 9. t. 38. 39. Si Sathan animas Corporibus separare & restituere potest, poterit & eas in corporibus formare, & sic hominem verè vivum in utero materno conciliare, h. e. Creatione secundâ spiritum hominis in homine formare. Resuscitatio enim est velut iterata hominis creatio, aut parem saltem vim cum eâ requirit. At hoc ita emphaticè Scriptura DEO tribuit, ut nulli creaturae unquam adscribat, Eccles. 12. v. 7. Jerem. 28. v. 16. Zachar. 12. v. 1. 2. Macc. 7. v. 22. V. Dec. 2. Miscel. d. 4. t. 8. Et nulli Angelo bono id uspiam in Sacris tributum legitur, aut verè tribui potest; Ut c. l. d. 3. t. 10. ostensum: Minus de Mâlo affirmandum erit. Quæ in contrarium hic moveri possunt, ex t. 3. seq. explicationem habere possunt.

9. Sic fuerunt, quæ Magis quâ animam evenire creduntur: Sequntur, quæ quoad animam & corpus simul, & Mago toti seu animato contingunt.



D. O. M. A.

*De*

# MAGICIS

ACTIONIBUS,

Exercitatio IV.

*De*

Exportatione sagarum & magorum.

DISPUTATIONIS LOCO

Ad sententiarum Collationem in Gymnasio Dantiscano  
proposita,

P R Æ S I D E

HENRICO NICOLAI,

Phil. Profes<sup>s</sup>, Publ.

*Respondentis partes expediente*

CHRISTIANO NIFANIO,

Holsato.

*Ad diem 17. Martii,*

Horis locoque constitutis.

---

DANTISCI,

Typis Viduæ GEORGII RHETII,

Anno M. DC. II.



VIRIS

*Magnifico,, Nobilissimis, Amplissimisq;*  
Dn. ADRIANO von der ENDE/  
Illustr. Reipubl. Gedan. Præconsuli lauda-  
tissimo, eminentissimo.

Dn. FRIDERICO EHRENZ/  
Consuli Spectatissimo.

ut &

VIRIS

*Amplissimo, Consultissimis, virtute, doctrina,  
longoq; rerum usu peritissimis*  
Dn. VINCENTIO FABRICIO,  
LL. Licentiato & Syndico hujus florentissimæ  
Reipubl. gravissimo, dignissimo.

Dn. MICHAEL BEHM,  
Secretario meritissimo.

Dn. Mæcenatibus, Patronis, Promotoribus meis  
omni honoris genere prosequendis, ætatemq;  
colendis

Hosce studiorum meorum fructus in  
gratæ mentis debitæq; observantiæ  
*Texipior*

*câ, qua par est, animi subjectione  
offero*

Christianus Nifanius,  
Resp,



De

EXPORTATIONE ET CONGRESSV  
MAGICO.

## THESIS IX.

**T**alia sunt Magorum ad conventus suos deportatio, ibidemq; commessatio, Sathanæ cum illis congressio, liberorum ex isto congressu procreatio, substantialis eorum in bestiam, lupum, avem, aut simile transformatio. *De his queritur* 1. An verè Magi nocturnis temporibus à Sathanà ad conventus & Panegyres suas exportentur, Blocksberg/vel Prockelsberg & Henberg/ut alij vocant, Vel in ditionem Ultrajectinam, ubi unus ex præcipuis Magorum congregationibus locus est, ut Delrius q. 16. l. 2. tradit, vel nucem Beneventanam in Italiâ, ut Bodinus c. 2. ibiq; conviviis indulgeant, choreas ducant, aliaq; patrent, quæ ipsi pro veris postea referunt? Quidam totum hoc pro reali habent, ut Bodinus l. 2. Dæm. c. 4. Et conf. Op. Wieri, multiq; exemplis, testimoniis, & confessionibus id probat. Paracelsus in Phil. magnâ, & Phil. occultâ, ubi magnos sæpè choros super maria & montes ferri ait, quos vulgus das wütende Heer vocet, Scribonius in Physiol. f. 65. Joach. Camerarius in proem. Plutarchi de oracul. defectu, Danæus & Fran. Joel ap. Goedelman. l. 2. d. lam. c. 4. n. 5 Cigogna l. 4. d. mag. c. 4. & l. 3. c. 4. Patres etiam multi, ut Clemens, Arnobius, Egesippus, Cyrillus, Maximus Taurinensis, Epiphanius Gregorius, aliq; idem tenent ap. Delrium l. 5. f. 16. Alij pro imaginario & phantastico habent, & profundo sopore vetulas, quæ se exportari dicunt,



cunt, detentas reperiri ajunt. Ut Goedelman. c. l. n. 15. Porta l. 2. Mag. nat. c. 26. Wierus d. lamiis c. 10. 11. Concilium Aquirense in Jure Canonico c. Epif. 26. q. 5. Lutherus, Melanchthon, Molitor, Alciatus, Grillandus, Fichardus ap. Goedelm. c. l. Minorita *Aliquis, Author fortality fidei*, Pontzinibius, Leonh. Vairus apud Delrium l. 2. q. 16. Alii media via ingrediuntur, & exportationem illam interdum realem & veram, interdum imaginariam & phantasticam per somnum & somnium in capite Sagarum à Damone commotam censent, ut Remigius l. i. Dæmonol. c. 14. 16. 24. 20. Wierus l. 3. d. lamiis c. 11. 12. Alstedius p. 3. Pnevm. C. 9. t. 7. Et Synopf. Cas. confc. c. 12. q. 10. Boisardus d. magia, c. 2. 9. Delrius c. l. Malleus Maleficarum, Turrecremata, Bafinus, aliiq; Theologi & Icti Itali, Hispani, Germani, apud Eundem c. l. Jacobus Rex l. 2. Dæmonol. c. 4. 28. n. 5. seq. Tannerus T. 1. Th. Sch. d. 5. q. 5. d. 3. Danæus T. 2. d. fortiaiiis Cap. 4. Binsfeldius d. Conf. Mal. Conclus. 12. Schultetus de Zauberey c. 7. Lercheimer d. Zauberey/c. 13. Thyreus de spect. apparit. l. 2. cap. 13. Hildebrandus in Goëtia, p. 117. seq. aliiq; *Estq; sententia verior & probabilior.*

10. Et realem istam interdum exportationem esse probatur. 1. Quia ex parte rei ipsius non est impossibilis. *Potest enim corpus aliquod brevissimo spatio per aërem à Damone ferri, nec contradictio aliqua in eo est, nec obstacula talia sunt, ut non à Damonis potestate superari possint, ut corporis gravitas, locorum distantia, motus celeritas, temporis brevitatis, quæ omnia superare Angelicam potestatem posse certum est, ut in Michaël. visum. Ergo credibile est, reverà interdum eam fieri.* 2. Quia Philippum Apostolum à Spiritu in desertum



sertum jothum subito delatum Act. 8. v. 39. 40. Habacucum ab Angelo Babylonem translatum add. Daniel. v. 25. legimus. In virtute autem motiva & celeritate angelos bonos malis prevalere non credibile est. In gratia donis hi nulli post lapsum sunt: Natura dotes retinuerunt, ut vim intelligendi, memorandi, motum localem in Corpore efficiendi, aliaq. sibi convenientia operandi, ut in Michaelib. t. 78. seq. dictum. Ergo & corpus realiter transferre poterunt. 3. Quia quaedam exempla sagarum, aut simul cum sagis exportatorum, manifeste id demonstrant. Longissime enim a suis locis remoti fuerunt, ut magna molestia ingens iter conficiendo tandem domum devenerint. Sic maritus aliquis cum Sagâ exportandus, ubi pro sale in Convivio Sagarum DEO grates ageret, omnibus evanescentibus ipse in agro Beneventano regni Neapolis inventus est, 100. milliaribus a sua domo distante, ut mendicando domum remeare necesse habuerit. Grillandus l. 2. d. Sortileg. q. 7. Sic puella quaedam Bergomi morata mane in lecto affinis Veneris reperta est, eò à Sathanâ, cum se unguento Magico inunxisset, exportata.

21. Ilius Carbonarius Ferrariensis, Saga maritus, in cellam vinam Comitum ejusdam exportatus, ibi relictus, & à famulis domus repertus est. Servus aliquis lamia Trajecto in Oppidum Wyck delatus, domumq. cum Sagâ per aërem vectus, in lacum arundinosum dejectus est, coxam utramq. confringens, & curru Trajectum re-vectus est. Quedam Lucretia Saga ex congregatione domum deportata, ubi sonitus campanæ ad preces matutinas convocantis auditus est, in agrum spinis obsitum ad fluvium dejecta est, donec à juvene noto domum iterum deduceretur, & res tandem manifesta fieret. Delriusc. l. Gigogna p. 1. l. 3. c. 4. Alius cum Mago exportatus 3. annos



consumpsit, antequam domum reverti potuit, ut ex Turqve-  
madâ Bodinus c. l. c. 4. refert, ubi plura tradit. Eadem Ci-  
gogna c. l. habet, qui & historiam de nobili quodam Insubro  
ex Bocatio addit, qui ex aulâ Turcici Imperatoris Ticinum  
Magi beneficio deportatus, & in eadem Cathedralē collocatus  
fuerit, cum uxor futurâ die alteri nubere ex condicō 3. anno-  
rum absentia spatio deberet. Et alium de Centurione Bata-  
vo, qui equi in Sylvâ obviam facti beneficio Hierosolymam  
vectus, & postero die in eundem locum, ubi famuli eum expe-  
ctarunt, reportatus fuit. Alius Magus Lutetiam ad nuptias  
cum aliis exportatus est, & cum hospites de ignotis his murmu-  
rarent, iterum auctus est. Faustus in Bacchanalibus Sa-  
bisburgum in cellam vinariam vectus, & à præfecto furti accu-  
satus secessit, eum secum ferens, & in pinnam magna abjectus in  
sylvâ illum collocavit. Lercheimer d. Zauber. c. 13. Hist.  
Fausti, c. 45. Alius cum mago exportatus multas septimanas  
consumere necessum habuit, priusquam domum reverti posset.  
Boisardus d. Magia, c. 9. Hadingus Danorum Rex in regnum  
suum, quo factione quorundam ejectus est, per immensa maris  
spatia ab Othini Damone in equi specie reductus est. Remigius  
l. 1. c. 23. V. plura exempla ap. Beyerling. Vo. Miraculum.  
pag. 546. seq. Hac non imaginatione nudâ, sed reipsâ facta.  
Socij enim eò exportati, ibi relictī, inventi, domum deducti, pe-  
riculis impliciti, in viâ dejecti, cruribus delumbati, & simili-  
ter, quæ per phantasiam meram geri ineptum est. Sic Grana-  
tensis aliquis studiosus Guadalupo Granatum seminoctis spatio  
cum Monacho equitante realiter vectus est, suosq; salvavit.  
Boisardus de Magiâ, c. 9. Remigius l. 1. c. 23.

12. 4. Quia sæpius in locis istis conviviorum Magi-  
corum Scypii argentei, crateres, varia suppellex furto alijs  
à Sasha-



à Sathanâ ablata, aut à Sagis de vecta, inventa, agnita, & suis possessoribus restituta sunt, ex quibus potasse ibi Sagas & Lamiis animadversum est, ac reale quid conventui subfuisse apparet. Sic Ianio quidam per noctem inter arbusa conventus ac colloquia lasciva audit. Propius accedens convivium & apparatus, scyphos etiam argenteos, videt. Duos secum tulit, & ad Magistratum detulit. Agniti à suis, & domi amissos vident, ac ereptos judicant: Vxores in suspicionem venere, & examine facto mira innotuerunt. Post per saltum istum iter faciens terribili cum equite pugnandum fuit, quo sic fatigatus, ut multos dies decumbere coactus sit. Goedelman c. l. n. 12. Sed qui unius tantum scyphi meminit. 5. Quia quidam equis aut pedibus ad conventus Magorum profecti, sacris Magicis se aut liberos initiaturi, per aërem à Sathanâ domum revertere sunt. Sic Nicolaa Stephana ann. 1587. apud Remigium c. l. c. 14. Alij ad convivia propius accedentes per 200. passus dejecti sunt, & quod craterem aureum abripere voluerint, etiam ungulas Sathanae experti sunt, ut Claudius Chotæus Wisembacum profecturus An. 1589. ap. Eundem. Alii tibiis in arbore cantantes cum nomen DEI inclamassent, ex arbore precipitati, soli q̃ cateris evanescentibus humi relictis sunt, ut Joh. Hembachius. Alii conventus spectantes & nomen IESV inclamantes, turbine correpti domum destrusi sunt, ut tri-duum decumberent, ut Nicolaa Lang. Quidam Sage & Magi ad loca conventus propinqua pedites ierunt, ut Barb. Regel, & Fr. Fellau, An. 1584. Alij ex curiositate talia spectantes à lamiis jussu Diaboli fustibus ita percussi, ut intra 5. dies inde mortui sint, ut Laur. Concoretius potestas cum Notario & alio quodam ap. Cigognam c. l. Interdum loca, ubi chorea Sagarum cum Damonibus habita, circo impressa postridie appa-



ruerunt, quales in hippodromo sunt, ubi equi agitantur, qui  
 & perstiterunt, donec aratro aruum subactum fuit, ut Asse-  
 nuncuria An. 1590. apud Remigium c. l. Et ad Castellum no-  
 vum in conspecto aliquo sub castaneâ ap. Cigognam c. l.  
 Quælia è nudâ Phantasiâ & somniis non fient. 5. Quia fre-  
 quens & constans Sagarum ex variis locis adductarum, in ul-  
 timo etiam vita termino, rogo, ubi nullus fictionis usus, & phan-  
 tasia exhausta est, ut somniis locus non sit, confessio id docet, re-  
 aliter eas quandoq; exportari, modos etiam, & circumstantias,  
 ac instrumenta, quibus vehuntur, uti baculos bifurcos, scopas,  
 hircos, tauros, arundines, colum, canes atros, portitores, equos,  
 & similia distinctè memorant, ut circa noctis medium, & no-  
 ctibus diem jovis aut Solis precedentibus ut plurimum, etsi in-  
 terdum & aliis, apud Eundem c. l. Multitudinem item  
 convenientium agnoscunt, plures mulieres, quàm viros esse  
 vident, ut Idem c. 15. refert. Agros etiam, flumina, sepes,  
 domos, discernunt, in circumstantiis variis conveniunt, ob-  
 vios agnoscunt, salutant, ab aliis videntur & agnoscuntur, qui  
 crimine immunes. Sæpè etiam munus, quod Diabolo of-  
 ferant, secum ferunt, ibiq; eo delati dimittunt, ut hostiam, in-  
 fantum umbilicos, gallos, gallinas, quæ postea nunquam secum  
 reperiunt. Tolosan. d. Repub. l. 13. C. 28. n. 14. Quæ ali-  
 quando exportationem realem docent. Nam nec quæ ab  
 phantasiâ, omnia in omnibus eadem, sed sapius diversissima,  
 prout naturarum diversa habitudo est; Nec de delusoriis tam  
 unanimis multorum consensus est, cum atate, studiis, locis, tem-  
 poribus, disjuncta valde saga sint: Nec mendaciorum & com-  
 mentorum tanta potest esse conformitas, quæ faciliè diver-  
 tere solent; In hoc autem negotio mirè consentiunt; Nec ver-  
 bera, unde, mors consecuta, imaginaria esse possunt. C. l.



13. Dices. 1. Per furnos, Caminos, fenestras, januas clausas, rimas angustissimas, specie felium, murium, locustarum, se perducì Sage fatentur, quod contra quantitatem corporis, dimensionum penetrationem infert, eoque contra naturam est, & illis credi non debet. Ergo & tota ista exportatio fabulosa esse potest. R. Ab una circumstantia aut modo historię falso & e mentito ad totam rem ac historiam negandam non valet Conseq. Res ipsa interdum vera est, ut modus & circumstantia fallant. Sic Christum in stabulo natum, verum. Inter bovem precisè & asinum, qui puerum Dominum agnoverint, ut vulgò canitur, ac concursu miraculorum, quæ vulgò poponuntur, falsum est, ut in Natalic. t. 18. dictum. Sic hic exportatio vera esse potest, ut modi isti, per angustias caminorum, januas & fenestras clausas, falsi sint, etsi prestigiosam speciem sensibus Magorum Sathanas inferre possit. Ipse precedens fenestras & januas latenter aperit & claudit, easq; intromittit, quæ se in talia animalia conversas fuisse putant, quod Cordatiores Sage Italia ap. Grillandum fatentur, l. 2. d. sortileg. q. 8. Alii fissuras ipsum dirumpere, & postea compingere in parietibus putant, suosq; intromittere, Delrium q. 17. c. l. 2. Cibi in conviviiis eorum famem non explent, nec satiant, sed inani vento deludunt. Quod indicio est, omnia ista prestigiatoria esse, & videri tantum. R. Quandoq; prestigias intercurrere non incredibile est. Interdum realia esse patet partim, quod Sagis conventuris quandoq; animalia ad esum dapum à Sathanâ imperata, ut feles, nigri haduli, galli, ut ipsa fatentur apud Remigium c. 16. Partim, quod reales scyphi interdum è mensis eorum ablati, t. 12. Qui pro reali potu illis infundendo fuerunt, Imaginario enim potui phantasticus scyphus similiter suffecisset; Partim, quod



quod ex morticinarum pecudum carnibus, quas pro derelictis homines abjiciunt, aut ferinas epulas suis construere Sathana facillimum sit, Aut aliundè cibos abripiat, & ad Magos suos deferat. Sic de Papa ferculis & poculis è mensâ ad Faustum in Capitolium delata. Hist. Fausti, p. 1. C. 26.

14. 3. Raptus ille si realis sit, ita citus interdum est, ut corpora humana dissipari, resolvi, aut suffocari necessum sit. Quod cum non fiat, & cum non realem esse consequitur. R. Quod per lineam rectam in aëre provehitur, longè minore spatio provehi potest, ac quod per varias flexuras viarum & circuitus aquarum, fluminum, lacuum, & similia in terrâ devehendum est. Ita per rectum longè celerius Sathan devehere potest, quàm viarum flexuris expediri potest, quæ hominem remorari possunt. Stellæ in calo circa æquatorem singulis scrupulis secundis vel binis oculi noctibus 876. milliaria Germ. procedere dicuntur, uti Mathematici supputant, nec dissipantur. Cur humana corpora dissipari in longè minore spatio necesse sit? Aves per aërem, globi tormentarii, naves valido vento agitata, celerrime provehuntur, ut 24. horis 100. milliaria conficiant, nec dissipantur. Analogon aliquid in Sagarû exportatione fieri possit. 4. Jus Canonicum omnia hæc phantasticè fieri ex Concilio Ancyrensi affirmat Caus. 26. Cap. 12. Episcopi, q. 5. Et stultos ac hebetes ait, qui hæc, quæ solo spiritu sunt, etiam in corpore accidere arbitrentur, ac talia credentem fidem perdidisse ait. R. Concilia & jus Canonicum contra apertam veritatem solidis experientis, exemplis, confessionibus & deductionibus firmatam non habent præscribere, cum res Sathana possibilis, & in multis factò exercita sit, t. 10. 11. 12. Si talia credens fidem perdidit, Remigius, Delrius, Cigogna, Bodinus, multiq. Phil. & Theologi Itali & Hispani Pontificii eam perdidere, qui ex-



portationem sæpe realem credunt, t. 10. Quod valdè rigidum. Malleus Maleficar. T. 2. p. 18. Concilium particulare esse ait, non generale, eog. non stringere, & ex levitate factum videri. Tolosan. l. 13. d. Rep. C. 28. num. 16. etiam pro suspecto habet, ac à Gratiano inter paleas referri ait. Alii sensum eum faciunt, Vt exportationes istas non numini alicui & divino spiritui tribuendas velit, ut Dianæ, quod Magi interdum faciunt. V. latè Tannerum T. 1. Th. Sch. d. 5. qu. 5. d. 3. Neq; hæc res de fide est, sed Sathanico aliquo actu, quem si quis verè aut falsò exerceri sentiat, non statim fidem habebit, aut amitteret. Et Concilium de illis etiam loquitur, qui cum Dianâ aut Hero-diade se convenire putant, qualia Ethnica commenta sunt, non realia gesta. 5. Non potest Spiritus ut Incorporeus, molem corpoream locomovere, hoc enim molem etiam requirit. E. nec Sathan corpora Sagarum. R. Omnino id potest, & quod in assumpto corpore substantialiter præsens sit, ac voluntate corpus impellat, & quod eadem voluntate per illud corpus aliud ei contiguum promoveat, Vt in Michaëlib. t. 41. 43. dictum. Sic Sathanas in hirco, Canè, equo, scopis, quibus se uniat, Sagas provehit, quando ea istis insident, t. 12. 6. Omnia in istis conventibus nomine Jesu audito, evanescunt, t. 12. At quæ realia sunt, non momento evanescere possunt. E. ista omnia phantastica sunt. R. Non evanuerunt ista, si realia fuerunt, sed celerrimè à Sathanâ asportata sunt, & coeterorum oculi præstricti, ne viderent, & sic videri desierunt, & largè vocem sumendo evanuisse dici queunt.

15. Interdum imaginariam & in somniis excitatam exportationem esse patet, 1. Quia sæpè somno profundo mersa saga animadversa sunt, eo tempore, quo se ad convivium sua exportatas fuisse dixerunt, Vt illa, quæ à Bapt. Portâ observata est



L. 2. M. Nat. C. 26. Alia In ducatu Megapolensi, à Nobili, Pastore, & domesticis observata, Goedelman. L. 2. C. 4. Sic in vita Germani vicini & vicine epulari apud magos visi domi in lectis stertentes animadversi, & convivæ à Germano adjurati daemones se esse confessi sunt. Alia in lectis cum Viris cubuerunt, cum se sub Tellina arbore fuisse dixerunt. Idem c. l. Sabinensis aliqua & Coquus sagarum è lectis non desiderati. Alia domi sua convivis assedit, & inter lantias epulari visa est. Idem c. l. Alius convivis interesse sibi visus manè inter vepres hæsit. Camerar. C. 1. hor. succ. C. 72. Saga coram Testato se inungens somno oppressa est, & maria ac terras peragrasse dixit, Et ipse in c. 13. Gen. q. 354. narrat. Similia de aliis Tannerus T. 1. c. l. d. 3. n. 13. & Pererius l. 4. in Gen. n. 184. notant. Argentinenfis aliqua lintre pistorio se collocans, lintre everso in pavi mentum cum vulnere delapsa varia, ubi fuisset, narravit. Sed vulvere convicta, quòd domo nò excessisset. Manl. Coll. p. 764. Lercheim. d. Zaub. n. 3. Dux sage coram Comite aliquo similiter. Idem c. l. Alia coram iudice, & quædam Patavii. Vid. Spineum de strigib. c. 2. in T. 2. Mall. malef. p. 458. seq. 2. Quia somnum profundum unguenta & res è quib. constant, ut mandragora, papaver, hyoscyamus, Cicuta, & cibi, quos adhibent, ut apium, cepe, faba, phaseoli, & similia conciliant, ac ad flatulenta turbulentaq. somnia excitanda habilia sunt. Et in somno prodigiosa somnia excitare Diabolo difficile non est, & in quibusdam excitasse exempla docent.

16. 3. Quia plerumq. spiritus mendax, & fraudum ac imposturarum magister est, Mille artifex fraudum, scelerisq. Magister & author, intentus in hominum deceptionem, & mille modis eos illudens, ac facto decepisse exempla probant, V. t. 15. Et c. 18. Credibile, & hic sapius illudere. Dices 1. Pin-  
guia,



guia, ut olea, unguenta, sunt calida & inflammantia. Quae soporem a. inferunt. frigida esse debent, ut spiritus sistant, qualia opium, cicuta, mandragora. E. unguentis suis Magi soporari non poterunt. Ita Bodinus. R. Somnus nō ab unguento. Cum oleum aut succi formam adaptare possis, ut eundem soporem inducas: Sed substantialibus formis unguentū ingredientib. est, quae temperamento narcotico praedita, & in basi confectionis consistunt. Vnde narcoticam vim exerunt, sensusq. ligant & obstupesciunt. Pinguedo ad meliorem inunctionem & tenaciorem adhaerentiam jungitur. Nam & alia confectionis formā conciliet. Sic landanum opiatum Paracelsi formā pilulari, emulsionibus, decoctis, Conservae, condita, electuaria, pulveres, epithemata ad somnum ap. Medicos. V. Sennert. l. 1. Pr. Med. p. 2, c. 1. 2. Falsum, omnia soporifera esse frigida. Quandoq. calida esse queunt, Vt Coriander, Crocus, Vinum, opium, juxta multos calidum, V. Doringium d. Opio, f. 2. Quae vaporosā indigestaq. humiditate spiritus confundunt, sistant, Anethum, Syrax, lolium, è quo pane utentes primò in amentiam, post profundum somnum incidisse Wierus l. 3. c. 17. d. praest. narrat, ubi & oleum ex lolio soporiferum adducit. Vnguentum autem lamiarum soporiferum esse ingredientia ejus docent, quae Porta & Cardanus apud Wier. c. l. describunt. Cum narcoticā spiritus ac sensus sistendi vi aliquid praeditum est, somniferum est, quicquid de calido aut frigido sit, quod indifferens hic, ut in Phys. & Medicis docetur. Conf. Sennert. l. 2. Inst. Med. p. 3. f. 2. c. 4.

17. 2. Si ad somnum inducendum unguentum adhibetur, magis capiti ac fronti inungendum. Sic enim in soporiferis solemus. At lamiae toti Corpori, crurib. dorso, lateribus, illiunt. R. Si toti Corpori, quidni etiam capiti, fronti, temporibus? Sed accurata ista inunctio doli gratiā occupata est, nec



precise ad rem facit. Quomodo multa vana ac futilia in Magicis occupantur, quib. nihil ad effectum efficacia. *Vi* signatura, ligatura, Cerimonia, ritus, demurmurationes. Nam & sine unctione à Sathana expertata sunt, verbis tantum demurmuratis, ap. Delrium q. 16. 3. Cur inunctionem magis ad exportationem Sathanas adhibere vult, quam aliud? R. Vel quia sic obedientiam sagarum explorare libitum: Vel quia timidi-ores saga sunt, quam ut insidere audeant: Vel quia teneriores, quam ut horribilem istum Sathana in Corpore assumpto contactum ferre queant, eoq. unguento sensus obstupefunt, ut minus exportationem sentiant: Vel quia superstitionibus mulieres attinere, & unguentis vim mirabilem inesse persuadere cupit: Vel quia sacras inunctiones hominum in V. & N.T. à Deo institutas mimicè adumbrare vult, ac per tales ceremonias suis arguis generationem apud suos conciliare. 4. Sæpè Magi reverli cultros, literas, aliaq. secum deferunt, multasq. circumstantias visorum enarrant. E. non merè imaginaria exportatio. R. Sæpè est realis, t. 11. 13. Sed sæpè & elusiones intercurrunt. sagaq. stertere visa sunt, Cum se ad convivia itasse narrarunt, t. 15.

18. Modi autem, quibus Sathanas hominib. illudere solet & potest, varii omnino sunt, ut vix omnes recenseri queant. Inprimis si homines Melancholici, vetula, stupidi, avari, furiosi, creduli, simplices, profani, impii, inquieti, turbati, curiosi, sint, quales magas & sagas frequenter esse certum est, varie pro complexionum diversitate & natura dispositionibus se illis insinuare, eas afficere, turbare, ac eludere valet. Et tam illudendo, seu falsum ex immutatione objecti, sensus, aut medii, quam præstingendo, vel sensum internum & externum immutando, dementat. Potiores modi sequentes esse possunt.



1. Verum objectum removendo, occuliando, umbrâ, ne appareat, cooperiando, alio transferendo. Sic Erfordia monachus currum fœni cum equis devorare visus, sed extra urbem post inventa ea, eog. à Sathanâ exportata. Idem Faustus rustico de viâ cedere nolenti fecit. Et Sedechias magus equiti armato & currui ac aurigæ, Goedelman. l. 1. c. 3. Zytho Bobemius Bavarium magum coram Wenceslao Imp. cum omni apparatu devorare visus est, calceis saltem exspuitis, ut luto obsitus, post prestigiorem in vas aquâ plenum excrevit, & ridendum spectantibus restituit. Cigogna l. 4. c. 8. Delrius l. 2. q. 30. l. 1. In vas aqua hic injectus, aut aliò à Sathanâ abreptus est. Apollonius Roma in pratorio consistens accusatus & absolutus, momento disparuit, statimq. Dicaarchia ad mare Damidi & Demetrio non expectatus adfuit. Boissardus d. Magiâ, p. 343. Idem coram Severo accusatus & incarcerandus, disparuit, & Puteolis in Campaniâ eodem die apparuit. Goedelman. l. 2. c. 4. n. 37. Zuingerus Vol. 5. l. 4. Vienna Magus Magum devorare visus. Sed alter in specum abductus est, ubi triduum latuit, post reversus. Manlius Collectan. p. 40. Prestigiator aliquis Magdeburgi in Calum se ascensurum dicens in aërem sublatus est. Sed alius in vico ad diversorium ejus ipsum abeuntem vidit. Goedelman. l. 1. c. 3. num. 17. Eo nempe à Sathanâ delatus. 2. Aliud in locum remoti celerrimè substituendo. Sic Magi Aegyptii pro baculis remotis dracones substituerunt, C. 1. t. 2. Diomedis socii remoti, aves eorum loco substitutæ, quæ circa templum ejus volârunt, & genus suum per successionem postea propagârunt, ut creditum fuit. Augustinus l. 18. d. Ci. D. c. 18. Malleus mal. T. 2. p. 20. Sic rosas, flores, ex remotissimis locis, ubi ea vernant, adducere & exhibere mirâ celeritate potest. Tholosan. c. 21. num. 5. Vlysis socii amoti, & bestia eorum loco à da-



mone per Circem substituti fuerunt. Augustinus c. l. Breviari-  
um cuiusdam Curionis ablatum, & charta lusoria pro eo substitu-  
ta sunt. Zuinger. Vol. 5. l. 4. Sic Cerva pro Iphigeniâ Aga-  
memnonis filiâ substituta, & illa subtracta, ac viva postea re-  
perta est. Augustin. c. l.

19. 3. Sensus hominis externos & internos variè  
præstringendo, falsaq; & phantastica corpora obijciendo,  
quæ in speciem talia appareant, cum reverà non sint. Ex-  
ternos per illusionem, internos per dementationem præstringit.  
Externos, ut cum varias larvas ac umbras obijcit, quibus ni-  
hil soliditatis subest. Sic Comes quidam Aspremontensis ad se ve-  
nientes magnificè tractare solitus est. Vbi disceserunt, fame fi-  
tig, penè oppressi fuerunt. Bodin. l. 2. dæm. c. 4. Camera.  
c. 1. c. 72. Simile quid de Enno Mago Anglo Cigogna l. 4. p. 1.  
c. 8. de Magiâ, Pasete Graco Wierus l. 2. c. 7. Wagnero Fausti  
famulo Hildebrandus in Theurgia, p. 73. seq. referunt. Idem  
Scottus Parmensis fecit, ex cuius epulis saturi mox verà fame  
cruciati sunt. Delrius l. 2. q. 12. Albertus M. ferijs Natal. Wil-  
helmi Cas. palatiū Colonia arborib. herbis, frondib. instar cultis-  
simi horti florere fecit, luscinijs, merulis, alaudis, personare.  
Cum omnia præstigiofa essent. Idem in suo horto simili tempore  
Faustus spectantib. representavit. Hist. Fausti, c. 61. Zycho  
Magus cuidam obesos porcos vendidit, qui postea stramina fue-  
runt. In hospitio expostulanti pedem cum crure è corpore sibi  
abstrahi fecit, unde ingens rixa, & de porcis oblitio secuta.  
Postea crus membris suis refixum. Goedelman l. 3. c. 3. Delrius  
l. 2. q. 6. Quidam & equum venditum fuisse addunt, qui in  
aquâ in stramen commutatus. Grosius p. 1. Magicor. p. 129.  
In Thuringiâ Nobiles quidam 8. lepores ceperunt. Mane ubi ex-  
coriare eos volunt, capita equina excoriata esse viderunt. Hilde-  
brand,



brand. c. i. p. 71. Faustus sodalitus ebrio vitem urvis plenam in mensâ exhibuit, Postea pro urvâ quivis nasum suum tenuit. Camerar. C. i. c. 70. Alius Magus in area arcis Bononiensis ducib. quibusdam conflictus exhibuit, tympanorum, tubarum, virorum, equorum, armorum, fragorib. ita detonantib. ut Cor- lum terra misceri videretur. Extra arcem omnia tranquilla fuerunt. Cigogna l. 3. Mag. c. 5. Simile quid de Fausto ejus historia habet c. 62. Diacono cuidam domus aurea, thronus regius, platea marmorea, aurea, gemmea, à virore aliquo offensa. Postea remotis prestigiis domus sterquilinum, viator Diabolus fuit, & Diaconus in paludoso seribusq. pleno loco mergus fuit, ut triduo vix domum repetere potuerit. Ex Vin- centio & Sigeberto Grosius p. i. Magicor. p. 42. tradit. To- leti tonsor aliquis vitulus spectantibus visus per prestigias Wag- neri Magi, Cum reverâ homo esset. Idem Padua Viro alicui Caput bovinum, Vxori ejus vaccinum aptatum esse videri fecit, cum reverâ capita humana essent. Hildebrand. p. 75. Gœtix. Toleti studiosi in sacris ab eodem mutati, donec ab alio mago pri- stina formæ restituti. Idem p. 67. Præstantii Pater se Caballum esse, & annonam cum aliis portare putavit. August. l. 18. d. civ. DEI. c. 17. Ita puella quadam cum dæmone specie formo- sissimi juvenis rem habuit, qui postea immane monstrum reverâ fuit. Melander T. 3. Jocofer. c. 263. Militem Sathan elusit, ut cum amasiâ suâ congregari videretur. Mane in cæno extra ur- bem asini cadaver amplectens jacuit. Idem T. 1. c. 15. Sic capita interdum ressecare, & imponere videntur. Magus quidam al- teri Mago, quod eum in actione impediisset, vitam ademit, cum lilium in mensâ crescere fecisset, eiq. caput & flores amputasset. Goedelman. c. 1. Simon Magus cervices sibi à Nerone ab- scindi jussit. Vbi fieri debuit, arietem loco ejus decollârunt, &

Simon



*Simon illæsus evasit. Apulejus 3. homines se occidere putabat, cum tres hircinas pelles à Pamphilâ saga fascinatius confodisset. Bodinus l. 2. c. 6. Zuinger. Vol. 5. l. 4. Simile de Wagnero Mago legitur. V. Hildebrand. Goeti. p. 76. Vbi Johan. de Luna Toleti decollavit. Caput ad tonsorem misit. & relatum homini iterum imposuit. Idem Francofurti Magi aliquot præstiterunt. Idem p. 69. Et hist. Fausti c. 57. Athenis circulator aliquis acutam spatham devorare, venatoriam lanceam in vissera condidisse visus, unde puer saltatorius exsurrexit. Apulejus l. i. d. afin. Michael Sicidites Magus earum rerum, quas oculi intuebantur, conspectum eripiebat. Zuinger. c. l. Sapè Sathanas lamis pecunias confert, quæ sublati præstigiis fœna, stipula, texta, folia, ac quisquilia deprehenduntur. Vt Sennela, Catharina Metensi, Claud. Prorelia, Petronnia, Banno, Drygao aliisq. factum. V. Remigium l. i. Dæmonol. c. 4. Cigognam l. 3. c. ii. Simile Faustus & Agrippa iter facientes fecerunt, numeros in diversoribus numerarunt, qui post paucos dies scruta, cornua, & similia fuerunt. V. Beyerling. T. 5. Tix. Magia, p. 16. Casarea victima aliqua in fontes coram populo coniecta evanescere visa est. Sed Astiri precibus oculi populi aperti sunt, & victima fontibus iterum supernata vit. Eusebius l. 7. hist. Eccles. c. 14. Delrius l. 2. q. 8.*

19. Sic circulatores & agyræ sensus variè eludere possunt, ut alia appareant, quàm sint. Ita cibos deglutire jubent, postea stercora aliisq. evomunt. Rosam in gremium proficiunt, unde virile membrum, rana, exsurgit. Super gladios ac mucrones illæsi incedunt, illis sine læsione incumbunt. Idem c. l. Simon Magus ex lapidibus panes facere, flammis circumdatus non uri, volatu per aerem ferri, in varias animantium formas mutari, statuas movere, visus est. Similia Sedecias Magus patra-



patravit. Tholosan. l. 34. c. 16. Lavaterus de spectris, p. 2. cap. 17. Vide & Delrium lib. 2. q. 9. Michael Sidicites Magus Constantinopoli naviculam ollas ac patinas vehementem videns, Magicis prestigiis horrendum serpentem super vasa porrectum instar devoraturi in Nautam intentum apparere fecit, unde nauta vasa omnia baculis confregit. Postea serpens evanuit, & nauta se delusum vidit, ac jacturam mercium deploravit. Nicetas, Cigogna c. 8. l. 4. Interdum in objectis sensuum aliquid immutat, addendo, minuendo, speciem rei variando, agitando, occultando, variè collocando, separando, conglutinando. Interdum organa sensuum & humores corrumpit, ut aliter res, ac se habet, videatur. Sic Ictericis omnia flava, atrobilariis amara videntur: Interdum media sentiendi immutat, & sic corrumpit. Sic per vitrum viride & caeruleum videntib. omnia viridia videntur. Ita aërem interjectum condensare, & rei, quam ostendere vult, assimilare potest. Exempla Casmannus p. 2. Angelogr. c. 29. habet. Interdum medium impedit, ne species per illud ad sensum deferatur. Ut cum objectum aut partem vel modum ejus occultat: Vel qualitate alienâ imbuir, quâ species per medium transiens objectum aliter, ac est, repræsentat. Sic si aceto & sale commistis pannus imbuatur, & supposita candela incendatur, species hinc diffusa valdè formidabiles erunt. Si candela ex semine asini & cerâ incendatur, præsentēs onocephalos videri faciet: Vel illud inspissat, sic denarius in aquâ major apparet: Vel cum aëre moto simul speciem sensilem movet, ut navigantibus simul arbores, terra, & littora moveri videntur: Vel species multiplicat aut variè conformat, ut cum unicum conspicillum plures objecti figuras repræsentat: Vel instrumenta, per qua videndum, detorquet, vel alia modo illudis,



illudit, prout naturalium & artificialium machinationum gnarissimus est. In summâ, Vel objectum, quod, Vel medium, per quod, Vel Organum, quo sentitur, immutando illudit. Proue latius alibi deducitur, & pluribus Molina in 1. part. q. iii. art. 4. pertractat.

20. Internos sensus, ut phantasiam, sensum communem, & rationem demutatione prastringit. Phantasiam, ut mentem vanis conceptib. instruat, aptissima, ut Corpus spiritu percieat, potentissima est. Eam ergo inprimis obsidet, itaq. obfirmat, ut aestimativa facultati aut rationi, de illis, quod ipse persuasit, iudicandi locum nullum relinquat. Sic inordinata cogitata, impetuosos affectus, furores, & similia suis immittit, quibus mens turbata & phantasia commota omnia alia, quàm in re se habent, concipere solet. Sic Sibylla furore acta vaticinari solent, Plato in Phædro, Plutarchus l. Cur Pytho non carmina reddat, aliq. V. Boissardum d. divin. Sic Patri Præstantii se caballum esse visum est, t. 19. Alii se Regum filios, Quidam Magi se Christum DEI filium esse mentiti sunt, ut Benchobab, & alii. Sic Spiritus & humores in Corpore subtilissime subire, iis se immiscere, eosq. perturbare potest, unde varia & portentosa visa ac somnia in turbatis spiritibus succedere possunt. Et quæ somniis aut imaginatione impressiones exhibentur, fortissima esse possunt, ut exempla t. 15. docent. Sic quidam tam fortiter imaginem mulieris sibi imprescit, ut vigilans carnaliter ei commisceri videretur. Mall. malef. T. 2. Tr. d. pyth. mul. c. 8. Similiter in somniis alienissima & remotissima interdum, quæ ad Borysthenem aut Herculis columnas, ut Aristor. l. d. diuinat. loquitur, gesta sunt, adumbrantur, quorum principium in Nobis minimè est, cum nec è sensu, nec memoria extiterint, sed externum esse cogitur, ipsa res externa, quarum



quarum illa indicia sunt, & quæ ita imprimantur, imprimis in maniacis ac melancholicis, ut essi falsa sint, pro veris tamen habeantur ac proferantur. Sic multo magis diabolus, vis externa, celerissima, efficacissima, subtilissima, in suis, quas pro lubitu versat ac agitat, præter motus celeritatem etiam per violentiam impressionis in animo visa ac species imprimere poterit, quas ut veras habere ac recensere deliros vetularum animos nihil miri est, & pertinaciter illis inharere credibile est.

21. 4. Formam ipse aliquam assumendo, in eâ aliquid representando ac operando. Sic magos exportando formam equi, Canis, hirci, assumit, t. 12. Alibi in specie hominis, ut Martini, pueri nigri, Antonii, pulchra mulieris, ut Eligio, apparuit. Mall. malef. c. 1. c. 5. Cynopi Mago 3. daemones specie hominum in Pharo adstiterunt. Boissard. d. divin. in Jamblichio. Pro vicinis se in convivio representavit, t. 15. Pro Simone Mago foris ad populum apparuit, cum ipse Simon in conclavi cum Nerone esset, Mal. mal. c. 9. Friderico Austria Duci hospitii ac equi specie apparuit, e carcere ad Lupoldum fratrem ducturum promittens, Lavater. d. spectr. p. 2. c. 17. Meland. T. 1. Jocofer. c. 457. In ærifodinis specie virunculorū montanorum ac metallicorum apparet, nec facile lædit, nisi irritatus, ut Dec. 2. Mis. d. 1. t. 23. adduxi. V. Agricol. d. reb. subterr. Aliis aliâ formâ visus est. V. Melandr. c. 1. c. 448. seq. Romanis in Aetoliâ lupi specie è saltu venientis se stitit, & Publum membratim discerpsit ac devoravit, capite relicto, ex quo post obitum locutus. Boissard. d. Mag. c. 10. Comiti cuidam specie festucarum inter se diversis gyris colludentium, scrophæ lutose, Domitio specie juvenum apparuit. Idem c. 1. Quandoq; sub versperilione, mure, mustela, cato, lupo, gallo, vulpecula, Dracone, Christo, DEO, sancto angelo, & simili visus. Delrius l. 2.



q. 28. f. 3. Sic musca specie à puellâ deglutitus obsesam eam reddidit. Niderus C. ii. formicar. Interdum aliis formis apparuit. V. Grosium p. 1. Magic. C. 1. 2. seq. Et p. 46. 48. Erfordia in auditorio specie Græcorum ad Trojam bellatium à Fausto studiosis representatus est, cum Homerum ipsis explicaret. Hist. Fausti, C. 52.

22. 5. Pro cadaverib. demortuis se repræsentando, eorum corpus, formam, gestum, assumendo, ea vegetando, ac per ea operando. Sic Philynnii cadaver animavit, & post mortem ad Machatē venit, cui à parentib. negata fuit, cum eo per biduum vixit, donec corpus exsangue iterum ante parentes concidit. Buplagi cadaver in caeso Antiochi exercitu animavit, & ad quadam prædicenda instruxit, quib. factis iterum cadaver expiravit. Veruini Piccardia Corpus suspensi assumptis, & se Demonem ex obsesâ pulsorum promisit. Polycriti Corpus reduxit, per illud Aetolis locutus, & filium post mortem ejus natum devoravit, capite relicto, ex quo etiam cum illis locutus. Cadaver cujusdam Mortui catenis cincti Athendodoro ostendit, locumq. sepultura sua monstravit. Gabinii cadaver Pompejanis locutum est. Boissardus l. c. Citharistria cujusdam Bononiensis umbram reduxit, ut incederet, citharam pulsaret, saltaret. Idem c. l. & Meland. Tom. 1. Jocos. C. 362. Quidam 2. annos sic egisse ajunt. Manl. Coll. pag. 40. Lercheim. d. Zauber. c. 14. Cigogna lib. 4. c. 7. Puella cujusdam exsangue cadaver ibidem domum reduxit. Aliam in gynecæo Ferdinandi Castiliæ Regis in vitam revocavit, ut edere, bibere, choreas ducere per annum videretur. Boissard. cit. loc. Cadaver Maria Burgundica reduxit & Casari ostendit. Goëdelm. l. 1. c. 4. num. 15. Lercheim. d. Zauber. c. 8. Aliud Cadaver suspensi pro spectro in domo aliquâ circumduxit, donec ab oppugnatoribus agnatum fuit, Id. c. l. c. 14. Trium suspensorum cadavera vegetavit, & sub specie præci, tibicinis,



ac fidicinis ad ades cujusdam propè Rotenburgam sæpius deduxit, quasi filiam ejus ducturi. Manlius c. l. p. 41. Lercheim: c. l. Umbra Thesei Græcis in pugna Marathonica contra Persas fulgentibus armis & pugnatura visa est. Boissard. c. 10. Achillis cadaver Apollonio reduxit, speciemq; corporis ejus ostendit. Johannes Teutonicus Halberstadii Convivarum suorum patres ex inferis reduxit, & convivis ostendit. Zuinger. Vol. 3. l. 4. Nobili cuidam Bavaro defunctam uxorem lugenti cadaver ejus restituit, vegetavit, cum eo concubuit, liberos sustulit, & ob mariti convitia muliebri veste penes eum relicta tandem evanuit. Grosius in Magicis p. 44. Delrius lib. 2. q. 15. Gœdelman. c. l. n. 17. Sabinus in 10. Metam. Ovid. Quosdam è duce Bavaria & Saxonia id audisse refert; Et Lutherus idem ex Electore Joh. Friderico audivit, judiciumq; suum de eo tulit ap. Gœdelm. c. l. & Hildebrand. p. 105. Goetæ. Similis historia, si non eadem, de amico quodam Germano à Remigio l. 2. c. 1. recensetur. In Pathmo insula Cynops mortua cadavera resuscitare videbatur: Satanas enim ea vegetabat, & specie eorum ad tempus obambulabat. Id. cit. l. n. 12. c. 4. t. 22. Sic commensalis Agrippa nimium curiosi & in museo conjurationes demonum legentis, cum demon eum suffocasset, jussu Agrippa cadaver animavit, in forum deduxit, rer quaterve ambulavit, postea deseruit, & corpus concidit. Delrius l. 2. q. 29. s. 1. Beyerlingius l. 4. Polyanth. voce dæmon. Ita gladiatoris alicujus corpus ante biduum in pugna occisi animavit, & pro Apolline circumduxit, denec Jamblichus spiritum expulit, & cadaver concidit. Cigogna l. 4. c. 7. Unde corpora desumat Satanas, quomodo ea sibi uniat, vegetet, per ea operetur, loquatur, concumbat, an notâ aliqua à veris solidisq; corporibus internosci, an tactu legitime



explorari, an & illum, ut sensum carnalem & materiale  
fallere possint. Cur vix corpore colūba, ovicula, agni, apparuerit,  
& similia, qua hic moveri possint, ad dæmonologiam aliquā  
& doctrinam de angelis pertinent. Quadam & è Michaël.  
t. 44. patent.

23. 2. Hic queritur: An & innocentes quandoq;  
in maleficorum exportatorum cœtu conspici queant, an  
firmum pro Magiā sit indicium, si quis in cœtu isto no-  
cturno conspectus fuerit? Representari interdum à Sathanā  
innocentum imagines extra tales conventus, citra dubium est.  
Sic imago Samuelis Sauli apparuit, 1. Sam. 28. 14. Imago Christi  
Martino, cum reverā Christus non esset. Sulpit. in vit. Mart.  
Et se Sathanas in angelum lucis transfigurare dicitur 2. Cor.  
11. 14. Exempla ap. C. à Lapide in h. l. vide. Sed an in istis  
Magorū cœtibus tales etiam appareant, majoris questionis est.  
Distinguendum hic inter id, quod dæmon ex viribus Na-  
turæ suæ possit, Et id, quod DEus ei permisurus sit. Quā  
vires dæmonis, potest eadem vi, quā sagas sistit, & innocen-  
tes sistere. Et extra conventus species horum interdum stuit,  
Ut antè dictum. Veruntamen actu id præstare vix à DEO  
permittetur, aut valde rarò. Vt in mulieris specie, qua re-  
verā domi convivis ad mensam asedit, nec loco mota fuit,  
t. 15. Quam innocentem Historici fuisse referunt. 1. Quia sin-  
gulari DEI circa innocentes providentiæ & curæ id non  
consentaneum est, quā in adiutorio & protectione altissimi esse  
dicuntur, ut timores nocturnos nō paveant, nec pavere necesse  
habeant. Psal. 91. v. 1. seq. 2. Quia maximè innocentibus  
injurium est. Prodentur enim à Magis questionibus subjectis,  
& ante cæteros nominabuntur, cum maximo in probos odio  
saga flagrent. 3. Quia non permittit DEus dæmoni sub  
innocen-



innocentum formâ furta, adulteria, latrocinia, committere, ut in suspensionem ac vitæ discrimen ipsos conjiceret, quod libentissimè faceret. Non ergò & in catibus eos representari permittet, ut in similem suspensionem inducantur. 4. Quia aliàs perpetuo timori pii subjecti esse cogentur, ne sistantur, & in suspensionem Magia ac torturas deveniant, quod securitati & fiducia eorum in DEUM adversum est. 5. Quia communis proborum Cōsensus & propria sagarū confessio quandoq; id probat, non adesse ipsis Innocentes. Dices: Permittit DEUS Sathanæ, ut innocentes bonis ac corpore divexet, ut Jobi & Pauli exempla docent, Quod majus est. Cur non minus ei permittat, eos in conventibus Magorum sistere? R. Exagitatio ista saltem castigatio & probatio piorum est, eoq; citra injuriam à DEO permitti potest. Sed cum sagis representatio valida collusionis præsumptio & Magia suspicio est, eoq; piis valde injuriosa, ac innocentia horum probrosa & præjudiciosa est, cum DEUS potius innocentiam servatam ac defensam velit, quàm prostitutam, et in sinistram suspensionem eam adducere velle non potest. Eoq; hoc vix Diabolo permisum velle poterit.

## CAPVT V.

De sagarum cum Sathanâ congressu, partu, & liberis indè prognatis.

**F**uit primum, quod Magis quàm corpus & animam contingere creditur, Exportatio ad loca conventus Magici: Sequitur congressus eorum cum Sathanâ, & liberis ex eo congressu natis, ac similibus. De quibus quaritur 1. An verè



verè Sathanas cum Magis congregari queat, & quid de eo congressu habendum? Bodinus l. 2. c. 7. *verè id fieri tradit, multisq; Sagarum confessionibus & auctorum auctoritatibus confirmat.* Henr. Colonienſis *nihil in Germaniâ adeò vulgatum ait, & in totâ Græciâ, ac Italiâ notissimum eſſe. Faunos, Satyros, Sylvanos, demones eſſe, & salveçiev nil aliud, quàm scortari sonare.* Augustinus l. 15. d. C. D. C. 23. congressum illum adeò certum ait, ut contradicere magna sit impudentia. Communis opinio est *de Diabolis incubis, qui mulieribus, & succubis, qui Viris concumbant.* Lutherus in Coll. mensal. Danæus l. 2. c. 14. Eth. Christ. & Tr. d. sortiar. Erastus de lamiis, Sprengerus T. 1. mal. d. malefic. quæst. 3. Multiq; antiquiorum, Patrum, ut Philo, Josephus, Cyprianus, Clemens Alexandrinus, Tertullianus, Plethon, Isidorus, & Philosophorum, ut Plato in Cratylo, Thomas, Bonaventura, Scotus, Durandus, Gabriel, Alensis, *apud Delrium l. 2. q. 15. & l. 5. f. 16. Et ex recentioribus, Pererius l. 8. in Gen. d. 1. Toftatus in c. 6. Gen. q. 6. Delrius c. 1. Boisardus d. Magia, c. 7. Binsfeldius d. confesf. malef. Concl. 5. Vallesius c. 8. sac. Phil. Tholosanus l. 34. Syntag. C. 20. num. 21. seq. Alstedius Th. Cas. c. 19. t. 5. num. 49. Stumpfius l. 3. d. Sagis c. 2. Beyerling. l. 4. Polyanth. Voce Dæmon, p. 2. 3. Conimbricenses in l. 1. d. generat. c. 4. q. 10. a. 3. Hildebrand. p. 99. seq. Goëti. Eustachius S. Pauli p. 3. Phys. tr. 2. d. 4. q. 3. Zanchius, Hemmingius, Zepperus ap. Voetium d. 8. p. 1. t. 12. aliq; idem affirmant.* Ex adverso *totum phantasticum & illusorium hoc habent* Goëdelm. L. 2. C. 5. Wierus l. 3. d. præst. c. 19. 20. 22. 23. Et l. d. lamiis, C. 13. Lercheim. C. 13. Scaliger ex. 355. Chytræus præf. Panurgi. Martyr in 1. Sam. C. 28. Molitor. d. lam. C. 10. Fichardus Conf. 111. Bierman. d. Mag. act. t. 32.



## COROLLARIA

Respondente apposita.

1. Metaphysicum.

An detur Metaphysica realiter à Logica distincta? A.

2. Pneumaticum.

An Pneumatica peculiaris sit disciplina? A.

3. Physicum.

An Angelorum doctrina pertineat ad Physicam? N.

4. Arithmeticum.

An unitas sit numerus? Neg.

5. Geometricum.

An punctum Geometricum sit individuum? A.

6. Geographicum.

An terra in mundi medio sit constituta? A.

7. Opticum.

An omne corpus sit visibile? Neg.

8. Ethicum.

An choreæ sint libidinis irritamentum? D.

9. Oeconomicum.

An liceat marito uxorem suam verberare? D.

10. Politicum.

An lupanaria in Republica bene constituta sint ferenda? N.

11. Grammaticum.

An litera H propterea è literarum censu sit eximenda, quod in metro non habeat vim consonantis? N.

12. Rhetoricum.

An tropus sit mendacium? Neg.

13. Logicum.

An Deus pertineat ad prædicamentum substantiæ. N.

14. Mnemonicum.

An loca & imagines aliquid momenti habeant ad memoriam perficiendam? Aff.

15. Pœticum.

An licetia pœtica cuilibet patrocinetur? N.



*Ornatissimo*

**Dn. RESPONDENTI**

*Amico suo per dilecto*

**Ω** Νεανίσκε σὺ ταῦτα τεῶ ἐνεκάτ'θεο θυμῷ  
ρεῖα θεὸς σοφίαν μινύθει, καὶ ρεῖα ἀέξει  
τένεκα, εἰ σὺ θέλεις ἐν γράμμασιν ὅτ' ἰάχιστα  
ἐκτελέσαι μέγα ἔργον, ὃ σοὶ θεόθεν θέμις ἐστ'  
Χρὴ σὲ θεῶ ἔργοις ἐν πᾶσι μεμνημένον εἶναι  
καὶ αὐτὸν ἱμᾶν, ὅς ὑπέρβια δαμάσῃ ναιῖ.

*apponebat*

**Christianus Vulpinus, Phil.**  
*& Theol. Stud.*

*Ad*

*Ornatissimum, Doctissimumq. Juvenem*

**Dn. CHRISTIANVM NIFANIVM,**

*non Magicè de magicis actionibus  
disputantem.*

**M** *Ortiferæ, CHRISTIANE, sage quum carmina  
spernas*

*Cur simul à Musâ carmen habere cupis?*

*Rem poscis vetitam? concessa licentia nobis*

*Dicere, quod pariat commoda carmen: habe.*

**Joannes Acoluthus,**  
*Uratisl.*



D. O. M. A.

DE

# MAGICIS

## ACTIONIBUS

EXERCITATIO V.

*De*

Congressu Magico, & liberis inde  
prognatis.

DISPUTATIONIS LOCO

*Ad sententiarum Collationem*

In Gymnas. Dantiscano proposita

PRÆSIDE

HENRICO NICOLAI,

Phil. Profesf. Publico.

*Respondentis partes expediente*

BENJAMINE OSWALDO,

Mülhusino Thuringo.

*Ad diem Maij*

*Horis Locog. constitutis.*

---

DANTISCI,

*Typis Viduae* GEORGII RHETII.

*Anno M. DC. XLIX.*



THE  
MAGAZINE

OF  
LITERATURE

AND  
ARTS

FOR  
THE  
MONTH OF  
JANUARY

1850

NEW YORK  
PUBLISHED BY  
J. M. LADD

AT THE  
NEW YORK  
OFFICE OF  
J. M. LADD



## De congressu ac partu Magico.

## Thesis I.

[Ac. Martini Cent. 6. d. 2. q. 7. Scultetus de Sagis c. 7. 8. Harprechtus T. 4. Op. pag. 1042. seq. Timplerus l. 4. Meta. c. 4. q. 26. Voetius c. 1. *Ex Italis* Cardanus, Pontzinibius, & Porta, *Ex Belgis* Brodæus ap. Delrium c. 1. *Idem* Remigius l. 1. c. 6. alijsq; censent.

2. Verior sententia est, mediâ viâ hic incedere, & concubitus hunc partim verum, partim imaginarium, esse asserere. Ita Alsted. p. 3. Pnev. c. 9. alijsq; Verum, quando corpus aliquod assumpsit Diabolus, ut cadaver vel ex aëre, vapore, luto, nube, aliavè materiâ sibi aptavit, illudq; vegetavit. Imaginarium, quando phantasias lamiarum corrumpit, ut se congregi existiment, & somnient, cum verè nihil fiat, quomodo exportatio earum ad conventus interdum prestigiosa est, C. 4. t. 15. Prius probatur 1. Quia omnia ea, quæ ad congregiendum requiruntur, imitatione aliquâ Diabolus in corpore exprimere potest. V. g. Corpus assumere vel de novo ex elementis formare, ad similitudinem carnis palpabile effingere & exhibere, illud vegetare, movere, calefacere, per illud operari, loqui, amplecti, hoc illorè situ se præsentare, cubando, sedendo, stando, sexum artificiosè imitari, membra virilia aut muliebria in corpore exprimere, Viris specie fæminæ, fæminis virili se sociare, mulieres sibi subicere, Viris se substernere, naturalem seminis emissionem imitari, aut aliunde quocunq; modo raptum & adductum ejaculari. E, & cum Sanguis in tali specie congregi poterit.

3. 2. Quia certa & non fallax experientia congressum istum quandoq; verum & realem esse attestatur.



Sic cum nobili Bavaro specie conjugis à mortuis reducta congressus est, & liberos sustulit, c. 4. t. 22. In Borussia incubi cum Vxoribus Virorum rem habuerunt Anno 1247. Schützius l. 1. Chron. p. 25. a. In Concilio Constantiensi in incredibili meretricum se prostituentium multitudine & Damon succubus specie femina formosa adfuit, multumq; pecunia ex congressu meritis est, ut Viatori alicui ostendit. Niderus c. 9. formicar. Merlinum Anglū ex Incubi & nobilis Britannica concubitu ortum esse constans fama fuit, Heët. Boethius l. 7. hist. Scot. Vinc. Beluacensis l. 21. spec. histo. c. 30. Nauclerus Vol. 2. Gen. 15. Idem de Homero Plutarchus in vita ejus ex Aristotele 3. Poëtic. Et Politianus præf. in Homerum tradunt. V. Conimbric. c. 1. Constantia mulier quadam à Sathana compressa, & monachum specie mulieris venustissima ad impuros amplexus à Sathana incitatum Hieronymus in Vit. Patr. tradit. V. Wierum, l. 3. d. lam. c. 32. Cliensium ducum originem ex simili concubitu specie militis incogniti deducunt, & taperibus antiquissimis in arce Cliensi id intextum est, Idem c. 1. Cum Wittebergensis Mercatoris uxore absente marito Dæmon specie juvenis & Amasii congressus est, formamq; Pica postea assumpsit ac evanuit. Idem c. 30. Nec nudis negationibus aut fabula denominationib. talia expugnantur, quæ Wierus c. 1. reponit. Ante sexennium in primario Brabantia oppido mulier punita fuit, quod ex Damone pepererit. Nostris temporibus id contigisse Molina ap. Delrium c. 1. prodidit. Nemo ex eo, quod in somno aut somnio appetit vel committit, morte in foro soli punitur, cum non liberum in isto statu iudicium habeat. Hunnos ex Arlunis (nomen id Gothicum est, V. C. 1. t. 15.) strigibus Gothicis & Faunis originem ducere constans apud multos fama est, & apud Sornandem



de rebus Gothicis, Luitprandum, & Enserum Hungar. l. i. memoratur. Cum Machate hospite Damon sub cadavere Phyllinij virginis aliquot noctes concubuit, c. 4. t. 22. Cum Sagis cadavere assumpto interdum rem habet, unde cadaverosus in Sagis odor. c. 3. t. 17. Apud Indos occidentales vulgatum est, Numen ipsorum Cocoto, qui sine dubio Diabolus est, feminis concumbere. Bodinus c. 1. Alia exempla Binsfeldius c. 1. habet. Interdum Saga post concubitum decumbunt, ac si vehementi agitatione debilitata fuissent, ut Morelia facta est, Remig. c. 1. c. 6. Sacerdoti cuidam Bened. Berna Damon succubus per annos 40. Et Pineto per totidem mulieris specie concubuit. Wierus c. 1. c. 33. Bobburgi in Vbijs punitus quidam Stumpsius Petrus, quod cum Demone succubâ plus 4. lustris consuesset. Delrius c. 1. q. 18. Beyerling. T. 4. Polyauth. Voce Lupus. 3. Quia idem confessiones variarum Sagarum, etiam, cum bono statu sunt, sub Judice, Inquisitore, cessante omni phantasticâ somnatione, attestantur, verè se aliquando cum Sathanâ sub specie Viri rem habuisse, Circumstantias etiam materiales, & seminis rationem enarrant, quæ alia non nisi è realibus factis desumi solent. Ut Johanna Haruillera, Marg. Bremontia, Roberta, Guillemina, Maria, Guilielma, Magi Attrebatice, Sagæ Constantienses, Ratisbonenses, Magdalenâ Crucia, aliæq; apud Bodinum c. 1. Intetdum in agris & sylvis se retegunt, ac clarâ die cum Demone coeunt; Interdum à Viris Diabolus harentes deprehensa, & gladijs caesa sunt, Ut Idem narrat. 4. Quia interdum fetus ex tali concubitu natus est, Ut t. 10. patebit. Ergo concubitum reale quid fuisse necessum est. 5. Quia varij Patres, Philosophi gentiles & Christiani eidem ut vero assentiuntur, Ut t. 1. patuit. Consensus autem præclarorum Virorum de aliquâ re non te-



merè rejiciendus. Credibile enim, Ipsos ut Viros graves rem-  
satis inquirere, nosse, penetrare, & constituere posse. 6. Quia  
exportatio ad Conuiuia, choreas, & tripudia, quandoq. vera  
& realis est, non imaginaria, c. 4. t. 10. Credibile, & concu-  
bitum interdum talem esse. Diabolus enim ut Spiritus impu-  
rus omni occasione ad hominem in impuritate detinendum &  
à licito conjugij usu avertendum intentus est. Non ergò in-  
credibile, carnalem aliquam voluptatem quoad libidinem  
Veneriam materialiter suis mancipijs Eum conciliare.

4. Dices. I. Species disparatæ ad congregiendum  
& generandum non miscentur. Sed Spiritus & corpus  
substantiæ plusquàm disparatæ sunt, oppositæ nempè.  
E. ad congregiendam non miscébuntur. R. Antecedens  
in regno animali falsissimum est. Sic enim hircus & cervus  
coëundo miscentur, unde hircocervus, Equus & cervus, unde  
equivervus, Canis & Vulpes, unde Cynalopex, Cervus &  
dama, unde Cervidama, Equus & bos, unde equivobus, Leo  
& pardus, unde leopardus, Camelus & pardus, unde Came-  
lopardus, Equus & asina, unde mulus, Lupus & cerva, unde  
lynx, quæ non figmenta, sed realia animalia in naturâ rerum  
existentia esse Physiologi docent, Et alibi à me ex Scaligero,  
Plinio, Aristotele, ostensum est. V. Tractatum de modis  
prædicandi, f. 2. c. 1. t. 4. Homo cum bestiâ per malitiam in-  
terdum commiscetur, unde pœna peccato tali statuta, Exod. 22.  
v. 19. Equè autem oppositè distant animal rationale & bestia-  
le, ac substantia Corporalis & Spiritualis. Et si verum ante-  
cedens esset, de Naturâ in ordinario saltem cursu proce-  
dente verum esset. Præternaturaliter autem secùs inter-  
dum esse posset, ut adducta exempla docent. Deinde  
corpus & spiritus oppositæ substantiarum species sunt, quâ abso-  
lutè



*lutè in se sumpta, & tales manent. Sic enim & corporeum & incorporeum divertunt. In nostro autem casu Damon non ab- solutè Spiritus manet, sed corpus humanum ejusq; figuram assumit, & in eà ac per eam concubitus exercere dicitur, sicq; aliquatenus ad hominem accedit. Corpus enim humano analogum gerit, illud vegetat, movet, & operationes aliquas per istud exercet.*

*5. II. Si in Diabolo concubitus esse potest, & appetitus ad Venerem in eo erit. Si hic, & appetitus cibi ac potus aderit, & sic spiritus nutrietur, ac corpora erunt. R. Si concubitus ex innato naturali propriæ naturæ desiderio in eo est, tum & appetitus Venerius erit. Sed ex ascitâ & voluntariâ tantum malitiâ est, & appetitu gratificandi, hominemq; ad omne genus impuritatis commovendi, corpusq; & animam per luxuriæ vitium lædendi, & in baratrum præcipitandi. Vt genius enim impurissimus impuritate hominum gaudet, ad eamq; vi & fraude adigit, nullo naturæ desiderio, cum nec species ejus minuat, nec generando propagari possit, nec conservatione opus habeat, cum spiritus incorruptibilis sit. Quicquid hic agit, ut hominem in interitum præcipitet, agit, & in corpore assumpto ac alieno, non proprio, nec propria natura necessitate, quæ concubitu opus non habet, eoq; nec nutritivo appetitu, nec corpore indiget. 3. Sæpius Veturæ in concubitu suo delusæ sunt, ut exempla testantur, t. 6. E. tota ista res vana videtur. R. Sæpius hic commenta intercurrunt, ut t. c. patebit. Quandoq; tamen & realitas subest, t. 2. 3. Vt à particulari ad universale in materiâ non necessariâ, qualis hac est, non statim inferri debeat. Sic exportatio Magorum ad conventus sæpè est delusoria, c. 4. t. 15. Quandoq; tamen realis, t. 11. 12. IV. Sagarum Confessio cum*



cum animi malè sani ac dementati sit, aliud nihil probat, quàm ipsas in concubitu aliquid passas esse. At quomodo, an reverà, an somnio & phantasià, fides nulla subesse potest. *Ut in simili c. 4. t. 3. responsum.* R. Sagarum confessio, ubi de re omnem naturæ vim superantis, naturæ rerū contraria, & DEI potestati præjudicantis rei est, locum habere non potest, sed ponderanda, non numeranda est, ut c. 1. responsum est: Vbi autem de re potestati naturæ aut artis subiecta est, locum habere potest, Et ita præsentè in negotio est. Congressum in assumpto corpore ad hominis figuram composito Dæmonem exercere, non res vim totius naturæ aut potentia finita transcendens, sed intra eam adhuc conclusa est, t. 2. 3. Ut proinde nec totaliter Sathanæ negari, nec omnis fides lamijs id consentientibus derogari debeat, sed quandoq; verum subesse possit, etsi quandoq; commentitia intercurrent. Quod si hac confessio tota, & semper nugatoria est, quomodo in iudicio Saga interdum ob talem congressum confessum ad mortem adjudicata sunt, t. 3. ? Sed minimum interdum veram esse oportebit.

6. Posterius, congressum hunc quandoq; imaginarium esse patet, 1. Quia tota exportatio aliquando illusoria est, c. 4. t. 15. E. & ea, quæ eam sequuntur, ut comæssationes, saltationes, congressus, talia erunt. 2. Quia Sathanas Spiritus mendax est, & frequenter veris mendacia adspersit, hominesq; ludificatur, c. 1. t. 16. Credibile, & quandoq; concubitum istum mera somnia ac ludibria phantasia in capite Magorum à Sathanâ excitata esse. 3. Quia exempla interdum id docent, meras illusiones fuisse. Sic quædam proba mulier confessa est, sæpè in somnis per campos equitare, hominem secum coire, seq; magnam in actu concupiscentiam sentire sibi videri, quæ omnia mera phantasmata fuerunt. Aliæ



in Africâ putantes se cum Damone coire, cum maleficis ipsis rem habuerunt, Goedelman. l. 2. c. 5. Wierus l. 3. c. 27. Quomodo Pauli na cum Anubide Idolo per tenebras se congregi putabat, cum Decio Mundo insidias has per Sacerdotes Anubidis struenti commiseretur. Josephus l. 18. Antiq. c. 4. Sic Rustico cuidam idolum oblatum mulieris cum Damone atri canis specie ruri congregientis, cum mulier isto tempore domi in lecto decumberet, Wierus l. 3. c. 33. Ita sæpè puella à matrib. Sathana devota reperta sunt, quibus cum Sathanas congressus dicitur, sed quarum hymen non perruptus in coitu, eodè Virginitas illæsa mansit, & consequenter coitum non realem fuisse oportuit, V. Wierum c. 20. c. 1. Sic cujusdam mulieris in Flandriâ uterum Spiritu expandit, quasi imprægnata esset. Postea onere levatum se sensit, sed partus nullus aparuit. Postridiè è somno excitata infantem in lecto fascis involutum invenit. Non multo post è latere dormientis idem abreptus, nec amplius inventus fuit. Wierus c. 1. c. 34. Hic mera Dæmonis ludibria fuerunt in partu procurando, fœtus simulacro conformando, aut aliundè arrepto substituendo, eo iterum surripiendo, vanitate mulieris confirmandâ, pellice aliquâ suspectâ reddendâ, & in discrimen vita de maleficij crimine conjiciendâ.

7. 2. An ex congressu Dæmonis partus sequi & prodire, adeoq; Dæmon generare queat? Hoc negant iidem, qui congressum realem negant, ut Goedelman. Wierus, Scalliger, Biermannus, Molitor, alijq; t. 1. Et præter illos Jacobus Rex l. 3. Dæm. cap. 3. Et si concubitus realem concedat. Affirmant Delrius, Danæus, Erastus, Sprengerus, Alstedius, & alij ibidem. Pererius l. 8. in Gen. d. 3. dubitat. Res ex antedictis aliquam explicationem habere potest, quæ tamen



ut distinctius & plenius elucescat, distinctionibus quibusdam adhibitis plenius & solidius determinanda erit. Distinguenda & generationis vox, & Dæmonis natura ac habitudo erit. Generatio, si Physicam corporis naturalis ex conveniente sua speciei semine ex alimenti superfluitate deciso ac in corpore producto, in congruam matricem projectione productionem notet, & generare primario suo significato, quod in Physicis habere solet, sumatur, Diabolus aliquid generare non potest. Si qualemcunq; ex qualicunq; semine in matrice mulieris efformationem, potest. Dæmonis habitudo in corpore assumpto vel est incubi & specie Viri ad mulierem, vel succubi & Dæmonis in figurâ mulieris ad virum. Priore modo Dæm. generare posse probabilius est, Posteriore difficilius assertu videtur. De quibus distinctè sequentes assertiones ponenda erunt.

8. I. Generatio Dæmonis ex congressu cum homine non naturalis, animalis, & Physica, sed præternaturalis, extraanimalis, & ultra Physica est generatio. Ratio est, quia nec in Dæmone ullum verum corpus naturale & Physicum est, sive ærium s. aliud, ut contra Platonicos & similes in Michaëlibus t. II. 12. ostensum: Sed præternaturale tantum & assumptitium, quod non ab interno essentiali vitali principio, ut anima aliquâ tanquam specifica & essentiali corporis sui formâ, animatur, sed ad tempus assumitur, ab extraneo & extressentiali sibi vegetatur & movetur, donec tragædia, cui servienda à Dæmone aptatum est, representata sit: nec verum animal Dæmon est ab internâ animâ informatum & constitutum, sed speciem ejus & corpus tantum assumit, nec organa Physica ad Physicam operationem, ut nutritionem, naturalem comestionem, resolutionem, assimilationem, concoctionem, excrementorum, ut seminis, formationem & egestionem, generationem,



tionem, augmentationem, &c. destinata & idonea sunt, Nec calor naturalis ad Physicas functiones requisitus, earumq. admitter, nec vera species humana aut bestialis generationi idonea, sed idolum & similitudo tantum ejus, nec generandi necessitas, cum individua Damonum non intereant, ut generatione restitui debeant, ut animalium, nec ulla individui vel speciei inter Diabolos multiplicatio locum habet, nec ex coitu voluptas, qua communiter in animalium genere Venerem consequitur, Nec nisi in animantib. locum habere potest: Nec ullum verum semen, sive tenue, sive crassum, ex quo Physica generatio exsurgere possit, Damon habet, ut Marcus Ephesius, Josephus, & fortassis Athenagoras ap. Delrium c. l. voluerunt, Quia illud corporis vivi residuum tibi optime concocti est: Cibus autem & concoctio in Damonibus non est, cum nec animam vivam habeant, cujus functio cibum recipere & naturali calore concoquere est, nec cibo ad sui sustentationem indigeant. E. nec naturalis in illis generatio ex substantia propria vitali ac animali, qua ab intrinseco principio vitalis sit, locum habere potest.

9. II. Potest tamen Dæmon incubus in assumpto corpore præternaturaliter & verè ex muliere, cui incumbit, aliquid progignere. 1. Quia potest requisita generantis Viri adumbrare, corpus formare, vegetare, activa passivis applicare, per modum seminis aliquid à Viro acceptum in matricem mulieris transfundere, ut t. 2. visum, Quod à muliere gestante ulterius elaborari potest, ut inde fœtus aliquis exsurgat, sed qui fœtus non tamen omni modo naturalis, sed præternaturalis futurus est, qualis & generatio est, t. 8. Nec propriè Damonis erit, sed Viri, unde semen arreptum est, & mulieris, qua illud suscepit ac elaboravit, ut communiter Scholastici sentiunt. V. t. 22. Ergo & aliquo modo generare poterit.

O

2. Quia



2. Quia potest semen à Viro per pollutionem vel somnationem nocturnam ejectum, excipere, deferre, per miram agilitatem ac naturalium rerum peritiam, quâ pollet, calorem ejus prolificum in partibus spirituosiss & aëriis radicatum aliquousq. conservare, ad tempus cohibere, & ne dissipetur, inhibere, eo tandem tempore, quo mulierem ad concipiendum optimè videt dispositam, quod eum, ut qui per totum Orbem terrarum vagatur, rerumq. naturalium recessus & proprietates perspicacissimè cognitos habet, commoda applicandi tempora, solertiam & artificium universum novit, ac diuturnâ observatione penè omnia affecutus est, latere non potest, convenienter mulieris matrici infundere, vel naturali vi attrahendum exhibere, ac mulieris semini commiscere, ut inde partus consequatur. V. Vallesium c. l. Sic naturaliter puella cuidam jam pubescenti contigisse dicitur à Thomà quodlib. 6. Et à Delrio c. l. repetitur, quam ob pudoris meliorem custodiam in lecto secum noctu cubantem pater habuit, ut cum hic in somno pollueretur, semen ejus ad matricem filia devolutum, indeq. ea conceperit. Mitto, quæ Chymici de conveniente seminis receptione, & in cucurbitam positione, ac in ventre eqvino asservatione, V. Hildebrand. l. i. Mag. Nat. c. 40. Et de mulieribus in balneis, ubi Virorum semina fusa, impragnatis Averroes, de alijs alij proponunt, quæ incredibilia videntur. Si hac naturaliter eveniunt, quidni praternaturaliter Damoni, miro & agilimo artificii atq. arcanorum natura peritissimo, similia in concumbendo prestare possibile sit?

10. 3. Quia dantur exempla partuum ex tali congressu prognatorum, quos Cambiones, German. Wechselbälge/ Wechselkinder/ Kiellröppfe/ vocant, quos vel verè natos ex tali coitu putant, semen enim in humanam matricem jactum,

cla.



elaboratum, & ad suam perfectionem progressu temporis deductum fuit, ut partus aliquis inde succedere potuerit; Vel aliunde abreptos & supposititios censent. Exempla ap. Hildebrand. p. 105. seq. Goëtiz vide. Sic in Brabantia mulier ex Sathanâ peperit. Idem Constantia & alibi factum. t. 3. In Marrea regione puella nobilissima immane monstrum ex Sathana coitu protrusit. Heft. Boethius l. 8. hist. Scot. Wierus quidem fabulam appellat, c. 31. Sed non statim fabula esse cogitur, quicquid nonnullis incredibile videtur, Cum rem Sathana potestati subiectam esse certum sit. Ac tales liberos adeo fortiter ubera sugere ajunt, ut 4. & plurium mulierum rumas exhauriant, macie tamen deformes perseverent, etsi ponderosissimi existant. V. Hildebrand. c. l. Sic mulier aliqua ex spectro specie Viri marini compressa est, unde puerum enixa est, qui miles fuit, & postea etiam genuit, Ex quo familia nobilis orta, quæ se marinos cognominavit, ut ex Fioravanto Idem Hildebrand. p. 114. Goëti. narrat. Sæpè etiam Sathan Sagas interrogat, utrum gravida ex ipso fieri velint. V. Bodinum. l. 2. c. 7. Quod facturum non credibile est, nisi genituram ita attemperare nosset, ut partum quandoq. succedere posse constet. 4. Quia multi præstantes Philosophi & Theologi fieri id posse attestantur, ut Glossa Ord. in c. 6. Gen. Et in cap. 13. seq. Thomas in idem cap. Vbi ex tali coitu procreatos aliter à naturâ comparatos esse docet, ac qui communi natura lege generentur, Augustin. l. 15. d. C. D. c. 23. & l. 3. d. Trin. c. 8. Bonaventura, Scotus, Carthusianus, Gabriel, Castro, Medina, Suæretz, apud Tannerum, T. 1. d. 5. q. 5. d. 5. n. 24. Et Delrium, q. 15. c. l. Qui & Alenssem, Abulensem, Richardum, Paludanum, Victoriam, Molinam, Spinzum, & ex Jctis Grillandum & Binsfeldium addit. Spre-



gerus p. 5. Mallei q. 3. Niderus in formicar. cap. 10. Spinæus de strigibus c. 6. Molitor dial. d. Python c. 6. in T. 2. mall. mal. Quamvis c. 11. totum in id dubium vocet & neget. Stumpfius l. 3. de Sagis c. 2. Bodinus in Dæmon. alijsq; qui congressum Dæmonis realem habent, t. 1. Non solet autem planè falsum esse, quod à multis eruditis viris communiter consentitur.

11. Dices 1. Diabolus est expers vitæ & animæ. Ergò nec verè aliquid generare potest. R. Nempè verè, hoc est, Et vitaliter & animaliter generetur, hoc enim sine animâ & animali vitæ principio non contingit, quæ in Sathanâ locum non habent, t. 8. Sed verè, h. e. non fictè, falsò, & apparenter tantum, sed realiter, cû generatio ultra naturæ circum procedat, quamvis media generandi naturalia intercurrant, Ut semen aliundè abreptum, in quo vis illa vitalis est, unde fœtus oritur, non in Dæmone, Sicut vis calefaciendi non inest tubo vinum fundenti, sed vino ex eo fuso, nec vis illuminandi læterna, sed ellychnio in eâ posito, & per aërem illuminanti: Nec verum & Physicum statim æquipollent. Sic Christus vera vitis, Joh. 15. v. 1. Non tamen Physica. Verè Maria Virgo peperit, non tamen Physicè. Verus Pastor Christus est, vera lux, verus panis de cælo, Joh. 1. v. 9. G. 6. v. 32. Caro Christi verus cibus, v. 55. non tamen Physicus. Verè idem post resurrectionem comedit, bibit, non phantasticè & illusoriè, non tamen Physicè & animaliter, nec ad vitam animale ejusq; necessitatem, sed gloriosam & spiritualem. 2. Est author mortis, Ergò vivum producere nequit. R. Mortis, quia introduxit eam in mundum, tam corporalem, quàm spiritualem: non quasi nihil nisi mortuum producere posset. Sic enim animalia ex putredine mediantib. naturalibus medijs, sole, cælo, calore, fœtura, produ-



producere potest, ut c. 8. patebit, quæ utiq; viva sunt & vitam in se habent. Sic & hominem mediante semine humano producere potest, hoc enim principium vitæ in se habet.

12. 3. Si Diabolus gignit, aut propria erit generatio, aut Tropica. Si propria, E. Physica, & sic corpus ac animam Sathanam habere oportebit. Si Tropica, E. non vera ista erit generatio. R. Est propria quandoq; generatio, sed proprietate Grammaticâ & Rhetoricâ, sine tropo, illusione, phantasmate, medijs generandi proprijs, semine humano, quæquam aliundè arrepto, utero, calore muliebri, elaboratione, expedita, non autem Physica. Nec à proprio ad Physicum statim valet consequentia. Sic DEVS propriè genuit filium suum, & sine tropo, V. Natalit. t. 3. Maria Christum, non tamen Physicè & naturaliter, sed hyperphysicè & supernaturaliter. Propriè & sine tropo Christus post mortem comedit & bibit, sicq; veritatem corporis & resurrectionis contestatus est, non tamen Physicè, sed per modum corporis gloriosi, V. t. II. Propriè Corpus Christi in Cænâ quantum ad panem & mediante eo comeditur, non tamen Physicè & naturaliter, sed Sacramentaliter. V. Tr. d. multipr. t. 101. 102. Et Tr. de esu Eucharistico plurib. patebit. Propriè & sine tropo, nec illusoriè aut phantastice, sed verissimè corpora nostra in novissimo die resurgent, non tamen Physicè, sed hyperphysicè, ut in Theologicis docetur. 4. Si propria Damonis incubi per Sagam est generatio. E. propriè Damon fœtus parens dicendus erit. Quod horridum apud Christianos auditu est. R. Si propria proprietate Physicâ & animatâ ista generatio est, tunc ita Damon appellari potest. Generationes enim & corruptiones, prout famoso sensu in Physicis sumuntur, tantum animatis & ex essentiali vitæ animata principio generantibus competunt.



ut plantis, brutis, hominibus. Sed talis generatio Dæmonis non est, sed præternaturalis & non animastica, t. 8. Parens ita is dicitur, qui ex semine proprio generat, & ex cuius corpore semen deciditur, ac à quo gignendi virtus semini imprimi-  
tur. Dæmon autem ex alieno. Itaque ejus, unde surripuit semen, & mulieris elaborantis ac parientis propriè partus est, & illi denominatione parientis accuratius adscribenda erit, V. t. 9. Sic ligna urere non propriè is dicitur, qui ignem adducit, sed ignis, cuius vi propriâ, calore, ligni materia ad urendum disponitur. Si Patris vox generalissimè sumatur, ut & Sol Pater rana, muris, & animalium ex putredine genitorum vocatur, sic & Dæmon Pater talis partus nominari poterit. Sed in istis æquivoca & ex semine analogo ac æquivoco profecta generatio est, & talis erit etiam Patris denominatio. In Dæmonis autem generatione semen humanum intercurrit.

13. 5. Qvicumq; propriè gignit, ex substantiâ propriâ aliquid producit. Vt DEVS, plantæ, animalia, homines. Sed Diabolus ex substantiâ tantum assumptâ ac alienâ, & semine aliundè rapto gignit, non propriâ substantiâ. E. non propriè. R. Qvicumq; propriè in regno naturæ rectè se habentis & procedentis gignit, ex substantiâ propriâ gignit. Sed Dæmonis generatio ultra & præternaturalis est, non in naturâ rectè, sed distortè se habente, procedit, t. 8. Eoq; illud requisitum, ex substantiâ propriâ gignere, hic minùs urgendum. Potest in nonnullis cum generatione propriâ convenire, & hætenus propria dici, quia non merè phantastica & illusoria est, t. 11. In nonnullis à generatione Physicâ deviare, & hætenus impropria dici, quia non Physica, Quod autem veritati & realitati obstare non debet, t. 11. 12. Et proprietatem Rhetoricam servare potest, t. 12. Proprium enim suos gradus habere



habere potest, ut de uno magis univocè, quàm de alio, dicatur. Sic substantia & accidens propriè Ens. Magis tamen substantia, quàm accidens. Infinitum & finitum, Increatum & creatum propriè Ens, sed magis & per prius illud, per posterius hoc, ut in Metaph. docetur. DEI in divinis generatio supra totum naturæ circum est, & de eâ specialia nemo mortalium satis accuratè dicere potest, & Scriptura hic silet. Itaq; hoc inter ineffabilia & incomprehensibilia humano intellectui referendum erit, Prov. 30. v. 4. *Vi in Methodo de Trinitate, t. 19. 23. 24. 28. 44. seq. pluribus dicitur.*

14. 6. Fatentur Sagæ, semen à Sathanâ fustum, frigidum esse, ingratum, nihilq; voluptatis ex tali coitu sentire, sed multum horroris ac aversationis. E. nec inde generatio sequi poterit, quæ à calido semine est. R. Nempè non semper Demon generare intendit, qui sui gratiâ eo opus non habet, & si quid velit, in gratiam Sage succuba id hic agat; eog; & infrugifero semine suo perfundat. Si tamen sub Viri specie deludere velit, nec se Dæmonem esse sciri cupiat, aut generare etiam ex alieno semine intendat, certum est, posse Eum ea, quæ ad congressum requiruntur, ita representare, ut nonnisi vivus congressus esse videatur, eog; & semen calidum infundi procurabit, ne quidquam aliud, quàm Virum eum esse, cognoscatur. Hic & prolificum semen quæret, & inventum servabit, tantaq; celeritate proferet, ut Vitalis spiritus non evaporet, sed quando ac quæle ad generandum requiritur, infundatur: Et corpus assumptum temperabit, ne contactu timor, horror, aut aspernatio inferatur. Sic Bambergæ specie Viri & mulierum cum ignotis congressus est, eog; ad Magica pellexit, & minis quandoq; coëgit, qui aliàs Sathanam eum esse ignorarunt. *Omniaq; ea representavit, quæ in vero Viro aut muliere*



muliere apparere solent. Et interdum Sagas quærit, an imprægnari ex se velint, t. 10. Vbi verum semen quærere poterit. Vbi autem cum suis agit, frigidus & fictitio cum semine uti possibile est, unde nullam generationem sequi conceditur. Sed jam non, quid fiat, sed quid fieri saltem possit, quæritur. Voluptatis autem sensus aut titillatio ad congressum & generationem non essentialiter requiritur, ut si ea absit, illa propterea esse nequeat. Quædam in somno imprægnantur, ut puella Bambergensis à dolofo juvene per noctem ei superveniente apud Niderum in formicar. c. 10. Et alix, quæ voluptatis nihil sentiunt, & se prægnantes esse tamen vident, ac postea generant. Quandoquæ autem in Sagis & voluptas illa est, si Dæmon eam ab illis percipi velit, ut varia Sagarum apud Sprengerum, Binsfeldium, Ananiam, exempla docent, inprimis Sardicensis Sagæ & Virginis Hispanæ nobilis ap. Torquemadam & Grillandum. V. Delrium c. l. q. 15. 7. Vis plastica seminis in partibus ejus tenuissimis & spirituosius consistit, quæ huc illuc transferri non possunt, quin statim evanescent, omnemque imprægnationis vim amittant. Ergo nec ex tali translato semine quidquam generabitur. R. Possunt partes istæ à Dæmone naturalium gnarissimo ita recipi & servari, ut evaporare nequeant, & tam celeriter transferri, ut exhalare non necesse sit, t. 9. Sic Chymici semina quædam vasis competentibus excipere, indeque elaborando partus se producere posse promittunt, c. l. Sic ova ad fornaces conveniente calore digeri, fœtusque inde excludi facimus. Nec vis plastica ita evandæ, ut non ad breviculum durare possit, ut in puellâ quædam, t. 9. Quamquam diversum hic Medici interdum, Et cum illis Johan. Lucidus l. i. d. emend. tempor. cap. 4. aliique teneant.



15. 8. Si Diabolus verè generat, etiam animam in homine formabit, quod soli Deo, nulli angelo bono in sacris ascribitur, c. 4. t. 8. Nec credibile, Deum in tali actu animam factui infusurum, & inchoato Sathanae operi coronidem imposturum. R. Antecedentis Consequentia negatur. Non enim ex semine proprio & animaliter generat, Quod qui facit, peculiariter concurrente Deo simul animam communicat & propagat, quam in ipso hominis corpore Deus formare dicitur, Zacch. 12. v. 1. Sed alieno & praternaturaliter, t. 8. Et sic Spiritum propriè non format, sed Deus in semine isto, Et corpore, in quo generatur, Et si modus formandi specialiter sit inexplicabilis. Nec Deus ab extra animam infundit: Sed ab intra in ipso homine mirabiliter Spiritum format. Ut Dec. 2. Miscell. d. 3. t. 22. seq. Et d. 4. t. 9. docui. Et hic ad seminis vim ac naturalem hominis in utero elaborationem concurrat, facitq., quod natura ordo postulat, Vt nempe ex Viri prolifico semine muliebri aptè mixto & congruè in utero elaborato proles nascatur, non impium Sathanae actum probat aut iuvat, qui moraliter & accidentariè accedit. Sic & ad formationem factuum ex adulteriis, incestibus, fornicationibus, natorum concurrat, & naturam ejusq. processum iuvat: Non tamen impia facinora probat aut adjuvat. 9. Si Dæmon generat, aut Dæmonem generabit: At illi non propagantur, & penè omnes anguli Damonibus erunt repleti: Aut hominem. At simile ex simili generatur, non species diversa ex diversâ, Quomodo homo & Damon species diversa sunt. R. Hominem generabit, sed quadantenus praternaturaliter constitutum. Nec specierum discrimen obstat. Praternaturaliter enim species commisceri, & inde diversum quid ab utroq. generari potest.



est, ut hircocervus, Equicervus, Leopardus, Cynalopex. V. t. 4. Generatio autem hac Damonis praternaturalis & non animalis est, t. 8. Quidam tales factus Diabolos incarnatos vocare malunt, ut Lutherus ap. Goedelman. l. i. c. 4. Sed de liberis ex succubis Diabolicis prognatis loquitur, de quibus t. 16. videbitur. Jam de partu ex incubo nato sermo est. 10. Non qui semen aliorum transfert, sed qui emittit, propriè generat. Quod Diabolus non facit. R. Nempè proprietate Physicâ & animaliter, quomodo Diabolus non generat, sed proprietate tantum Rhetoricâ & non animaliter, t. 8. 12. 13. 11. Proportio nulla inter substantiam tantum spiritualement, qualis Damon, & tantum corporalem, qualis homo, est. E. nec generatio inter eas esse potest. R. Antecedens falsum est. Virag subsistens quid, Ens reale, accidentium & facultatum capax est. Aliqua ergo proportio. Anima humana tantum spiritus, corpus tantum materia: ad essentialem tamen unionem & informationem coeunt, tanta inter ea proportio. Et hic Diabolus non in se, sed assumpto corpore cum sagâ ad generandum, & sic corpus cum corpore concurrat, unde sufficiens inter ea proportio esse potest. 12. Damascen. l. 2. d. fid. c. 3. ait, Qui essentiam illam, quacunq; tandem ea sit, ab angelis procreatam dicunt, eorum ore Diabolum loqui. E. nequit Damon procreare. R. Nempè qui ex se & proprio angelos eam formare dixit, ut Deus spiritum hom. in h. format, c. 4. t. 8. uti Galitz, Messaliani, Simoniaci & alij delirârunt, V. Dec. 2. Mi. d. 3. t. 4. 10. Damon autem generat ex alieno, semine humano.

16. III. An Dæmon succubus & mulieris vice Viro succumbens, ex coitu Viri aliquid progignere possit, majoris difficultatis est constituere, nec facile liquere potest.

Hos



## Exercitatio V.

115

Hoc enim negat Delrius c. 1. Negârunt Ægyptii ap. eundem, aliq. Ratio est, quia ut mulier generet, longè plura requiruntur, ac in viro semen emittente. Conceptio enim ab utraq. parte, viro & muliere, semen conferente, postquam fuit, post eam omnia matris sunt. Hic enim semen retinere, digere, elaborare, corpus Organicum formare, per tempora procedere, ut architectura corporis absolvatur, fœtum continuâ animæ vegetantis operatione alere, commotiones fœtus in utero sustinere, aliq. ad gestationem fœtus necessaria obire oportet, si generatio aliqua fœtus subsequi debeat: quæ an verè per tantum temporis tractum in Sathanam succubum cadere possint, dubium est. Itaq. cum Poëta hic dixero: Equidem nihil hic diffindere possum. Et ad illud, Non liquet, Amplio, decurrendum videam. Vt in simili de Melusiniis & Empusis viris cohabitantibus, & liberos ex illis tollentibus, dec. 2. Misc. d. 1. t. 23. dixi. Si vera forent, quæ de Melusiniis, Empusis, similibusq. mulieribus viris cohabitantibus, ut Nobili Bavaro, c. 4. t. 22. Barone Germanico apud Camerar. c. 1. C. 70. De quo dec. 2. Misc. c. 1. mentio facta, juvene quodam in Sicilia sub Rogerto Rege apud Wierum l. 2. c. 46. Vel in secundâ editione l. 3. c. 32. Et Melandrum T. 3. Jocof. c. 119. authores tradunt, & in hoc negotio facilior decisio esset, ac Damoni aliquid concedendum foret. Quædam enim istarum liberos tulerunt, ut Bavarica & Sicula. Interim cum istæ mulieres mera spectra & phantasmata fuisse credantur, & partus tales fuisse censendum sit, & vel liberos aliunde à Sathanâ abreptos, & eò suppositos, Wächselbälge/ t. 10. Vel mera spectra & phantasmata partusq. e mentitis, unde post temporis tractum plerumq. evanescere solent: Vel Demones specie carnis ad tempus appa-



rentes & Diabolos, ut vocant, incarnatos eos fuisse, credibile sit, qui postea larvam deposuerint, & nusquam reperti sint. Sic mendicus quidam talem puerum per Galliciam & Asturias circumgestavit, quem postea Damonem esse fassus est, qui ab omnibus eleemosynas ipsi promiserit, quamdiu eum ita circumlaturus esset. Delrius c. l. Paracellus, & qui eum sequuntur, Nollius, Kornmannus, Hildebrandus, tales mulieres medios inter angelos & homines faciunt, & Geist-Menschen vocant, unde nos generare queamus, ut c. l. docui. Sed nec ille ea probat, & per Damos talia effici posse certum est, ut ibi monitum.

17. 3. An & Dæmon incubus efficere queat, ut virgo aliqua illoesa virginitate partum edat? Si is sensus sit, ut sine virili semine ejusq. susceptione concipiat, & in partu hymenem ac claustra virginalia non rumpat, impossibile id Dæmoni est. Generatio enim sine semine nunquam fiet, nisi novo miraculo fœtus in utero creetur, quod Dæmoni impossibile est: & partum claustris non reſeratis edere, dimensionum penetrationem involuit, quæ soli potestati divinæ reſervata est, ut Tract. d. Eff. alic. f. 4. t. 88. 89. monitum. Si ille, ut virgini dormienti & ignaræ semen fœundum aliunde translatum sine carnali congressu & hymene ac virginitatis claustris per coitum aliquem non laceratis, per quem propriè virginitas amittitur, ut ex Gen. 24. v. 16. Judic. 11. v. 38. 39. c. 21. v. 12. Luc. 1. v. 34. constat, & in Natalit. t. 12. visum, sed incorruptis ſervatis infundat, fieri illud à Dæmone potest. Hic enim nec peneetratione quantorum opus, & majora à Sathanâ præſtari poſſe certum est, nec veram contradictionem in eſſe rei conſequi opus est.



18. 4. An Lutherus ex coitu Incubi cum matre  
ejus natus sit? *Hoc impudentiores quidam Papistæ trade-  
re audent.* Fontainus in hist. sac. Gallicè scripta, de statu  
religionis, quem Delrius c. l. & Wierus l. 3. c. 25. *allegant,*  
& Episcopus aliquis an. 1565. in celebri collegio pro publicâ  
concione historiam de eo tradidit, ut Lutheri doctrinam eleva-  
ret, quam Wierus c. l. Et ex eo Hildebrandus p. 336. Goët.  
adducunt. Joh. Naso in Centur. Evang. Verit. Genebrar-  
dus in Chronic. l. 4. Gretserus in Luth. Academic. c. 26.  
Serarius in c. 6. Tobizæ, q. 4. Pistorius, aliiq; eo se oblectant.  
*Sed insigni calumniâ, & contra Historicam veritatem. Cum pu-  
blicas historiæ actus constet, utroq; parente honesto Islebiæ in  
Comitatu Mansfeldensi, Anno 1483. die 10. Novembr. natum  
esse, Patre Johanne Luthero, Matre Margaretâ Luders,  
& in templo S. Petri postero die baptismo rinctum, & cum dies  
Martino sacra esset, ex diei festivitate Martini nomine insi-  
gnitum.* Quod & Papistici Historici narrant, ut Surius in  
histor. Cochleus in Act. Luther. p. 1. Et Evangelici, ut  
Sleidanus l. 16. hist. Mathesius Conc. 1. de Luthero. Nul-  
lus legitimus Historicus de Patre incubo quidquam habet. De-  
inde non Witebergæ, ut hæc fabula somniat, sed Islebiæ apud  
Mansfeldenses natus est, ut passim constat. Et cum apud Pa-  
pistas natus ac baptizatus sit, in disciplinis informatus, gradus  
Academicos, Magisterium & Doctoratum adeptus. Ordini Mo-  
nachatus initiatus, ad Professiones & officia publica Acade-  
mica & Ecclesiastica admissus, cur vivo illo nemo de tali ortu  
quidquam protulit, cur non officiis indignus, ut monstrum Sa-  
thanicum, judicatus, cur non Magistratus testimonium de ortu  
ejus postulatum, cur Leo & Cæsar in condemnationibus & pro-  
scriptio-



scriptionibus ejus id non objecerunt, cur nemo illius tñm temporis meminit? Sed similia hic de ortu Lutheri imprudentes quidam fabulantur, ac de morte obituq; ejus horrenda etiam ipso vivo commenti sunt, Quomodo Romæ charta quadam edita est, quòd Lutherus ante obitum corpus defunctum altari imponi & pro Deo adorari jusserit. Sed ubi sepultum illud, ingens Daemonum tumultus exortus sit, hostia Ecclesiastica in aère pendere visa sit, & postea ad sepulcrum ejus majores tumultus exaudiri fuerint, ac aperto eo nihil cadaveris in eo repertum, sed ingens fætor adstantes infecerit. *Quæ omnia ipse Lutherus T. 8. Jen. Germ. p. 270. Anno 1545. 21. Martii confutavit. 5. An & præpostera Venere cum Sagis Sathan utatur? Negant Antoninus, Pontzinibius, Compend. Theolog. Benedictus ap. Delrium c. l. Quòd confessionibus Sagarum Germania, Gallia, Hispania, id non sit compertum. Affirmat Ananias l. 4. d. nat. Dæmonum & Delrius c. l. quòd de Italia lamiis id notissimum sit. Et probabile est, omnis spurcitiei authorem ac promotorem & hoc genus spurcitet non abominaturum aut omissurum, sed exerciturum, & istam hominum fecem, Magos & Sagas, nullum sorditiei genus avertaturam. Eoq; & tali cum amasis suis sese volutaturas. Quòd gravius enim peccatum, eò Sathanæ jucundius. Hic autem duplicatum est, & contra genus, cum Sathanà congregi, & contra vas, præpostere id facere.*

## CAPVT VI.

De Magorum Metamorphosi & transmutatione in lupos, feles, aliaq;  
bruta aut alia.



**S**ic & de congressu Sagarum cum Sathanâ, & partu inde  
 prognato actum. Tertium, quod illis attribuitur, decan-  
 tata illa metamorphosis & transmutatio sui in lupum, fe-  
 lem, hircum, serpentem, avem, aut aliud brutum est. De  
 illâ queritur, i. Ecquid rei & veritatis ei subfit? *Classi-*  
*ca antiquorum & recentiorum quorundam est sententia, posse*  
*se & alios Sagas ita immutare.* Ex veteribus Propertius de  
 Sagâ, Audax cantata leges imponere Luna, & sua nocturno falle-  
 re terga lupo. Ovidius de Dipsa anus Magicis: Hanc ego no-  
 cturnas vivam volitare per umbras suspicor, & plumâ corpus  
 anile tegi: Et l. 7. Metam. Inq. virum soliti vultus mutare  
 ferinos Ambigui profecta lapi. Idem l. 1. Lycaonem Arcadia  
 Regem in lupum transformatum narrat. L. 14. Ulyssis socios  
 in fues mutatos narrat, Picum Regem in avem mutatum tra-  
 dit, pennas in corpore vidit. Famulos ejus etiam immutatos  
 narrat. Cujus ab attactu variarum monstra ferarum in juve-  
 nes veniunt, nulli sua mansit imago. Virgilius eclog. 8. de  
 Magicis herbis agens, His ego sæpè lupum fieri & se conde-  
 re sylvis Mærim vidi, Et 7. Æneid. de Ulyssis sociis: Quos  
 hominum ex facie Dea sava potentibus herbis induerat Circe in  
 vultus & terga ferarum. Juvenalis sat. 15. tenui percus-  
 sum verberare Circes. Et cum remigibus grunnisse Elpenora  
 porcis. De Circe incantationibus & pharmacis homines in porcos  
 aliasvè bestias mutante Plutarchus in Gryllo & Homerus  
 10. Odyss. videantur. Horatius epodo ad Canidiam: Se-  
 tosa duris exuere pellibus Laboriosi remiges Ulyssæi vo-  
 lente Circe membra: tunc mens & sonus relapsus, atquæ  
 notus in vultus humor. Herodotus lib. 4. & Mela de situ  
 Orb. l. 2. c. 1. Nervius Scythia Europea populis statum tem-



pus esse tradunt, quo si velint, in lupos, iterumq; in eos, qui fuerunt, mutantur. Ex Arcadibus quidam stagnum tranantes in lupos, post eodem stagno renatantes in homines conversi sunt. Plin. l. 8.

2. Simon Magus in varias animantes se & alios transformabat. Nicephorus l. 2. hist. Eccl. cap. 27. & 36. Pythagoras metempsychosin docens se antea feminam, quadrupedem, & alitem fuisse dicebat, quam Pythagoras factus esset. Cigogna l. 4. c. 5. Bajanus Bulgariæ Rex, quoties voluit, se in lupum aut aliam bestiam mutavit. Trichemius in Chron. Hirsaugiens. & Luitprandus l. 3. histor. Agrippa ex Varro-ne narrat, Demanetum aliquem Parrhasium devoratis infantis Jovi Lyceo immolati intestinis in lupum conversum esse. Cauponam Sagarum reginam Apulejus lib. 1. d. asin. amatorem suum in ferum castorem, Cauponem vicinum in ranam, & forenses aliquem in arietem commutasse scribit. Et l. 2. Pamphilen Magam homines in saxa & pecora, & quodvis animal puncto reformare narrat. Olaus M. de Lappis, Finnis, Biarmis l. 1. c. 1. & l. 3. c. 18. tradit, quod quamcunq; velint, figuram assumant. Similia l. 18. c. 45. 46. 47. Et Crantzius Saxo Grammaticus, Garzonius, Zieglerus, aliiq; memorant. V. Boissardum de Magia, c. 6. Thyraum l. 2. de spir. appar. c. 15. Eadem apud Peucerum de divin. p. 130. seq. Zvingerum Vol. 5. l. 4. p. mihi 1524. Strabonem, Solinum, Dionysium Afrum, Gvil. Tyrium, Vincentium Beluacensem, aliosq; reperias. V. Thyraum c. 1. Augustinus aliquid fidei istis transmutationibus tribuere videtur, l. 18. de Civit. Dei, c. 17. 18. Ex Recentioribus Lycanthroporum exempla pluri-ma occurrunt, de quibus t. 9.



## Corollaria Miscellanea.

**L**ogica genus accuratum & adæquatum ex nullo habitu Aristotelicorum 6. *Ethic.* desumi potest, Ut nec Theologiæ, nec Pædiæ disciplinaris. Nec tamen peculiari habitu in particulari opus esse censemus, sed ex generali denominato habituum genus assignari illis potest.

2. *DEum* ipsam essentialem sanctitatem, bonitatem, & justitiam esse, etiam ex Naturæ lumine patet, eoq; Causam peccati per accidens accurato sensu dici posse negamus, cum prorsus non Causa ejus sit, Nec per se, nec per accidens, etsi prohibitor, prævisor, osor, director, gubernator, & ultor ejus sit, & dici possit.

3. *Ens per accidens* qui prorsus æquivocè ens esse ajunt, accuratè rem non tangunt, & sibi ipsis satis non constant. Nec necessarium inter entia per accidens discrimen observant, quorum ingens latitudo, & per hoc distantia esse potest.

4. *Pneumaticam* peculiarem disciplinam Philosophicam à Metaphysicâ, Physicâ, Logicâ, ut & Theologiâ, realiter diversam facere affirmamus.

5. *Elementa* quaternario numero contineri & exhauriri cum *Aristotele*, *Plinio*, *Hippocrate*, *Ovidio*, existimamus, non binario cum *Timplero* l. 3. *Apſych.* aut ternario cum *Bartholino tra. d. aere, ter. & ig.* compleri, nec ignem è numero exturbandum cum *Vallâ*, *Tychone*, *Taurello*, *Campanellâ*, *Verulamio*, *Lydiato*, *Casmanno*, aut ætherem loco ejus substituendum cum *Comenio*, Vel Cœlum cum *Nollio* existimamus, de quo *Dec. 1. Mis. d. 3.* amplius actum.



**S**edulus Aoniis, Oswald, luctaris in agris,  
 Et studiis Phæbi Ver juvenile locas.  
 Artibus ingenium pulchrè prænobile multis  
 Perficis, & vigili sedulitate colis.  
 Noctivagi socii foribus dum Chrysidis astant,  
 Quos Venus & ventris fæda libido tenet.  
 Thyfigeroq; gregi Bacchi exhaurire culullos  
 Dum placet, & plenos evacuare Scyphos:  
 Tunc tu Pegasidas casto veneraris amore,  
 Fonte sitim sacro Castalioq; levas.  
 Et velut Actæi populatrix ales Hymetti,  
 Cerea florifero stipite mella legit:  
 Sic ex Thespiadum flores tu colligis hortis,  
 Et facis hinc scitâ ferta decora manu.  
 Nunc post Pieriis imbutum pectus ab undis,  
 Et bene Castaliis ora rigata vadis:  
 Præfide cultores Nicolai Palladis inter  
 Primo, Gymnasii pulpita laude petis.  
 His, Musæ, vestri cæptis applaudite Alumni,  
 Et quondam Lauro cinge Minerva comas!  
 St! OSWALDE, tibi gratantes audio cunctas,  
 Spondentes studiis præmia digna tuis.  
 Maeste ergò juvenis Theseo mihi pectore juncte!  
 Et strenuè studiis perge vacare tuis!  
 Alis ingenii scandes super æthera, tandem  
 Imponet laurum lætus Apollo tibi.

*Ita Doctissimo & Humanisf. Dn. Respondenti, Amicorum  
 suorum Oculo, applaudebas*

**Lubbertus Ailardi.**

*Erif. Orient.*



# De transmutatione Magicâ in bruta & alia.

## THESIS II.

**H**odie & ante hæc tempora de Lycanthropis  
ingens & constans fama est, qui circa Natalitia Christi  
flumen tranantes in Lupos mutantur, & post 12. dies idem re-  
natantes humanam figuram recipiant. Germani *Weere*  
*Wölffe* vel *WeerWölffe* / & *WienschenWölffe* / Latini  
*Lupos Varios, Versipelles, Galli Lovos Garous, Piccardi Loups*  
*Warous*, qui à Latino *Varius*, unde Germanorum *Ware*  
*Wölffe* / Græci *λυκανθρώπος* & *μορμολύχης* appellant. Ac  
pro verâ hanc Magicam transmutationem Bodinus Cap. 4.  
Meth. histor. & l. 2. dæmon. c. 6. Et qui Bodinum ple-  
rumq; sequitur, Stumpfhius l. 2. d. *Zauberer* c. 13. *Est*  
*postea à doctis hæc pro ludibrijs haberi addat, Spondanus l. 10.*  
*Odyss. Homeri ap. Delrium q. 18. Et Cigognam c. 1.*  
*Boisardus c. 1. Vbi memorabiles historias percenset, Peu-*  
*cerus etiam aliquid fidei his tribuit, c. 1. Quamvis p. 133.*  
*meliorib. assentiatur; Tholosanus l. 84. c. 20. Joach. Ca-*  
*merarius in comm. Plutarchi d. Orat. def. f. 332. apud*  
*Goedelman. l. 2. c. 3. n. 19. Lichtenberger ap. Hilde-*  
*brand. p. 77. Goëti. Wolfeshusius in Orat. de Lycan-*  
*throp. Vbi & Paracelsus, Pomponatius, Peucerus,*  
*Fernelius, allegat, ap. Voetium p. 1. disp. 48. t. 12. alijq;*  
*etiam pro veris illa habent.*

3. Oppositum tamen à Philosophis & Theologis  
magno numero hic assumitur, & hanc transmutationem vel  
Poeticè fictam, vel Sathanicè illusoriam ac prestigiatariam



*totam esse sentitur. Ita Chrysostomus, Thomas, Bonaventura, Victoria, Castro, Spinæus, Angles, Turrecremata, Molitor, Daneus, Grillandus, ap. Binsfeldium, d. conf. Malefic. concl. 3. Augustinus c.1. Vbi tandem ad prestigias & sensuum delusiones rem totam rejicit, Delrius c.1. Remigius l.2. Dæmonol c.5. Ananias l.4. d. nat. dæm. Thyreus l.2. d. Spirit. ap. c.19. 20. 21. seq. Claud. Prior l. d. Lycanthrop. Beyerling. T.4. Polyanth. Voc. Lupus, Wierus l.4. c.22. 23. & l. d. lamijs c.14. Tholofanus l.34. Synt. c.16. Bierman. d. Mag. act. t.34. seq. Cigogna c.1. Pererius l.1. d. Magia c.7. Gœdelman. l.2. c.3. Scultetus de Sagis c.8. Lercheimer de Saub. c.1. & 12. Plinius l.8. N.h.c.22. Tannerus T.1. Th.Sch.d.5. q.5. d.4. Jus Canonicum Causa 26. q.5. c.14. Voetius c.1. Timpler. 5. Meta. c.4. q.28. Gerhardus T.8. d. mort. t.158. Vbi & Horstium, Heerbrandum, Libavium, citat, Sabinus in 7. Metam. Sennertus l.2. Med. p.3. f.1. C.7. Et L.1. Pra. Med. p.2. Cap.16. Samsonius conc. 3. de Sagis. Ficta illa transmutatio apud Ovidium, Parthenium, Lucianum, Apulejum, Prestigiatoria apud Magos est. Quod patet 1. Si talis transmutatio hominum in lupos, feles, canes, asinos, Dæmoni possibilis est, aut ratione materia humana, aut forma, aut totius compositi ex formâ & materiâ unitis constituti, aut ratione efficientis possibilis erit. Plura enim hic dari non possunt, quæ assignari queant. Si materiæ, aut remotæ, aut propinque ratione erit. Non remotæ, ut primæ, ex hac enim nihil determinati exsurgit, ut lupo, equo, felis; Sed generalissimum ad omnes formas in universum ea est subjectum, unde omnes velut è gremio educi, & ad quam velut ad matricem vicissim reduci possunt,*



ut in *Physicis* docetur, Et dec. 2. Misc. d. 2. t. 15. *tactum*.  
 Hic autem de mutatione determinati in determinatum, homi-  
 nis in lupum, selem, quæritur. Et quod sit, generatur, produ-  
 citur, hoc aut illud, eod. determinatum est. Nec propin-  
 quæ, hæc enim ad certam formam, & à certâ formâ est deter-  
 minata, ut quamdiu sub eâ manet, sub alterâ esse non possit.  
 Sic homo, quamdiu homo, ad corpus humanum determinatus  
 est, ut alterius diuerse materia, e. g. lupina, felina, lapidea,  
 aurea, capax non sit. Quod enim certâ specie in rebus per-  
 fectus est determinatum, diuersam speciem recipere non potest.  
 Sic non ex homine fit leo, eqvus, Equo Vrsus, anseri pavo, aut  
 vicissim. Aliud de imperfectis speciebus est, ut insectis,  
 animalibus putredine genitis, frugibus quibusdam, in quib.  
 speciei in speciem mutationem quandoq. incurrere Physiologi  
 testantur, V. t. 14. Quæ ad nostram materiam aliena sunt.  
 Quod si anima humana in lupino corpore esse potest, aut pro  
 formâ ibi erit, sic operationes rationales in isto corpore erunt,  
 & lupus rationalis erit, formâ enim in corpore positâ formatû  
 ponitur: Aut pro otioso quodam. At forma operosa esse so-  
 lent, non otiose. Minimè omnium rationalis forma, imma-  
 terialis aut intellectualis Spiritus, qui semper in opere aliquo  
 esse cupit. Nec organorum indispositio prætendi potest. Nam  
 si ea operationes ejus impedit, magis forma ipsius habitudinem  
 respuit. V. t. 4.

4. Si formæ, E. forma specifica & ad unum deter-  
 minata quodvis subiectum & materiam informare poterit, ac  
 de materiâ in materiam transibit. Vt anima humana corpus  
 leoninum, Caninum, Vrsinum, quod absurdum. Vt enim ac-  
 cidentia non migrant de subiecto in subiectum: Sic nec anima  
 de corpore in corpus. Qualibet enim forma substantialis ut



esse specificum informando tribuat, peculiares sibi suisque operationibus proportionatas dispositiones & organisationem corporis propriam requirit, sine qua informare non potest. Ideo anima actus substantialis corporis vivi organici definitur, b. e. quod aptum esse debet ad recipiendum talem formam. Sed talis organisatio in corpore lupino, felino, ursino, non est. E. nec anima humana tale corpus informare poterit, perinde ac nec forma ursina aut lupina corpus humanum, aut leonina equinum, aut forma cæli corpus aranei, musca, quia dispositio materia ad formam deest. Et sic nec ex homine verus lupus, catus, fieri potest. Sic sigillum cera non aliam figuram imprimet, quam suam, & si leonis in eo fuerit, in cerâ non aquila aut hominis esse poterit, nec cera aliam, quam sigilli figuram impressam representare potest. Deinde nulla forma substantialis substantialiter sine suo interitu immutari potest. Et ubi interijt, ad reductionem ejusdem in eodem numero per vim naturæ regressus nullus datur, ut inductione patet. Et sic etiam hic, si anima humana immutaretur, cum interitu sui id fieret, & sic eadem numero ad corpus suum vi Sathanae reverti non posset, quod de Lycanthropis affirmari solet. Non enim is resurrectionem hominum moliri potest. c. 9. t. 38. Deinde si anima corpus proprium relinquit, & in ferinum migrat, alicubi illud relinquere oportet. Omnis enim spiritus creatus ubi aliquod requirit, ubi sit & operetur, ut s. 3. d. Ess. alicubi constitutum. Sed ubi istud erit, & quis illud observavit? Ac astu quodam ex oculis hominum semper subduci quis credet? Et ubi corpus relinquit anima, cum dolore, molestiâ, & difficultate id fit, ac homo interit. At hoc etiam in hoc casu non est, cum ad transmutationes istas Magi cum voluptate festinent, nec se mori dicant. Et ubi



ubi in aliud corpus transit anima, proprium illud sibi faciet. Informat enim, possidet, & per illud agit. Si hoc, jam duo corpora propria una anima habebit, illud, quod assumpsit, & istud, quod prius deposuit. At una anima non nisi unum corpus, & cor: unum unam an. uno tempore simul habere potest. Si enim duplex anima, & lupi & hominis, in uno corpore, lupus & homo simul dici poterit. At disparata hac sunt, qua de se affirmari posse Philosophi negare solent. Nec totius compositi, quia hoc jam ex materia & forma specificam specificum factum est, eoque alterius speciei per istam determinationem specialis materia ad certam formam, capax non est. Nec enim perfecta animalium species invicem transmutantur. Et si nullam partem hominis Damon verè in aliam speciem immutare potest, ut visum, minus totum hominem animam & corpore constantem immutare poterit. Animam autem hic non immutari Patroni transformationis plerique concedunt, & res ipsa ac operationes talium brutorum interdum docent. V. t. 12. Multisq. probat Thyreus c. l. c. 18. Nec efficientis, in cujus viribus totam rem Bodinus collocatam vult. 1. Quia omne efficiens intra sphaeram suae activitatis cohibetur, ultra quam transcendere non potest. Sic homo nequit rugire, latrare, canis nequit ratiocinari, argumentari, ruit nequit volare, progredi, &c. Sed substantiales perfectarum rerum formas essentialiter mutare, nisi ubi Naturae vis aliquid molitur, eamq. Sathanas in auxilium assumit, ut cupram, plumbum in aurum vertere, sphaeram activitatis Sathanica transcendit, infinitam enim nulliq. subjectam potestatem id requirit, quam Spiritui creato DEVS non contulit. Perinde enim est tales formas immutare, ac de novo eas creare. Quod solius DEI esse alibi in Theol. & Pneumaticis plurib. docetur.



5. 2. Quia vel naturaliter homines immutare posset, at sic corruptio hominis, & generatio lupi, felis, requiritur. Diabolus autem generare aliquid de novo ex propria substantiâ non potest, C. 5. t. 8. Vel supernaturaliter. At sic annihilatio prioris, & creatio posterioris requiritur. Sic uxor Loti annihilata, & statua salis ejus loco creata fuit. Neutrum verò Dæmoni competit, ut in Theologicis ostenditur. 3. Quia quicquid fit, ab actu aliquo analogiam aliquam ad effectum habente fit, vel tota specie, ut in univocis, ut cum ignis ignem, homo hominem producit, vel quâdam parte, ut in æquivocis. Vt cum Sutor calceum per artem sutoriam efficit. Qua nihil analogia habent, ad agendum in se proportionem non habent. Sic Musicus per Musicam non edificabit, Medicus per Medicinam non canet, &c. Sed inter mutationem hominis in lupum aut lupi in hominem & Dæmonem id efficientem nulla analogia est. Nam nec Dæmon, homo, & lupus specie conveniunt, sed potius genere toto distant, ut corruptibile & incorruptibile, spirituale & corporale, mortale & immortale: Et pars analogia inter lupum & hominem corpus Organicum sive potentiâ vitam habens erit. At hæc pars dæmoni, ut forma abstracta & immateriali nullâ veritate tribui potest, fieret enim mortale aliquid. E. nec inter efficientem & effectum in hominis in lupum transmutatione ulla analogia erit. Et sic ista transformatio Dæmoni planè impossibilis erit.

6. 2. Si Dæmon homines in bruta transformare potest, aut istâ mutatione anima hominis manebit, aut interibit. Si manet, aut in proprio corpore manet, aut in aliud migrat. Si prius, in lupino corpore manebit, humanum enim corpus in lupinum versum esse ajunt. At tale corpus non est organi-



organisatum, ut ab animâ humanâ informari possit, nec quavis forma quamvis materiam informat, sed dispositam, t. 3. 4. Si posterius, migrationes Pythagoricas animarum redu-ctas habebimus, quod vanum. Nec formæ ad unum deter-minata in aliud migrare possunt, suis enim materijs & corpo-ribus addictæ sunt, à quibus aut separantur, ut humana immat-erialis, aut in suam materiam & potestatem, undeeducta sunt, resolvuntur, ut de materialibus communiter sentitur. Si interit, anima, immortalis Spiritus, Eccles. 12. vers. 7. Matt. 10. v. 28. Act. 7. v. 59. interire poterit. Et quomo-do redire postea ad corpus humanum poterit, si interijt? Quod de Lycanthropis istis asseritur. An Demon animas extinctas verè in vitam revocare, suis corporib. redunire, adeoq. verè mortuos iterum resuscitare poterit? Quod hætenus solius divine potestatis argumentum esse credidimus. V. C. 4. t. 8. c. 9. t. 18. 3. Quia reliquæ & rudera imaginis divinæ in animâ residentia, quæ post lapsum homo adhuc reliqua reti-nuit, ut Tract. d. Notit. natural. c. 2. t. II. docui, talem permutationem non admittunt. Hæc enim veritatem & cla-ritatem in intellectu ad videnda principia natura theoretica & practica, conformationem in voluntate ad honestum civile sequendum, turpe fugiendum requirunt, & dominium ali-quod in bruta homini ex primavâ institutione Gen. 1. v. 28. Ejusq. post diluvium repetitione, C. 9. v. 2. Jacob. 3. v. 9. Sirac. 18. v. 3. residuum relinquunt. At quomodo intel-lectus veritas & voluntatis conformitas in lupino cor-pore, ac eo, qui ad beluinum stuporem dejectus est, locum ha-bebunt? Et quomodo dominium in bruta ei conveniet, qui ipse in brutum, lupum, felem, verè immutatus sit? Hæc quia absurda sunt, & hominum in lupos commutatio talis erit.

4. Quia



4. Quia per artificium tales mutationes oculis spectantium induci possunt, ut cum quis homo verè maneat, intuentibus tamen modò arbor, modò lupus, ursus, cygnus, modò hoc, modò alio vestitu, aliudvè esse appareat, ut de Cornel. Drebbelio in Angliâ, insigni Mechanico & Optico constat, & ipse de se testatur in Epist. ad Isebrand à Ritwec, verbaq; ejus allegat Hegenitius in Itinerar. Hollandiæ, p. 73. Vbi mox holoserico nigro, mox viridi & rubro, mox panno aut vitis textu omnium colorum, mox argenteo aureoq; colore amictum in conspectu multorum quàm celerrimè se exhibere ait. Præterea in formam arboris à vento agitata, ursi, leonis, equi, ovis, & cujusvis animalis se apparare, specie regis, Principis, Alexandri M. se videri; Terram aperiri, indeq; spiritus & gigantes exire, quasi naturaliter vivant, se facere, novaq; inventione Optica beneficio hac exhibere se ait. Per Opticam quàm varia miraq; apparentia hominib. offerri queant, ex Mechanicis notum est. Si ex serpente & cerâ coctis cereum facias, eumq; noctu in conclavi accendas, omnia serpentib. plena apparent. Pedemont. d. secret. Hildebrand. l. 1. Mag. Nat. C. 24. Vffenbach. in Alchym. l. 13. c. 168. Sic & ut presentes sine capite aut cum brutorum capitibus videantur, modos citatus author exponit. Si vis humana per artem tam varias mirasq; apparentias brutorum conciliare potest, substantiâ humanâ invariata: Quî non vis superior, Sathanica, easdem in lycantropis alijsq; brutis præsentare queat, substantiâ humanâ manente?

7. 5. Quia multis solidis experientijs tota ista lycanthropia, & hominum in lupos, feles, commutatio, vana & mendax reperta est, & vel immutati homines eo tempore, quo se immutatos dixerunt, non fuerunt, vel alto sopore stertentes



rentes deprehensi sunt, ut Maga interdum, cum se exportatas fuisse dixerunt, C. 4. t. 15. Sic quidam Lycanthropus Prus-  
sæ duci adductus, qui quotannis bis se in lupum verti dixit, circa Natalitia & Johannis festum, diu in carcere detentus diligenterq; observatus eandem formam retinuit, nunquam lupinam induit, ut ex Sabino Camerarius C. 1. Med. c. 72. Goedelman. de Sag. l. 2. C. 3. narrans. Sic alius lupi specie grassari dictus alicubi, absens & soporatus fuit, & Demon interim lupi corpore formato, assumpto, & circumdato ea gessit, qua homines à dormiente patrata esse putârunt, quod strategema cunctis à Sancto aliquo manifestatum Guil. Parisiensis ap. Delrium q. 18. tradit. Præstantij Pater, qui in jumentum se mutatum onera portasse putavit, somno detentus in lecto jacuit, ut excitari non potuerit. Interea somnia à Sathana de jumento & onerum portatione in eo excitata sunt, qua tanquam facta postea narravit. Augustin. l. 18. d. Civit. Dei C. 18. In Episcopatu Argentinensi tres Damones felium specie ab agricolâ vulnerata sunt. Eodem momento tres mulieres domi in lectis suis decumbentes vulnerib. lacerata sunt, quibus demon ea intulit, ut illæ in Catos transmutata viderentur. Sprengerus p. 2. Mall. q. 1. C. 9. Sic quædam luvencula ad Macarium ducta est, quam maleficio in equam versam esse dixerunt. Sed sensus puella & videntium perstricti fuerunt, ut pro eqvâ agnoscerent, qua reverâ puella fuit. Macario enim quia Sathanas oculos perstringere non potuit, puella, & non equa visa fuit, ejus oratione etiam ab istâ elusione liberata est. Idem p. 1. q. 10. Sic Patavij agricola aliquis se lupum esse dicens captus, ubi brachia ejus gladio resecta sunt, cognitum est, hominem esse, & Chirurgis ad curandum traditus paucos post dies expiravit. Goedelm. c. 1.



n. 25. *Qui idem à Nobilibus in Livoniâ, Rigæ, Regiomonti, & Varfaviæ, cum diligenter de istâ Metamorphosi inquireret, se accepisse ait, totam illusoriam ac præstigiosam esse. In Livoniâ quidam Lycaon apud præfectum suum cænatus & inebriatus arcto somno repente decidens oppressus est. Postridie equus in agro dissectus reperitur, & huic adscribitur, qui factum fatetur, & veneficam sub papilionis specie sub equo sedentem se persecutum dicit. Sed nugamenta post deprehensa fuerunt. Goedelm. l. c. Sic ad Pomponatium Medicum, Lycanthropus adductus, quem explorârunt, an versipellis esset, i. e. inversos pilos haberet. Sic enim credebant. Sed Medici rogatu dimissus & curatus fuit. Alius in Sylvis vagatus amens & lupum se dicens, tandem DEI gratiâ menti restitutus fuit. Guil. Brabantius in hist. Et Rathman. d. 16. Meta. m. 1. Sæpè Lycanthropi cum se strages edere dixerunt, stertere alicubi deprehensi sunt. Peucerus p. 144. d. diu. Wierus l. 3. d. præst. C. 10. Sic puella quadam per ludibrium in equum versa, alijs, Lycaones. Meland. T. 1. Jocos. C. 366. 367. Sæpè cum se è carcere ad suos abysse dicunt, non eo excessisse observati sunt, ut quidam Rigæ festo Paschatos. Manl. p. 764. Collect. Plura præstigiarum exempla ap. authores t. 3. citatos reperiatis.*

8. Dices 1. Communis sententia est, Magos se transformare posse, & quæ magnos Viros applausores habet. t. 1. 2. E. non temerè ei contradicendum. R. Communis sententia sæpè est erronea, & tum ponderanda, non numeranda, & Pythagoræ illud cogitandum, per publicam viam ne incedito. V. C. 2. t. 6. Vbi & exempla allata. Et cum Historiæ certæ in contrarium sunt, ac sana ratio reclamât, ut hic, t. 6. 7. nihil communi sententia credendum, In sentien-



verum inquirendum & recipiendum, siue commune illud, siue  
singulare, ut alibi docetur. 2. Dantur historiæ multæ &  
varia istius transmutationis, quib. omnib. fidem derogare  
impudentis & pertinacis est. Memorabiles Boifardus C. 6.  
recenset, quæ strictim libanda. Sub Frothone 3. Danæ  
Rege Saga fuit, quæ se in equam, bovem, & filios in vitulos  
mutavit, & ad littus pascere visa. Ministri regis monstra  
gladijs confecerunt, & cadavera humanam formam capitibus  
ferinis receperunt. In Germaniâ Cauponaria Saga histrio-  
nem in asinum mutavit, qui hospites mirificè exhilaravit, sed  
ubi in vicino lacu se demersit, ad hum. formam redijt. Quod  
P. Damianus Leoni 7. Pont. R. narravit, & coram eo ut pos-  
sibile & factis demonstratum assertum fuit. Alius Anglus  
à Sagâ in Cypro in asinum versus ad 3. annos ita servijt, donec  
Saga capta veneficium solvere coacta & supplicio affecta est.  
Burgotus & Verdunus Magi, quòd unguento in lupos se ver-  
terent, & in homines ac greges savirent, ann. 1521. vivi cre-  
mati sunt.

9. Apud Russorum ducem Lycaon aliquis captus, &  
mutationem ostendere jussus, paulatim secessit, ac peractis suis  
mysterijs Magicis vicissim lupi formâ erectis in tergo setis ac  
expasso rictu cum iisdem catenis, quibus vinctus fuit, redijt.  
In eum duos ferocissimos Molossos admitti Dux jussit, à quibus  
dilanatus, priusquam ad priorem formam reverteretur.  
Boifard. c. 1. In Flandriâ quidam lupus in venatione vul-  
neratus, & in hominem reversus domum recurrit, ac à Chi-  
rurgo sanatus fuit. Ad Vernoniâ Saga fuerunt, quæ fe-  
lium formâ vicinos aggressæ vulnerârunt, & ipsæ vulnerata  
formâ humanâ à Chirurgo curatæ sunt. Cigogna l. 4. Ma-  
giæ, C. 5. Barbela Reyel in felem, Petronius armentarius



*in lupum, Dolani in idem, alia saga in Canem, alij in aliud se mutarunt. Quædam lupi specie opilioni greges invasit, & securi ab eo in femore laesa est. Inde in proximum dumentum se conferens vulnus discissa vestis peniculamentis obligare ab eodem visa est. Remigius l. 2. Dæm. C. 5. Quidam tonsor in vitulum à Wagnero Mago, quem in arte suâ impederat, Toleti mutatus fuit, & in istâ formâ ad vulnus aegri obligandum ivit, donec fustibus canibusq; domo pelleretur. Hildebrand. Goëtix. p. 77. Apud Bernenses quidam Magus, Scafius, gloriatus est, se in oculis æmulatorum suorum velut murem se facere posse, atq; ita è manibus inimicorum elabi, Delrius l. 2. q. 21. Leo Apollonij Rex aliquando fuit. Boissardus in Apoll. p. 341. Malta de his Olaus M. tradit, qui ex Gothiâ oriundus ibi Episcopatum magnâ cum laude gessit, optimeq; novit, quæ ibi gererentur, cuiq; adeò fides derogari non potest. Quod si falsa ille scripssisset, multos suorum habiturus fuisset, qui contradixissent, & scriptis ejus fidem abrogassent. Vt Boissard. c. l. loquitur.*

10. R. 1. Historicis fide historicâ & humanâ credendum est, non absolutè. Inquirenda sunt varia rerum circumstantiæ, modi, rationes, facta ipsa probè ponderanda, utrùm in omnibus justo modo se habeant? Sæpè quædam narrantur, non quod facta, sed quod pro factis habeantur & assumantur. Sæpè ex communi sensu aliquid narratur, non quod pro immoto illud censeatur. Sæpè ab alijs tradita, narrata, hausta, non visa & propriâ experienciâ deprehensa traduntur. Sæpè res ipsa saltem traditur, modus & ratio rei non additur, nec exprimitur. Sic in Lycanthropiâ lupos quosdam vagari, strages edere, nocere. Quod verum est. An isti ex hominibus verè transformati sint, & in homines verè postea redeant,



& quâ ratione ista transubstantiatio se habeat, non additur, & apud prudentes semper dubium remansit. Cum aliquid narratur, quod naturæ rei in sese contradicit, Sathanæ potestatem transcendit, non ei subjacet, DEI potestati præjudicat, per præstigias Sathanæ & apparentias fieri posse certum est. Confessionibus hominum corrupti iudicii & à Sathanâ variè exagitatorum, ut Magorum, nititur, solidis experimentis confutatur, à doctis ac prudentibus Viris rejicitur & impossibile habetur, id non facile fidem apud cordatos invenire debet, utcumq; à varijs Historicis tradatur. Tale autem quid hoc de Lycanthropiâ est, t. 3. 4. sequ. Confer C. 4. t. 3. Non ergò statim pro Veris recipienda, quæ hic ab Historicis traduntur.

11. 2. Exempla in specie quod concernit, In primo præstigia fuerunt, & Saga ista boves & vituli tantum visa sunt, cum reverà homines essent, quod postea figura humana ostendit, cui cum capita humana essent, iterum elusione Sathana apparentiam externam procurantis, ferina Ministris regis visa sunt. Nullâ reali hic transmutatione opus fuit. Sic per præstigias hominib. capita bovina, vaccina, esse visa fuerunt, ut nonnullis in convivio apud Wagnorum Magum. Hildebrand p. 75. Goëtix. In secundo asinus iste histrio & homo fuit, fascinatione Saga sibi & alijs asinus visus. Vbi in fluento se demersit, fascinatio cessit, sibiq; & alijs homo iterum visus est. Simile de Juvene Anglo procedit, qui sublato per Sagam fascino homo iterum videntibus apparuit. De Burgoto & Verduno idem habendum. Lycaoni apud Ruthenorû Ducem pellis lupina in corpore humano aptata, & convenienter membris circumdata est, quo modo Sathanam exuvias ferarum aptissimè corporibus circum-



ducere posse certum, & interdum fecisse factis comprobatum est, ac confessiones Lycanthroporum propria docent, ut cum lupinam pellem in trunco cavae arboris occultandam à Sathanâ sibi datam esse fatentur. Quidamq; eam sibi aptant, per q; eam in lupos transformati videntur. Sic cum Stumpfio Petro Bebburgi in Vbijs supplicio affecto, latam quandam Zonam donavit, quâ cum cingeretur, & sibi & alijs in lupum verti visus est, eaq; schemate 15. pueros jugulavit, cerebella eorum devoravit, duas nurus suas devorare conatus est, apud Delrium c. l. q. 18. Hoc modo Ruthenicus iste Lycaon à Moloßus laniatus in pelle istâ est, cum intus homo existeret, & pelle detractâ figura humana animadverti potuit, si exitus historia, quem Boisardus non adducit, cognitus fuerit. Idem in Lupo in Flandriâ vulnerato esse potest, qui homo fuit, sed lupino tegumento involutus. Non mirum, si membris humanis postea saucius repertus est. Vel verus lupus vulneratus est: Sed Sathanas in absentis lycanthropi corpore eam partem eodem momento consauciavit, quam in ferino corpore sauciata esse scivit. In Vernonijs Sagis vel idem contigit, vel ex aere aut undecunq; formata felis effigies à Sathanâ inducta & agitata fuit, eaq; vulnerata respondentes partib. corporis partes & ipse Sathan celerrimè in Sagis vulneravit, sicq; Sagas istas veras feles extitisse visum est. Eadem in reliquis exemplis procedunt. Tonsor Toletanus homo fuit, sed fascinatione tantum Magi vitulus usus, quâ cessante prisca forma in equiterum à videntibus animadversa est. Idem de Sagâ canis specie in villam Molzanij in Megapoli accurrente, statimq; in mulierem immutatâ apud Hildebrand. p. 81. Goëtix, & Lercheimer. d. Zauber. C. 12. procedit.

12. Interdum Magis aëriam belux effigiem circumdat,



cumdat, membra membris, quoad similitudo circumponens patitur, accommodat, caput capiti, os ori, ventrem ventri, pedem pedi, brachia brachijs, adaptat, sicq; in tragoediam excitat, ferociam, robur, indolem, velocitatem, levitatem, vocem, similesq; affectus beluinos inducit, quibus instructi Strages ac dilanationes istas præstare in effigie istâ beluinâ adaptatâ possunt, quas aliâs naturæ propriæ vi non possent. Sic *Quercetenses montales instruxit, ut demonis ope ad procerissimas arbores instar felium perniciosè adreperent, ex ramis extremis mirabiliter penderent, voces quarumvis beluarum faciliè formarent, aliâq; stupore digna perficerent.* Remig c.l. C. 5. Hoc modo non mirum, si membris humanis postea saucijs repertantur, quæ in ferino corpore ictum exceperunt. Aer enim circumjecti corporis leviter cecidit, vulnusq; proprio corpori inhaesit. Interdum aliud corpus loco hominis substituit, per quod effecta ista edit, t. 8. Absentibus enim & alicubi soporatis ipse assumpto lupi corpore & sibi circumdato ista gerit, quæ homines ab absente & soporato gesta esse putant, quod strategema aliquando manifestatum est, t. 7. Olai Magni historijs si non in omnibus fidem quis adhibere velit, prudenter fecerit. Nam & in plurib. Scriptor valde fabulosus est, quiq; cum prudentiâ aliquâ evolvendus est. Sic in genitura anserum Scotiorum errare arguitur à Pinciero l. 1. anigmat. 1. Et in hac ipsâ Lycanthroporum historiâ fabulosa admiscet. Ut cum l. 18. C. 14. eos cellaria cerevisiarum ingredi scribit, illicq; aliquot Cerevisia ac methonis tonnas epotare, & in medio cella vasa ordine elevando collocare. Postea parietem aliquem ex Castello diruto reliquum esse addit, ad quem certo anni tempore aliquot millia eorum conveni-

ant,



ant, ubi cujusvis agilitatem saltando explorent. Si quis parietem transilire nequeat, ut obesoires fortè, flagellis à præfectis eorum cadantur. Quis hæc in lupos & bestias cadere credat, & non magis hominum esse agnoscat? An & lupi cereviasias ac mulsa expetant, ut ob id cellas invisant? An & ordinatè res componere curent, de velocitate corporis contendant, in tardos pœnas deposcant, conventus cogant, & similia agant? Hominum hæc sunt, qui præstigijs videntium oculis elusis, lupi ipsis videri possunt.

13. 3. Vulnera & verbera in corpore humano animadvertuntur, quæ in lupino perceperunt. E. lupos fuisse oportet. R. Nempè vel Diabolus eo momento, quo lupi vulnerantur, qui verè tales sunt, & à Sathanâ in tragædiam excitantur, vulnerib. corpora Magorum domi soporatorum aut absentium impetit, vel hominum corpora lupinis exuvijs investit, vel præstigijs spectantium oculos illudit, ut cum homines reverâ sint, externo aspectu lupi esse videantur: Vel aërio aut alio corpore formato ipse discurret, eaq. perficit, quæ Lycanthropis adscribuntur, t. 11. 12. 4. In sacris historia uxoris Lothi in statuam falis conversæ, & Nebucadnezaris in beluam degenerantis, Dan. 4. occurrit, quem Gregorius l. 5. Moral. C. 8. in animal irrationale mutatum scribit. Dorotheus etiam in Synopsis, & Epiphanius in vita Dan. priore corporis parte eum bovis, posteriore leonis figuram retulisse scribunt. Cur non Sathanas simile quid præstare possit? R. Lothi uxor divinitus ita est immutata, & anima à corpore statim separata fuit, ut nunquam ad illud in hoc mundo redierit, cum verè immutatione istâ mortua sit. DEI autem potestati Sathana & Magorum potestas in hoc puncto par non est, t. 6. 7. Nebu-



Nebucadnezar autem corpore & animâ humanâ retentis affectu, conatu, sensu, appetitu saltem in furorem, mores, ac rabiem beluinam, & corporis habitu, pilis & unguibus in ferinam magnitudinem & horrorem excrescentibus, cute ad modum fera induratâ, exteriorem ferinam aliquam speciem adeptus est, ac in tali inter beluas versari, pabulo earum pasci, pecudum more quadrupes repere, homines fugere sub dio degere, instar bovis aut alterius fera clamare, & vivendi modo bestiis consuescere potuit, V. 12. 20. 22. 29. seq. Figura humana ratione pilorum & unguium excrescentium in horrorem aliquem degeneravit: Corpus substantiâ sui permansit. Vnde Cor fera ei datum fuisse, v. 31. Et post ad rationem iterum rediisse, v. 31. 33. Et potentiam supremi agnovisse dicitur. Cor autem in Sacris affectum, sensum, conatus, appetitum, notat, Ose. 4. v. 11. Act. 4. vers. 32. Ezech. 28. v. 2. seq. Jac. 4. v. 8. 1. Joh. 3. v. 17. quæ in beluina in eo degenerârunt. Quæ omnia nihil ad lycantropiam Magorum, qualem ipsi volunt, faciunt. Et licet substantia immutata fuisset, ut Patres citati volunt, Divina ea fuisset immutatio, à quâ ad Sathana potestatem arguere non val. consequentia. Sic in finibus Moscovia quidam Albert. Pericofcius horrendis super jumenta unâ nocte extincta blasphemij usus Sclopetum in cælum explodens, qui interfecit, devoret, dicens, si me edere noluiisti, tute edas, confestim in atrum canem divino supplicio mutatus est, & morticina invasit. Cluverus append. histor. ad An. 1632. p. 38.

14. 5. Herodotus platanum aliquando in oleam versam esse scribit, & alius apud Carnos cadavera humana in salis statuas immutata fuisse scribit ap.

S

Delrium



Delrium c. l. Sic ex viris mulieres & vicissim facti sunt, C. 9. t. 3. E. & hæc transmutatio non incredibilis erit. R. Si platanus verè in oleam degeneravit, factum id naturali & mediatâ conversione, per varias corruptionis & generationis materia propinqua vicissitudines & commutationes, donec tandem apta ad eam formam ultima dispositio introducatur. Quâ ratione & Sathanam mediante naturâ ejusq; præparationibus aliquid immutare posse certum est, qui arcanorum naturæ peritissimus est. Sic triticum in lolium, Sisymbrium in Mentham, rapum in raphanum, ozimum in serpillum, vitis alba in nigram & contrâ, in regno plantali commutantur. V. Sennertum d. Chym. conf. C. 12. Eruca in papiliones quotannis, Aristot. 5. hist. anim. C. 19. vertuntur. Pincier. l. 3. ænigm. 6. Et ex erucis papiliones succedunt. Arist. 5. hist. anim. C. 19. Eruca etiam in bombyces, & bombyces in necydalos mutantur. Idem c. l. Vermes ex brassica nati in Chrysalides mutati sunt, & hi post in parvas muscas abierunt. Ex Vermiculo in aquis nato Chrysalides fiunt, ex his alatum quid, quod parlam aut Bolen vocant. Senn. c. l. Arboris frondes in juvenam fluvium lapse pisces fiunt, in terram volucris, quæ volant. Slaliger ex. 59. l. 2. Conf. Ex. 190. Hoc modo & per naturam transmutationes rerum Diabolum perficere posse constat. De cadaveribus in statuas mutatis vel totum prestigiosum fuit: vel mediante naturâ & communisq; materiâ, terrâ, per successiones procuratum. 6. Ut lutum in manu figuli ad varias formas, ollæ, Canthari, Caca-bi, Vasis, statua, aut alterius, sic materia & corpus hominis in vi Sathane ad varias figuras. R. Negatur consequentia. Lutum ex se indifferens ad varias figuras est, cum nullam habeat.



habeat. Corpus humanum, quamdiu tale, ad certam est determinatum, t. 3. 4. Quam pro lubitu mutare Sathana non possibile, & nobilitati hominis dedecorosum est. De DEO verum est, quod ut figulus hominem versare possit. Jerem. 18. v. 6. Nunquam id de Sathanâ scriptum. Vbi ex hominis corpore cadaver factum, plus fortè Sathana liceat, quanquam & hic naturam adhibere cogatur, & sapius prestigijs eum ludere dubium non sit. 7. Si natura unam materiam in varias figuras successivè vertit, cur non Sathanas id celeriter possit, cum mirificè naturam incitare, adjuvare, & promoveri queat? R. Non de quavis materiâ, sed humanâ hic quaeritur. Ignobiles materias invertere eum, sed natura vi & medijs adhibitis, posse, certum est. Sed successu alterationum & corruptionum hic opus erit, non momento perficiet. Perfectionum animalium species substantialiter immutare ita non potest, t. 4.

15. 8. Magi Ægyptij baculos in Dracones commutarunt, Exod. 7. v. 12. E. & hac hominum transmutatio Dæmoni non impossibilis erit. R. Vel ista baculorum immutatio tota præstigiiosa fuit, nihilq; verè hic factum, sed quasi fieret, tantum apparuit, ut multi censent, V. C. I. t. 2. Vel baculi ab adspectu adstantium remoti, & dracones eorum loco celerrimè à Sathanâ substituti fuerunt, non verè ex baculis draconum substantia immutata & producta fuit: Vel deniq; si maximè vera substantiarum hæc immutatio fuisset, à baculis immutatis ad hominum substantiam in lupinam convertendam non valet Consequentia. Longè major enim difficultatum seges in rationali substantiâ, ad imaginem DEI conditâ, Dominio in bruta instructâ, DEI & Spiritus S. domicilio, ad cæli & natura contemplationem natâ & excitatâ, vero



*Microcosmo, ac insignib. eminentijs præ alijs creaturis dotatâ, in substantiam beluinam convertendâ est, ac baculo, aut simili inanimatâ re in aliud convertendâ, adeoq. plures rationes sunt, cur talem mutationem finita virtuti subjacere negandum sit, t. 6. 9. Fatentur ipsi Magi, se in bestias quandoq. immutari, variâq. in istâ formâ perficere, quorum Circumstantia ac effecta deinde inquisita exactè confessioni respondent, & in istâ confessione constanter permanent, nec sibi aliud liquere asserunt. Fatentur etiam, se alios in istas formas transformare posse. E. non omnino hoc pro nihilo habendum erit. R. Confessio Magorum, quia hominum à Sathanâ planè dementatorum est, & de re ipsi natura rerum contradictoriâ, Sathana potestatem transcendente, soli potentie divine reservatâ, hominis Naturæ ac dignitati magnoperè præjudiciosa eamq. extenuante, sapius apertis experimentis falsa deprehensa est, in tali puncto stringere non potest. V. C. 4. t. 3. C. 5. t. 5. Quæ omnia in hac materiâ ita se habere t. 6. 7. patuit. Sic confessioni Melancholicorum, delirorû, Maniacorum, etsi jurantium, nihil creditur. C. 4. c. 1. Ita sæpè quedam falsi sunt Magi, in quibus observatione adstantium continuatâ manifestè falsi deprehensi sunt. C. 4. E. 15.*

*16. 10. Ipse Sensus externus testatur, homines interdum in Cellam ire, & lupos reverti. R. Vel sensus eorum, qui talia vident, perstricti sunt: vel lupinæ pelles istis hominibus aptatæ, & ferocia ac affectus lupinus à Sathanâ inditi sunt, t. 10. II. 12. II. Operationes luporum in talibus observantur, Vlulare, greges infestare, dilaniare, celerrimè currere. Ex operationib. autem naturas rerum venamur. R. Ex operationib. proprijs, essentialibus, & non alio principio externo inditis, naturas venamur. Secus Bileam ašina locuta,*

*quod*



quod hominis operatio est, nec homo ob id fuit. Bruta quaedam, boves, equi, aves, dracones, incitatu Sathana locuti, ut in Ethnicis historijs habetur. Nec statim homines. In Lycanthropis tales operationes ex affectu & feritate lupinâ à Sathana conciliata, t. 12. esse possunt, non statim veri lupi esse coguntur. 12. Ea onera portant transformati, ut 5. & 6. homines nequeant. E. bestias verè esse necesse est. R. Et hoc robur Sathanas conciliare potest, quamvis homo maneat. Sic obsesti robustissimi. V. Michaël. t. 3. Vel Sathanas ipse ista onera portat, belua specie assumptâ, & homo alicubi soporatus jacet: Vel mera onerum hic præstigia sunt, & onus levissimum est. Sic gallus magnam trabem interdum trahere visus, & reverâ leve stramen ac festuca fuit, ut acutiores viderunt. 13. Longo tempore sub beluina formâ perdurant, 3. 7. 9. annis, aliquot mensibus, septimanis, diebus. At phantastica corpora brevi dissolvi solent. E. vera esse oportet. R. Sed nec ista tot annorum duratio, quam immutati sibi persuadent, tanta semper est, sed phantastica & præstigiola sæpè, ut ipsa transformatio talis est: Et licet interdum sit, Sathana vires id non superat, qui ad breve & longum tempus oculos fascinare potest, ubi DEVS permittat. 14. Crudas bestiarum & hominum carnes isti devorant, quod natura hominis aliquin adversum. R. Multis hominib. feris & barbaris id etiam in usu est, ut Americanis, Brasiliensis, Antropophagis, t. 18. Nebucadnezar gramine & carduis pro cibo usus est, & homo mansit. Et Lycanthroporum temperamentum ita Sathanas efferare potest, ut tales cibos concupiscant & concoquant. t. 17. Sic Æthiopes quidâ crudis locustis victitant, alij herbis pascuntur, alij obvium quidâ pro cibo vorant, ob id pamphagi dicti. Plinius l. 6. C. 30.



17. II. Quæritur: Quid ergò tandem de decantatâ istâ Lycanthropiâ habendum sit, quæ apud Scriptores passim obvia, si nihil rei aut veritatis hic subest. R. Vel tota hæc res ludibrijs Diabolicis constat, quâ homines alicubi sopitos somnijs Sathanicis impurus genius infestat, humores etiam & utramq; bilem corrumpit, & monstrosis imaginibus confundit, ut homines in lupos versi esse sibi videantur, stragesq; hominum & pecorum edere; Cum ipse interim specie lupi assumptâ discurrat, eaq; quæ hominib. imputantur, perficiat: Vel si quid veri interdum subest, pelles lupinas humanis corporibus aptissimè circumdat, & efferatos sic in sylvas, agros, agit, ac inter pecudes grassari facit, imprimis ubi natura ipsa hominû etiam beluina sunt, quales pleraq; lycanthroporum, t. 10. II. 12. Vel in quibusdam subjectis morbus atrobilarius aut undecunq; comparatus obtinet, quem Medici lycanthropiam & appetitum, insaniam, melancholiam, affectum & morbum lupinum appellant, in quo appetitus hominis beluinus, ratio monstrosa, & mores feri ac bestiales evadunt, & homo moribus similis lupo ac bestia existit, odium in greges ac homines, desideriumq; eos invadendi, lacerandi, & vorandi mentem occupant, quomodo ex simili vitio quidam se canes, unde Kynanthropia, ubi canum mores & actus exprimuntur, cujus exemplum Forestus l. 10. obs. 26. habet, leones, vel alias bestias esse putant, de quo morbo Medici tractare solent, V. Aeginetam l. 3. c. 16. Aetium l. 6. C. 10. Avicennam l. 3. fen. 1. t. 2. 4. C. 29. Wierum l. 4. C. 23. Sennertum l. 1. Pract. Med. p. 2. Cap. 16. Et l. 2. Instit. p. 3. f. 1. C. 7. Et f. 2. C. 4. Quali morbo Patavij agricola quidam apud Fincelium, & alius Vir prudens apud Brabantinum laboravit, quos Wierus c. 1. allegat. Sic de cerebro



urſideſorato Plinius tradit, quòd imaginationes gignat, quaſi in Urſum quis verſus ſit. Id in Hiſpano quodam noſtro ſeculo expertum, qui per deſerta & montes vagatus ſe in urſum immutatum vitiatâ phantaſiâ exiſtimavit, ut Idem c. l. adducit. Sic puella hauſto felis ſanguine naturam ejus paulatim induit, voce, ſaltu, geſtu, muricipo, ſelem exprimens, ut ex Weinrichio Sennertus l. 2. Inſtit. c. l. annotat. Qui tali morbo correpti ſunt, ſibi tantum lupi eſſe videntur, lupinamq; ſavitiâ imitantur, alijs homines apparent, & Magi non ſunt, ſed Medicè curandi ſunt, ut ad ſanam mentem in corpore ſano reducantur. Qui autem & alijs lupi videntur, illi Magi ſunt & ex pacto cum Sathanâ operantur, qui varijs hic præſtijs cum in ipſos Magos, tum in intuentes agit, t. 11. ſeq.

18. Vel deniq; lycanthropia feritas aliqua & excedens hominis malitia eſt, *ἡνελόνη*, Vitium, quod virtuti heroicæ oppoſitum Ethici facere ſolent, quæ appetitum hominis in beluinum excluſâ aut perverſâ ratione commutat, quâ homo à communi humanitate exorbitans omnem humanitatis ſenſum exuit, & vivendi modo, affectu, morib. & appetitu in beſtiam velut degenerat. Vide Ariſtotelem. 7. Eth. Nicom. Cap. 1. 6. 7. Confer dec. 3. Miſcell. d. 9. t. 27. Ejus cauſas C. 6. Ariſtoteles tres recenſet, naturam pravam ac degenerantem, morbos ac læſiones corporis graves, & pravam conſuetudinem. Natura cauſa eſt, Sic quedam gentes naturâ fera & barbara ſunt, ut nudis corporibus incedant, in ſylvis inſtar pecorum palent, humanis carnibus aut crudis veſcantur, liberos ſuos epulis exhibeant. Tales ante hæc quidam Americani, Anthropophagi, Braſiliani, & ſimiles, de quibus hiſtoria Americana conſulenda. Quædam



dam apud Plinium l. 5. C. 8. L. 6. C. 17. vide. Sic Caligula naturaliter ferus fuit, ut Tiberius exitio omnium eum vivere, & se natricem Populo Romano, ac Phætonem Orbi terrarum educare diceret. Suetonius Cali. c. 11. Vnde postea feri excessus in vita, velut in monstro, eluxerunt. Idem. C. 22. seq. Ita efferis moribus & aspectibus esse, qui nimio aestu vel frigore habitant, Aristoteles f. 14. probl. q. 1. scripsit, quia excessus omnis aëris corpus & spiritus hominis à temperie suâ dimovet & deiecit, velut temperies ejus corporis & intelligentiæ symmetria conducit.

19. Morborum gravitas causa est: Sic in Melancholicis ex phantasie vehementi corruptione foedæ persuasiones & absurdi appetitus exoriuntur, ferini magis, quàm humani. V. Mizaldum C. 1. t. 28. 56. C. 7. t. 78. Et in gravidis vitio humorum sapè desiderium abominandorum ciborum, ut calculus, picis, terræ, cretæ, carnis humana, existit, ut exempla apud Medicos prostant. Sic Petro Pomponatio ager lycanthropiâ laborans oblatuſ est, qui rusticos fugere jubebat, ne à se devorarentur, & quem illi excoriare ceperant, ut an versipellis esset, vel inversos pilos haberet, explorarent. Sed Medici intercessionem dimissus, & per medicamenta curatus fuit. Camerarius C. 1. C. 72. Prava Consuetudo. Sic Cleomenes Spartanorum Rex, è longâ cum Scythis belluatione eò feritatis pervenit, ut proprios sibi artus ferro detruncaret, donec ad abdomen deveniens exspiraret. Herodotus l. 6. p. 172. Plutarchus in Cleomen. Zuinger. Vol. 2. l. 2. Ita Nero ex peccandi assuetudine in beluinum monstrum vitiorum degeneravit, Sueton. Neron C. 32. seq. Joh. Basilides ex tyrannide in tetrum sævitia monstrum degeneravit, quod humano sanguine satiari non potuit. Guagnin. descr. Mosco. C. 5.



## De actionib. Magorum in coelum &amp; elementa.

## THESIS XIX.

**Q**Varta his à Christianis addi potest causa, Diaboli sævitia, qui cum impios omnes ad dissolutam ac beluinam vitam deducat, regnumq. suum amplificare quotidie intendat, C. 3. t. 18. 19. Inprimis tamen eos, quos per vim ac speciali foedere secum inito occupat, ad quævis facinora non humano solum, sed & beluino appetitu deteriora, impellere potest. Sic Magum quendam, Palumbum, sacerdotem impulit, ut cum finem sibi instare cerneret, proprios artus sibi, ut Cleomenes, detruncaret. Hildebrand. in Goëtiâ p. 135. Tales autem & lycanthropi sunt, qui omnes Magi & fœderis Sathanici rei sunt, t. I. 2. Non mirum, si hos varijs modis verset impostor, eludendo, corrumpendo, detorquendo, dementando, speciem ipse assumendo, t. II. seq. Multa etiam hic conscripta, t. 12. Aut prestigijs acta, C. 4. t. 18. Mirus enim ludio in suis Demon, & quæ potest, mirabilibus modis ostentat, & variè adornat.

20. Ita fuit & Magorum in bestias transformatio, adeoq; ea, qua Magis ipsis absolute in sese spectatis convenire putantur, univèrsa: Seqvuntur respectiva, quæ Magis in collatione ad alium Magum spectatis eveniunt. Hæc ordo superiorum ac inferiorum, & concertationes Magorum sunt. Ordo est, quo respectus aliquis superiorum & inferiorum inter Magos est, unusq; alteri in operando interdum prævalet, eumq; impedire potest. Esse inter eos ordinem patet I. Ratione. I. Quia inter Diabolos



bolos ordo quāviscūq; inferiorum & superiorum obtinet, ut partim Scriptura insinuat, Luc. II. v. 15. Ephes. 6. v. 12. Partim Natura docet, Cum regnum aliquod faciant, quod sine ordine non consistit. V. Mich. t. 70. Et rebus ac potentia Daemonum diversa, ex quā diversitate ordo quidam & distinctio sumi potest: Partim communiter Scholastici & Patres consentiunt, V. Tanner. T. I. d. 6. q. 6. d. 7. n. 3. 4. Beyerling l. 4. Polyanth. Voce dæmon. E. & inter Magos, Sathana federatos. Quamvis iste ordo ejus accuratior non sit, ut in bonis angelis & hominibus, Quomodo ordinem in illis reperiri Job. 9. v. 22. negatur: Sed imperfecta ac materialis aliqua distinctio reliqua, ex diversitate virium aut aliunde sumpta, multiplici etiam confusione permixta.

2. Quia unus Magus in agendo potentior, celerior, eminentior, celebrior altero, & alter superiori interdum cedere cogitur, ut t. 21. patebit. Sic unus interdum morbum sanavit, quem alter tollere non potuit, V. C. 9. t. 24. At ubi hoc, ibi gradus aliquis & ordo. 3. Exemplis. Quia unus alterum impedit in operando, quandoq; & occidit. C. 4. t. 19. Et h. C. t. 21. At hoc majoritatem aliquam, & consequenter ordinem involvit. 2. Authoritatibus. Sic Apulejus Sagam memorat, quam sagarum reginam appellat, l. 1. d. asin. Et l. 2. Pamphilen adducit, quam primi nominis Magam, & omnis Carminis sepulchralis Magistram credi addit. Sic Manetho Magus Apollonium contempsit, V. C. 3. t. 13. Niphus Magos demones excantare in virtute principis ipsorum ait. V. Beyerling. c. 1. p. 4. Excantare autem non omnes Magi possunt. Hildebrandus de Goëtia, p. 322. Princeps aliquis cum de filij decumbentis eventu Magos consuleres, responsum ab illis accepit, e Germania peritiores Magistros



gistros accersendos esse, ut eventus cognoscatur. Alios enim alijs inter Diabolos ac Magos hanc ad rem aptiores esse. Bodinus l. 8. C. 4.

21. Concerrationes Magorum sunt actus externi, quibus inter sese, vel cum pijs, de imposturis suis specimen edunt, & certamen ineunt, ac de superioritate inter se contendunt, vel cætus alicujus exhilarandi ac detinendi gratiâ ludiones agunt. Hæ varix sapius inita. Inter sese, cum Magus cum altero Mago contendit. Sic in Angliâ duo contenderunt, & unus alterius ex fenestrâ prospicientis capiti cornua cervina aptari fecit. Alter vindicta cupidus in parietem carbone hominem pinxit, & priorem parieti subire iussit, qui cessurus sit. Paries locum dare visus, & ingressus est iste, ac nusquam comparuit. A demone superiore occisus, & corpus alicubi abditum fuit. In Germaniâ alter alteri caput præsecuit, C. 4. t. 19. Praga in Bohemiâ Zytho Bohemus Bavaricum Magum devoravit, C. 1. t. 18. In Gothiâ Gilbertus cum Catillo pugnans obrigit, & in cavernam subterraneam ligatus est, Olaus l. 3. C. 20. Alius senex Magus Biarmenses ob Magica feroces unus omnes superavit. Saxo Grammat. l. 1. hist. Dan. Apud Samios Chalcantes & Mopsus divinatores inter se contenderunt, & Chalcas mæore obiit. Boissardus d. divin. p. 177. Sic Roma magus alterum ferè occidit, donec his se victum fateretur. Idem p. 85. 86. Toleti Wagnerus Magus cum studiosis Magia contendit, in suos eos transformavit, nasum alicui refecuit, oculog. privatus, caput uni ipsorum è corpore decidi fecit. Hildebrand. p. 67. seq. Goëtix. Faustus cum quibusdam Francofurti certavit, & resectum caput stipiti iterum imponi posse perfecit. Idem. Cap. 69.



22. Cum pijs, quando cum Christianis DEUM timentibus certarunt. Sic Cynops Magus in Pathmo cum Iohanne Apostolo contendit, & se in mare precipitavit, inde se emerfurum dicens. Sed precibus S. Iohannis aquis suffocatus periit, & procellis in littus eiectus. Philetes Magus cum Iacobo Apostolo signis certavit. Sed hic virtute Christi effecit, ut nihil vi demonum iste prestare posset. Hermogenes Magus catenis à Sathanà vinctus ad Iacobum ductus est, vim divinam in eo agnovit, ad fidem Christi conversus est, Damonibus valedixit, & libros Magicos concremavit. Ex Marullo & Sabellico Boissard, p. 355. tradit. Romæ Simon Magus cum S. Petro contendit, & in aëre volare præsumpsit. Sed precibus Petri ex aëre decidens femur fregit, paucosq. post dies doloribus cruciatus Aricia expiravit. Idem de Magia C. 7. Et Egesippus l. 3. C. 2. Quamquam alij totum hoc pro fabulâ habent, ut Maresius diff. d. Anti Christo, p. 79. 80. In Indiâ duo peritissimi Magi, Nachor & Theodas ab Arvennio Rege Indorum acciti sunt, ut filium Iosaphat Christianum ab Barlaam Eremitâ factum à fide converterent. Sed Iosaphat cum illis congressus eos vicit, eoq. illi Damonibus relictis Christiani facti sunt. Damascenus in histor. Barlaam & Iosaphat. Tholosanus l. 13. de Repub. C. 25. n. 14.

## CAPUT VII.

De actionibus Magorum in alia à se, & primò in insensata, ut Cœlum & Elementa, minerabilia ac vegetabilia.



**S**ic quæ Magis ipsis eveniunt, absolute & respectivè. Sequuntur, quæ ab illis in alijs effici creduntur. Hæcquæ vel insensata corpora sunt, vel sensu prædita. In Spiritus enim & spirituales substantias nihil imperij magis esse certum est. Et cum Sathanas à Magis cogitur, totum simulacrum, aut pacto cum Mago nixum est. Et superior Demon inferiorem cogit, V. C. 6. t. 20. Non Magus. Ac quæ Magi de herbis, verbis, suffimentis, balneis, exorcismis, crepant, ut Hermes, Proclus, alijq; , vana sunt. Nulla enim corporalia spiritualium vim æquare possunt, eoque nihil naturaliter ab illis demones pati possunt. Nec locus Tob. 6. v. 8. præjudicare, nec commenta Rabbiorum & Judæorum quidquam hic juvare possunt. Sanctorum in demones potestas divina & supernaturalis, Ignis infernalis in eosdem activitas ejusdem generis est. V. Michaëlia t. 72. Eoque à Magorum vi penitus diversa est.

2. Quæ ergo in corpora insensata à Magis exercentur, vel coelestia corpora, vel subcoelestia sunt. Coelestia, ut cælum, astra, lux cælestis, solaris, lunaris, &c. Subcoelestia, ut aer, aqua, terra, fruges, arbores, flores, metalla, & similia. De quibus queritur 1. An in cælum & astra aliqua Magorum potestas? Demonibus quidam eam vim tribuunt, ut Thyreus l. 2. d. Spir. apparit. C. 14. Zoroastres ex stellis velut scintillas eliciebat, C. 4. Poëta Sagis tribuunt, quod Carmina vel cælo possint deducere Lunam. Virgilius Eclog. 8. Et L. 4. Aenei. Carminibus quæ se promittit solvere mentes, sistere aquam fluvij, & vertere sidera retrò. Sic apud Ovidium 7. Metam. Medea, Te quoque Luna traho quamvis Temesca labores Aera tuos minuanti. Et in Epistolis: Illa reluctanti cursu deducere lunam nititur, &



*tenebris abdere Solis equos. Similia* 12. Metam. Propertius L. 2. El. 28. Claudianus l. 2. in Ruff. Tibullus L. 1. el. 2. 8. Statius 6. Theb. Seneca Hippol. a. 2. f. 1. Et Herc. Oet. v. 450. Horatius Epod. 5. 6. 17. Aristophan. Nub. a. 2. f. 2. Lucanus L. 6. Petron. sat. alijq; habent. *Præcipue Theſſali Magi hoc celebres fuerunt, illudq; ſe poſſe ſibi adſcriptum voluerunt. Cæloq; ita deducta Luna, ut putabant, aut caligine laboranti, magno æreorum tintinnabulorum ſtrepitu aut facib. accenſis ſuccurri poſſe cenſebant, V. Juvenal. ſat. 6. Ovidium 4. Metam. Statium l. 6. Theb. Tibullum l. 1. Eleg. 8. Buchananum l. 1. & 5. Sphæraz. Imò mare, terra, Cælum, tartarus ſervit mihi, nihilq; leges ad meos cantus tenent, ait nutrix Magica apud Senecam in Herc. Oet. c. 1. Ex Philoſophis Empedocles ap. Laertium l. 8. d. vit. Phil. Apulejus l. 1. & 2. d. afin. alijq; idem Sægis adſcripſerunt.*

3. *Falfa uniuerſa hæc, & nihil in cælum ac aſtra Sathanas & Magi poſſunt. 1. Quia ſemel Sathanas de cælo ob malitioſam apoſtaſiam & ſuperbiam deturbatus eſt, ut locum ibi inuenire non poſſit. Quorſum Patres quidam & Interpretes Eſai. 14. v. 12. Apoc. 12. v. 9. & alia accommodant, eſſi primò & literali ſenſu de alijs, quàm Sathanâ, iſta loquantur. Non credibile, poſtea temporis quidq; juris ac virium in cælum, & quæ in eo, aſtra, motum, conuerſionem eorum, cum retinuiſſe. Si Dæmoni nulla hic poteſtas, nec Magis ejus ulla eſſe poterit, ut qui ab eo habent, quicquid poſſunt. 2. Quia notanter Scriptura ipſum Principem æris appellat, ac ſub cælo malignos ſpiritus vocat, Luc. 22. verſ. 13. Ephes. 2. v. 2. C. 6. v. 12. Colof. 1. v. 13. Circum velut determinando, in quo dominatum ſuum Sathanas exerceat, ærem,*



aërem, tenebras, mundum sub cælo, &c. E. in cælestia, ubi  
mera lux & astrorum splendor, potestatem eum habere non  
verisimile. 3. Quia ne Angelis bonis quidquam juris in  
cælum & astra Philosophi attribuunt, ut Thomas p. 1. q. 110.  
a. 2. Et p. 3. q. 13. a. 2. Et l. 3. co. gent. C. 108. Et qv.  
16. d. malo, a. 8. Parisiensis p. 2. d. Vniuers. Albertinus  
T. 1. q. 1. Cor. 2. Suarez. d. 19. Meta. f. 1. n. 14. Et D.  
43. f. 4. Et l. 4. in Thom. C. 35. 37. Tannerus p. 1. Th.  
Sch. d. 5. q. 5. d. 6. n. 1. V. Michael. t. 45. Minus damo-  
nib. id adscribendum. Quod autem Dæmones nequeunt, nec  
vim illud præstandi Lamijs suis communicare possunt. 4. Quia  
DEI ordini & decreto constanter post diluvium fixo de non  
ruptâ dierum & noctium, frigoris & caloris, æstatis & hyemis,  
sementis & messis, vicissitudine id contrariatur, Gen. 8. v. 22.  
C. 9. v. 15. Qui ordo à cæli & astrorum motu ac influxu  
dependet, & multum immutationis timere cogeretur, si Dæ-  
moni potestas turbandi aut inhibendi motum & influxum  
cælestium concessa esset.

4. 5. Quia idem Patres & Philosophi docent. V. Au-  
gustinum l. 15. d. C. Dei C. 4. Et Vivem in Comm. illius  
loci, & l. 3. d. Trin. C. 7. 8. 9. Tannerum c. 1. Cigognam  
l. 3. C. 5. Alstedium l. 6. Encyclop. p. 3. C. 9. t. 5. Del-  
rium l. 2. q. 11. Thomam, aliosq; ante citatos. Patres  
nonnulli & ex Hebr. 2. v. 5. id probare solent, ut Chryso-  
stomus, Theophylactus, Thomas, Sasbout ap. Delr.  
q. 10. Sed rectius de Novo Orbe Christiano per Christum re-  
formato locus accipitur, ut se ipse Apostolus explicat, cum or-  
bem futurum nominat. Dices: Concessa est Dæmoni po-  
testas in hominem, longè nobiliorem cælis creaturam,  
Deiq; in terris imaginem & vicarium. Cur in cælum ac astra  
& mo-



& motum ea negata sit? R. Sæpè potestas in nobiliora concessa, cum in ignobiliora negata sit. Sic Magi Pharaonis dracones producebant, qui nobiliores. C. 1. t. 2. Sed ciniphes producere impediti non poterant, qui ignobiliores. Daemon autem in hominem vim nunquam nactus esset, nisi homo Apostata factus esset. Tùm in locum poenæ potestas morborum, brutorum, Daemonum, in hominem concessa est, quæ antea nulla aut ligata fuit. Cælum autem nil peccavit, indeq; Sathan detrusus potestatem in illud perdidisse conseri debet. Licet etiam homo essentiâ ac naturâ sui nobilior cælo sit; Operandi tamen Universalitate, regularitate, essendi constantiâ ac diuturnitate cælum prævalet, quod & incorruptibile corpus est, & ad Mundi statum influxu motuq; suo conservandum ac vegetandum ordinatum est, cujus motu turbato aut inhibito totum Mundi inferioris statum succuti aut flaccescere necessum sit. Quod ne fieret, vim in cælum Demonibus nullam esse conveniens fuit. Homo & natura lege post lapsum interit, & ab ejus particulari statu turbato non periculum totius mundi inferioris, ne convellatur, imminet.

5. 2. An tota elementa loco & situ movere aut abolere, motum eorum, ut aëris, ignis, aquæ, maris, inhibere, fluminum, cursum in contrarium deflectere, fontes eorum exsiccare, terram velut ad cælum attollere, & similia præstare possint? Et hic sibi non minimum Magi adscribunt, & Magis Poëta per licentiam suam tribuere solent. Horat. Epod. Od. 5. de Canidiâ, Priusq; cælum fides infertur mari, Tellure porrectâ super. Tibullus l. 1. Eleg. 2. Fluminis hæc rapidi carmine vertit iter. Empedocles ap. Laërtium l. 8. Sursum, si libeat, mox flumina pigra ciebis, & mediâ induces ex tempestate serenum. Similia



lia Lucanus, Claudianus, Ovidius, Seneca, Apulejus, alijq; t. 2. citati habent. Falsum & hoc, ac praestigijs oculos spectantium quandoq; eludant Magi, ut terra cadere, flumina retrorsum ad fontes suos decurrere, mare absorberi, aer evanescere ac refugere, Vacuum in mundi statu hiare, & similia videantur, cum revera nihil eorum fiat. Tota enim Elementa immutare, flumina retrorsum torquere, & similia, ad Ordinem Universi pertinent, quem nemo mutare queat, nisi qui condidit, nec leges universi rescindere, nisi qui ratas fixit ac statuit, qui solus DEVS est. Nec Angelis bonis id tribui solet, t. 3. Minus Sathana & mancipijs ejus, Magis id concedendum.

6. Particularia tamen horum beneficio Naturæ & auxiliorum ejus permittente DEO prestare possunt, velut exempli causa, partis alicujus in terrâ motum per causas naturales, ut immisso vehementi spiritu in terræ cavernas, aut aëre in terræ visceribus incluso vehementer agitato, Sathanas cedere, eoq; id Magis efficiendum conferre potest, ut & ut particula aliqua maris è sinu suo recedat, & vel cavernis terræ hauriatur, vel vento impulsam ad diversa littora appellatur, vel occulto naturæ decursu ad opposita littora flectatur, quomodo à Belgis ad Anglos interdum, & vicissim ab Anglis ad Belgarum littora majore aquarum copia prolabitur, ut quibusdam annis contigisse observatum est. Ita horribiles terræ motus in Apuliâ, Brutijs, Campaniâ, Constantinopoli, Dyrrachij, Romæ, Antiochiæ, in Asiâ, Pannoniâ, Illyrico, Dalmatiâ, Moraviâ, Bavariâ, per Magos ac Sathanam excitati esse putantur. V. Cigognam l. 3. C. II. Sub Valente per terræ motum abdita maris disjectis aquis patuerunt, valles & montes antea non visi sole illustrati, ac naues super recta Alexan-



*aria violentiâ aquarum translata sunt. Idem c. l. In Calabria An. 1638. tantus terra motus fuit, ut 80. Vrbes concussæ sint. Scoglius p. 2. Chron. Mundi. Vbi etiam demones impetum adaugere potuerunt. Similiter & partem aëris ventis concutere, venenatis halitib. insicere, tempestates medijs naturalib. in eo ciere, ignes per eum diffundere, ac segetibus & terris immittere, tenebris eum obfuscare possunt, ut t. 9. patebit. Fluviorum partem etiam ad tempus sistere, fontes venis exsiccatis durare, aquas dirimere & in caput repellere, ut ita retrofluere videantur, etsi reverâ non retrofluant. Quomodo Plinius l. 2. C. 106. sub Nerone simile quid contigisse narrat. Scopulos & saxa novis fontibus è terrâ productis, ac alicubi, ubi intus latuerunt, foraseductis diluere, & sic nova flumina velut conciliare. Quandoq; & hic irritus eorum conatus est, & nec particulam terræ immutare queunt. Sic Eon Magus in Concilio Remensi damnatus cum ad mortem duceretur, subinde ad terram repetijt, Terra findere, sed irrito conatu, ut ex Roberto Delrius q. 8. l. 2. adducit.*

*157. 3. An tempestates, grandines, imbres, ventos, procellas, turbines, pruinas, nives, fulmina & fulgura, caligines aëris, serenitates, sterilitates, fructuositates, excitare, & excitata in agros aut loca, quæ velint, immittere, & vicissim sedare queant? Classica hæc inter Magicas Sagarum actiones est quæstio, & maxima Scriptorum pars in affirmantem quæsitam partem declinat, ac cum demonem vi propriâ, tum Magum vi alienâ demonis nempe, id posse, concedit. Ex Theologis Thomas q. 110. a. 4. Et. 2. sent. d. 7. 8. Augustinus, Isidorus, Authores mallei maleficar. Sylvester, Niderus, Alphons. Castrensis, Jaque-  
querius,*



querius, Ex Jctis Bartholus, Angelus, Azo, Godefridus, Bonifacius, Ananias, Grillandus, d. Sortileg. q. 6. C. 17. Molitor aliq; ap. Binsfeldium in Codic. d. malef. & Mathem. p. 491. seq. Et Delrium l. 5. f. 16. id sentiunt. Binsfeldius ipse c. 1. & d. sag. confess. Concl. 10. Tannerus T. 1. d. 5. q. 5. d. 4. Delrius l. 2. q. 11. & l. 5. c. 1. Voetius p. 1. dif. 48. t. 20. Boissardus d. Magia C. 9. Pererius l. 1. d. Magia C. 6. Tholosanus l. 34. C. 13. & 21. Bodinus l. 2. Dæmon. C. 8. Et confut. Opin. Wieri, Remigius l. 1. dæmonolat. C. 25. Hildebrandus in Goetiâ p. 4. seq. Paracelsus d. malef. C. 4. Cigogna l. 3. Mag. C. 5. 6. Grosius p. 1. Magicor. p. 102. seq. 126. 138. seq. Stumpsius l. 2. de Zauberey C. 10. aliq; idem censent. Bodinus omnes graviores tempestates à Daemonibus fieri putat, l. 2. Th. Nat. Et l. 2. Dæm. C. 8. Et habetur aperte Codic. d. Malef. & Math. Ac gentiles quidam consentiant, ut t. 14. patebit. Pauci tamen è Scriptoribus sunt, qui oppositum hic tenent, & tempestates divina potestati ac naturæ subjacere, non Dæmoni putant. Ita ex antiquioribus Seneca l. 4. Nat. qv. C. 7. Rudis adhuc antiquitas credebat, & attrahi imbres cantibus, & repelli. Quorum nihil posse fieri tam palam est, ut hujus rei causâ Nullius Philosophi schola intranda sit. Ex Recentioribus Wierus l. 3. d. præst. C. 16. Et in Apolog. n. 1. Et lib. d. Lam. C. 12. Gœdelman. l. 2. C. 6. Et in Epistola ad aliquem lib. 3. præmissâ. Althusius apud eundem in admon. ad Iudicem sub finem l. 1. Prætorius vel Stumpsius d. Zaub. C. 8. Lercheimer d. Zaub. C. 10. Coel. Calgagninus, Pontzinibius ap. Delrium c. 1.

8. Tertia Scriptorum pars mediâ viâ hic incedit,



& Dæmones quidem aliquid hic ut causas secundas & administras posse censent, sed nonnisi naturalibus medijs adhibitis, aut exhalationes fulminales cogentes, t. 9. aut instantes tempestates, ut providi natura augures, prævidentes, ac tempus Sagis prædicentes, Sagas autem & Magos propriâ vi nihil hic posse, & vanas ceremonias ac ritus eorum ad effectus hos nihil conferre. Ita Balduinus l. 3. cas. Consc. c. 5. q. 9. Et in C. 1. Hagg. par. 3. dub. 2. Sagittarius C. 1. Meta. d. 5. t. 1. Biermannus d. d. Mag. act. t. 49. Tannerus c. 1. Et nos olim in disp. d. Mag. act. t. 24. 25. secuti sumus. Et maxime probabiliter in hac re tenetur. Pro quo nota. 1. Distinguendum hic inter demonum potentiam solam propriamq; & alienam junctam ac sociam. Si sola ea spectetur, quid Dæmon se solo sine adjumento natura, naturalium mediorum, artium, permissionis divinæ, possit, certum est, tempestates eum excitare non posse. Patet 1. Quia nunquam sine nubibus, exhalationibus, vaporibus, halitibus, aëre compactiore, aliòve natura medio illa excitari possunt. Materia enim earum nubes & halitus sunt, agitatio, impulsus, concursus, constitutus, incensio, resolutio earum, aut aëris compacti collisio, vel simile quid pro formâ, ut in Meteorologicis docetur. E. ubi excitari à Sathanâ debent, nubes, vapores, halitus, & similia conglobari, committi, resolvi, aut aërem compactiorem collidi oportet, & sic naturam intercurrere oportet. 2. Quia notanter Scriptura tempestates, tonitrua, ventos, pluvias, nubes, DEO adscribit, ejusq; potestati ut principalis agentis subijcit. Gen. 9. v. 14. Exod. 9. v. 23. Jos. 10. v. 11. Job. 36. v. 27. seq. C. 37. v. 3. seq. c. 38. v. 22. seq. C. 40. vers. 4. Psal. 29. v. 3. Psal. 135. v. 7. Jerem. 10. v. 13. c. 14. v. 22. Hagg. 2. v. 18. Zach. 10. v. 1. E. Dæmon ex se & proprio talia



alia educere non potest. 3. Quia nihil omnino sine permissio-  
ne DEI potest. C. 3. t. 1. 2. E. nec in hoc negotio tempesta-  
tum excitandarum sine eâ proprio arbitrio aliquid presta-  
re poterit. 4. Quia si ex propria vi pro lubitu talia Daemon  
producere posset, periculum esset, ne magna mortalium pars  
jam fulmine aut tempestatibus excisa fuisset, cum generalis  
ac irreconciliabilis totius humani generis hostis sit, intentus in  
ejus insidias ad omne momentum, verusq; leo rugiens ac ho-  
micida ab initio, C. 3. t. 18.

9. Si socia potestas demonis spectetur, & quid  
medijs naturæ adhibitis & permissu DEI accedente Sathan  
possit, certum est, tempestates cum producere posse. Patet  
1. Scripturâ. Sic in historia Jobi ignem de cælo procura-  
vit, ventos vehementes in domum Jobi irruere fecit, qui do-  
mum super filios filiasq; Jobi conjecerunt, Job. 1. v. 16. 19.  
Et in Apocalypsi quatuor Angeli 4. ventos terra tenuerunt,  
ne super terram flarent, C. 7. v. 1. Et C. 16. v. 18. Unus An-  
gelus phialam in aërem fudisse dicitur, factaq; esse tonitrua,  
fulgura, ac terra motus. Vbi etsi omnia ea allegoricè intelli-  
genda sint, aliudq; notetur sensu, quàm verbis exprimatur:  
Sumi tamen allegoria solent ab ijs, quæ fieri possunt, ac inter-  
dum soleant, ut ex Evangelicâ historiâ & allegorijs passim à  
Christo adductis patet. Imò princeps aëris, sub cælo in Caligi-  
ne aëris dominari Sathan dicitur, Eph. 6. v. 12. C. 2. v. 2.  
V. t. 3. E. maxime ea, quæ in aëre vigent, procurare pote-  
rit. Qualia tempestates. 2. Ratione. Quia Dæmones  
Causas secundas ad res efficiendas applicare possunt, ut ignem  
ad calefaciendum & comburendum, aquam ad liquesfacien-  
dum & frigidandum, aërem ad ventilandum & exsiccân-  
dum. E. & materiam vaporum & exhalationum vel pro-



ductam aliunde celerrimè adducere, & aliquò immittere, vel ex cavernis terræ, aut montium recessibus, nitri, aquæ calidæ, sulphuris, aluminis, bituminosæ materia copiam eam de novo producere, ac ad eam aëris partem devehere, ubi caloris frigorisq; vi in activitatem deducantur, sicq; tempestates excitentur. Sagacissimi enim natura scrutatores sunt, qui & summâ celeritate naturalia commovere, & singulari solertiâ ac artificio invicem commiscere, & materiarum motum promovere, disgregatas exhalationes validè congregare, concutere, in perniciem hominum, adificiorum, jumentorum, agrorum detorquere, tempestates aggravare, aëris etiam confractu sine vaporum copiam & sereno cœlo fragorem tonitruo similem, & compulso nimbos concitare, & similia agere possunt. Cur non & materias tempestatum aggregare, incendere, resolvere, in terram evibrare queant? 3. Quia idem communis Scholasticorum, Patrum, & Philosophorum sententia de Angelis bonis & malis docet, ut t. 7. patuit. 4. Quia experimentis id interdum comprobatum est. Sic in Riphæis montib. spectrum est, Rübenzabel/ quod à viatoribus lapsitum horribiles tempestates excitat, ut dec. 2. Misc. d. 1. t. 23. adductum. Huc & lacus, putei, specus, similiaq; pertinent, quæ rebus minimis eò injectis maximas tempestates concitant, ut antrum Smellen in Finnoniâ, Specus in Dalmatia, Lacus montis Canati in Hispaniâ, Scefagiola in Apennino, aliaq; loca. Quorum ratio aliunde peti nequit, nisi ut demonib. istis in locis regnantibus ista adscribantur.

10. Dices I. Scriptura notanter DEO tempestates, nubes, pluvias adscribit, t. 8. Impium autem & idololatricum est, ea creaturis tribuere, quæ Creatori tribui debent. R. Tribuit eas illi Scriptura, tanq. primo & supremo agenti, qui



ti, qui ex propriâ & independente vi talia agat, ac Univer-  
 sali causa, quæ omnium motuum inferiorum causa est, Act.  
 17. v. 24. Unde cæteri dependent: Non autem Causas secun-  
 das ac intermediarias reliquas ob id excludit. Nam & cœlo  
 interdum pluvias, grandines, adscribit, Deut. 11. vers. 17.  
 G. 28. v. 12. 23. Hose. 2. v. 21. Sic & DEVS in sacris occi-  
 dere & vivificare, percutere & sanare dicitur, Deut. 32.  
 v. 39. 1. Sam. 2. v. 6. Tob. 13. v. 2. Et tamen verè idem  
 de creaturis, Sathanâ, homine, medicamento, alijs dicitur.  
 Sic DEVS Spiritum hominis in homine formare, Zach. 12.  
 v. 1. Et Corpora in utero præparare ac dare, Job. 10. v. 10.  
 G. 31. v. 15. 2. Macc. 7. v. 11. 22. dicitur, & tamen medi-  
 antib. parentib. id fit, qui animam propagant, & Corpora ge-  
 stant ac formant V. Dec. 2. Misc. d. 4. t. 9. Similiter DEVS  
 occidisse pecora Ægyptiorum dicitur, Exod. 9. v. 6. Et ta-  
 men id per angelos malos factum explicatur, Psal. 78. v. 50.  
 Sihon & Ogum reges percussisse, Psal. 135. v. 11. Sed per Mo-  
 sen & Israëlitas, Num. 21. v. 24. Deut. 2. v. 32. C. 3. v. 3.  
 2. Si dæmones tempestates excitare possunt, metuendum,  
 ne totū humanum genus evertatur aut periclitetur, cum per-  
 petui ejus hostes illi sint. R. Si potestate propriâ, independen-  
 te, & pro lubitu arbitrij id possunt, tū id metuendum. Sed  
 potestate à DEO tantū concessâ, ei subiectâ, ligatâ, & quan-  
 tū DEVS permittit, id possunt, non ultra, t. 8. Potestas  
 Damonum sub potestate DEI, Christi, & fidelium est, eoque re-  
 stricta & particularis, non absoluta & universalis est. 3. Con-  
 cilium Braccarense anathema illi dicit, qui ullam Creatu-  
 ram tempestates producere asserit. V. C. 4. t. 14. R. Vel  
 Concilium illud authoritate caret, V. c. l. Vel de illis loqui-  
 tur, qui propriâ authoritate & vi Creaturas talia producere  
 posse



posse ajunt, q. prima principia, quæ vim creandi obtineant, essent, & etiam DEO non permittente talia efficerent, quæ impia & Priscilliano Mago digna sunt. Hoc enim solius DEI est, t. 8.

II. Distingendum etiam inter Sagarum potestatem propriam, & alienam ac Sathanico pacto constantem. Propriâ nihil hic efficere aut promoveri possunt, quomodo nullam homini in nubes & superiores aëris regiones potestatem ordinariè esse certum est. Nisi forte artificio aliquo & arcano natura aliquid hic moliantur, quod interdum fieri posse quidam censent, t. 14. Et aliàs si ex proprio hic quid possent, vel per ceremonias & ritus id possent, ut filices post tergum ad occidentem projicere, aquam in scrobem fusam bacillo turbare, ova in pelvim aquæ deijcere & agitare, scopas aquâ intingere, & cælum versùs spargere, & similes. At harum, ut quantitatum aut actuum ceremonialium, ad effectum Physicum producendum nulla potest esse proportio & efficacia, ut in Metaphysicis docetur: Vel per verba & imprecationes, at horum etiam, ut quantitatum, ad materiale effectum Physicum vis aliqua naturalis esse non potest, sed si quid hic procedit, totum ex accidente, superstitione agentis, credulitate susipientis, natura proprio robore, pacto Sathana, aut simili procedit: Vel deniq. per instrumenta aliqua, quæ adhibent, urinam, aquam, baculum, arenam. At horum etiam, si corporea sint, ad tempestates ciendas nulla est proportio: Si incorporea, ut verba, imprecationes, similiter nulla efficacia, ut antè visum. Et hoc modo rectè dicitur, ab homine ne unam aquæ guttulam in nubibus gigni posse. Alienâ & ex pacto cum Sathanâ aliquid per eum possunt. Illum enim invocant, ritus & ceremonias ab eo præscriptas adhibent,



bent, pacto cum eo inito confidunt, & sic Sathanam ad agendum permovent, qui vel materias nubesq; cogit, ventorum vi collidit, aut aëris confractione fragores etiam sereno cælo excitat: vel prævisas ex aëris constitutione, Planetarū ac stellarum influxu, solis operatione, tempestates prænuntiat, & ad ritus ac ceremonias quasdam justo tempore obeundas instigat, quibus peractis, ubi effectus succedit, suis vanitatibus rem gestam Lania adscribunt, quæ à Demonis concursu & procuratione dependent, ut & t. 8. dictū, Ac de artificio & virtute suâ gloriantur parum integra mentis anicula. Sic Sathanas propriè est effector, Magus commotor & instigator.

12. Quod probatur 1. Quia Dæmones tempestates permissu DEI & auxilio Naturæ excitare possunt, t. 9. E. & eorum ope ac fœdere Magi ad excitandas illas Sathanam commovere possunt, & sic quædamtenus ad præductionem earum concurrere. 2. Quia varijs & certis experimentis constat, Magos talia interdum produxisse. Sic Herodotus tempore Xerxis à Magis Thetij & Neridibus sacrificando ventos & tempestatem sedatam esse scribit, l. 7. De Finno-nibus, Lappi, Biarmis, alijsq; Septentrionalibus populis Olaus M. l. 3. C. 16. tradit, quod Mercatoribus ventos venales exhibeant, & tres nodos Magicâ arte sacros offerant, quorum primo soluto placidos, secundo vehementiores, tertio intensissimos experiantur. Et C. 28. de Oddone piratâ Danico refert, quod, ne cum hostibus in certamen navale descenderet, exasperatos fluctus & ventos ad naufragia infligenda præducere solitus fuerit. Sic quidam ex Islandiâ in Hispaniam profusiscans, nodos Magicos accepit, quos in mari solvens tantum ventum expertus est, ut biduo in Portugallia esset. Lercheimer, d. Zaub. C. 10. Itala quædam venefica in con-



*pectu Grillandi Inquisitoris scrobem unguibus extra portam effodit, aërios demones in auxilium invocavit, unde ex scrobe vapor crassus fumi specie emerfit, qui in nubem resolutus sonos boatusq. & tonitrua fulguribus permista protrusit, donec in locum petrosam ingente fragore, ignibus, turbine, grandine, & imbribus sine ulteriore damno nubes resoluta fuit. Boissardus d. Magia, C. 9. Apud Veteres pluvias per Magos evocatas esse frequenter narratur. V. Paulaniam in Arcad. Dionem Cassium l. 56. Qui sub Sidio Getà contra Salabum pugnante id contigisse tradit, Xiphilinum in Antonino, aliosq.*

13. *Cianitas Indos per Magos suos ridiculo ritu pluvias evocare, & potione uti, nubes melle, aqua, maizo, aspergere, ex sese sudorem elicere, & in aërem spargere, eumq. ut pluviam largiatur, invocare, ex Spitilli Epistolis Peruanis, Delrius q. II. & Cigogna c. I. narrant. In bello Romanorum cum Qvadis Arnulphus vel Arnuphis, ut alij vocant, Magus Aegyptius maxime fervente proelio horrendum imbrem excitavit, unde Qvadi in fugam acti, Cigogn. c. I. Dion in Antonino. Similia C. 10 c. 3. patebunt. Lothildes Maga tempestates & tonitrua quando, ubi, & in quos voluit, carminibus induxit. Tholosan l. 34. C. 10. n. 4. Anno 1553. duæ Veneficae Berlini captae sunt, quæ glaciem ad perdendas fruges producere voluerunt, & infantem aliunde raptum ad ignem coxerunt. Sed interventu aliorum impedita, si coctio processisset, dixerunt, ingentem glaciem futuram, quæ cunctas fruges perdidisset. Goedelman. l. I. C. 7. n. 30. Manlius p. 36 Collect. In Convivio Cardinalis cujusdam Magica mulieres tempestatem produxerunt, eaq. repressâ evanuerunt. Idem c. I. Nauta aliquis Magus Zephy-*



ros per Spiritum suum excitavit. Ericus Gothorum Rex, quodquod pileum verteret, inde prosperum ventum eliciebat. Inde ventosus pileus dictus. Cigogn. c. l. In Ditione Trevirensi Rustici puella octennis pluviam de nubibus in conductum horti locum procuravit. Alij hoc in Sveciâ factum referunt. Vt Grofius p. 1. Magicorum, p. 139. Vel Sveciâ, ut Sprengerus p. 2. q. 1. C. 13. In bello Ferdinandi Neapolitani ad Marcum oppidum Impij quidam Sacerdotes Magicis artibus umbres & tempestates ingentes eliquerunt, & aquarum copiâ obsidionem oppidi solverunt. Constantipolitani Mariæ imaginem Magi suâsu in mare demergentes Sarracenorum classi tempestatem immiserunt. Tartari Magi tenebras, tempestates, & serenitates producendi vi pollent. Delrius c. l. Apollonius apud Brachmannos in Indiâ dolia vidit, unde pro arbitratu pluvias & serenitates inducere potuerunt. Zuinger. Vol. 5. l. 4. Anno 1588. ingens tempestas in Episcopatu Constantiensi à duabus Sagis excitata est, ut ad 4. miliaria omnes fruges perierint. Alia in eadem ditione ingentem grandinem in rusticos nuptijs occupatos, ad quas se non vocatam dolebat, immisit. Bodinus l. 2. C. 8. Vbi plura. Apud Delphicum templum terræ motus, fulgura, & tonitrua sub Brenno à Dæmonib. concitata. Peucerus d. diu. f. 33. Goedelman. l. 2. C. 6. n. 14. Corinthi familia quadam ex numero eorum fuit, quæ ἀνεμολογῆται dicti, quæ ventos sedabat. Suidas in Verb. ἀνεμολογῆται. Empedocles Etesius validdè spirantibus frugesq. lædentibus asinos excoriari & utribus extensis ventos excipere iussit, sicq. eos sopivit. Idem in Verb. Ἀνῆες. Plura Grofius c. l. p. 127. habet. Magorum civitas intra Gangem nullis machinis & armis expugnari potuit, quod illi fulminibus in hostes immisis eos propellerent. Philostratus



tus l. 2. d. vit. Apoll. Tolosan. l. 34. C. 10. *Lipsia* puella aliqua non intelligens quæ ageret, actiones nutricis, quibus tempestates cedere solita erat, imitata, fulgura ac tonitrua excitavit, quibus villa in viciniam Urbis conflagravit. Senherus l. 6. Pract. p. 9. C. 5. In Argentinensi tractu Saga aliqua in ipso carcere cum alia aquam in pelvi digito commovisset, & ipsa Verba quodam admurmurasset, statim in sylvam adjacentem tantam tempestatem & grandinem excitavit, ut à multis annis major ibi non visa fuerit. Sprengerus p. 3. q. 16.

14. 3. Quia artificio quodam naturali aliquod pluvius ac tempestatibus, & tonitribus, simile produci posse authores quidam tradunt. Sic Paracelsus d. Malef. C. 4. 5. de salpetra tradit, quod si cum aluminosa materia copiose misceatur, & in terrâ accendatur, fumus gignatur, qui in aëre nubem generet, in pluviam postea resolvendam. Rogerius Bacon arte & naturâ sine ulla Magicâ tonitru naturali longè validius concitari posse scripsit. Artificiale tonitru ex pyris pulveri & similibus paratur, item ex calce Martiâ & aurâ per aquam Regiam paratâ. Cosroës Persarum Rex triclinium habuit, ex quo instar veri tonitru fulminavit & fulguravit. V. Libavium dis. d. trib. quæst. t. 9. Salviam putrefactam in fontem certis modis coniectam mirabiles tempestates concitare Albertus M. de proprietatibus rerum tradit. 4. Quia idem Confectiones Sagarum propria apud Bodinum, Malleum maleficarum, Sprengerum, aliosque docent. Vbi autem ea de re possibili, Natura non adversâ, & potestati DEI non prejudiciosâ est, locum habere potest. V. C. 4. t. 3. C. 6. t. 15. Talis autem in presenti negotio est. 5. Quia idem Patres, Jus Civile, Canonicum, & gentiles quidam docent. De Patribus t. 7. vide. In Legibus 12. Tab. lex est, ne quis alie-



nos fructus excantasset, Et l. 53. *Qui fruges excantasset, pœnas dato. Neve alienam segetem pellexeris excantando, ne incantanto.* In Codice de Malef. & Mathem. Lib. 9. Tit. 18. le. 6. dicitur, multos Magicis artibus usos elementa turbare, & vitam insontium turbare, quos quia natura peregrini sunt, feralis pestis absumat. Conf. & le. 4. In Jure Canonico p. 2. Decr. Causa 26. q. 5. C. 14. *Magi permissu DEI elementa concutere dicuntur.* Innocentius 8. Papa peculiarem bullam contra maleficos edidit, quæ T. 1. Mall. malef. præmissa est, ubi eadem à Magis præstari posse asseritur. Ex Gentilibus Cicero l. d. Republ. Plinius l. 28. N. H. C. 2. Et l. 30. C. 1. legem 12. Tab. approbant. Virgilius Eclog. 8. *Atq. Satas aliò vidi traducere masses.* Ovidius idem ait. V. t. 16.

15. Excipies cum Goedelmanno & Wiero, Authores 12. Tab. gentiles fuisse, quib. apud Christianos non consentiendum. Si Christiani fuissent, & Scripturam cognitam habuissent, longè aliter sensissent. Lex a. 6. d. malef. ex communi hominum sententiâ & Magorum opinione loquitur, quâ ab illis talia præstari posse asseritur. Lex 4. ibidem à Leone Imp. Nov. 65. emendata ac antiquata est, & totum Maleficorum ministerium impostura ac fallacia ab ipso nominatur. R. Ex eo, quòd authores 12. tab. gentiles fuerint, non debes in totum authoritas illis abrogari. Lumine enim Natura, quo talia à Magis ope Sathana præstari posse, & publicâ experientiâ, quâ præstita esse docetur, nixi talia scripserunt. Quæ autem gentilis lumine Natura nixus scribit, in illis assensum etiam apud Christianos reperire potest. Sic Ethicam, Phisicam, Politicam, & Mathematicam doctrinam eorum recipimus, etsi gentiles fuerint, quia luminis natura instituta



consentaneam deprehendimus. Deinde legem illam 12. tab. multi ex Christianis approbant. Vt Augustinus l. 8. d. Civ. Dei. C. 19. Vives Comm. in h. l. Fr. Balduinus in leg. 12. Tab. Menochius, Bodinus, Tholosanus, Matthæus, Darnæus ap. Binsfeld. in Cod. d. Malef. q. 4. Ex gentilibus etiam nonnulli, ut t. 14. visum. Et Scriptura consonat, quæ incantationes prohibet, C. 1. t. 5. Non autem prohiberet, nisi earum aliqua vis esset. V. Psal. 58. v. 6. Illam vim in solum hominem ferri incredibile, & experientia, ac DEI in hominem providentia contrarium est. In alia ergo ab homine etiam feretur, ut fruges, arbores, pecora. Leg. 6. de Magicis ex communi opinione loqui, verum eam dicere non impedit. Sæpe enim communis opinio vero consonat. Et hic quidem experientia & exemplis testibus comprobatur. t. 12. In Novellâ verò Leonis 65. non incantamenta efficere aliquid & nocere posse negatur, sed ijs prodesse posse tantum negatur, eoq. bonum in finem incantationibus aliquem uti severe prohibetur, & si quis aliquo modo illis usus esse deprehensus fuerit, si vè id restituendæ conservandæ vè valetudinis, s. avertendæ à rebus frugiferis calamitatis causâ fecerit, eum apostatarum pœnam subeuntem supremum supplicium sustinere debere constituitur. Nos, inquit LEO, istiusmodi incantationes perniciosas esse persuasum habemus, & ut boni quidquam inde manare credamus, induci non possumus. Hac verba legis sunt. Jam Efficaciam Magicis concedit, quando perniciosas esse ait. De hoc nostra quaestio est. An boni finis gratiâ ad avertendum aut curandum ea adhibere liceat, alterius quaestio est, quod & Nos negamus licitum esse. V. C. 3. t. 9. Et C. 11. t. 6. Olim, qui calamitates agris per Magica averterent, leg. 4. c. 1. non puniebantur. Sed jam supremum supplicium illis



irrogatur. Hactenus lex ista abrogata, non in eo, quod ali-  
quid Magos efficere posse affirmarit. Qua obijci hic in con-  
trariū sententia nostra possunt, ex t. 10. explicationem habent.

16. 4. An frugibus, agris, hortis, sylvis, nocere  
possint, fruges aut agros transferre, incantare, aut no-  
cumenta ab illis avertere? Omnino. Quod & ratione na-  
turali & experientia patet. Possunt enim à Damone impe-  
trare, ut tempestatem in certa loca derivet, sicq; certis agris  
& locis nocumenta inferat. Et quandoq; id eos fecisse exem-  
pla testantur. V. t. 13. Sic Nobiles quidam in Pidonibus pul-  
verem domib. ac segetib. iniecerunt, addentes, maledictio in  
istos fructus, in domum, &c. Et sic perierunt ea. Bodinus  
l. 3. Dæm. c. 5. Idemq; gentiles consistuntur, ut Ovidius 3.  
amor. Carmine lasa Ceres sterilem vanescit in herbam, de-  
ficiunt lasi carmine fontis aqua. Et quomodo per Damonem  
nociva agris inferre, sic & eadem per eundem transferre,  
ab uno loco avertere, & in altum derivare possunt. Nulla  
enim hic impossibilitas, quò minus Sathan tam hoc, quam il-  
lud possit, Et lamias eum super eo invocare etiam possibile  
est. Sic per Magos tempestas sub Xerxe sedata, V. t. 1. Apud  
Brachmanes dolia tempestatum & serenitatum fuerunt, t. 13.  
In Novella 65. id quidem incredibile habetur, ut t. 15. vi-  
sum: Nulla tamen ratio improbabilitatis apparet. Sic mor-  
bos interdum Magi sanant, C. 9. t. 23. Cur non tempestatem  
à loco particulari avertant?

17. De translatione autem frugum & agrorum non  
minus constat. Sic Virgilius: Atq; satas alio &c. V. t. 14.  
Tibullus l. 1. El. 8. Cantus vicinis fruges traducit ab agris.  
Id apud gentiles Magicis efficit posse certum habitum. C. Fu-  
rius in parvo agello largiores fructus percipiens, quasi fruges  
venefi-



veneficij aliunde pelliceat, à Sp. Albino accusatus est. Sed ipse vomeres, ligones, ferramenta, boves pastos & validam filiam ostendens, eaq; media, quib. proventum colligeret, esse dicens, absolutus est. Plinius l. 18. C. 9. Idem sub Nerone in agro Marucino Vestij Marcelli Equitis Romani & Caesaris procuratoris universum olivetum viam publicam transgressum, & ipsa pradia è loco suo in contrarias sedes profecta esse scribit, Lib. 17. C. 25. Inde & Lex in 12. Tab. est: Alienam frugem ne pellicito. Idem paganà lege in plerisq; Italia prædijs caveri tradit, ne mulieres per itinera ambulantes fufos torqueant, aut detectos ferant, quod id omnium spei contrariari, imprimis frugum, credatur, l. 28. C. 2. Ita Saga quædam per fistulam omne frumentum bonarij ex agro ad se traduxit, ut ex fistulâ in solarium caderet. Delrius l. 3. p. 1. q. 4. f. 3. Sic in Africâ familiar esse, Gellius l. 9. C. 4. narrat, quæ si impensius arbores, sata, fructus, pecudes, eqvos latiores, laudaverint, continuo ea emoriantur, nulli alij causa obnoxia. Sic è mensâ Papa Cibi & pocula ad Faustum traducta. Histor. Fausti. p. 67. Dardanus Magus, unde annona flagellatores Dardanarij appellati, tale inventum adhibuisse putatur, ut Magicis artibus alienos acervos in sua horrea traduxerit. Turneb. l. 9. Adversar. C. 16.

18. 5. An & fertilitatem agris conciliare valeant? Bloesius in Galliâ Anno 77. insignis Magus hoc Regi promissit, se effecturum, ut terra centenos fructus redderet, cum optimus Gallie ager non plus duodenis adferat, si decimam illi traderet. Bodinus l. 3. C. 3. Sed non accepta est à Rege conditio. Et si quid Magi hic possunt, non nisi medijs naturalibus à Sathana ostensis possunt. Ritibus suis, aut Ceremonijs nihil efficiunt.



D. O. M. A.

*De*

# MAGICIS

ACTIONIBUS

EXERCITATIO VIII.

*De*

Actionibus Magorum in bruta.  
DISPUTATIONIS LOCO

Ad sententiarum Collationem  
In Gymnasio Dantiscano proposita,

PRÆSIDE

HENRICO NICOLAI,  
Phil. Prof. Publico.

*Respondentis partes tenente*

MICHAELE GERWINO,  
Mariæburgense Borusso.

*Ad diem 31 Septembris, S. N. in Auditorio  
Philosophico, horis destinatis.*

---

DANTISCI,

Typis Viduæ GEORGII RHETHI,  
ANNO M DC XLIX.



D. O. M. A.

MAGIS

ACTIONIBUS

EXERCITATIO VIII

Adhibens Magnam in Prælo

DISPUTATIONIS LOCO

Ad sententiarum Collisionem

In Cypriano Dantesco propositis.

PRÆFATIO

HENRICO NICOLAI

Phil. Prof. Publico

MICHAELIS DE WINO

Phil. Prof. Publico

DANIELI

Phil. Prof. Publico

ANNO MDCCLXX



## De actionibus Magorum in bruta.

## Thesis XVIII.

6. **A**N aerem & aquam corrumpere, & lethalem ac tabificam reddere possint? *Omnino. Aquam enim venenatis pulverib. infectis inspicere, tetrum odorem ei conciliare, ac putredinem aliquam ei immittere possunt, unde piscibus exitiosa, & bibentib. ex eâ aut ad eam habitantibus, & halitus ex eâ exsurgentes attrahentibus, lethifera fieri potest. Quomodo Avernus Italia & mare mortuum in Iudæâ lethales aquas fundunt. Aër similiter, quia variarum mutationum faciliè capax, & ad resistendum debilis est, tetros odores & noxias exhalationes faciliè admittit, modoq. frigidus, modo calidus, modo tepidus, humidus, siccus, existit, & uno die variè immutatur, eoq. impressionibus Sagarum suscipiendis peridoneus est. Sic Violæa Saga retulit, se minusum pulverem à Damone traditum in aère spargere solitam, unde eruca, bruchi, locusta, variaq. satorum pestes copiosè enascerentur, & fruges læderent, Remigius l. 1. C. 21 Sic in Persiâ Magi, quacumq. transiturus Rex erat, intolerandum fœtorem in aère excitârunt, quem à Comitibus Christianis Maruta Mesopotamia Episcopi excitatū esse confinxerunt, ne rex gentilium impietate desertâ Christianam fidem susciperet. Sed deprehensi re cognitâ supplicio affecti sunt. Nicephor. l. 14. hist. C. 18.*

19. 7. An montes, sylvas, colles, vineta, arces, palatia, & similia in aère ac terrâ in momento procreare & ostentare possint? *Solenne id Magis est, multa ac magna inter talia promittere. Quid interdum præstiterint, Experimentia*



entia docuit. Possunt vi *Dæmonis*, montes, colles, sylvas, in particulari de locis suis in alia transferre, aliquò ad homines adducere, sicq̃ adducta oculis spectantium sistere, & ad tempus in viciniâ asseruare. Particulam enim terra *Sathanas* loco movere, & aliquò transferre, cum *DEVS* permiserit, potest. t. 6. Sic *Vedij Marcelli* oliuetum *Roma* publicam viam aliquando supergressum, & in alium locum translatus est, t. 17. Ita apud *Juvenalem* sat. 15. Nam citius *Scyllam* vel concurrentia *Saxa Cyanes*, Plenos & tempestatibus vires Crediderim. Et *Cyanea* vel *Cyania* insula vel scopuli sub *Bosphoro Thracio* à *Pœtis* inter se concurrere traduntur. *Flaccus* l. 4. *Argonaut.* Hic iter ad *Ponti* caput errantesq̃ per altum *Cyaneas*, furor his medio concurrere *Ponto*. Qua vel commenta *Pœtica*, vel si veri quid subest, effecta *Magica* & *Sathani*ca esse necessum est, qualia in terra aliquâ particulâ *Sathanam* prestare certum est. Sæpiustamen & hic meras oculorum prastigias excitari à *Magis* constat, ut moveri terra videantur, non reverâ moveantur, palatia, arces, structura represententur, & reipsâ fumi ac apparentia sint, cum momento dispareant. Sic domus aurea alicui ostensa, quæ post *Sterquilinium* fuit, C. 4. t. 19. *Faustus Principibus Anhaltinis* egregias arces & palatia in aëre aliquando ostentavit, quæ momento disparuerunt. Hist. *Fausti* C. 44. *Simon Magus* vasa domestica se locis transferre visus est. C. 4. t. 19.

20. 8. An & in metalla ac mineralia aliquid *Magi* possint, argentum è terræ visceribus eruere, homini suppeditare, pecuniæ materiam & formam verè producere, metalla inferiora, cuprum, ferrum, plumbum, æs, in superiora, ut aurum & argentum, verè transmutare, abditos



abditos in terrâ thesauros invenire, ostendere, suppeditare? Omnino id Sathanas potest, ut arcanus natura mystes, & consequenter Magis suppeditare, & per hos hominib. ostentare potest. Mineralia, ubi in terrâ maximè copiosè latent, auri argentiq. venas, unionum & gemmarum latibula, optime Sathan novit, Mago id commonstrare, & ut commodè eruantur, facere potest. Sic enim & per Virunculos suos montanos passim in Metallifodinis grassatur, & Metallurgis interdum commodum, interdum gravem se exhibet, ut dec.

2. Misc. d. 1. t. 23. ostensum: Et thesauros in terrâ defossos magnam partem Sathanas per spectra aut Spiritus suos obsidet ac custodit, ut multa exempla docent. Sic propè Devam Transylvania Urbem thesaurus repertus, cui serpens aureus, ut custos appositus fuit. Quem rustici tandem reppererunt. Frothoni Danorum Regi thesaurus à Magâ in Insulâ ostensus fuit, qui Draconem ejus custodem interemit. Idem Fridlevo II. Dano contigit, qui per quietem conspecti cujusdam monitu ad thesaurum effodiendum, quem Draco custodivit, incitatus est. In Apuliâ Magus aliquis Saracenus in statuâ, cui inscriptum, Calendis Maij caput aureum habebō, ex umbrâ ejus jactâ ingentem thesaurum reperit. In Zudader castro ingens thesaurus à Demonib. custoditus fuit, quem Christianorum precibus tandem Cabades Rex fugatis Diabolis occupavit, cum Magi & Iudæi nihil auxilij conferre potuissent. Zuingerus Vol. 3. l. 1.

21. Sæpè tamen in his rebus mera Sathana prastigia intercurrent, quib. hominem dementat, & insidias ei struit. Sic Ferrerio Medico Tholosa thesaurum in cellâ fodienti ingens turbo domum & viciniam concussit, & thesaurus à Sa-



zhanâ abreptus est. Magdeburgi 10. homines thesauris inhi-  
 antes turri obruti sunt. Annæbergæ in divite metallifodi-  
 na 12. homines occisi, ut à specu desistere necessum fuerit. Alijs  
 eistam effodientib. turbine ea rapta est, & muri parte deciden-  
 te delumbati illi. Noribergæ aliquis ruinâ domus extin-  
 ctus: Alijs spectri clamoribus abacti, & verberibus in domum  
 usq. suam casti sunt. Bodinus l. 3. C. 3. Grosius p. 1. Magic.  
 p. 157. Apollonius arte suâ thesauros quærere solitus. Sed  
 nemo refert, quidquam eum consecutum, unde ditior evasis-  
 set. Delrius l. 2. q. 12. Agrippa Carolo V. thesaurorum  
 spem per artem Magicam fecit. Sed aulâ & regnis Caesaris  
 exulare iussus est. Anno 1520. Basilea Sartor quidam specum  
 ingressus in scrinio ferreo ingentes thesauros vidit, duob. mo-  
 losis nigris custoditos, quâdam numismata inde retulit. Ali-  
 quot annis post alius civis eam ingressus ossa humana tum vi-  
 dit, & intemperijs actus tertio die miserè expiravit. Simile  
 quid de Priore Margullano, Macriano, & alijs Cigogna  
 l. 3. C. 11. narrat. Conf. Delrium q. 12. Transmutatio-  
 nes autem metallorum in aurum & argentum Sathanam  
 callere certum est, quidam enim homines, ut Villanovanus,  
 Lullius, Baconus, Pharmacopola Tarvisinus, Sidonius,  
 Anth. Boetius, Paracelsus, alijq. sine dolo ac insidijs id po-  
 tuerunt, ut in Chymicis & Physicis probatur. Non autem  
 in naturalibus Sathana cognitio humanâ inferior, sed longè  
 superior est: Eoq. & eam, si velit, verè Magos edocere pot-  
 est. Et quicquid hic egerit, auxilio naturæ, activa passi-  
 vis applicando, per modum naturalis ac artificiosæ producti-  
 onis Sathan & Magus perficiet. Sic Francofurti ad Oderam  
 puella fuit, qua quicquid manibus corripuit, in argentum  
 conver-



convertit, quod deinde devoravit. Aliquando id ei abreptum, & ad principem, missum est. Manlius Collect. p. 40. Quamquam & hic Sathanas, ut pater mendacij, sæpè prestigijs ludet, falsaq; pro veris suppeditabit. Sic Gallis quibusdam Chymicis laborare respondit, qui omnem tandem substantiam furnis decoxerunt. Bodinus c. l. Et thesauros ac pecunias in serdum suis dedit, quæ in finum, scruta, aliq; immutata, relevauerunt. V. C. 4. t. 19.

22. De pecuniæ materiâ aut per Sathanam producendâ quidam dubitant, & fieri non posse censent, ut Damhouderius in prompt. Moral. C. de pecuniæ vituper. Psellus c. d. coll. auri & virt. nihil de promissis verè eum ex se prestare posse ait. Verum etsi sæpè eum prestigijs hic ludere certum sit, ut C. 4. ostensum: Materiam tamen moneta per naturam ejusq; vim, & activa passivis convenienter applicando, verè eum producere posse, negari non debet. Naturam enim adhibere, applicare, intendere, juvare, contemperare, potest. Natura autem moneta materiam verè producit. Quidni per naturam id Sathan possit? Forma autem moneta inscriptio & signatura est, quæ merè artificialis est. At hanc etiam Sathanas prestare potest, & numisma aliquod inscriptione ac imagine aliquâ signare. Et monetam ergò veram producere potest. Deindè majora Sathan producere potest, mixta nempe viventia imperfecta, ut insecta, animalia ex putredine orta, C. 8. t. 1. Quæ metallis sanè perfectiora. Cur non moneta materiam, metallum promat, ubi potestate majore, DEI, non impeditur, ut apud Pharaonis Magos erat, C. 7. t. 4. Creatio autem talis productio non est, quæ est rei ex nihilo aut materiâ naturalem potestatem vel



habitudinem ad productum nullam habente divinâ Virtute facta productio, ut mundi ex nihilo, Adami ex terrâ, Evæ ex costâ Viri, per naturam enim ejusq. vim ista metallorum à Sathanâ productio fit, quæ ad Creationem non ascendit, & in naturâ naturalis potestas, aptitudo, ac proportio ex tali materiâ ad talem formam est, quæ in Creationis materiâ vel termino, unde ea fit, nulla est.

27. 9. An vacuum in naturâ rerum producere, infinitum actu facere, aliquid propriè ex nihilo constituere, à privatione totali ad oppositum sibi habitum rem proferre, Ordinem formarum ac dispositionum naturalium immutare, aut similia præstare possint? Non, quia talia partim ad ordinem Universi pertinent, quem pro lubitu Demon aut Magus immutare non possunt, t. 3. 4. Partim natura statum convellunt, & ab eo non admittuntur, ut vacuum & aliud à DEO infinitum: Partim vim finitam superant, & infinitam nullisq. limitibus constrictam requirunt, ut creare, habitus privatus verè ac plenè restituere. Demonum autem potestas omnis restricta & sub potestate DEI est, t. 10. Partim miraculosam effectiorem præsupponunt, quæ propriè dicta in Demonum potestate non est, ut in Pneumaticis docetur. Ita nec ex qualibet re naturali quamlibet facere possunt, non enim nisi per aptas dispositiones præcedentes id fit, at harum ad quidvis non quævis res capax est, sic ex muscâ nunquam fiet homo: nec quodvis instrumento vel causa quævis effectum gignere, quia nec quodvis agens ad omnem effectum est indifferens, ita ignis nunquam frigesaciet, sed certam proportionem requirit: nec Demonum aut Magorum potestas illimitata est: nec momento rem producere, mutationes enim

creato-



creatorum tempus ad alterationes varias praequirunt, nec aequali tempore quasvis res efficere, quia una ad plures ac perfectiores dispositiones longè plus temporis & mora requirit, quàm alia, quæ paucioribus absolvi potest, nec extrema prætermisissis medijs, aut posteriora ante priora vel contrà producere, nec corpus ad extremum non transmissio medio transferre, vel ultra justum à se distans loco movere, nec in momento aut quantavis celeritate, per vacuum aut quamvis intercapedinem aliquid proferre, nec universi conservationem aut partium connexionem & subordinationem tollere aut impedire, nec agentis naturalis omnib. ad agendum requisitis instructi actiones proximè & immediatè impedire, ut DEVS in igne & martyris illoesos servando fecit: Sed si quid hic agunt, mediantib. naturalibus contrarijs aut artificiosis agunt, quomodo adamas magnetem à ferro trahendo sistit, & alia igni, calori, frigori, ambustioni resistunt, V. Dec. I. Misc. d. 2. t. 22. d. 3. t. 25. Dec. 2. d. 7. t. 13. 20. Ita apud Ethnicos factum, ut capilli flammis non urerentur, ut Ser. Tulli, Iulij, Marcij & alia, V. Plin. l. 2. C. 107. Quamquam & fatuus ignis esse potuit, ut in Physicis docetur.

CAPVT VIII.

De actionibus Magorum in Corpora sensata, ut animalia, & primò quidem in bruta.

**T**a & actiones externæ Magorum in Corpora insensata, qualia Cælum, astra, Elementa, aër, terra, aqua, fruges, gramina, arbores, fructusq. earum, directæ



recta fuerunt. Sequuntur, quæ in Corpora sensu prædita ferri dicuntur. Hæ vel in animalia bruta, vel rationalia ferri possunt. Bruta, quæ animâ sensitivâ materiali à materiâ in fieri, esse, & operari pendente, bestiali ac rationis experie, constituuntur, eaq; rationis propriè dictæ aut verè rationalium operationum capaces non sunt. Tales sunt brutorum procreatio, immutatio, ad supernaturales ipsis actus conformatio, incantatio, fascinatio, Emaciatio, scabificatio, Emulsio, Interemptio, resuscitatio, & similia. Ubiquaritur 1. An Magi erucas, bruchos, papiliones, muscas, ranas, mures, lumbricos, & similia animalcula producere possint? Immediatè ea nec per se, nec per Damonem producere possunt. Magorum enim potentia hic aliena est, & Sathana vi agunt. Sathan autem materialia per seipsum producere aut alterare nequit, quia incorporeus est: Materialia autem & eorum formæ à potentijs materialium per dispositiones materiales sunt educendæ, & mediatè per Damonem aliquid Magi hic præstare possunt. Sed Damonem hic naturam adhibere, & activam passivis applicare, fovere, ac servare oportet, secus nihil producet: Vt propriâ & à se ipsis nihil eorum possunt. In se & ex sese Diabolus animasticè nihil generare potest. C. 5. t. 8. seq. Ex competente tamen materiâ natura & spiritus Univerſi beneficio media adhibendo, & activa passivis convenienter admovento, ceteraq; necessaria elaborando, producere naturalia potest, quæ natura ipsa per media & spiritum suum producere solet. Perspicacissima enim Natura Mystes est, & sic quæ natura in his potest, & ipse assimilando exprimere valet. Ac quod Sathanas hic præstare potest, & Sagis Magisq; suis præstandi potestatem concedere potest.



12. Et patet 1. Quia potestatem Sathana id non transcendit. E. nec à Magis alienum est, ut ista præsent. 2. Quia exempla dantur, quib. ab Magis præstitum esse docetur. Sic in sacris Magi dracones & ranas produxerunt, Exod. 7. 8. In profanis Alexia Violæa crucas aliq. produxit, t. 18. Hoselicia, Drigæa, Boncuriana, Gerhardina, se magnam murium copiam non semel in agris excitasse fassa sunt, qui fruges corroserint. Porelia se sæpius in iumenta æstrum immisisse fassa est, unde continuatis aculeis ea tandem interimerentur. In horto Welsch Antonij ingens camporum ac limacum copia per Magos ibi aliquando congregatos exorta est, quæ undiq. horti area depasta est. Remigius l. 1. C. 21. Interdum magna murium copia in aërem sublata instar pluvie decedit, & collisa est, ut in Maronite montis jugo, & in Norvegiâ, Helſingia, ac vicinis locis bestiola quadrupes Lemmar dicta, per repentinos imbres à cælo deciderunt, quæ omnia virentia destruxerunt, & quæ morſu contigerunt, emortua sunt. Zuing. Vol. 23. l. 2. Quæ per Magos quandoq. procurari putantur. Hoc modo & anſeres imperfectiores Magi per Sathanam producere possint, qui ex arborum fructib. in mare decidentib. & putrescentibus, vel lignis navium putridis gigni putantur, ut in Scotia & apud Hebridum incolæ contingere dicitur, de quo in Phycis. In quibudam regni Neapolitani locis cum femina entuntur, puero nascituro unus vel plures ranunculi vel rubetula præcunt, quæ si terram contingant, puerperam emori necesse est. Quare solum storeis insternunt, parietes aulais conveſtiunt, in lebetes aquâ plenos recondunt, ne in terram decendant, ut ex Torqvemada Delrius l. 2. q. 7. narrat. 3. Quia idem Patres & Scholaſtici docent. V. Au-

Z

gustin.



gustin. 3. d. Trinit. C. 7. 9. Thomam p. 1. q. 114. a. 4. Bonaventur. 2. sent. d. 7. Alenssem p. 2. q. 43. Lombardum l. 2. d. 7. aliosq;

3. 2. An & perfecta animalia, ut boves, eqvos, canes, & quæ nonnisi ex suæ speciei semine proveniunt, pro lubitu producere possint? Non, quia partim talia nonnisi ex suo semine varijs alterationibus per justum tempus elaborato nascuntur, quæ produci non possunt, nisi apparatu materia & organorum satis copioso & disposito existente; Partim in perfectis istis substantijs DEVS vim suam & sapientiam ostendere voluit, nec similia prestare, cui ad analogiam Creationis ascendere Sathana concessit, unde DEVS ipse de talium brutorum conformatione magnificè gloriatur, quod nulla Creaturarum in eo ei par esse possit, Job. 30. 40. 41. Partim Sathana potestas restricta, & ad certum circum determinata, non infinita & ad omne factibile extensa est, qualis DEI est. Nam nec pediculos producere potuit, Exod. 8. V. C. 3. t. 1. Nec animaliter generare potest, C. 5. t. 8. Aut homines in bruta substantialiter transmutare, C. 6. t. 3. 4. Aut Iobi bonis pro lubitu nocere, porcos ingredi, Achabum decipere potuit, nisi quantum à superiore DEI potestate ipsi indultum fuit. V. C. 3. t. 2. Si quid in oppositum Magi huc glorientur, vana iactantia est. Si quid prestare videantur, mere prastigia & elusiones sunt, & quæ non sunt, esse extrinsecus apparent. V. C. 4. t. 19.

4. 3. An animalia ex unâ specie in aliam verè & substantialiter transmutare possint? Perfecta animalia, ut bovem, leonem, asinum, non, forma enim horum ad certam materiam ac apparatus organorum est determinata, extra quam



quam esse aut subsistere non potest, nec natura in his species variare solet. Conf. C. 6. t. 3. seq. Imperfecta, ut insecta, Scarabeos, nonnisi per naturam ejusq. dispositiones materiales, quibus ipsa natura imperfectas istas species interdum variare solet. C. 1. t. 14. immutare possunt, quas maturare, juvare, & accelerare Sathanas à Magis invocatus potest, eoque per Magos talia immutare potest. Quamquam & hic sæpe præstigiola intercurre certum sit, ut immutari videantur, quia celeriter subducta, & alia eorum loco substituta sunt, quomodo de baculis in dracones à Magis Pharaonis versis quidam sentiunt, C. 1. t. 2. 4. An ad mirabiles actus & naturas brutorum transcendentis bruta aut inanimata, vel cadavera eorumvè partes conformare possint? Omnino. Nam & vires, robur, sagacitatem, velocitatem, agilitatem, ultra naturas eorum brutus Sathan conciliare potest, ut earum beneficio mirabilia perficiant, & quia naturales eorum vires aliàs multum superent: Et ipse Sathanas bruti speciem assumere potest, ac in ea in gratiam Magorum ac jussu eorum mirabilia exercere, ut Magorum industria solertia ista adscribi videatur: Et exempla in promptu sunt, quomodo bruta Magicis impulsibus acta miros effectus ediderint. Similiter enim DEI agit Diabolus, ejusq. acta assimilat, C. 3. t. 19. Itaque quomodo DEVS bruta interdum ad mirabiles actus instruxit, ut Bileami asinam ad humanum sermonem, Num. 22. Balanam ad deglutendum & iterum revomendum Ionam, Jon. 2. Corvos ad invocandum DEVM, Job. 39. v. 3. Et cibandum Eliam, 1. Reg. 17. v. 4. 6. Sic & Sathan per bruta similia agere ac ostentare cupit.

5. Ita serpentem ad differendum cum Eva conforma-



vit, Gen. 3. *Gemina columba Dodonis loquaces fuerunt, quercus Dodonaea responsa edidit, Apollonius Thyaneus ab Ulmo apud Gymnosophistas salutat<sup>us</sup> est, Pythagoras à Caulo fluvio verbis compellatus, salve Pythagora. Simonis Magi Canis voce humanâ usus est. Cigogna l. 4. C. 6. Simulacrum Fortune Romæ bis locutum fuit, ritè Matronas se vidisse & dedicasse. Valer. M. l. 1. C. 8. Halicarnass. l. 8. p. 617. Iunonis Moneta simulacrum velle se Romam migrare respondit. Valer. c. 1. Sub Volumino Romæ bos mugitu in humanum sermonem converso audientes exterruit. Infans semestr<sup>is</sup> in foro boario triumphum proclamavit. In bello Punico 2. bos Domitio dixit, Cave tibi Roma. Valer. c. 1. C. 6. Sub Bochoride Ægyptio agnus locutus. Alsted. in histor. Saga cujusdam Franciscæ Senensis canis locutus. Grilland. q. 7. Theotechnus Magus Antiochiæ simulacrum Iovis oracula fundere fecit, Eusebius l. 9 hist. Eccles. Cyrillus l. 3. c. Julian. Interdum Sathan ipse bruti specie assumptâ mirabilia patrat. Vt Wagneri Magi simia, quæ Navem onerariam motu celerissimo adverso Danubio traxit, quam octo equi difficulter movere potuerunt. Tibijs cantavit instar periti Musici. Saltationes artificiosas explicuit, testudinem pulsavit, aliq<sup>u</sup> artificiosa exhibuit, Captum simia multum superantia. Hist. Wagneri lit. E. 4. Et G. 6. Magdeburgensis aliquis Magus equulum habuit, quem per circulum transilientem ostendit. Postea se in calum ascensurum dicens, in altum projecto fune statim equulus consecutus est, cujus caudam tenens Magus & ipse in sublime tractus est. Goedelman. l. 1. d. lam. C. 3. Cygnus aliquis argenteâ catenâ navem in Rheno traxit, ex quâ peregrinus miles in terram exsiliij. Wierus l. 2.*



C. 46. Bizantijs agyrta cujusdam canis divites, pauperes, maritatas, viduas, meretrices, agnoscere potuit. Alius canis canis scortatores, adulteros, avaros, varios circulos, monetas, agnovit, unde pythonis spiritum habere creditus est. Camerar. C. 1. C. 24. Grosius p. 1. Magic. p. 123. Beyerling. Poly. V. Canis. Sic asinum quendam Cairi mirabilia patrassse Bellonius l. 5. Observ. refert, quæ à Magistro dicerentur, rectè accepisse, pulcherrimas mulieres agnovisse, super hordeo adferendo exultasse, & semilia. Epidaurius serpens quàm mira in itinere Romano patravit, apud Valerium M. l. 1. C. 8. describitur.

6. An & brutorum voces, garritus, Magi intelligere queant? De Apollonio id tradit Philostratus, quod hirundinum ac passerum garritus intellexerit, eosq; asinum ad portam frumentum dispersisse dicere notavit. Eadem de Melampo ac Tiresia Veteres fabulati sunt. Sed bestie cum ratione careant, ut in Physicis docetur, etiam alijs aliquid indicare non possunt, quod opus rationis est, eoq; nec talia Magi intelligunt, & si quid hic resciscant, Sathanâ suggerente resciscunt, ut de frumento sparto, non quod aves invicem id indicent, aut indicari Magi intelligant. Affectum & appetitum Corporis per signa exteriora, vultum, voces, modos earum, deprehendere homines possunt. Hac & Sathan novit, & suos, si velit, edocere potest. An unquam presterit, incertum est. 6. An intelligentiam discursivam brutis largiri queant? Non. Hac enim non sine ratione, & hac non sine imagine DEI ejusvè ruderibus, C. 6. t. 6. est, quæ in brutis non locum habet, sed soli homini propria sunt, ut in Physicis docetur. 7. An incantare bruta, illis nocere, eaq;



interimere possint? Incantatio est actus Magicus, quo vel Scripturę abusu, vel blasphemis à Sathanà hauſtis verbis, vel characteribus, rebus, aut ceremonijs adhibitis, animalibus noxa infertur, Mago ex pacto cum dæmone, quod habet, operante. Unde Incantatores. Epodi, C. 1. c. 14. *Posse id Magos patet* 1. Scripturâ, quæ incantationum ac incantatorum meminit, ut cum Magos Ægyptios incantationibus similia Moſi feciſſe tradit, כִּלְחָשִׁים Exod. 7. v. 11. 12. C. 8. v. 7. 18. Vbi כִּלְחָשִׁים propriè incantationes notat, & cum serpentem aures obturare ait, ne voces incantatoris percipiat, Psal. 58. v. 5. 6. כִּלְחָשִׁים, Vbi כִּלְחָשִׁים musitare & incantare est. Item cum serpentes Deum immiſſurum minatur, qui non incantari poſſunt, adeoq. à quorum morſibus illi nec præmuniri, nec ſanari poſſunt. Jerem. 8. v. 17. Vbi כִּלְחָשִׁים iterum est. Cur autem serpentes frequentius, quàm alia eſſe bruta, incantentur, in Phyiſicis docetur. 2. Naturâ. Quia affectus malignus per murmuraciones aut ceremonias Magorum à Sathanà pecoribus immitti, poteſtatem Sathanæ non ſuperat, ſed ei ſubjacet, ſi DEVS permittat. Quid enim eum hic impediret? At hoc ipſum eſt incantare. 3. Experienciâ, quâ Magos in pecoribus alijsq. rebus ſapè id præſtiſſe conſtat. Sic Salizburgi Incantator aliquis omnes serpentes in conſinio ad ſe in foveam adducere & interimere voluit. Sed ab uno ingenti serpente in foveam tractus ac interemptus eſt. Bodinus l. 2. C. 2. Goëd. c. 1. C. 6. Ita Serenus Medicus ad hamitritem morbum incantationem recenſet. Inſcribit Charta, quod dicitur abacadabra, &c. Et Ammianus Marcellinus incantamentum ad odontalgiam leniendam ad Medicinam pertinere reſert. Tholoſan. l. 34. C. 9.



7. Druidæ ovum angvium certis ceremonijs suo tempore incantârunt, cui magnam vim ad multos effectus tribuerunt. Idem C. 10. Amatoria incantamenti induci posse constat. V. C. 10 t. 4. In Circensib. ludis velocitatem equis suis, adversariorum tarditatem & torporem inducere solent. Arnobius l. 1. co. gent. Cassiodorus l. 3. Ep. 51. Crocodilos à piscatoribus incantari solere ex Villemontio Delrius q. 13. tradit. Tentyritas Crocodilis innoxie ineqvitare Plinius docet. Harcalo leones impunè attraxit. Vmbro hydros sopivit. Pythagoras feram & grandem ursam, ut & bovem, placidissimos reddidit. Beyerling. Vo. Miracul. p. 549. In Thessaliâ Malefica fuit, quæ Basiliscum incantavit. Aristoteles l. d. mirab. audit. circa finem. Grillandus Roma se Magum vidisse q. 8. ait, qui solis verbis ferocissimum taurum compresserit, ut chordâ debili ligatum per aliquot milliaria mediâ nocte circumduxerit. Sed pactum Sathana hic intercessit, qui taurum cecuravit. Ad incantationem enim, ut resferam pacti cum Mago, genius advolat, & bruta exarmat, sedat, execat. Solorum verborum vis tanta esse non potest. Et hoc modo Hilarius in Psal. 57. fabulas de Marfis & similib. putat, quasi vi carminis talia contingant, ut Vulgus putat. Brachmanes in Indiâ balanas per diem incantârunt, ne noxas inferrent. Venetus l. 3. rer. Orient. C. 23. Grosius p. 1. Magicor. p. 104. In Vrbe Parisiensi glires incantari, ne ibi essent, aut nocerent, & glis arcus sub cuniculo pontis defossus fuit. Quo ablato glires extra numerum ibi grassati. Tholosan l. 34. C. 18. n. 4. Interdum Canes incantant Magi, ne latrent, homines, ne clament, naves, ne ullo ventoporum excedant, molendina, ne ullo impetu volvantur, aves,



*ne volent, & similia, Goëdclm. l. 1. C. 6. 4. Authoritatibus Christianorum & gentilium. Ex Christianis Hieronymus, Basilius, Augustinus, Arnobius, Theodoretus, Beda, Euthymius in Psal. 58. Nemefianus Ecl. 4. cantavit, quod luna timet, quo rumpitur anguis, quo currant scopuli, migrant sata, vellitur arbor. Manilius l. 5. Non inimica facit serpentem membra creatis accipient sinibusq; suis poploq; fluenti. Ex Gentilibus Virgil. Ecl. 8. Frigidus in pratis cantando rumpitur anguis, & alijdem attestantur. Similia apud Silium Italicum, Petronium in sat. Lucanum l. 6. Tibullum l. 1. Ele. 8. Senecam Mede. act. 4. aliosq; videas.*

8. 8. An & fascinare bruta possint? Fascinatio propriè loquendo, (generaliter enim quamvis gravem deceptionem & dementationem notat, quomodo per translationem Sap. 4. v. 12. & Gal. 3. v. 1. sumitur, & quomodo praestigia sensuum fascinationes vocantur.) est actus Magicus, quo invidè aspiciente aut dilaudante aliquem Mago, Dæmon ex pacto cum eo occultè modo sibi cognito laddit id, quod fascinari appellatur. Dicitur etiam involvatio. German. Bersprechen. A fando quidam deducunt. Sed rectius à Græco *Εἰσέλαω*, invideo, deducitur, quod invidi imprimis alijs adspectu nocere credantur. Non jam de fascino vulgari, quod apud Poetas & vulgum obinet, vel Medico, quod à Corpore venenato per occultum defluvium ad alium defertur, & naturale est, ac ad morbos venenatos & contagiosos pertinet, nec lesus propriè fascinat, sed venenatum facit, quaritur, sed Magico, quod ex pacto cum Sathana à Mago in alium deriyatur. Competere id Magis patet



patet 1. Ratione, quia Daemonis potestatem id non transcedit, sed ei subiacet, laedere aliquid laudante vel intuen-  
te id Mago. E. & per Magum prestare potest. 2. Experientia,  
quia pecora, agnos, hædos, arbores, equos, imprimis pueros,  
V. C. 9. t. 25. interdum ita emaciare ac perdere eos comper-  
tum est. Sic apud Virgil. — Nescio, quis teneros oculus mi-  
hi fascinat agnos. Et apud Vallesium C. 68. sa. Ph. gallinas  
agnos, equos fascinosos aliquando cecidisse feruntur. Sic Hieronym.  
Vida l. 2. bombyc. in Tuscia senem se vidisse refert,  
qui tenui obtutu genus omne necabat, Reptantum, teneras ani-  
mas parvasq. volantes. Hortu ingressus, ubi annus ver redu-  
xit, ille hortus stragem dedit, arboribusq. ruinam, Spemq. annæ  
agricola mæstiflere caducam. Ita Vetula fuit, quæ nobi-  
lis mulieris ventrem blandiens tetigit, magnamq. alteratio-  
nem illa sensit, ac fatum frustillatim cum vita periculo postea  
eiecit. Alia graves dolores ex vetula contactu sensit, & spi-  
nas, ossa, ligna, aliaq. alvum excernendo eiecit. Sennertus  
p. 6. Pract. Med. l. 9. C. 1. 3. Authoritatibus. Quia  
partim Scriptura ejus meminit, ut ante dictum: Partim Gen-  
tiles, ut Virgil. c. l. Item Ecl. 7. Aut si ultra placitum lau-  
dârini, Baccare frontem cingite, ne fati noceat mala lingua  
fusuro. Sic Veteres contra fascinum ter despuabant. Ps. The-  
ocritus. Sic Tibullus l. 1. el. 2. Hunc invenis turba cir-  
cumserit arcta, despuat in molles & sibi quisq. sinus. Ita apud  
Theophrastum l. de Characteris, Aristotelem in pro-  
blematib. s. 20. Plinium l. 26. nat. hist. C. 10. & l. 28.  
C. 4. 8. Et l. 3. C. 4. quædam de fascino occurrunt. Idem  
de Triballis & Illyrijs, ac quibusdam familijs in Africa l. 7.  
C. 2. tradit, quod visu, voce, laudatione, infantes, arbores,



aliaq. interimant vel lædant. Sic Vairus libros de fascino scripsit, & apud Medicos in morborum generibus fascinum enarratur, ac quoddam Magicum agnoscitur. V. Sennert. c. l.

9. Dices 1. Si fascinatio est. E. solus aspectus vultus nocere & interimere poterit. R. Non sequitur, Visio enim recipiendo fit, non emittendo. Et rectius pacto Sathanico totum id adscribitur, qui malam qualitatem per ærem circumstantem diffundit, quam animal respirando per cordis arterias ad cor attrahit, unde labe & tabes toti corpori communicatur. 2. Sic solis verbis aut solo tactu noceri poterit à Mago alijs, quod C. 7. t. 11. Et C. 9. t. 26. negatum. R. Etiam non, sed Daemon ex pacto hic ladir. Rectè Scaliger ex. 349. Nec verum est, ab homine homini noceri posse verbis. Nam quis illa eum verba docuit? Non homo alius, non coelestis Intelligentia, nam quis eam facere audeat authorem fascini? E. malus Dæmon. Non ut hominem faceret potentiores: sed ut ipsum deciperet credulitate, ac socium haberet tum impietatis, tum æterni exitij. Hoc modo communiter fascinum, quod solo oculo aut verbis & tactu perficiatur, ut fabulosum & superstitiosum delirium à prudentibus rejicitur. Vairo, Anania, Vallesio, c. l. Basilio M. homil. d. invid. Sennerto c. l. Delrio l. 3. q. 4. p. 1. alijsq. Quæ Plinius & Gellius de quibusdam hic narrant, C. 9. c. l. videbuntur. Quæ de tactu dicuntur, ea per venenata effluvia perficiuntur, & sic ad venenatos morbos pertinent, quos Magos inferre posse certum est, t. 10. 11.

10. 9. An & emaciare bruta queant? Eodem modo, quo fascinando interimere, & emaciare, ac tabificâ lue  
per



per demonem ex pacto ladentem inficere brutum possunt. V. c. 8. Sed non solius aspectus aut verborum hac vis est, sed Damonis & Magi, beneficio aliove modo affricta, ut c. 1. dictum. 10. An lac mammis vaccarum, caprarum, aliorumq; extrahere & emulgere queant? Per Demonem omnino id possunt, quamvis ridicula ipsorum Magorum ceremonia nullius hic efficacia. Estq; hac praxis apud striges satis frequens & decantata. Nec potestate Damonis id superius est, & experientia comprobatur. Sic in Trevirensi ditione Saga combusta, quæ ex pariete per epistomium lac venditū misisse solitam se fassa est. Romæ duæ malefica matres lacte desiccando multos pecudum fetus abortando perire fecerunt. Alia lac vacca vicini impedire volens cultro ad ostium domus, in quâ vacca, perrexit, ac versus aliquos demurmuravit. Sed ab hero vacca fustib. egregie dedolata fuit. Delcius l. 3. p. 1. q. 4. l. 3. Interdum cultrum aliudve in parietem insigunt, manus ad mulgendum componunt, Sathanam invocant, & hic lac abripit, ac de Sage instrumento defluere facit. Interdum herbis, verbis, tactu, lacte, armenta ac pecora, quæ lubet, privant. V. Sprengerum p. 2. C. 14. Interdum lactis receptacula ac canales in vaccis Sathanas obstruit ac impedit, & sic generari nequit. Wierus l. 4. C. 10. 11. An & maleficio brutis nocere, eaq; perdere possint? Omnino. Nam & venena defodere, allinere, affricare, pulveres venenatos spargere, herbas venenatas, quales Cicuta, Salamandria, aconitum, napellus, pintuocarpus &c. adhibere, aquas intoxicare, aliq; patrare possunt, quæ à jumentis ac pecoribus hausta vel attracta, noxam inferre oportere certum est: Et Sathanam movere ac invocare possunt, ut à occultis



modis pecudes subeat, exagitet, corporibus operè se insinues, in visceribus lateat, valetudinem vitiet, humores enscias, morbos ciat, mortem inferat: Et ex vitioso halitu interdum interimere possunt. V. C. 9. t. 14.

11. Quod patet 1. Scripturà, quæ maleficiis mortem inferendam constituit, Exod. 22. v. 18. Quod non fieret, nisi reverà maleficio nocere possent. 2. Experientià, quæ quotidie id verum deprehenditur. Sic Ravensburgi Saga auriga cuidam 23. equos maleficio occidit, cumq; ad pauperiem reductus 24. emeret, sagamq; se suis manibus interempturam, si equus periret, interminaretur, terribi malefica equum intactum reliquit. Alij in Argentinenſi dioceſi anni ſpatio 40. boves & vacca maleficio perierunt. In Alpibus maximè frequenter jumenta maleſciantur. Sape à Paſtoribus obſervatum, animalia 3. & 4. saltus in aère facientia, subito in terram collapsa interiſſe, Sprenger. T. 1. Mall. p. 2. C. 14. q. 1. In pagis armenta periſſe ex faſcino in via deſſoſſo novimus, quo eruto & amoto actus mutatus eſt. Peuceſus d. divin. p. 158. In Ovili quodam Biturigum 300. pecudes uno momento extinctæ ſunt. Bodinus l. 2. C. 8. Similia ap. Remigium l. 2. C. 7. 8. vide. 3. Authoritatibus Juris Civilis & Canonici, Patrum, aliorumq;. Ex Jure Civili V. Cod. d. mal. & Mar. l. 9. t. 18. Et leg. Cornel. d. Sic. & Veneſ. L. Corn. Inſt. d. publ. Judic. Item Conſtit. Carolinam. don Zauberer/ ex Canonico p. 2. decret. cauſ. 26. q. 1. 2. 3. 4. 5. Conſtitutiones Alexandri 6. Adriani 6. Sixti IV. l. 7. decretal. C. 1. 2. 3. Innocentij VIII. item, V. C. 7. t. 14. Ex Patribus Auguſtinum l. 10. d. Civ. Dei in Jur. Can. 26. q. 5. C. 14. Et ſerm. 207. d. tempore. Etq;



communis Theologorum & Philosophorum sententia. Quidam, ut Wierus l. 3. C. 35. Lercheimer d. Zaub. Cap. II. Prætorius d. Zaub. C. 9. aliq. negant, Lamas nocere brutis posse. Sed intelligendi de otiosis earum ceremonijs, visu, cogitatu, imprecatione, volitione, murmuratone, & similibus, quod per hac nil realiter noceant. Alias per venena & Sathana interimentis vim noxas inferre posse certum est.

12. 12. An bruta demortua verè in vitam revocare possint? Perfecta non, ut canes, tauros, leones, elephantes, & similes; Ista enim animalia perfectiores quasdam dispositiones ac organorum accuratorem preparationem requirunt, quæ non nisi naturali seminis virtute confici queunt, ac semel substantialiter destructa reduci ita à finis virtute non possunt. Quod Iudas quidam Magus Zambre fassus est, qui tantum verbis in aurem submurmuratis occiderat, vivificari eum, nisi à DEO, non posse, apud Simeonem Metaphr. in vita Sylvestri. V. Marullum l. 2. C. 7. Imperfecta & insecta, ut muscas, scarabeos, aliq. ex putredine genita, quæ natura interdum revocat & reducit, beneficio ejusdem & auxiliorum ejus etiam Sathan ac Magi ejus reducere possunt. Sic muscas cinere aut cretâ tepesactâ revocamus, Sol verno tempore illas iterum animas, & è latebris educit, similiter ranas è putredine, in quâ velut mortua per hyemem latuerunt, hirundines ex aquis & cavernis, in quibus hyeme obruta, reducit, & ad vitam Calor Solis beneficis revocat. Sic anguilla defectu aquæ mortua revocantur, si in acetum sanguine vulturis permixtum injiciantur, & sub fimo recondantur. Idem Sathanas per Magos prestare potest. Vim enim caloris putredinalis novit, & latera ad revocandum requi-



*sita. Sed mors talium animalium imperfecta erit, & anima in potestate sui corporis sopita latebit, sicq; requisitis admatris in actum excitabitur. Si completa & absoluta mors fuerit, vix eandem formam semel in Corpore suo, ut materia, informare plenè desitam, & quidem eandem numero Sathanas revocabit, sed novam educet aut inducet in materiam, aut novum animal undecumq; raptum subducto veteri oculis subiciet, & solius DEI manebit privilegium, eandem præcisè numero formam eidem materiæ de novo illigare.*

13. Quamquam enim & per naturales causas quandocumq; tale quid fieri posse Scotus & Richardus in 4. sent. d. 43. q. 1. & 3. censuerunt: Melius tamen & fidei Christianæ convenientius Capreolus & Sotus in cit. dist. Soncinus 5. Meta. q. 6. Toletus 2. de gen. q. 13. alijq; soli divinæ potestati sine motu, tempore, & intrinsecâ mutatione agentis id reservatum censent, naturali negant, cum omnis per motum, tempus, & mutationem agat, ut in libris de generat. pluribus disceptari solet. Et de perfectis brutis in vitam reductis, ut de Dracone Xanthus, de omnibus brutis Agrippa, ap. Delrium l. 2. q. 29. De Leone Apollonij Philostratus, de tauro prestigiatoris alicujus Petrus de Abano & Remigius l. 2. C. 7. De alijs alijs quæ habent, aut meræ præstigia & illusiones Magica fuerunt, & Sathanas ipse cadavera ingressus ad tempus ea vegetavit, V. C. 4. t. 22. Non vitam animale[m] verè illis Magi restituerunt: Aut meræ fabula & commenta Poëtica sunt: aut verè ac totaliter mortua ea non fuerunt, sed sopita tantum ac mortuis similia, quomodo quædam animantes certo spatio immota jacent, ac verè excitantur vitæq; reduntur, ut glives, hirundines, musca, passer vitulinus apud Carda-



Cardanum l. 7. d. variet. rer. Secundum quosdam & Lucamorienses Rusi in Moscovia apud Guagninum in descrip. Sarmatiz. Quod tamen merito fabulosum Herbersteinio alijsq; videtur: Nisi forte meris prestigijs Diabolicis absolvatur, cum ingens apud Septentrionales istos Magorum copia sit. De hominis autem resurrectione C. 9. t. 38. videbimus.

## CAPVT IX.

De actionibus Magorum in hominem,  
& primò quidem magis naturalibus.

**I**Actenus secundaria Objecta fuerunt, in quibus actus suos Magi, authore Sathanâ, expediunt. Sequuntur primaria & nobiliora, quæ & majore odio, ut juratus hostis Magorum patronus, Sathanas, prosequitur, & in quæ omnem armaturæ suæ apparatus decipiendo, lædendo, interimendo, versando, varijsq; modis agitando, Magi expediunt, quæq; ad eò omnis generis actibus exercent, homines. Quæ quomodo se habeant, porro jam dispiciendum erit. Ut ordine aliquo in illis procedatur, actus Magorum circa homines in naturales & magis morales dispesci possunt. Naturales, qui naturam hominis Physicam magis concernunt. Tales sunt hominum productio, sexus variatio, in Conjugio ligatio, morborum immissio, Incantatio, maleficiatio, somnificatio, morbor. Curatio & propulsatio, Infantum fascinatio, permutatio, juventutis restitutio, & similia. De quibus sequentia quaruntur.



2. 1. An per coitum cum homine Dæmon verè, si velit, hominem generare possit? *De hoc C. 5. t. 7. seq. actum, & de Damone incubo ex parte id ostensum.* 2. An verè Magi homines in fues, lupos, eqvos, asinos immutare possint, retentâ in corpore bruto animâ humanâ? *Non. Quia nec seipsos Magi verè ita immutare possunt, quicquid prestigiâ hic obfundant, C. 6. t. 3. seq. Minus alios à se ita immutare poterunt: Nec Corpori aut anima humana proportio ad ea competit, ut c. 1. t. 6. visum.* 3. An verè hominibus capita cervina, bovina, eqvina, asinina, aptare possint? *Non. Sed mera prestigiâ ac illusiones Diabolica sunt, ut cum homines sua capita habeant, intuentibus tamen per prestigiâ elusis eqvina aut bovina esse appareant. Eoq; pertinent, quæ de Caputibus brutorum hominibus à Magis aptatus historia recensentur. Sic Wagnerus Magus Padua Marito caput bovinum, & uxori ejus vaccinum aptavit. Hildebrand. p. 75. Goëti. In Angliâ unus Magus alterius capiti cornua cervina aptavit. C. 6. t. 21. Saga quædam capitibus ferinis apparuerunt, C. 6. t. 8. Zytho Bohemus Magus conviviarum regis manus in pedes boum, ungulas eqvorum, transformavit, ne eas ad patinas porrigere possent, quoties è fenestris ad spectacula prospicerent, frontibus eorum cornua cervina latissima adiecit, ne ora rursus ad mensam referre possent. Delrius l. 2. q. 6. ex Dubravio l. 23. hist.*

3. 4. An sexum humanum mutare possint, ut ex Masculo foemella, & vicissim, fiat? *Naturaliter id interdum factum fuisse legimus. Sic Hippocrates l. 6. Epidem. f. 8. Abderim Phatusam Pithei uxorem partui vicinam menstruum fluxu aliquot mensibus cessante magnisq; doloribus superatis, corporis habitu in virum degenerasse, idemq; Anamisia Gorgippi uxori evenisse tradit.*



## COROLLARIA

### Respondente adjecta.

1.

An & infideli ac hæretico Magistratus à Christianis debeat obedientia? Aff.

2.

An humanæ leges in Conscientiâ obligent? D.

3.

An liberum arbitrium post lapsum in civilibus & moralibus in homine supersit, an totaliter illud deperditum sit? Aff. prius.

4.

An usuræ pro pecuniâ in usum alteri elocatâ ultra sortem, moderatè, & citra damnum proximi acceptæ, illicitæ, proprioq; sensu peccata sint, & in lege Dei prohibitæ? N.

5.

An usus ille alter alterum ad duellum provocandi sit ferendus in Repub? N.

6.

An in Christianorum scholis liceat tractare libros gentiles? D.

7.

An foeminæ possint dici fortes? Aff.

8.

An fortitudo cadat in hominem lacrymantem? D.



*Ad Politissimum juvenem,*

**Dn. MICHAELEM GERWINVM,**  
in Magicis non Magicè  
disputantem.

**B**ella movens bellè bellissima de arte Magorum,  
Bellè debellas, dulcis amice mihi.  
Nam Bellatores in castris belligerantes  
Martis, si semper bella brabea ferunt:  
Cur non in castris quoque Tu, Gerwine, Minerva  
Bellè belligerans, bella brabea feras?  
Pergas: sic certe pulchrum bellumque trophaum  
Pro bellis istis, Te, mihi crede, manet.

Ita Humanissimo Dn. Respondenti, Commen-  
sali ac Amico suo singulariter dilecto, ap-  
plaudere ut voluit, ita debuit

Christianus Nifanius,  
Holsatus.

**Q**uod magicos actus scitè, doctissime Gerwin,  
Discutis, atque catos aperis quòd Dæmonis  
altus;

Quæis nobis persæpe imponit *μυριότηχνης*,  
Id probat ingenium doctum, scitumque; catumque;  
Teque simul procul à populo secernit agresti,  
Talia qui stupet ac admiraturque; loquentem.  
Hoc igitur decus ex animo tibi gratulor, optans  
Ut tibi pro studiis contingant præmia rara.

Wilhelmus Büthner/  
Regiom. Prusius.



D. O. M. A.

*De*

# MAGICIS

ACTIONIBUS.

EXERCITATIO IX.

*De*

Actionibus Magorum in hominem  
magis naturalibus.

DISPUTATIONIS LOCO

Ad sententiarum Collationem  
In Gymnasio Dantiscano proposita,

PRÆSIDE

HENRICO NICOLAI,

Phil. Prof. Publico.

*Respondentis partes expediente*

DAVIDE ERDTMANNO,

Mariæb. Borusso.

*Ad diem Septembris S. N. in Auditorio  
Philosophico, horis ab 8. matutinis.*

---

DANTISCI,

Typis Viduæ GEORGII RHETII,  
ANNO M DC XLIX.



D. O. M. A.

MAGIS

EXERCITATIONES

DE

DE

DE

DE

DE

DE

DE

DE

DE

DE

DE

DE

DE

DE

DE



De actionibus Magorum in hominem  
magis naturalibus.

## Thesis III.

**D**E Spolitanâ muliere idem Livius l. 24. De puero ex  
virgine facto, de Aesconte, L. Cositto, alijsq; Plinius  
l. 7. C. 4. De Franciscâ & Carolâ Guarnis Fulgosus, de Ma-  
riâ Patheca Amat. Lusitanus, de alijs Phlegon, Nicander,  
Trallianus, alijsq; testantur. De pavone in pavam, & ephe-  
bo Campano in virginem transeunte Ausonius l. 1. Epigr. 68.  
scribit. Additq; sed mollioragna adstitit, in tenerum de  
grege versa marem. Confer & Gellium l. 9. N. A. C. 4.  
Mizaldum C. 8. Mem. c. 1. Cardanum l. 8. d. rer. Variet.  
Zuingerum Vol. 2. l. 2. Cigognam l. 4. C. 5. aliosqve.  
De Cajetanis, Hispanicis, Neapolitanis quibusdam similia ex  
Torquemadâ & alijs narrat Delrius l. 2. q. 22.

4. Medici talia vel membris virilibus intus in Cor-  
pore latentibus, posteaq; conatu aut vi erumpentibus, vel utroq;  
membro simul in Corpore existente, sed non aqvè animad-  
verso, vel myrto nymphaq; muliebri increfcente pingviq;  
cui involvitur, velamine effracto, caloris naturalis impetu,  
in penem, cui persimilis est, protruso, vel ad fæmineum se-  
xum masculino adhuc adjecto, & androgynis factû, prævalen-  
te tamen virili, unde pro Viris habentur, vel simili modo fieri  
ajunt. Quodd si ita est, & Natura vim talia moliri constat,  
etiam Sathanam ac Magos adhibita in auxilium Naturâ, si-  
milis prestare posse certum est. Quanqvam interdum  
præstigias hic intercurrere, & Viros ex mulieribus oculis à



Sathanâ perstrictis, qui reverâ mulieres sunt & manent, videri posse certum est, quomodo nonnullis virilia abstracta visa fuerunt, quâ reverâ in Corpore permanserunt, t. 10. Sed an & virum in foeminam Magus mutare queat, etiam hic quærat? Delrius negat c. 1. Sed si vera Natura exempla sunt, ut pavonis in pavam, Ephebi in Virginem, Tiresia Si-proeta, in mulieres ex Viris, t. 3. etiam Damoni naturam in auxilium adhibere valenti, ac consequenter Mago per demonem agenti, non id penitus negandum sit. Cum multa alia per maleficium patret, t. 5. seq. Et consentit Delrius, posse Daemonem semine Virili aliunde arrepto & incubum præstante, verum hominem ex Sagâ aliave muliere generare, C. 5. t. 7. Quod majus & incredibilius est. Cur non ex Viro foeminam per sexus aliquam mutationem conciliare queat? Similiter formas substantiales imperfectas immutare potest, quas Natura interdum immutat, C. 8. t. 4. Vbi major, quàm inter unius speciei sexum diversitas est. Magus ejusdem speciei sexum cum immutare posse credibile est.

5. 5. An conjuges ligare queant, ut coire, sibi debitum conjugiale reddere, & sobolem progenerare non possint? Frequens hoc in Magicis, & maleficium ligaturæ vocatur, Binder/ Nestel/ Knüpffer/ C. 1. t. 14. Et ligandi modos ultra 50. Bodinus l. 2. C. 1. tradit. Negant quidam, ut Wierus l. 4. C. 20. 21. Lamas hic aliquid posse. Sed de otiosis verbis ac ceremonijs intelligendi, quibus vitium illud ligaminis non perficitur, quicquid delira anus sibi persvadeant. Motore Sathanâ tamen Magos id posse patet 1. Experientiâ, quâ nonnullos conjuges ita ligatos esse constat. Sic Juvenis quidam Roma sub Henrico 3. Imp. qui

cum



cum uxore congressurus densum ac nebulosum quid inter utriusq. Corpus volutari sensit, quo à congressu impeditus est. Vincent. Belvacensis l. 26. hist. Amasis Ægypti Rex ligatus, ne cum Laodice Vxore congredi posset, donec Magicis carminib. eo iterum solveretur. Herodotus l. 2. Theodoricus Gothorum Rex cum conjugē coire nequijt, etsi cum concubinis potuerit. Æmilius in vit. Clotharij. Galeacius Sfortia fraude tactus fuit, ne matrimonio Isabella Arragonia posiretur. Guicciardin. in hist. Ital. Mall. malef. p. 2. q. 1. C. 6. In Isbrug mulieres maleficiata, ut viris inutiles essent, quò arefactis aut abolitis illis Viri iterum ad maleficas, ut amasias recurrerent. Idem T. 1. p. 2. q. 1. C. 12. In Westrasia Comes aliquis ligatus, ut Vxorem agnoscere nequierit, donec olla è puteo Castri repurgato remota fuit. Grofius par. 1. Magic. p. 132. In Galliâ praxis ligandi frequentissima est, ut pueri & puellæ eam patrent. Bodin. c. 1.

6. 2. Ratione, Partim, quia DEI institutis summo perè infestus est Sathanas, eaq. ubi potest, & DEVS permittit, impedire, conturbare, evertere illum velle, certum est. Non mirum, si & Conjugio insidietur, & impedimenta conjugibus objiciat, litiumq. materias inter eos serat & servet: Partim, quia varij modi naturales esse possunt, Castratio, elisio, ruptura, desiccatio, exarescentia, coarctatio, infrigidatio, quos Daemon omnes novit, & adhibere potest, unde ligatio: Partim quia homo castrando, rumpendo, impotentem reddere potest. Cur non Daemon? 3. Authoritatibus, quia & apud Christianos & gentiles id Magos posse passim receptum est. V. Jus Canonicum can. 33. q. 8. Et totum Tit. Extravag. d. frig. & malef. Sententiariorum in l. 4. sent. d. 34.



quos allegat Henrivyetz l. 2. d. matrim. C. 8. Bodinum c. l. Delrium l. 3. p. 1. q. 4. Gœdelman. l. 1. C. 6. Guirlandum d. sortileg. Mall. malef. T. 1. p. 2. q. 1. C. 6. & T. 2. Tr. d. pyth. Contr. Stumpfii l. 2. d. Zaub. C. 13. Lercheimer d. Zaub. n. 11 Tholosan. l. 34. C. 9. Boissardum d. Magia, C. 4. aliosq; Sic apud Papistas in ligamine post 3. annos irritum conjugium pronunciatur, & separatio sub 7. testium juratorum manu instituitur. Extrava: c. l. Ex gentilibus Virgilius Ecl. 8. Propertius, alijq; consentiunt. Rabbini Veteres & Berosus Chamum tali damno Noachum affecisse, sterilemq; eum quasi castratum magico carmine reddidisse, existimant. Beros. l. 3. Tholos. c. l.

7. 6. Cur super vim genitalem tale maleficium permittat DEUS, non super aliam, ut vim comedendi, bibendi, nec aliud membrum ita fascinare queant Magi, ac genitale? Bodinus c. l. dubium movet, & pro observatione digno adducit. Sed non advertit, aqvè vim locomovendi, audiendi, videndi, Magos infestare posse, ut homines claudos, paralyticos, coecos, mutos, surdos, per maleficium reddant, quorum exempla frequentissima sunt. V. t. 10. Genitalem autem frequentius infestare permittit DEUS, partim quia voluptas ista carnalis, & cum pecudibus homini communis est, tactusq; sensus, in Venere & Ventre maxime luxurians, hominem carnalem, belvinum, & intemperantem reddit, cum reliqui sensus id ita non faciant, ut auditus, visus, olfactus, qui subtiliores & magis spirituales sunt, ut in Phyl. disputatur, ut eò melius à carnalibus Voluptatibus homo se retrahere discat: Partim quia generando peccatum, & labes in hominem transfunditur, unde & in peccato concipimur, gestamur,



flamur, caleſcimus, & elaboramur, ſicq; ex peccaminoso ſemine progignimur, Pſal. 51. v. 7. *Vi ita iſta poteſtas maximè Demonis inſultibus ſubjaceat, ex quâ peccatum ut fonte & origine in hominem dimanat, & de ſobole in ſobolem propagatur: Partim quia generativâ vi maximè homo in varijs impuritibus abutitur, ſcortatione, adulteratione, inceſtu, beſtialitate, prædeſtiâ, intemperantiâ, obſcœnitate etiam in conjugio, impurâ conſuetudine, pollutione, alijsq;.*

8. 7. Quibus modis Sathan talem ligaturam inducere poſſit? Varij hic modi ſunt, partim naturales, partim præternaturales, quos impoſtor per Magum adhibere queat. Vel enim odia inter Conjuges ſerit, vel phantaſiam turbat, ut in compare valdè odioſum quid advertant, ut Valazza mulierum mentes poculis & carminibus à virorum amore avertit, ut maritos, patres, fratres, filios unâ nocte omnes interimerent, Aen. Sylv. hiſt. Boh. C. 7. Sic in Heſtruriâ Iuvenis uxorem formoſam cum liberis reliquit, & veneficam aliquam perditè adamavit, eiq; cohabitavit, & in Neapolitano tractu ſimile contigit, ut ex Codronchio Sennerius C. 3. l. 6. Præſt. narrat: Vel in congressu alterum alt. lancinare facit, ut genitale nimis magnum, vel valdè fœdum appareat: Vel Corpora impedit, ne conjungi poſſint, nebulam, t. 5. phantaſma, aliudvè interjiciendo. Sic Propertius l. 1. El. 12. *Aus qua lecta Prometheus dividit herba jugis?* Vel Spiritus ad genitalia decurrere prohibet, ne ſeminis decifio generetur, V. Majorem in 4. ſent. d. 34. a. 3. Vel ſemen exſiccât & ſubtrahit, vel alia naturalia media adhibet, quibus Veneri impedimenta quaruntur, vel Corpora congressa coherere facit, ut divelli iterum non poſſint, unde



congregandi horror oritur, quomodo in Vrbe Karentinâ ap. Rugianos factum, Saxo Grammat. l. 14. hist. Dan. Quid vel prastigys, vel viscositate seminis peractum à Damone.

9. 8. Cur sæpius Viri, quàm mulieres ligentur? Vel quia potioribus insidiatur Damon magis, quàm vilioribus, ut homini magis, quàm bruto aut planta, Viro magis quàm mulieri, Virilis enim sexus potior muliebri: Vel quia plus opera & instrumentorum in Viro est, quàm fæminâ: Vel quia plures semper malefica, quàm malefici, C. 3. t. 17. Eoq. pluribus viris à mulieribus noceri potest: Vel quia mulier intensius appetit Virum, quàm Vir mulierem, eoq. defectum titillationis acerbius dolet, itaq. dolorem ejus Sath. intendere vult, quod in Viro, ut fortiore, ut a non posset. 9. An & in perpetuum ligare possint, ut nullo naturali aut licito medio tolli queat? Negant nonnulli cum Glossâ in C. Requisisti, & C. 33. si per sortiaras. Communiter tamen à Canonistis & Theologis Glossa dictum rejicitur, & contrarium assumitur, ut Abbas, Navarrus, Toftatus, Lombardus, Thomas, Durandus, Paludanus, alijqve apud Henriqvetz C. 8. c. 1. sentiunt. Et veriùs hoc. Si enim ad tempus, cur non in perpetuum permittente DEO, Sathan ligare possit? Si sapiùs, cur non toties, quoties DEVS permittat? Si ut solvi possit ligamen, cur non &, ut solvi non possit? Nec enim semper Magi, quæ corruerunt, sanare iterum possunt, ut falsò Glossa, præassumit, ut t. 24. patebit. Et si genitale totaliter præciderit, quod interdum factum, t. 10. Non minùs resectum restituere poterit, quàm vitam semel ablatam iterum reddere. V. t. 38.

10. 9. An & solvere ligaturam possint? Quidam  
dog.



doq. possunt, non semper. Prout & in alijs morbis curam prestare interdum non possunt. t. 24. 10. An Christiano per Dæmonis artem ligaturam iterum solvere liceat? Non. Nec enim Creatura deserto Creatore ad Creaturam eamq. impiam ac nefariam recurrere licet, ut ab eâ auxilium impleret: Sed ad Creatorem confugiendum, orandum, jejunandum, auxilia naturalia & artificialia licita adhibenda, & si succedere res non velit, patienter onus ferendum, & in hac vitâ finem ejus cum sine vita futurum credendum est. V. C. II. t. 6. 11. An & genitalia prorsus auferre possint? DEO permittente omnino possunt. Majora enim, quàm illud, in hominem possunt, ut occidere, surdum, mutum, cæcum, paralyticum reddere, caducum morbum immittere, Corporaliter à Dæmonibus homines obsideri facere, aliq. t. 12. seq. Et exempla multorum id testantur. Sed ubi ablata illa, verè restituere non possunt, æquè ac vitam semel excusam verè reddere non possunt. t. 38. Sapius autem & prestigias hic intercurre certum est, & cum adsint membra, visus tamen aut tactu non advertantur. Sic Iuveni cuidam Ravensburgi, & alteri Spira contigit. Sprenger. p. 2. q. 1. C. 7. Mall. Et seni lanitori Bassumpetrano, Remigius l. 2. C. 5. Similia Codronchius ap. Sennertum l. 6. Pract. p. 9. C. 3. alijq. narrant.

11. 12. An & alijs modis genituram corrumpere possint? Quibuscunq. modis aut medijs Natura, ars, aut violentia eam destruere, vel de statu suo naturali deturbare potest, ut castrando, rumpendo, elidendo, exsiccando, t. 6. Vel morbus naturâ & causis naturalibus exsurgens, aut affectus vehementior turbare, aut tollere vim generativam in  
mare



mare & faminā potest, illis omnibus & Magus per Sathanam eam infestare potest. Præterea & alijs modis Magis proprijs eam lœdere potest, ut maleficio & incantamento, t. 8. Sathanam etiam rogare potest, ut ipse subtiliter Corpora subeat, maligna in ijs latenter Symptomata, Cruciatus, ulcera, & morbos vim generandi impediētes aut extinguētes excitet, C. 8. t. 10. Sicq; dispositiones membrorum ad generandum requisitorum violet, & vim ipsam tandem corrumpat, 13. An morbos per maleficiū immittere possint? Negant Wierus l. 3. d. præst. C. 14. Et l. d. lamij, C. 15. seq. Lercheim. d. Zaub. C. 11. 15. Vbi & Italum allegat, qui morbosas maleficiatos meliora informatos tandem talia irrisisse dicat: Quod & ipse probat: Prætorius & Scultetus d. Zaub. C. 9. Hippocrates, Avicenna, Pomponatius, Lemnius, ap. Delrium l. 3. p. 1. q. 4. s. 5. Biermannus d. Mag. act. t. 50. 51. alijq; qui omnes morbos à causis naturalibus, ut venenis, deducere allaborant. Sed experientia in contrarium est, & morbos præter naturā in homine excitari docet, quæ nec arte, nec Naturā tolli potuerunt.

12. Patetq; hoc 1. Scripturā, ubi Sathan Iobum pessimis ulceribus percussit, Job. 2. v. 7. Et ubi homines mutos, cæcos, ac surdos reddidisse, Matt. 12. Luc. 11. Lunaticos, Matt. 17. v. 15. 18. Caducos, Marc. 9. v. 17. 18. Ex nervorum contractione Incurvos, dicitur, Luc. 13. v. 11. 16. Quamvis Magus hic non inter venerit. Quod autem Sathan in hominem potest, id Magus eam, ut faciat, rogare potest. Et tūc morbus fiet Magicus. 2. Naturā & ratione, quia media, per quæ morbi homini immittuntur, Sathanas in potestate suā habet, eaq; ad rogatum Magorum adhibere potest.



ut aërem inficere, humores in Corpore corrumpere, occultè illis illabi, venena affricare, viscera intoxicare, herbas, unguenta, olea, pulveres malignos, aliâq; temperamentis hominum specialibus, quæ optimè Sathan novit, valdè adversa adhibere. E. & his medijs morbos homini inducere potest. 3. Quia sæpè Saga à Sathanâ pulveres, herbas, unguenta, festucas, aliâq; accipiunt, quibus ex pacto cum Sathanâ efficaciam obtinentibus & homini adhibitis, quem illa designant, lædunt, aut interimunt, ceteri inviolati manent, V. Remig. l. 2. C. 8. Sæpè primum quemq; transeuntem talia lædere possunt, interdum eum tantum, cui destinata sunt: Sæpè halitu & afflatu inficiunt, V. t. 15. Aut verbis nocent, ut Lucanus l. 6. Mens hausti nullâ sanie polluta veneni excantata perit. Virgil. 3. Georg. Miscueruntq; herbas, & non innoxia verba. V. & Ovidium 9. Metamor. Senecam in Mede. Interdum minis, increpationibus, laudibus, Diabolo nempe operâ suâ ad signum ex pacto concurrente & lædente, non quòd solis verbis aut minis id fiat. V. C. 8. t. 8.

13. 4. Exemplis & Experimentiâ, quibus Magos partim venenis & noxijs medijs, partim horrendâ Sathana potestate horribiles morbos & necem hominibus intulisse constat. Sic Drigaa Saga maritum unguine illinendo occidit. Remigius l. 1. C. 2. Jana Vlderica & Barbelina pueros necârunt. Hac etiam pirum in viam projecit, quod gustans aliquis præteriens gravi morbo correptus, vix domum redire potuit. Alia detractos cunis infantes pronos in culcitram stravit, & sic extinxit. Alia homines & pecudes pulvere interemit, membra puella alicujus debilitavit. Similia multa ap. Remigium l. 2. C. 7. seq. Delrium c. l. f. 5. Grosium p. 1.



Magic. p. 133. videantur. Addæus Senator ap. Iustinianum securi percutiendus fassus est, se Theodosium aula præfectum Magicis artibus occidisse. Vedelius l. 1. C. 5. d. prud. Veter.

14. Duffum Scotorum Regem lentâ tæbe Sage per Dæmonem consumpserunt, cum ceream imaginem asarunt, & liquore quodam perfuderunt. Boethius l. II. hist. Scot. Wictus quidem l. 3. C. 14 Cardanus l. 15. d. rer. Variet. C. 80. aliq; fabulosum habent. Sed inter veneficia talem per cereas imagines nocendi modum lamis usitatum esse Experientia & multi scriptores testantur. Ex Jctis Grillândus, Accursius, Salicetus, Angelus, Damhuderius, Inquisitores Germaniæ, Ex Theologis & Philosophis Castrius, Binsfeldius, Delrius l. 3. p. 1. q. 4. Et ex Veteribus Ovidius in Epist. Vbi de Medea, Devovet absentes, simulacrag, cerea fingit, & miserum tenues in jecur urget acus. Aliæ item historia similia habent, ut Francica de Marignij uxore in Regem, & Belgicæ de tribus ex familiâ Comitum Stampani in Principem Carolum fascinandum. Delrius c. 1. Bodinus l. 2. Dæm. C. 8. Sic in Belgio Virginis conjugium alicujus aspernantis imaginem ceream sortilega compunxerunt, eoque virgo varijs doloribus excruiata est, quasi acubus pungeretur. Zacutus l. 3. observ. 134. Conf. Tholosanum l. 34. C. II. n. 4. Interdum in statu fascinati facta, & in homines derivata. V. Delrium c. 1. Vbi imaginum fabricatores inter Magos referuntur. Sic Toleti per ceream imagunculam acu in oculo punctâ, Wagnero Mago super mensâ oculus excussus, illeq; unoculus factus est. Hildebrand. p. 68. Goëti. In Isbrug mulier aliqua maleficiata, & sub limine domus imago cerea inventa perforata, & acubus per latera transfixa.

Spren-



Sprengerus p. 2. q. 1. C. 12. Lutherus morbos suos inter alia veneficijs adscripsit. Goëdelman. l. 1. C. 7.

15. Interdum morbi præter naturam in hominibus fuerunt, quorum causa & Symptomata præternaturalia ac admiranda fuerunt, ut ad superiorem Causam agentem, ut Sathanam & maleficium, decurrere necessum fuerit. Sic agricola in ditione Eistetensi clavum ferreum sub illoescæ cute sensit, eumq; tonsor exsecuit. Postea in Cadavere dissecto ligna, quatuor cultri, ferramenta, pili, aliq; inventa. Mulieres quædam acus, pilos, vitra, cauda caninæ frusta, clavos, ceras, pilorum globos sat grandes, & iteratò interdum, rejecerunt. Puella quædam Lovaniensis vivam anguillam excrevit, quæ postea evanuit, pilos permultos, crassos, aquam copiosam ad 24. libras, &c. Ex muliere quædam 17. lignei sudæ parvuli extracti. Quorum historias ex Codronchio, Gemmâ, Zaccuto, Delrio, alijsq; petere licet, & ab Sennerto c. l. C. 3. 4. & Delrio l. 3. q. 4. s. 5. 6. narrantur. Confer & Sennert. l. 2. Instit. p. 3. s. 1. C. 11. Grosium p. 1. Magic. p. 116. seq. & 127. seq. Gemmam l. 2. CosmoCriticæ, C. 4. Vbi similia reperies. Si naturaliter talium quædam in Corpore gigni dicantur, Sathanas tamen gignendi causas, occasiones, & modos egregiè suppeditare potuit, & sic primum agens hic fuit. Si præstigias esse reponatur, quandoq; realia fuisse certum est. t. 20. Interdum homines Sathanas ligavit ad lecti-sternia, præsepia, aliq; ut nodi dissolvi nequiverint, V. Grosium p. 81. Bodinum l. 2. C. 3. Quandoq; contractione & convulsionibus eos infestavit, ut manus pedum officium facerent, & consumptâ musculorum carne vermes exierint, qui repente evanuerunt. Vt Sartorem in Kôden, qui subitò sub



*Sambuco ita correptus, & priori forma restitui nullis medijs potuit. Sennert. l. 6. Pract. c. l. C. 6. Quandoq; halitu Sagarum quidā loesi. Sic in Constantiensi agro in ipsa strue lignorum Saga comburenda, pro isto labore premium, dixit ad Carnificem, à me habebis, ac faciem ejus insufflavit. Statim ille in lepram incidit, & paucis post diebus obiit. Goedelmann. l. i. C. 7. n. 26. Sprengerus p. 2. q. i. C. ii. Vbi & C. 12. 13. Ac apud Delrium l. 3. p. i. q. 4. l. 2. & 5. plura invenies. Alia Saga in strue lignaria duos Carnifices halitu occidit, & tertio varios tumores faciei conciliavit, quibus postea obiit. Grofius p. i. Magicor. p. 140. Quandoq; urina in homine maleficio ad mortis usq; periculum suppressa. Vt in Iuvene quodam, qui & in publico urinam mittere à malefico coactus est. Sennert. c. l. C. 3.*

16. 5. *Quia veneficij instrumentis abolitis, aut Sanguis ipsis crematis, sepe veneficij vis cessit, & homines pristino vigori restituti sunt. Sic Comes potens redditus, cum olla exusta. t. 5. Homines & pecora convalescerunt, ubi Bibrana Laodunensis cremata. Mulieri cuidam lac redditum, ubi Saga abolita. Vxor ejusdam peperit, ubi amita, quæ impedierat, obiit. Bodinus in Confut. Wieri. Duffi morbus cessit, ubi imagines abolita, & venefica cremata sunt. Boeth. l. ii. Saga cum incarcerata, pulveres & unguenta earum, quib. nocuerunt, sine damno ab hominibus tractari possunt, ut experientia testatur. Sennert. c. l. C. 5. 6. Quia idem auctoritatibus Iuris Civilis & Canonici, Philosophorum item, ut Delrij, Cigognæ, Beyerlingij, Bodini, Remigij, Prætorij, Pererij, Grofij, Theologorum etiam, Jctorum & Medicorum, ut Binsfeldij, Biermanni, Goedelmanni, Besoldi, Tholofani, Althusij, Sennerti, Zacuti, Codronchij, aliorumq; constat.*



17. Dices 1. Scriptura notanter DEO tribuit, quod morbis fecit & sanat, succutiat & medeatur. Deut. 32. v. 39. 1. Sam. 2. v. 6. Sap. 16. v. 13. Tob. 13. v. 2. E. malè Sathis id adscribitur. R. Deus id agit, ut causa prima & independens, Sathan & magi, ut secunda & dependentes. Sic per angelum primogenitos Ægypti, & exercitum Sanheribi percussit. V. C. 7. t. 10. Nec Sathan hic quicquam posset, nisi DEVS ei permetteret, C. 3. v. 1. Eoq; ad DEVM cuncta hac referuntur. 2. Mera Sagarum Melancholica deliria sunt, quibus se hac aut ista efficere dicuntur, quibus à cordatis fides adhiberi non debet. R. Cruciatus egrorum facti ab agris percepti & intensiss. quandoq; sunt, non melancholicorum cogitata. V. t. 20. Nec omnes Saga melancholica sunt, nam & Principum, Comitum, Baronum, uxores quandoq; intercurrent, quæ non statim melancholica, & luvenses, Viri, Virgines, luvencula, cætib; Magicis sociantur, quæ etiam non melancholica. Nec ita unanimiter in actis, objectis, temporibus, circumstantiis, modis, instrumentis, consentirent, taliaq; referrent, cum melancholici & deliri mille modis dissentiant. Nec omnia, quæ Saga narrant, somnia & deliria sunt, etsi quædam intercurrent; sed interdum realiter contingunt, ut C. 4. t. 16. seq. C. 5. t. 2. seq. ostensum.

18. 3. Verbis, ritibus, Characteribus, imprecationibus ad morbum inducendum nulla inest efficacia. At hæc plerumq; instrumenta Sagarum sunt. E. nec morbus his inducitur. R. Verbis id non fit, sed pacto & virtute Sathana ad signum suum ex convento concurrentis & lædētis, t. 12. Sæpè etiam pulveribus & unguentis venenatis à Sathanâ acceptis agunt, ut non sola verba hic concurrant, t. 12. 13.



4. Qui dæmonis ope ita à Magis affliguntur, veriùs obfessi dicendi, quàm agroti. R. Minimè, Cum nec obfessorum indicia, nec effecta in illis reperiantur. V. C. 3. t. 14. 15. Sic Iobus & alij à Sathanà morbis infestati, t. 12. Nec propriè obfessi. 5. Si quid hic fit, Sathana operâ fit, non Magi. Ergo nec huic morbus adscribendus. R. Principale agens Sathanas est: Interveniens Magus esse potest, qui Sathanam rogat, inducit, imperata ejus perficit, pulveres, unguines, alia accipit, spargit, applicat, ad quæ Sathan advolat, & destinata ferit ac infestat, t. 11. 12. 13. Vbi Venenis Magus agit, omninò & ipse per medium istud efficit. 6. Quæ Magi ad morbos adhibent, fermè ridicula sunt, ut vitra, clavos, pilos, nodos, festucas, plumas, acus, ungues, quib. nulla virtus inest. E. nec morbum inferunt. R. Nec istis rebus morbi immittuntur, sed pacto & virtute Sathana, qui totius negotij Causa, & hic lædit, t. 11. seq. Ista vel ludibrij, vel obedientiæ, vel alterius gratiâ à Sathanâ adhiberi jubentur.

19. 7. Sæpè morbi ex causis naturalibus & interno humorum vitio exsurgunt, & postea Sagis adscribuntur. R. Sæpè id fit, ut exemplo Witteberga docet Sennercus c. 1. C. 5. Et tùm falsò Sagis tribuuntur. Sed sæpè etiam cause naturales in morbis nulla sunt, & tùm justè Sathanas in efficien-tem assignatur, t. 14. Interdùm per causas naturales morbos Sathan inducit, ut venena, & alia hominis temperamento antipathetica, ubi humor corruptus morbi causa est, sed corruptionis causa Sathan est, & sic morbo commercij aliquid cum illo, ut nec tolli queat, nisi illius vis aut motus sublatu fuerit. Sed quandoq. & immediate propriâ violentiâ homines interimit. Sic quidam in terram projecti, aut alio modo deturbati, V. t. 13.



20. 8 Meræ præstigia rejectorum istorum ab hominibus, t. 14. sunt. Nam nec meatus, nec viscera quantitatis rerum istarum capacia sunt, tactu in ventriculo nihil percipitur, nil cibo aut chilo permixtum apparet, & sæpè nullus dolor fuit, quod impossibile. R. Sæpè præstigia hic esse possunt, ut angvilla t. 15. & scopæ minutim incisa per oculos ophthalmici egressæ ap. Sennert. c. 1. C. 5. Sæpè tamen etiam realia intercurrere immanis dolor cruciatorum, vera attrectatio, exsectio, & evulsio Chirurgorum, accurata per tactum exploratio adhuc in Corpore detentorum, realis cura morbidorum, exquisita observatio multorum adstantium, ligularum in ipso ventriculi orificio detentio & violenta quasi creptio, aliæq; docere possunt, quæ omnia tam frequenter observata meras præstigias dicere inconueniens est. Quocunq; modo in Corpora ista res à Sathanâ immissæ sint, siue ex tartaro procreata, ut & naturaliter sit, & possibile, ut Galenus, Celsus, Aëtius, Lemnius, alijq; docent, siue hominibus alio somno oppressis per membri dextram incisionem à Sathanâ immittantur, quod ipse ita consolidet, ut vestigium nullum appareat, ut & periti Chirurghi quandoq; faciunt. Vt in Lotharingiâ factum, Remig. L. 2. C. 4. Siue prius comminuat solida, postea iterum uniat, cuius modos Sathanas varios novit, quos specialiter nos explicare nec semper possumus, nec tenemur. Magica etsi natura subjaceant, C. 4. t. 6. In specialibus tamen modis occultas & ignotas rationes habere possunt. Biermannus incredibilia esse, & se quod affirmet, non habere ait, d. Mag. t. 59. Wierus, Sennertus, alijq; ad præstigias recurrunt. Delrius modos citatos, ut probabiles adducit c. 1. Alij per poros dilatatos immitti posse censent, ut Paracelsus & alij.

Quon-



Quandoq; probabile hoc, sed non semper congrua hic proportio, non enim tanta moles per poros immitti possunt.

21. 9. Si pulveres & unguenta Sagarum venenata sunt, & sic nocent, cur non ipsas Sagas primò omnium lædunt, cum naturalia semper eadem agant, ut ignis urit, frigus constringit, Calor laxat. R. Vel quia præmonentur Sage à Sathana, & antidotis se præmuniunt, vel quia pulveres non semper Naturæ sui venenati sunt, sed ex pacto & vi Sathana in destinata feruntur, non alia, t. 12. seq. Vel quia diversa Corporum est Constitutio, & unum longè facilius læditur, ac alterum, aut fortius resistit etiam venenis, ac aliud, V. d. 2. Misc. d. 7. t. 20. Ut agens non per modum activitatis, sed receptivitatis suæ agere cogatur: Vel quia diversa ipsius lædentis rei est temperies, & quandoq; vetustate detrita, & exhalavit, vel quia mirabilis DEI dispensatio quandoq; accedit, ut ne in ea quidem, quibus destinata sunt, Magica quidquam possint, C. 3. t. 2. Naturalia semper eodem modo agunt, sed nisi impediuntur. Et hic actus non omnimodè naturalis, sed præternaturalis & Magicus est, qui ad Sathana, ut Demiurgi, attemperationem totus ferri debet.

22. 14. Quibus modis morbi Magici dignoscendi, præcavendi, & curandi sint? De hoc C. II. t. 2. seq. agitur. 15. An solo visu, aut imprecatione, aut characteribus & ceremonijs morbos inferre Magi possint? Non. Nec enim ista realiter & ad extra sunt efficacia. Sed quicquid hic fit, à Sathana ex pacto ad ista, ut tesseram suam concurrente & firmâ agri persuasione fit. C. 8. t. 8. C. 9. t. 12. 17. Nec verba aut ceremonia id præstant, sed aliud quid, t. 18. V. & C. 7. t. II. 16. An & obfessiones Dæmonis Magi procu-



procurare possint? *Omnino. Nam & sine instantiâ Magi  
 demon permissu & iusto iudicio DEI hominem obsidere pot-  
 est, ut exempla testantur. E. & ad rogatum Magi & Sage  
 idem prestare poterit: Et exempla factum quandoq; esse  
 testantur. Sic Iuvenis aliquis ad postulatum malefica, quam  
 increpuit, & maleficium sub arbore occultantis à Sathanâ ob-  
 sessus est. Sprengerus p. 2. q. 1. C. 10. Sic arte vatum Æscu-  
 lapij Damon in Virginem immissus, quam Iuvenis aliquis per-  
 ditè amavit. An. 1554. 80. mulieres Iudæa per Magos obseſſæ.  
 Anno 56. 30. pueri maleficijs obseſſi. In Kentorsensi monasterio  
 montales omnes à coqvâ Sagâ obseſſæ. Bodin. l. 3. C. 6. Simon  
 Magus eos, qui ipsum prestigiatores dixerunt, demonib. ve-  
 xandos subiecit, quamquam Baronius T. 1. an. 68. meras  
 prestigias fuisse censet. Idem Apollonius prestare potuit: Et  
 ipsi demones ex hominibus abacti à maleficis se immisos esse,  
 & malefici quæſtionibus subiecti se immisisse, confitentur, ut  
 in historia Macedonij exemplum extat. V. Thyreum d. ob-  
 ſeſ. p. 1. C. 16. Et Delrium c. l. f. 7. Plura ap. Bodinum  
 l. 3. C. 6. vide. Quandoq; & Dæmones ex hominibus  
 abegerunt Magi, cedente nempè damone inferiore superiori,  
 aut Corporis occupati loco animam corrumpente. Sic Apol-  
 lonius, Magi Africa, Germania, & Colonia quidam eos ab-  
 egerunt. Beyerling. Voc. Mirac. p. 544.*

23. 17. An & abortus procurare queant? *Omnino. Qui-  
 bus enim modis vim genitalē Damon in homine corrumpere, il-  
 lis & fœtus occidere potest, sicq; abortus fieri necesse est. Et id  
 Sagas sapius fecisse exempla docent. Sic Stadlein Magus 7. in-  
 fantes in utero successivè per demonē se occidisse fassus est. Ni-*



derus C. 3. formic. *Nobilis aliqua fetus frustillatim eiecit. Alia pregnans ossa, ligna, spinas, aliaq. ingenti cum dolore eiecit, V. C. 8. t. 8. Cumq. humani generis summus osor Sathanas sit, propagationi ejus eum insidiari, sicq. fetus in utero occidere, dubium nullum est.* 18. An & difficiles partus conciliare queant? Et id per Sathanam possunt, partim per naturalia media, quibus pariendi difficultas quandoq. in mulieribus provocatur, qualia expultricis debilitas, pectoraliū difficultas, fetus impertinens quantitas, vel vacillans qualitas, viarum exilitas, egredientis fetus obliquitas, aliaq. De quibus in Medicis; V. Sennertum l. 4. Pract. s. 6. C. 4. & 5. Partim per veneficia, cum violentiā & fraudibus Sathane difficultas ista immittitur, augetur, aut propagatur. 19. An & morbos curare possint? Eos qui a veneficio, interdum possunt. Sathanam enim movere queunt, ut a laedendo cesset, & sic morbus prostratus erit. Et is pro pacto, quod cum illis habet, facile in rem consentiet. Ac id factum per sepe esse historia testantur. Sic puella aliqua maleficiata per maleficum curata pilis resectis, & charta, cui T. M. inscriptum, asiniq. ungula semicombusta capiti impositis. Zacutus l. 3. obs. 134. Plura Sprengerus p. 2. q. 2. habet. Apud Suidam jam inde a Minois tempore homines leguntur, qui verbis & sacrificiis morbos curarunt. Anno 1522. Roma pestilentia per Magum Demetrium Spartanium sedata. Jovius l. 21. hist. Gilb. Cognat. l. 8. narr.

24. Quaedam Saga per buccam panis agrotā datam morbo eam liberavit. Bodinus l. 1. C. 6. Alia alijs medijs homines curarunt. V. Eundem l. 3. C. 2. & 5. Grofium p. 1. Magic. p. 153. seq. Remigium l. 2. C. 7. Brugis quaedam Saga



*Saga omnes morbos sine ullis medijs adhibitis curavit. Goedel-  
man. l. 3. C. 10. n. 38. Interdum per malitiam noluerunt  
veneficia curare. Sic in pago ad Ienam Magus agrum curare  
debens venenatis herbis hominem occidit, quod aliquando  
injurijs verbis ille eum impetijset. Manlius Coll. p. 35.  
Grosius p. 1. Magic. p. 126. Quandoq; nec Magicos mor-  
bos curare potuerunt, sed aliò rem amandavunt. Vt Iohanna  
Harvilleria. Bodin. l. 3. C. 2. Magus aliquis in Flandrià ad  
Magum in Portugalià, & hic ad aliquem in Gallià agrotum  
amandavit. Idem C. 5. Quandoq; responderunt, nimis  
tardè se advocari, ap. Binsfeld. in Cod. d. malef. q. 6. n. 5.  
Naturales autem aut casuales morbos non nisi per natura-  
lia media curare possunt. Nec Sagarum hoc proprium, sed mul-  
tis commune id est. Interdum morbus in naturali declina-  
tione est, & tùm falsò Magis cura adscribitur. Interdum  
Scripturæ verba ad curandum impie adhibent. Wierus l. 2.  
C. 5. l. 4. C. 4. & alibi. 20. An Christiano maleficia,  
maleficijs per Sagas curare liceat? De hoc C. 11. t. 6.  
agetur. 21. An & somnificum maleficium homini im-  
mittere possint? Nempè, ut homo potionatus aut incanta-  
tus profundè dormiat, ut per somnum Saga maleficia destinata  
in eum exequantur. Omnino. Nam & venena aut herbas  
somnificas adhibere possunt: Et experientia à Sagis id fieri  
contestatur. Sic Saga maritum unguine à Sathanà accepto  
unxis, ut dormiret, dum ipsa cum incubo rem Veneriam habe-  
ret. Similia alie egerunt. V. Binsfeld. p. 1. d. Conf. Mal.  
Con. 5. Remigium l. 2. C. 4. aliosq;: Et à Poëtis alijsq;  
talia asseruntur. Virgil. 6. Aen. de Cumæâ, melle Sopora-  
tam, & medicatis frugibus offam objicit: atq; immania  
Dd 2 terga*



terga resolvit, Fusus humi totoq; ingens extenditur antro. V. & Ovidium 7. Met. d. Medea. Senecam in Medea. Flaccum in Argonaut. aliosq;

25. 22. An solo intuitu aut verbis infantes fascinare, emaciare, perdere, possint? *Communiter hoc la-  
mij attribuitur, ut apud Virgilium & Theocritum, V. C. 8.  
t. 8. Et de Triballis ac Illyrijs geminis pupillis conspicuis Pli-  
nius l. 7. N. H. C. 2. Gellius l. 9. N. Att. C. 4. Zuinger.  
Vol. 5. l. 4. alijq; tradunt. De Scythicis mulieribus, Bithijs di-  
ctis, Apollonides, de Thibijs & Ponticis gentibus nonnullis  
Plutarchus id narant, 5. Conviv. q. 5. 7. Sed solius visus,  
vocis, aut laudis id esse non potest, cum nihil ex oculo ad rem  
visam egrediatur, sed species visa oculi pupillam ingrediatur,  
ut in Phys. & Opticis docetur, C. 8. t. 9. Nec spiritus vi-  
sivus ex oculo egredi possit, ut maleficium pariat. Nec ad ocu-  
lum reverti emissus spiritus poterit, quem vultui fascinandi  
impressum esse oportebit: Vel foris demum eam suscipiat,  
quomodo ad oculum pervenire non poterit, & sic saga presen-  
te objecto & intentis spiritibus nihil tamen videbit; Et ver-  
ba, ut quantitates & syllaba, prater significandi vim, aliam  
non habeant, C. 7. t. II.*

26. Sed quicquid hic in fascinando realis contin-  
gat, vel totum ex pacto Saga cum demone ad intuitum, aut  
sonum vetula velut ad tesseram suam concurrente & effectum  
prasante evenit: Aut ex persuasione & imaginatione tene-  
ri timidig; animi vetulam deformem, & quandoq; horrida  
nota, ut Triballi & Illyrij gemina pupilla conspicui, insignem  
intuentis. Vnde timor oritur, qui multorum malorum Cau-  
sa esse potest. Et humor concitatus morbum erumpere facit,  
quod



quò Corpus dispositum fuit. Sic cibos fastidiosos ab alijs comedi videntes ad vomendum adiguntur, odore pyrorum, pomorum, rosarum, in deliquium quidam compelluntur, auditu visug molestorum, ut demortuorum agnatorum aut amicorum, ad animi defectum alij inducuntur, ut ex Physicis & Medicis notum: Sic hic pavor adspicientis saro vetula vultu territi morbum inferre potest, unde fascinatus talis creditur. Hinc iratis oculis nocuisse Saga dicuntur. Observatà enim facie motus in animo ad amorem, odium, metum, & simile sentitur, unde Corporis mutatio.

27. Vel casu aliquo fortuito, aut constitutione Corporis fascinati contingit, quod solito crassius, nitidius, pulcrius, habitius, ut in infansibus, esse potest, eog ab occurrentibus attentius adspici, laudari, palpari, motitari, in palmos recipi solet. Forteg, anus deformis & tetra est, & infans aspectu ejus conturbatur, inq morbum incidit. Ita Hippocrates habitum summè bonum periculosum esse, l. 1. aph. 3. & Celsus solito nitidiores suspecta sua bona habere debere dixerunt: Subito enim ex optimo statu quandoq dilabuntur, & in morbos incidunt. Vel ori, halituis, ac totius Corporis deflurio maligne putridaq, qualitatìs participi noxa Sagarum adscribenda est, nec intuitus, sed contagium à Sagà communicatum lædit, V. C. 8. t. 9. Et talia effluria etiam ex oculis ferri possunt, unde ophthalmia contagiosa interdum, ut Gallica, & ab infantibus infirmis facile læsio hic suscipitur. Validiora tamen, & plura ea ex ore & Corpore prodeunt. Vnde ad hæc noxa magis referri debet: Vel deniq; omine aliquo dictis quorundam inharcente totum perficitur, nec ideo, quod laudatur, aliquid interit, sed quia interiturum est, à Saga velut id



precipiente, laudatur. Sic enim quidam futura praevident, eorumque animus initia rerum eventurarum persentiscit. Sic everfiones Urbium, regnorum, familiarum, individuorum principuorum, ferme suas praedictiones habent. Quid si in Magis interdum ex Sathana collusione simile quid locum habeat, & florentium rerum interitum jam instantem praesagiant? Laudentque vel more hominum, qui obitura commendant: Vel expresse praedicent, quae tacite secum devoteant?

28. 23. Quomodo fascinatio in infante agnoscenda & curanda sit? De hoc C. H. t. 7. agitur. 24. Cur ita in infantes sterviant Magi? Quia partim hac atas ad resistendum impotentior, ad cavendum incautior, ad conatus deprehendendos, revelandos, aut accusandos inhabilior est: Partim materias maleficiorum quandoque à Corporibus talium desumunt, ut unguentum suum Magicum, quod in Italia pagani vocatur: Partim Sathana eos sacrificare à Sathana jubentur, in eorum mirifice Sathana complacitum esse fertur, V. Eundem c. l. Remig. l. 2. C. 8. 25. An & abripere infantes, aliosque eorum loco substituere, ac invicem permutare possint? Et hoc in praxi Magorum vulgatum est, per demonem infantes abripere, & campiones, Wechselbälge / Kiehlkröpfe / Bielfrasse / eorum loco supponere. V. C. 5. t. 10. Posse id ab illis praestari partim natura rei docet, quae potestatem Sathana non superat, sed ei subjacet: Partim experientia confirmat, factum quandoque esse. Sic Dessaviae talis puer 12. annorum fuit, qui 4. rusticorum cibos absumpsit, clamoribus, pedore, merda, omnia implevit, tandemque post 1½. annos obiit. Item Halberstadij aliquis, qui tandem super aquam in Corbe latus cum ad Sathanam sub ponte in aquis loqueretur,



tur, quod nunquam antea fecerat, & rustico cum corbe influentum projectus est. & cum alicro Sathanâ tripudiavit. Et Odernheimij, quæmulier tandem in torrentem ad suatum Scholastici cujusdam Sathanam eum agnoscentis abjecit, ubi postea legitimum filium suum domi reperit. In Silesiâ ad Breslam etiam aliquis fuit, qui loco veri infantis à Sathanâ in fœnum repositus est, & cum virgis vehementer à matre cæsus est, verum infantem Sathanas reduxit, & campsonem abstulit. Hildebrand. p. 106. seq. Goëtix. Confer Lutherum Colloq. mens. C. 24. Et Comm. ad C. 3. Gal. Goedelm. l. i. C. 7. n. 12.

29. 26. Cur in innoxiam ætatem ita grassari Sathanam à DEO permittatur? Partim ut impietatem parentum hoc modo in semine DEVS puniat: Partim ut patientiam piorum exercent, infirmitates castiget, defectus emendet, precum studium & serium affectum inflammet, accuratæ liberorum observationi & educationi occasionem suppeditet, agnoscendorum DEI beneficiorum ansam conciliet: Partim, ut filiorum impietatem futuram se prævidere ostendat, & se vindicem ejus futurum etiam pœnis in infantili ætate per Sathanam & Magos immisis demonstrat. 27. An hominis vitam prolongare, senectutem differre, vigorem naturæ conservare, & seni juventutem reddere Magi possint? Si quid naturæ aut artis beneficio hic fieri possit, id totum Sathanas, Phisicus peritissimus, & per eum Magus præstare potest. Ut Calorem roborare, humidum augere, excitare, capillorum colorem immutare, rugas abolere, constitutionem Corporis vegetare, &c. Et quod homini ignotum, Dæmoni cognitum esse potest. Et de quibusdam animalibus, brutis & rationalibus, rejuvenescere ea, experientia Phisica docet.



30. Ex brutis aquilam renovari Psal. 103. v. 5. dicitur, & Physici testantur, ita vegeto Corpore etiam in senio perdurare, ut rostro superiore tandem inferius constringente inedia eam emori necessum sit, cum per natura vigorem ultra vitam continuare posset, nam nec senio, nec aegritudine deficit. V. Aristot. 9. hist. an. C. 32. Plinium l. 10. C. 3. Ad-drovandum l. 1. Ornithol. Et si de modo renovationis inter scriptores non conveniat. Serpentes tenui suâ leberide senescentiam exuere, & vigorem iterum induere notum est. Si in brutis id natura prestat, cur omne medium homini ad id ea velut parca aliqua noverca, negaverit? Ex hominibus quosdam diutissime vixisse, & vegeto robustoque Corpore perman-sisse multis exemplis dec. 2. Misc. d. 9. t. 22. 23. ostensum est. Quosdam ex senibus vigorem recepisse, etiam exempla docent. Desmondia Comitissa ter per vices denuisse dicitur, ut c. l. dictum. Et exempla plura Delrius l. 2. q. 23. adducit. Apud Poetas similia interdum occurrunt, ut de Bacchi nutricibus rejuvenescentibus ap. Aeschylum, de Iasone & Medea recocto ap. Pherecydem & Simonidem, de Aesone Iasonis Patre Ovidius 7. Metam. Vbi barba comaq. ait, canitie posita nigrum rapuere colorem, Pulsa fugit macies, &c. Sed hæc fabulosa fortassis. Voëtius negat, Sathanam juven-tam restituere posse, p. 1. dif. 48. t. 12. Simile tamen quid eum prestare posse, cum Natura id prestat, non facile negandū.

31. Dices: 1. Sic & Dæmon prestabit, ut senex non fuerit senex, juvenis qui desit, non deserit, & quam quis decurrit ætatem, non decurrerit, sed prorsus alius homo prodeat. R. Non, hoc enim præteritū non præterit, & quod fuit, non fuisse facit, quod Contradictorium, eoq. nullius potestati subjectum, nedum Sathana. Dec. 1. Misc. d. 5. t. 11. Sed loco senectutis, quæ fuit, vigorem Corpori juvenili parem Dæmon conciliat.



*Corollaria Miscellanea à Respondente  
adjecta.*

1.

An rectè Ethica definiatur per artem, scientiam, disciplinam? Neg.

2.

An Ethica distincta sit à Theologià? Aff.

3.

An Ethica pugnet cum Theologià? Neg.

4.

Num subditi Tyrannum deponere, & vi vel fraude interficere possint? Disting.

5.

Num indiscretè omnes Sagæ, quæ pactum cum Diabolo inierunt, poenâ capit is sint afficiendæ? Neg.

6.

An vera sit Historia de Joannâ VIII. Papâ seu Papatrice? Affirm.

7.

An Mulieres homines sint? Affirm.

8.

An ludi Scenici quales sunt Comœdiæ & Tragœdiæ, in benè constitutâ Republ. sint ferendi? Disting.


---

**N**on tantùm Ingenio cognoscere Vera jubemur,  
Ast animo pariter fas quoq; velle Bonum.  
Annon hinc ausus, ERDTMANNE polite, probare  
Iungendi Logicam Socraticamq; Scholam?  
Perge bonis avibus, Sophia seclator utramq;  
Partem, sic geminus mox sibi surget honor.

DANIEL LAGVS.



Ad  
Ornatissimum, Doctissimumq; Juvenem  
DN. DAVIDEM ERDTMANNVM,  
non magicè de magicis Actionibus  
disputantem.

 Onida vestras chordas vos tangite Musa,  
Carmine & exigua laudes extollite AMICI,  
Ipsius & famam victura inscribite Cedro,  
Eterna facitis qua lumen amabile fama  
Pieria turba Iovæ Musisq; sacrata.  
Laudo, quod tibi mens didicisse fideliter artes,  
Et Sophia studiis prius invigilasse sagacis,  
Quàm te juridica prorsus committere curæ,  
Pro vili quamvis hæc se gerat atq; relicta,  
Hic aluisse tamen, multum & vigilasse juvabit,  
Optatam donec possis contingere metam,  
Pieriosq; inter tandem tibi nobile surgat  
Nomen. Docta dein sic crebrò prælia misce,  
Prælia non Martis dira, at perdocta Minerva.  
Aude aliquid quod & est Musis & Apolline dignum,  
Si vis esse aliquid. Languor culpatur iniquus,  
Ardus Sedulitas contra cantatur in orbe,  
Ipsi cum meritâ quoq; præmia laude parantur.  
Hinc, quo capisti, in stadio decurrere perge,  
Sic decus æterna gestabis ubiq;  
E thalamo cordis calidi quod comprecor imo.

Ita gatulatur sincero ex animo Ornatisf.  
Dn. Resp. Amico suo intimo

Jacobus Tydcus,  
Memelæ-Prussus.



## De actib. naturalib. &amp; moralibus Magicis in hominem.

## Thesis XXXI.

2. Sic & in aeternum hominis vitam prorogare poterit, si subinde ex sene juvenem conciliare queat. R. Etiam non, nec si semel aut iterum vigor restituatur, in aeternum ac perpetuum restitui poterit. Et licet longævus homo post lapsum, mortalis tamen, ut mori tandem cogatur. Dec. 2. d. 9. t. 24. Et d. 10. t. 13. 14. Nec natura, quæ annis 100. aut 200. perdurandis sufficit, statim 1000. sufficiet; Minus autem aternitati. Tandem enim natura vis fathiscit, ut restaurari amplius non possit. Prolongari vita hominis poterit, perpetuari non. 3. Humidum radicale perpetuò consumitur, & ipsa alimenti nutritione atteritur, quia agendo reparatur. E. arte aut natura restaurari non potest. R. Neg. Consequentia. In perpetuum restaurari non poterit, quia semper aliquid perit: bene in longum aliquod tempus. Et si Medicis aut Physicis restaurandi illud via ignota est, non id eò Sathana ignotam esse sequitur, qui longè peritior & experientior Physicus hominè est. Ac si viam novit, & applicare eam in homine permissu DEI poterit. Chymici medicamentis suis humidum instaurari, naturam in longum servari, vigorem retineri promittunt. In Paradiso arbor vite fuit, quæ diutissimè hominis vitam fructu suo prorogare potuit, Gen. 3. v. 22. Cur non Sathana medium aliquod ad id notum esse queat?

32. 28. An stuporem & insensationem, inedix  
Ee diutur-



diuturnæ perlationem, longi temporis dormitionem, in homine conciliare possint? *Omnino. Nam & potestatem Demonis id non excedere natura docet, & factum quandoque esse exemplis experientia confirmat. Sic Jamblichus multos Prophetarum gentilium admoto igni non ustos esse, & tormentis subjectos nihil sensisse tradit, d. myst. Ægy. At illi Magi fuerunt. Ita Saga & Magi tormentis subjecti nihil se sensisse fassi sunt. Ut Saga aliqua Brugis, quæ tortores irrisit, & dormivit, donec pili abradi sunt, & schedula Conjuratoria ablata. V. Goedelm. l. 3. C. 10. Alia Hagena ex pulvere infantis assati secum habens nihil sensit aut confessa est. Sprenger. p. 3. q. 15. Fur aliquis Roma, Maga, & Carnifex Antverpiæ, maleficiis indurati idem fecerunt. Wierus l. 5. C. 12. Lycanthropus aliquis Westphalicus vicies tormentis subjectus ridenti similis omnia percutis. Delrius l. 5. l. 9. Mummo Magus torturæ subjectus omnis doloris expertem se esse Regi nuntiari iussit. Bodinus l. 4. C. 1. Idemque multi de sagis affirmant, ut Hippolytus, Paris, Grillandus, Damhuderius, Bodinus l. 4. C. 4. Delrius l. 3. q. 21. Remigius l. 3. C. 9. Wierus c. 1. Sic stigmatum illa tessera in sagis à Sathanâ impressa ita sensus expers est, ut nec longissima acus fixura aliquid doloris inferat. Remigius l. 1. C. 5. Quibus modis insensationem talem procuret Demon, Delrius c. 1. discutit. Corpus occupando, sensuum meatus obstruendo, stupefaciendo, vim torturæ avertendo, &c. Ita in ediam diutius ferre Sathan etiam conciliare potest, cum naturaliter id in quibusdam ex pituitâ lentâ ac viscosa aut simili pro alimento à Stomacho attractâ contigisse exempla doceant, ut puella Spirensis, Anglicanæ, Sacerdotis Galli, aliorumque, quæ*



ex Langio, Gemma, Alberto M. Bucoldiano, Delrio c. l. alijsq. sumantur. Apud Turcas Nessesogliorij multis diebus jejuni perstant, & superstitionibus suis vacanti. Cigogna C. 6. De Somno profundo t. 24. dictum est. De Epimenide & Sardoum Semideis fabulosum quid est. Delr. c. l.

33. 29. An cutem invulnerabilem, & gladijs, globis pyrijs, telis, impenetrabilem reddere queant? Et hoc in praxi Magicâ frequens est, per quam aut ignotum interdum ejus commercium & milites id agunt, Et festmaschen / hartmachen / Passawerkunst / Nothembd / indusum Magicum, ac similiter vocant. Quidam inferni canisiam appellant, Delrius c. l. Media ad rem adhibentur impia ac nefaria, ut arma incantare, Crucifixi imaginem compungere, hostiam consecratam certis characteribus signatam consumere, indusio aut vestibus insuere, periapta aut scripturas Magicas secum ferre, &c. Patetq; experienciâ & exemplis, Magica beneficio procurari in homine posse. Mulier aliqua septies gladio icta est, sed frustra. Juris quidam Candidatus, Qvirinus, membranâ Magicis Characteribus consignata fretus, saepius audacter pugnâ se immiscens & ictus, nunquam saucius fuit. Tandem in Symposio Roma an. 1573. minimo vulnere interemptus fuit. Delrius c. l. Cigogna C. 8. Magico indusio, quod necessitatis vocant, superstitiosè in nocte Natalitiâ ab integris puellis Sathana nomine textis, multi nobiles, Principes, Caesares, fisci sunt, eorq; in bellis contra idus telorum & globorum usi sunt. Wierus l. 5. C. 18. Comes aliquis Germanus Nobili cuidâ Schedam Magicam dedit, ejus ope ab omni vulnere tutus esset. Qui globis & gladijs frequenter ictus illasam cutem retinuit, ejusq; virtutis schedam esse asseruit, ut



globos tormentis excussos aperto ore sine periculo excipere, & nudum pectus omnibus gladiis sine metu obicere vellet, Boissardus d. Magia. C. 6. Qui se id vidisse addit. Haraldus Danus à damone obtinuit, ut invulnerabilis esset. Ipse animas occisorum iterum Damoni promisit. Ajax Telamonius toto Corpore invulnerabilis fuit, axillâ exceptâ. Achillem Thetis Mater Stygiis undis demersit, ut invulnerabilis esset, calcaneo excepto. Czneum in vitâ invulnerabilem fuisse fama sparsit. Zuingerus Vol. 2. l. 5. Beyerli. Voc. Impossibilitas. Tyllium in pugna Lipsiensi Anno 1631. ignarum à Iesuitis cute duratum fuisse quidam putant, cum paludamento detracto. plumbea glandes ei humi deciderint, & ictibus quibusdam percussus fuerit, ut Gebhardus Orat. d. Gustavo tradit.

34. Quâ ratione impenetrabilitatem illam Sathanas conciliet, haud facile explicatur. An impetum globi retundat, quando ad Corpus venerit, ut ultrâ progredi non possit? An seipsum aut aliud quid inter Corpus ad globum vel ferri aciem interjiciat, ut ultrâ penetrare non queat? An aciem teli aut gladii retundat, vel hebetet, ne penetret? An cutem induret, ne telum admittat? An arcanum quoddam natura adhibeat, quod vim infringat? Quomodo Scaliger arboris in lavâ meminit, cujus medulla ferrea sit, ex quâ, quæ frustum gerat, ferro impenetrabilis sit, Ex. 181. f. 27. Et herba victorialis gerentem à vulnere tutum prestare dicitur, ap. Hildebrand. l. 1. Mag. nat. C. 29. Et Tyrii ab Alexandro M. oppugnati macerante aliquâ materiâ ad muros Urbis dispositâ universum catapultarum & lapidum impetum paritum reddiderunt ac infregerunt, ut parum profuerint illi,



ut Diod. Siculus l. 17. Bibli. memorat. Quam ex Corrosivis ac Saxifragis rebus, quibus Tyrus abundavit, congestam fuisse credibile est. Quamquam Curtius in Obsidione Tyri l. 4. C. 2. 3. 4. nihil de isto prodiderit. An alio modo procedat, qui nobis ignotus? Ad naturam & artem talia quidam referre volunt. Sed Naturâ Cutis hominis mollis, eoque â duro incutiente penetrabilis est, & naturalis artis esse posse nondum hactenus liquido constare potuit. Deum autem miraculose hic operari præsumi non debet.

35. 30. An & arma hominum excantare possint, ut sclopetâ, ne globos emittant, gladios, ne è vaginis extrahi possint? Quidni? Nam & potestati Sathane id subiacet, eoque â Mago per eum effici potest: Et experientia factum esse attestatur. Sic Comes, de quo t. 33. si foramen tubi tormentarii prius conspiceret, quam ignis admoveveretur, verbis quibusdam pronuntiatis nec flammam sulphurem corripere, nec globum ultra tubi oram procedere posse se facturum dixit. Boisard. c. l. Gentiles Magico carmine gladii aciem sic retundi putârunt, ut nec levi vulnere cutem perstringere posset. Milites se â gladiis & globis tutos vanis mediis putant, V. t. 33. Delcius q. 21. Quandoq; ita Magi arma incantant, ut usurpantibus perniciofa sint. Sic Monachus gladium & pugionem demonibus incantanda tradidit, per quæ Carolus Rex ita infectus, ut primò ungues & pili ipsi deciderent, postea sine sensu & vitâ corruerit, & vix ad se reverti potuerit. Beyerling. Polya. voc. maleficium, p. 206. 31. An præsentia occultare, ne sentiantur, se aut alios invisibiles reddere possint? Et id Magis adscribitur, ac per præsigtias fieri posse, & exemplis factum esse constat. Sic



Apollonius momento disparuit, C. 4. t. 18. Idem in Tigelini libello, quo accusatio ejus continebatur, effecit, ut nullâ in parte scriptus liber inveniretur, Beyerling. V. Miracul. p. 546. Bajanus Bulgaria Rex se invisibilem exhibuit. Tholosan. l. 34. C. 16. n. 5. Perseus à Minerva Clypeum accepit, quo non videri potuit. Alii Orci galea à Nymphis accepta id tribuunt. Gyges Lydorum Rex, ubi annuli sui fundum ad palmam convertit, à nemine videri potuit, ipse omnia vidit. Cæl. Rhodigin. l. 6. Ant. Lect. C. 11. Beyerling. Poly. Voc. Impassibilitas. Sicidites Magus conspectum eorum, quæ pro oculis, eripiebat. C. 4. t. 19. Plinius Sinistro pedi Chamaleontis cum simili herba furno tosto & in vase gestato tribuit, præsentem non videri, l. 28. C. 8. sed recte Gellius l. 10. N. A. C. 12. deridicula vanitatis id esse ait. Plura ap. Remigium L. 3. C. 7. 8. aliosq; vide.

36. 32. Quid in animam, intellectum, voluntatem, affectum, & sensum hominis Magi possint, an scientias inferere, memoriam conferre, voluntatem cogere, aut commovere, sensus turbare possint? Sensus internos & externos variè afficere possunt, C. 4. t. 18. 19. Non tamen impossibilia formare, ut e. g. cæcus natus verè de coloribus, qui nunquam audivit, verè de sono in phantasia judicet, quamvis phantastica Corpora objicere, aut ex speciebus antea perceptis commistam aliquam speciem, ut Chimeram, Centaurum, aureum montem, representare queant. Quoad affectus per phantasmam eos concitare, læta aut tristia, quæ nec visa, nec fuerunt, commovere, ex humorum perturbatione variâ phantasia species offerre, appetitum sensitivum irritare, Venerem, iram, odia, amores, metus, terrores, lætities



ex objectis quibusdam concitare, peccata etiam inuitis nobis excitare, ut Gœdelmannus & Danæus rectè affirmant, & vanè Delrius q. 24. negat, cum de peccati ratione non præcisè sit, voluntarium esse, sed àvopiar, 1. Joh. 3. v. 4. Et quædam subito commota rationem ac voluntatem prævenient, Itemq; ignorantia peccata, quæ tamen peccata dicuntur. Lev. 5. v. 2. 3. 17. Ps. 19. v. 13. Ps. 90. v. 9. similiaq; possunt.

37. Quoad intellectum ac rationis vires, possunt scientias artesq; hominem docere, secreta manifestare, memoriam & dispositiones ejus roborare, functiones intellectus, judicium, acrimoniam, dexteritatem, per commodiores Organæ dispositiones intendere, si à DEO permittatur. Sic idiotam quendam subito Scripturæ peritum Magus reddidit. Anabaptista quidam & fanatici sumptione cibi aut potus Scripturæ scientes redditi. Quidam liquore infantum potionatus, sectæ & scientia Magica compos evadit, ut Vir & mulier confessi ap. Niderum l. 5. fornicar. Plura Delrius c. l. habet. Sic de spiritib. familiarib. simile quid, C. 12. t. 1. Quoad voluntatem cogere eam inuitam nullus Damon potest, eoq; nec Magus, sed flectere & commovere, objecto ut odibili aut amabili proposito, visis & cogitatis excitatis, appetitu sensuiuo inflammato, perq; eum voluntate allecã, consiliis, suggestionibus, suggestionibus, tentationibus, pollicitationibus, similibusq; permoveere possunt. Ita Sathanas ipsorum Magorum animum interdum indurat, ut de sceleribus suis nullo modo pænitere velint.

38. 33. An animam alicujus verè è Corpore abripere dæmon, & ad Corpus iterum deferre possit? De Ecstasi Magorum id jactitatur, sed vanè, ut C. 4. t. 1. 2. seq.



seq. visum. Quod in ipsis Magis prestare non potest Demon, minus in alijs prestabit. 34. An separare eam à Corpore possit, ut vera mors sequatur? Si DEVS permittat, omnino id potest. Sic enim & primogeniti Egypti per angelos malos interempti, Psal. 75. v. 50. 52. Et in exercitu Sanherib 185000. homines unâ nocte angelus occidit, 2. Reg. 19. v. 35. Quem malum angelum fuisse multi censent, ut in Michaël, t. 76. dictum: Et Asmodeus aliquis 7. maritos Sara, Tob. 6. v. 15. Et Iobi liberos Sathan necavit, Job. 1. v. 19. Et multos maleficijs quotidie occidit, t. 13. seq. 35. An verè mortuos iterum in vitam reducere possint? Et hoc Magi sibi ac Dæmoni suo adscribere volunt. V. C. 4. t. 8. 19. 22. Empedocles apud Laertium l. 8. Xantus, Iuba, aliiq. id fieri contendunt, factumq. à Magis interdum referunt. Unde cada-vera Diabolus interdum assumpsit, commovit & vegetavit, t. 22. c. l. Verius contrarium est, & soli DEO mortuos verè in vitam revocare reservatur. Patet I. Scripturâ, ubi notanter id DEO adscribitur, & idolis, Sathana, ac Creaturis universim negatur. Deut. 32. v. 39. 1. Sam. 2. v. 6. 2. Reg. 5. v. 7. Sap. 16. v. 13. & alibi. 2. Ratione. Quia mortuos resurgere inter fidei Christiana articulos est, ut è Symbolo constat. At hæc mystica & divina sunt, non Magis aut Sathana communia.

39. 3. Quia mortuos resuscitare verum miraculum est, quod totius natura & artis vim transcendit, ut patet. Sed miracula facere solius divina virtutis est, quam ex illis ut Christi & Apostolorum factis immotè colligimus, Joh. 3. v. 2. Rom. 15. v. 19. Et communis Th. & Philos. hæc est sententia. Dices I. Posset Diabolus, si DEVS permittat, damnatam aliquam



aliquam animam suo imperio subjectam cogere, ut cadaver suum, à quo exiisset, subiret, illudq. moveret & vegetaret. E. & mortuum resuscitare posset. Nam hoc ipsum tale quid est. R. Non id posset Dæmon, nec in animas tale ipse Imperium, ut è scab. suis, si vè beata illa, si vè damnata, eas excire, & in hanc vitam reducere, aut Corporibus suis redungere possit. Piorum enim anima in manu DEI sunt, Sap. 3. Unde eas nemo nisi DEVS ipse reducere potest: Impiorum in loco suo tortura sunt, Luc. 16. v. 28. Ex quo etiam non liberantur, nec in hanc vitam redeunt, v. 29. c. 1. Itaq. quocunq. loci post mortem anima humana devenit, ibi manet, nec à vi creatâ inde reduci potest.

40. 2. Multa exempla resuscitatorum à Magis dantur, ut Tyndareus, Glaucus, Admetus ab Æsculapio suscitati, alii ab Apollonio, Simone Mago, aut aliis suscitati sunt. Sic Eres Armenius ap. Platonem l. 10. d. Rep. Gabienus & alii ap. Plinium l. 7. C. 25. Sic puella Bononiensis velut viva reducta, C. 4. t. 22. Et Lucomorienses reviviscunt, C. 8. t. 13. Plura Boisardus d. Magi. C. 7. habet. R. Vel hæc & similia tota fabulosa & conficta à Poëtis sunt, ut de Ere Armenio, Tyndareo, Glaucæ, Adimeto, & Lucomoriensibus &c. V. c. 1. Vel verè quidam mortui non fuerunt, sed Syncope, deliquio, hysterica, suffocatione, sideratione, Caro aut simili affectu correpti occupatiq. ubi vita exesse videtur, cum adsit, ut Gabienus, Zaclas, Enarchus Plutarchi, puella Apollonii: Vel prestigia & illusiones Diabolica fuerunt, quib. Sathanas cadauera subiit, ut C. 4. c. 1. Vel alia pro illis substituit, oculos perstrinxit, vel aliter egit. V. c. 1. t. 19. Idem de Lucomoriensibus habendum, apud quos fre-



quentes praestigia, C. 8. c. 1. Quantum Natura hic potest, tantum per vim ejus Sathan. Sed illa eadem specie reducit, non numero, ut flores, triticum, &c. Vnde resurrectionem hominis moliri nequit.

41. 36. An in Cadavera demortuorum aliquid Magi possint? Quando à DEO permittitur, possunt ea in illis exercere, quia alias in Corporalia possunt, itemq; prodigiosa & communem naturam superantia quandoq; circa ea conari. V. g. A putredine praeservare, quomodo fulmine ictorum corpora non putrescere dicuntur. Et quomodo as, aromata, aliaq; diu à corruptione praeservant, eoq; Aegyptiis in sepeliendo adhibita. Camerar. C. 1. C. 14. & C. 2. C. 71. Vel combustionem ad tempus impedire, quomodo Cor Cardiacorum aut intoxicatorum comburi non potest, Plinius l. 11. C. 38. Aut haemorrhagiam ad praesentiam occisoris conciliare, quomodo id alias contingere scimus, V. C. 12. t. 1. Aut pilos & ungues in demortuo adaugere, &c. 37. An spectra & lemures commovere possint? Et id potestati Sathana subjectum est, eoq; & à Magis efficere potest, ac saepe talia in locis quibusdam excitari frequens experientia testatur. Exemplum ap. Grossum p. 1. seq. Munsterum de Spectris, Tholosanum l. 34. C. 19. Cigognam l. 3. C. 9. 10. Rivandrum in Chron. festiv. die Michaelis, Melandrum p. 1. Jocof. C. 374. 375. 448. 449. seq. Thyreum d. Spir. apparit. Zuingerum Vol. 5. l. 4. & Vol. 3. l. 6. Beyerlingum Voc. Spiritus, p. 308. seq. aliosq; prostant. Hinc alastores, fauni, Satyri, Hecate, Pluto, Charon, cohortes militares, aliaq; quae mera spectra. V. Delrium q. 27.

42. Neq; hic vel ad defectum, ut omnia spectra ne-  
gentur



gentur & irrideantur, ut Democritus Abderita fecit, Camer. C. 1. C. 72. Vel ad excessum declinandum, ut etiam naturalia, veluti ligna putrida & cicindela in tenebris lucentes, ignes fatui, caprae saltantes, capilli ardentes, vel automata & similia, aut Magnetica prospectris ac Satbanicis habeantur, vel melancholica deliria, vel DEO aut Angelis bonis tribuenda, cum saepe impia & enormia intercurrent, sed Natura, ars, DEUS, à Magis distinguenda sunt. Sic cum manes evocant & responsa dant, ut Pythonissa Samuelem, Canidia & Sagana. V. Horatium L. 1. l. 8. Beyerl. Voc. Miraculum. Zuinger. Vol. 5. aliosq;.

43. 38. An animas mortuorum hominum verè repræsentare possint, ut viventibus post mortem iterum appareant? Affirmant isti, qui animas mortuorum verè in hac vitâ viventibus apparere ajunt. Vt Pontificii communiter. Thyreus d. Spirit. apparit. l. 1. C. 11. seq. Peltanus d. purgat. Bellarminus l. 1. d. purg. C. 11. Delrius l. 2. q. 26. Vbi prolixè per singula secula apparitionum animarum exempla adducit, variasq; pro illis rationes congerit. Patres quidam in illis percensendis approbandisq; interdum nimii sunt, ut Greg. Nyssenus, Turonensis, Beda, Hieronymus, Ambrosius, Paulinus, aliiq;. Quod ex Papis ipse Canus l. 11. L. C. c. 6. fatetur. Et Baronius Turonensi simplicitatem tribuit, quod multa aliter, ac veritas habet, scripserit. An. 109. n. 49. Et quicquid de DEI aut beatorum spirituum apparitionibus sit, quod latius alibi deducendum: Sathanam & Magos defunctorum Spiritus verè iterum sistere falsum est. Vel enim beatorum Spiritus essent, ac illi in quiete suâ sunt, E qua à Sathanâ convelli non possunt: Vel



damnatorum, qui in loco suo tortura sunt, è quo à Sathana in hunc orbem reduci nequeunt, t. 39. Quicquid ergò hic præstari videtur, Sathana illusiones ac præstigiæ sunt, quibus imponit, & Sathan ipse sub specie animæ apparet; quomodo sub specie Christi, Angeli boni, Elia & alius apparuit, ut exempla passim prostant, & ab ipsis Pontif. interdum adducuntur. V. Corn. à Lapide in 2. Cor. ii. v. 14. Delirium. c. l. s. 1. Recte q. hoc confitetur Binsfeldius d. Confess. malef. d. 1. Conc. 3. p. 81. Vel aperta commenta hominum sunt, & apparitiones nunquam visa aut facta, quod ipsi Cordatiores Papistarum confitentur. V. Canum c. l. Baron. c. l. Ac multi Patres istas animarum apparitiones incertas & suspectas habent, ut Augustinus L. d. cur. pr. mort. Multi in totum eas negant, ut Justinus q. 75. Chrysostomus Con. 2. 4. d. Lazaro, & hom. 29. in Matth. Cyrillus in Johan. l. 10. C. 4. L. ii. C. 36. aliq., ut plenius alibi docetur.

## CAPVT X.

## De actionibus Magorum in hominem magis moralibus.

**S**ic & actus Magorum in homines magis naturales fuerunt; Sequuntur, qui magis morales videri queant, illisq. magis assimilentur. Talia sunt gratiæ, favoris, honorum apud proceres, divitiarum, formæ, conciliatio, Victoriarum in bello procuratio, amorum ac odiorum excitatio, fama oblatio, &c. De quibus queritur II. An Sagæ artibus suis gratiam procerum, honores, divitias, aut formæ pulchritudinem conciliare possint?



possint? Ingens hac motiva est, quâ Sathanas homines ad se trahit, quod favores, divitias, honores, promittat, ut ex Sagarum Confessione patet. V. Bodinum l. 2. C. 8. Quod Magus quidam ipse aliquando fassus est, ut idem C. 3. narrat. Sed plerumq; vana esse, parumq; à Magis hic prestari posse patet, 1. Quia odium, amor, & favor, voluntate, familiaritate, notitiâ, similitudine, usq; hominis conciliantur, quorum fundamentum quidem à naturâ & inclinatione est, complementum tamen à morali quodam principio, ut cum bonum, utile, cognatum, nobis judicatur, ad id prosequendum, cum noxium, dissimile, ad fugiendum permovetur homo. Vbi ratio talia agnovit, modos invenit & parat, quibus rei judicata se applicet aut ab eâ abstrahat, & voluntatem velut suorum execrericem excuscat. Hæc ergo cum è naturâ & ratione ortum habent, nihil ad eâ Magorum deliramenta faciunt, frustra q; illis adscribuntur. 2. Quia gratia procerum, honores, opes, DEO largitori tanquam dona ejus in sacris adscribuntur, Gen. 31. v. 24. 29. Gen. 39. v. 4. 21. Exod. 3. v. 21. C. 11. v. 3. C. 12. v. 36. Act. 7. v. 10. Eccles. 2. v. 26. C. 9. v. 11. 1. Sam. 2. v. 30. Et passim. Non ergo à Magis talia expectanda.

2. 3. Quia ipsi Magi & Saga passim in vici, & in omnium odio sunt, ut experientiâ constat. Et utcumq; prestigias eorum ac oblectamenta interdum Magnates assument ac admittant, Magiam tamen & Magos plerumq; abominantur. Idem vilissimi & contemptissimi sunt, ut sibi ipsis honores parare, nedum aliis, non possint. Qui Magicis ad honores pervenisse dicuntur, ut Pontifices quidam, ut communiter sentitur, C. 3. t. 13. Et Marchio Ancræus in Gallia, quæ



an. 1613. incantamentis effecisse fertur, ut in maximâ regina gratiâ esset, omnesq. Principes præ ipso parvi essent, Regem & regnum in potestate habuit, arario usus, & leges pro arbitrio fixit ac refixit. Cluverus Epit. histor. ad an. 613. Vel illi ab osoribus tantum ita describuntur, & aliis artibus, Philosophiâ, ambitu, Simonia, eò devenerunt, ut Delrius l. 2. q. 12. & Bodinus l. 3. C. 3. ostendunt: Vel honor constans non fuit, & de sede dejecti, aut aliàs à Sathanâ more suo agente elusi sunt, ut in aliis contigit. Vt Nerone, V. C. 3. t. 2. Divitias tantum abest, ut aliis conciliare possint, ut ipsi pauperrimi sint, & plerumq. prastigiis à Sathanâ demententur, ut pro pecuniis scruta & quisquiliis à Sathanâ accipiant, C. 4. t. 19. Ac ipsi fatentur, se ne obolo à Spiritu ditari, ut quidam ap. Bodinum l. 2. C. 3. Quidam postquam Magicis se addixerunt, è divitibus in paupertatem precipitati sunt, vitamq. inopiâ consumpserunt, Idem l. 3. C. 3. Thesauros, quos terra abditos interdum Sathan ostendit, magnam partem prastigiosos esse constat. Sic Apollonius thesauros frustra quæsit. V. C. 7. t. 21. Si verè hic aliquid Sathanas interdum præstat, decies iterum fallit. V. Beyerling. V. miraculum p. 548. Et si quid hic posset, maximè impiis suis pecuniam, belli nervum, suppeditaret, & sic perpetuas bellorum segetes moveret, pios profligaret, omniaq. commoveret, nisi DEVS ordinem succurreret. Venustatem similiter à Sagis expectare irritum est, cum deformes, fætidæ, ac turpes ipse sint, nec Sagam venustam à se visam Cardanus testetur, nec ulla faciem sic fucare potuerit, ut speciosior apparuerit, sed verè vulgò dicatur, Deformis, ut Saga. V. Bod. c. 1.

3. 2, An victorias in bello procurare & largiri queant?



queant? Negat Bodinus l. 3. C. 4. aliq̃. Verum cum victoria pugnas requirere soleant, in quibus robur, animus, impetus, celeritas, dolus, industria, multum possunt, eaq̃ à Magis & Sathanâ permissu DEI conferri, concitari, augeri in homine possint, quomodo quidam eorum Naturâ aut arte conciliari posse novimus, ipsiq̃ Magi robore per vim Sathana multum pollentes pralijs interesse, pugnare, hostes prosternere, armorum hostilium vim incantare, & globorum impetum retundere, C. 9. t. 33. 35. possint, & hic aliquid agent. Et hoc historia factum quandoq̃ referunt. Sic Oddo Danus Magicis medijs Normannos, Bulgari Anastasium, & Romanos, Tartari Polonos, Hunni Francos, Megarenses Persas, Haqvinus Danos, Romani Quados, alii alios vicerunt. Historia ap. Delrium c. l. q. 12. Grosium p. 1. Magic. p. 22. 99. seq. Zuingium Vol. 5. l. 4. Beyerlingium Voc. Miraculum p. 549. Boisardum d. Magi. C. 6. aliosq̃ prestant. Apud Tartaros vexillarius quidam cum suorum aciem inclinatam vidiſſet, hostes ingenti aëris opacitate involvit, & penè ad internecionem cecidit. Remigius l. 3. C. 12. In Mauritaniâ an. 1613. ingens Marocci Regis exercitus parvâ Magi manu stratus est, donec ab alio Mago ille iterum devictus, & Rex Marocco vicissim potitus est. Cluverus Epit. hist. an. 613. Victorias à DEO esse Scriptura ait, Psal. 144. v. 10. Prov. 21. vers. 31. 2. Macc. 15. v. 21. Originaliter, & ut à primo boni omnis fonte. Sed media hic includi debent. Quæ cum & à Magis adhiberi sinit DEVS, justa judicia exercet, & cur sic ferri sinat, causas semper habet, etsi nobis incognitas. Sic tempestatibus Magicâ vi excitatis quandoq̃ victoria comparata, ut historia docent. Eas autem à Magis inferri posse C. 7. t. 9. 12. visum.



visum. Sæpè tamen comparare eas non potuerant. Unde à Veterib. annotatum, ex duobus inter se proelio decertantib. eum occumbere, qui Sathanam & Magos adhibet. Sic Pompejus Magos consulens cecidit. Ariovistus à Casare, qui Sagas ridebat, fusus est. Alius Princeps per Magos castra hostium videre volens miserè profligatus est. Bodinus l. 3. C. 4. Et Christianus eos adhibere in bello non debet, sed DEO confidere. Sic Allobrogum Comes Magum arcem Neapolitanam promittentem capite feriri iussit. Et Innocentius Papa Magos obsidione Romam liberare volentes urbe pulit. Delr. c. 1. Et Romani in bello Cimbrico, cum Saga quædam certissimam victoriam suis medijs polliceretur, eam tamen Senatus adhiberi noluit. Dion & Plutarchus in Mario.

4. 3. An amorem vel odium in certa subiecta conciliare queant? Vulgò per philtrea ac maleficia, & incantationes, id facere posse putatur, tam Vetustioribus, ut Plinio, Luciano, Juvenali sat. 6. Tibullo, quàm recentioribus, ut Ficino, Pomponatio, Cæli. Calcagnino, Grillando, alijsq; V. Delrium l. 3. q. 3. Tholosanum l. 34. C. 12. Wierum l. 3. C. 39. 40. & alios, qui negant eos id posse. Media, quæ partim ex verbis, partim rebus & ritibus ad ea adhibent Magi, iisdem auctoribus recensentur. Quantum per philtrea naturalia aut artificialia in homine hic effici potest, tantum & Sathana ac Magis non negandum. Humores turbare, semen augere, irritare, corpus accendere, Spiritus incitare, libidinis stimulos ingerere, flatulentiam, pruritus, calorem, conciliare, phantasia aliquid, ut elegans, appetendum, amandum, obicere, concupiscentia motum succendere, & sic sensuum amorem Sathan per Magos excitare potest.



5. Sic enim & in sacris meretricis patrona sive Domina maleficiorum mentio est, Nahum 3. v. 4. Quorum & Baruc. 6. v. 42. de mulieribus fursures succendentibus Delrius refert, quasi rã wiroga ossa olivarum, h. e. oliva minutæ duriores & penè ossæ sint, quas mulieres istæ ad inescandos Viros adoleverint, quæquam & hæc sensum longè alium habere queant: Et ratio id docet, Cum naturalia media hic aliquid possint. Magis per ea Demon & Magus ea poterunt: Et exempla quandoq; sic in motus inordinatos ductorum, aut talia adhibentium, ut Antonii Triumviri. Marci Cypriani, Basilii, Sethi, aliorumq; id docent, ap. Delrium c. l. Et Binsfeld. in Cod. d. malef. l. 4. q. 1 Beyerling. V. miraculum, p. 540. Sic Proterii filia Magicis coacta, ut servo Patris nuberet, ut in vitâ Basilii traditur: Et à Vincentio in speculo hist. Ac Nidero C. 5. formicar. recensetur. Et varia authoritates Juris Civilis Cod. d. malef. l. 4. V. Binsf. c. l. Theologorum, Philosophorum, & Jctorum idem testantur. Delr. c. l. Voluntas tamen invita cogi à Magis nullo modo potest. Et per philtrea sæpè pro amore furor, ut Caligula, Sueton. in Cal. C. 50. Pro affectu insania, temperie morbus, inducta. Ut rectè Ovidius: Philtrea nocent animis vimq; furoris habent. Exempla Delrius congesit. Et sæpè Magicis ad amorem inducendum nihil profectum est, ut à Cypriano adhuc Mago ap. Nicephorum l. 5. C. 27. Et Basilio Mago ap. Gregorium l. 1. dial. C. 4. aliisq;.

6. 4. An famam lædere possint? Variis modis id possunt. Partim præstigiis & sensuum delusionibus, quomodo Trifscalanus Curioni breviarium ferenti chartas lusorias apparere fecit, unde confessus iste, C. 4. t. 18. Et Demon Sylvani



*speciem assumendo mulierem comprimere voluit, unde infamia ad Sylvanum Episcopum derivata. Sprenger. p. 2. q. 1. C. 11. Partim innocentes in conventibus suis sistendo; si id DEVS permitteret, C. 4. t. 23. Partim Sagas per imagines sistendo, quæ reverâ aliàs absunt, c. 1. t. 15. Partim occulta peccata revelando, quæ per Sathanam cognoscunt, quomodo interdum furti authores designant: Partim falso criminis aliquem insimulando, ut in Germaniâ cuidam ap. Belyacensem l. 25. C. 37. Et Dorotheo ap. Surium 5. Jan. contigit. Itemq. Leoni Basili filio, V. Zuinger. Vol. 5. l. 4. 5. An ex Carceribus captivos liberare, fugientes sistere, fures indicare queant? Et id DEO permittente queunt. Sic Damon peregrini formâ ad Fridericum Austriam in Bavariam Magi rogatu profectus eum liberare voluit, & nigrum equum inscendere iussit. Sed dux renuit, & signo crucis se signavit. Anno 1323. Trithemius in Chron. Hirsaug. Apollonius cippum artibus Roma in carcere exiit. Saga S. Proba è cippo se exire posse dixit, & ipsa sibi manicas exiit, quod ars humana nequisset. Zuingerus c. 1. Nobilem aliquem demon servi specie è vinculis cum compedibus & catenis abripuit, & per aërem asportavit, donec DEI nomen inclamantem in arundinem dejecit, unde ab uxore domum est per famulos deportatus. Cigogna l. 3. C. 10. Fures quandoq. indicatu Sathana, qui novit, indicant. Ritus, deliria, anathemata, quæ adhibent, ap. Wierum l. 5. C. 5. 6. vide. Quandoq. & fallunt, & à Sathanâ falluntur, cui innoxios infamæ læsionem precipitare voluptatis est. Sic Turca servos adiurationib. retrahunt. Wier. l. 4. C. 2.*

7. 6. An Judicibus nocere, aut justitiæ ministros ledere possint? Quidam peculiari privilegio eos exemptos censent



consent, ut à Magis lædi non possint. V. multis Bodinum l. 3. C. 4. Idemq. Grillandus q. 7. Ananias l. 4. d. Dæm. Remigius l. 1. Dæm. C. 2. Sprengerus p. 1. q. 18. P. 2. q. 1. Niderus C. 4. formic. aliq. terent. Id multis Sagarum testimonio firmari Sprengerus & Niderus c. 1. ajunt. Sed verius oppositum est, & Iudices etiam lædi à Magis posse, si à DEO permittantur, dicitur. Quod patet 1. Ratione. Quia in ipsum Christum Diabolorum & hominum Iudicem constitutum, potestas Sathana per Phariseos & Iudaos multum potuit, ubi DEVS permisit, ut & ad Crucem tandem eum raperet. Act. 2. v. 23. Luc. 22. v. 53. Joh. 19. v. 11. Et à Sathanā tentari ac circumduci se passus est Christus, Matt. 4. Sic Iobum principem & Iudicem fuisse constat, & tamen mirifice bonis & Corpore ille à Sathanā exagitatus fuit, Job. 1. 2. 2. Exemplis. Quia carnifices in ipso rogo à Sagis leprā interdum percussi sunt, C. 9. t. 15. Stadelin Magus tremore Captores suos affecit, & fæto abegit. Niderus c. 1. Parisiis famosus Magus Goninus ad patibulum damnatus, sic Iudicibus illudit, ut ipsius loco primi præsidis mulam patibulo appensam viderint, & ipse Iudicio supervixit. Delrius l. 3. p. 1. q. 5. Pompejopoli quidam maleficus permissu Inquisitoris se in carcere inungens statim in aërem è carcere sublatus fuit. Idem l. 5. f. 7. Alius suspendendus loco sui fasciculum straminis ad furcam pendere fecit. Sæpè Iudices injustos ac perperam multa designantes sic à damone imperitos fuisse constat, ut necem non evaserint, ut Ananias l. 4 c. 1. docet. In oppido quodam Prusie Magus aliquis comburendus cum Consulis filia, cum quā sæpè rem habuit, fasciculo serici in altum sublatus nuspiam postea comparuit. Henneberger p. 477. Chron. Pruss. Sage



*Iudices ad misericordiam inflectere possunt, si priores oculos in eos conjecerint. Quod exemplis probatum esse Bodinus c. l. fatetur. Et ostendit Sprengerus p. 3. q. 15. Quare curandum docet, ut aversâ facie ad Iudices introducantur, ne prius Iudices ipsa videant, quàm à Iudicibus videantur. Conf. Eundem p. 2. q. 1. C. 12.*

8. Dices 1. Sic in ipsum *DEVM* juris aliquid *Sathan* & *Magi* haberent, Iudicium enim *DEI* est, 2. Chron. 19. v. 6. Et Iudices *DEI* loco in iudicando funguntur. R. Non sequitur. Etiam *Christus* *DEI* loco fuit, ut à *DEO* missus, & unigenitus ejus filius. Et tamen potestati tenebrarum ad tempus subijci, ac à *Sathanâ* tentari à *DEO* permissus est, t. 7. Nec inde juris aliquid *Sathana* in *Christum*. Si absolute id *Sathan* posset, etiam renisente ac impediante *DEO*, tum jus aliquod hinc colligi posset. Nunc omnia tantum permissu *DEI* potest, & facto talia occupat, etsi juris nihil in res interdum habeat. Sic *Iobum* & *Christum* afflixit, in quos jus non habuit. 2. Omnes Malefici id fatentur, quod in carcerati nihil à *Sathanâ* subsidii habere possint, secus & à carceribus effugerent, ac ministros & Iudices se persequentes occiderent. R. Confessio ista nec uniformis ac perpetua est, nec rei ipsi semper respondet, cum sepe facta contraria fuerint, & ex carceribus evaserint, ut *Apollonius*, vel *Carnifices* in ipsis rogis lethaliter infecerint, vel in patibulis pro seipsis mulas aut stramenta appendi fecerint, t. 7. Eoq; non absolute tali confessioni credendum. Et experientia particularis est, ac quandoq; Iudices lædere non potuisse probat. Interdum autem fallit, & lassisse aut commovisse eos aliis exemplis constat, ut non simplici decisione, sed distinctione hic opus sit.



## CAPVT XI.

De affectionibus Magicarum  
actionum.

**I**ta species Magicarum actionum potiores fuerunt. Sequuntur attributa ac affectiones quædam, quibus ulterius illa ab intellectu spectata à posteriori determinari possunt. Tales sunt innaturalitas, inartificialitas, horribilitas, indicatio vel animadversio earum, aversio & propulsatio, probatio Magorum & Sagarum, ab actibus divinis, naturalibus, aut humanis diversitas, & punitio ac extirpatio. Innaturalitas est, quâ principium ex naturâ non habent, etsi quibusdam, ut Agrippæ & similibus, habere videantur. Sed præternaturali principio nitantur, Sathana potestate, qui hic supremus actionum motor & fotor est. C. 3. t. 3. Inartificialitas est, quâ verè & propriè dictæ artis expertes sunt, etsi vulgò nigra artis nomine appellentur. V. C. 3. t. 4. 5. Horribilitas est, quâ verè ratione sui, & principij, Sathana, & modi, qui sæpè perversus, fallax, impius, noxius, & effecti, & subjecti, Magi, horribiles hominibus esse debeant, etsi nefariis subjectis appetantur & exercentur. Ferè enim horribilis interitus comitatur.

2. Indicatio earum est, quâ præsumptione aut animadversione aliquâ à certis indiciis sumptâ animadverti & agnosci actus Magici debent, quod Magici præcisè sint, non naturales, humani aut divini, sed ex Sathanico principio procedant. Probatio Magorum est, quâ exteriore aliquâ notâ ostenditur, hominem aliquem commercii cum Sathanâ



reum esse, & ex pacto cum eo operationes aliquas edere. Diversitas est, quæ ab actibus humanis, divinis, & naturalibus distincti esse intelliguntur, & distinctio observatur ac traditur. V. t. 3. 9. Punitio denique est, quæ pœna legitima praratione circumstantiarum Magis pro actibus suis infligitur, & Magice ipsa extirpatur. De his sequentia quærentur. I. Annon Magiæ naturalis & artis beneficio talia interdum perfici possint, quæ Magicis actionibus similia sint, eoque illis annumerari quæant? Exempla enim quædam supra adducta, quibus id ostendatur. Ut de Opticâ transmutatione in varias figuras ad transmutationes Magicas, C. 6. t. 6. C. 7. t. 21. Ecstasi aut Caro naturali ad ecstasim Magicam, C. 4. t. 5. sequi processum est. Sic stellarum & navium progressus ad Magor. exportationem, Circulatorum celeritas ad illusionem, alia ad tonitrua, insecta, ligationes, Curationes, resuscitationes Magicas, similiaque collata sunt, C. 4. t. 14. 19. C. 7. 8. 9. &c.

3. Et similitudo ac analogia hic aliqua est, non tamen plena identitas. Naturalia è natura consensione ac dissensione procedunt, artificialia ex naturalium contemperatio-  
ne & iustâ applicatione, modique procedendi & fundamenta consentiendi illis nota sunt, qui operantur, etiamsi aspectantes aliosvè lateant. Magica interdum nullam consensionem habent, sed merâ Sathana vi, placito, pacto, ad agendum pro voto Magi concurrentis perficiuntur, ut in morbis & curis Magicis. Interdum totam naturam aut artis vim superant, ut subita presentium disparitio, longinqua in momento ad loca remota exportatio, aureorum ex digitis pulsatis excussio, & consensionum fundamenta Magis & Sagis sapientis idiotis, ignota sunt. Nec naturalia aut verè artificialia in presentem hominis



hominis pernitiem naturâ sui sunt intenta, sed pravo tantum  
utentium usu. Magica autem ex Sathana & Magi intenta-  
tione plerumq; talia sunt. C. 3. t. 18. 19. C. 2. t. 5. Plura  
t. 9. 10.

4. 2. Annon inde Magica gratiam apud homi-  
nem sortiri queant, quòd bonorum Spirituum ope homo  
ad ea adduci, inq; illis informari queat? Ita quidam Ma-  
gorum Patroni, ut Agrippa, aliiq; hominibus persuadere  
volunt. Sed à nullo bono angelo ea esse, C. 3. t. 4. ostensum  
est, eoq; nec inde gratiosa homini fieri possunt. 3. An ex ve-  
ræ artis principio Magica procedant? Non, ut C. 2. t. 4.  
seq. dictum. 4. Quâ notâ maximè adæquatâ ac appro-  
priatâ dignosci debeat, actum aliquem Magicum, & Sa-  
thanico principio ac commercio productum esse?  
Hic varia sunt authorum sententia, & quædam pro præsum-  
ptionibus, quædam pro notis, tesseris, indiciis, alia pro aliis  
habentur. Nota est, si effectus naturam superet, cum causâ  
probabilem proportionem aut connexionem sufficientem non  
habeat, nec animadvertere eam liceat, à DEO aut Angelo bo-  
no esse præsumi non debeat, ridiculis ceremoniis, ritibus, si-  
gnis, verbis, characteribus, signi Crucis detorsionibus, aliisq;  
sacris detortis, Daemonum institutis nitatur, eaq; homo adhi-  
bere animadvertatur, cum sortilegis versetur, ad nuda verba  
ritus, signa, notabilis oblætio, aliorum ad Magica deductio  
notetur, aliisq; quæ pluribus & fusè Delrius l. 5. Wierus l. 4.  
& 5. Bodinus l. 4. Dæm. Sprengerus p. 2. & 3. mall. Gœ-  
delman. l. 3. Binsfeldius in Cod. d. malef. leg. 9. Besol-  
dus Thes. Pract. Voce Heren/ aliiq; persecuti sunt, unde  
materie plenius deducenda, cum per reliqua hic deducta satis  
• Tractatus excreverit.



s. 5. Quomodo morbi malefici agnoscendi sint? Difficilis hic agnitio, cum naturalibus morbis Demon se immiscere, multumq. sub illis latere queat. Medicorum hesitatio, morbi improvisa invasio & accretio, naturalium causarum nulla aut difficilis observatio, Symptomatum inordinatio ac admirabilitas aliquid hic facere possunt. Verbenam alii, plumbum liquatum, aliavè adhibent, quæ superstitionem olent. V. Sennert. l. 6. Pract. p. 9. C. 6. Sprenger. p. 2. q. 1. C. 12. 6. Quomodo præcavendi iidem, & homo ab illis præservandus? Apud Gentiles varia superstitiosa hic adhibita, Rhamnus, Leontopodium, hyena Corium, lupi rostrum, hypericum, aliæq. quæ ap. Tholosanum C. 22. Delrium l. 3. f. 7. 8. 9. Et l. 6. C. 2. Wierum l. 5. Beyerlingium Voc. Maleficium, p. 207. aliosq. vide. Quidam indussum inversum gerere præscribunt, ut Paracelsus. V. Sennertum d. Chym. conf. C. 13. Tutissima per devotas in DEVM preces, firmam in Christum fiduciam, accuratam Sagarum lamiarumq. observantiam, ne cum illis versemur, eas lædamus, aliquid ab illis postulemus, aut illis denegemus, piam vitæ institutionem, Christianam Sathana & mediorum ejus fugâ, & similia media procedendi ratio erit. Sic Philippus Rex piâ fiduciâ imaginem ceream Magicè in sui interitum sacratam in ignem projecit, ipse diu postea feliciter supervixit. Lercheim. C. 16. Conf. C. 3. t. 2. hujus Tract. Pontificii & aquam lustralem, cereos, crucem, reliquias, missas, exorcismos, aliæq. adhibent, quæ perconsentem Beyerlingium. c. l. Delrium l. 6. C. 2. multisq. adstruentem vide. Contra ea Lercheimerus d. Zaub. C. 16. 18. Prætorius C. 9. Gœdelman. l. 1. C. 6. Wierus l. 5. aliiq. disputant. Multum allabo-



allaborat Delrius l. c. C. 3. in defendendis illis. Nos abusum & superstitionem exesse hic jubemus, libertatem alias Ceremoniarum facile admittimus, & peculiaria exorcisandi, ungen- di, benedicendi dona temporaria in prisca Apostolica Ecclesia, ut alia miraculosa dona agnoscimus, sed quæ nec in Ecclesia perpetuò retineri debuerunt, nec promissiones habent de perpe- tuâ duratione, ut plenius alibi docetur.

6. 7. Quomodo iidem avertendi & curandi? Hic partim Magicè proceditur, & à Magis ac Diabolo auxi- lium speratur ac petitur, vel Magus ad sanandum vi compelli- tur, aut persuadetur, ut post patebit, quod apud Christianum totum illicitum est, qui non cum Sathanâ colludere debet; Vel per verba, Characteres, & ritus Cura expeditur, quod totum Magicum est, cum talium ad effectum naturalem nulla sit rea- lis efficacia, t. 8. Et C. 7. t. 11. Partim superstitiosè, idq; & à gentilibus olim, & à multis Christianorum hodie, ut apud Delrium & Beyerlingium c. 1. Wierum c. 1. aliosq; vide- re est. Sic Viri maleficium mulier aliqua cæreopriapo ad altare in missâ adpenso ridiculè curavit, Wier. l. 5. C. 36. Para- cellus indusum inversum commendat, t. 5. Quod etiam Christiano illicitum, quem religiosum esse convenit, non su- perstitiosum: Partim Physicè, ut rutam, verbenam, hyperi- con, Vomitoria, evacuantia, quæ Plinius, Sennertus, Hil- debrandus, aliiq; habent: Partim Theologicè & divinè, quod maxime tutum, & Christianum decet, ut in praternatu- ralibus accidentibus, quæalia Magica sunt, t. 3. Etiam superna- turalia remedia adhibeantur, ut devota preces, publica priva- ta, jejunia, seria pœnitentia, fructus eâ digni, studium sancti- monia, Vota DEO facienda, firma de auxilio DEI fiducia, Lu-



*diabrorum Sathana contemptus, superstitionum fuga, & similia.* 8. An Magum accersere, inducere, commovere, aut rogare liceat, ut maleficium solvat? Lex Cod. d. malef. t. 18. Canonistæ quidam, & alii id permittunt. Sed rectius & hoc apud Christianum licitum esse negatur. Nam & hoc creaturam ac Sathanam Creatori ac DEO preponere erit, & preces Creatori debitas Sathana ejusq. Organo, Mago, mancipare. Quod Christiano abominabile esse debet. 9. An maleficii instrumenta inquirere, abolere, aut concremare liceat? Si sine superstitione, Diaboli scitu, consultu, consilio, rogatu, collusionis Magica suspitione, ut cum Saga in potestate iudicis constituta propria facta. ubi aliquid occultaverint, revelant, id fiat, licet, saepeq. ita egros restitui constat. C. 9. t. 16. Si spe sanitatis, metu superstitionis, favore Magica collusionis, conspirationis aut agnitionis, vel Sathana consultu aut monitu fiat, non licet. Malum enim hoc, & speciem mali habet, à quâ abstinendum, 1. Tess. 5. v. 22. Multum aliâs authores hic dissentiunt, quidam ajunt, ut Codronchius, Remigius, Delrius, qui Hispanos, Gallos, Germanos, aliosq. id sentire, nec se dissentientem legisse, ait, quidam negant, ut ex Papistis Hesselius, Estius, Ex Nostris Baldwinus, Sennertus, & alii. Et ad prædictum modum tutius erit procedere.

7. 10. An Magum vi cogere liceat ad maleficium solvendum? Iterum hic opinionum diversitas. Remigius & Canonistæ affirmant. Sennertus, Baldwinus, & Theologi, aliiq. negant. Et hoc rectius. Sathana enim auxilium, opera, & ministerium per Magum intercedit, & Saga per Sathanam curat, quod Christiano illicitum, qui omne

auxi-



auxilium à DEO, Naturâ, & legitimâ arte expectare debet.

11. Quomodo ligaminis maleficium præcavendum & amovendum? *Varia hic ridicula, superstitiosa, & impia interdum adhibentur. Sic apud Vogetios olim. Remigius l. 3.*

C. 9. Tutissimum, remediis naturalibus & spiritualibus ligaminis causas tollentibus, V. C. 8. t. 8. 11. hic procedere est.

12. Quomodo philtis obviandum? *Medis naturalibus venena expellentib. & infringentibus, ubi calculum humanum contritum cum aquâ nasturtii aquatici haustum quidam commendant, V. Sennert. c. l. C. 9. aliosq. Aliisq. alterantib. & confortantib. ut & moralibus mediis, precib. votis, sobrietate, &c. V. Hildebrandum p. 222. Goëtiz.*

13. Quomodo veneficiis specialiter dictis sive Magicis obsistendum? *Alexipharmacis appropriatis, & natura infecti ac temperamento ejus specialiter convenientibus, aliisq. quæ Medici præscribunt. Moralia etiam adjungenda, & pro successu DEVS invocandus, ac id ab eo unice sperandum.*

14. Quomodo fascinatio infantis agnoscenda & curanda sit? *Cardanus l. 2. d. ven. varia signa proponit. Sed quia pleraq. incerta sunt, tutius à negatione indicii, & cause naturalis imbecillitatis alterius morbi in matre vel infante, veneni absentia, & remediorum inutilitate signum desumitur. Cura partim superstitiosa est, ut apud gentiles & Christianos, V. t. 6. Et C. 8. t. 8. Partim vera, per media naturalia & moralia expedita, quæ c. l. patent, & in Medicis discutuntur.*

15. Quomodo maleficium silentii in Magis, C. 9. t. 32. solvendum? *Quidam aquam frigidam, alii alia adhibent. V. Delrium l. 5. s. 9. Tutissimè per diligentem omnium inquisitionem, pilorum abrasionem, malefici, si*



quod observetur, amotionem, tortura moderatam continuationem, ac preces ad DEVM pro veritate eruendâ fusas proceditur.

8. 16. An curatio morborum per verba pro Magica haberi debeat? Vel divina, vel Magica, vel fortuita est. Naturalis enim vis ista non est, & si quid hic proficit, aut DEO adscribendum, aut pacto cum Sathanâ, ut in Magis, aut casui & imaginationi patientis, aut naturali morbi declinationi, aut aliis causis. V. C. 9. t. 23. 24. Magorum curatio divina non est. Quare Magicam esse oportebit. 17. Sagæ & Magi quomodo probandi ac dignoscendi sint? Varia hic probationum genera esse solent, quorum quædam superstitiosa, quædam Magica, quædam probabilia, quædam fallacia, quædam furilia, quædam ambigua, quædam deniq; certa sunt. Probabilia t. 4. adducta. Quæ enim actum Magicum indicant, & Magum consequenter manifestant. De cæteris è sequentibus quæstionibus patebit. 18. An probatio Sagarum per aquam frigidam iusta, eoq; licita sit? In inferiore Saxoniâ iste probandi modus valdè usitatus est, & licitus habetur, scriptoq; eum probant ac defendunt Scribonius in Physiologiâ Sagarum, & Epistolâ ad Lemgovienses, Jacobus Rex l. 3. Dæm. C. 6. Alius quidam Ictus Papista ap. Delrium l. 4. C. 4. q. 4. & q. 5. f. 2. Et Nos olim disp. d. Mag. act. t. 32. presumptionem inde oriri consensimus. Communiter tamen illicitus & vanus habetur, tam Philosophis, quàm Theologis & Ictis. V. Wierum l. 6. C. 7. Delrium c. l. f. 1. 2. Goedelman. l. 3. C. 5. n. 22. seq. qui multos ibi citat, Bodinum l. 4. C. 4. Timplerum l. 3. Apsych. C. 2. q. 12. Neuwaldum & Euvigium c. Scribonium,



Binsfeldium d. Conf. Mal. Concl. 7. q. 1. Prætorium & Scultetum d. Zauberer C. 11. Remigium l. 3. C. 9. Nam nec naturali, morali, aut supernaturali aliquo fundamento nititur, cum nec vis illa aut antipathia aquæ ad Sagas naturalis sit, nec supernaturaliter ei à DEO indi probari possit: Nec Sathanas propriè levis est, quod Corpus est, non Spiritus, nam porcos Gergesenorum in mare precipitavit, Matt. 8. v. 32. hic etiam gravis fuisset: Eog<sup>9</sup> levitate sua Sagas super aquas sustentare non potest, nec propriè ab eo Saga obsessa dici possunt. C. 4. t. 14. Et verissimas Sagas sæpè ita colligatas aquis immersas esse, non supernataisse, experienciâ constat, prout exempla Goedelman. c. l. n. 35. adducit: Et in Jure Canonico Caus. 2. q. 5. C. 7. & 20. ac Civili Lombardico, l. 2. t. 54. talia probandi genera prohibita sunt, ut in usum reduci non debeant apud prudentes.

9. 19. An justum Sagæ indicium, si in tormentis non lacrymetur? Plerumq<sup>ue</sup> non lacrymas Saga mittunt, & pro indicio id recensetur. V. Bodinum l. 3. C. 4. Sprengenum, Grillandum, alios. Causa vel pertinacia Diaboli imprimis instinctu in illis ut mancipiis suis conciliata esse potest, qui quovis modo obsistit, ne veritas prodatur: Vel stupor vehementissimus, qui etiam in subitis malis lacrymas cohibere solet, V. Camerar. C. 1. C. 29. Vel membrorum torpor aut insensatio à Diabolo inducta, quæ sensum inhibere solet, & ita dolorem non sentientes nec doloris signa, lacrymas, emittunt. Indicium tamen ad Sagam id sufficiens non est, cum & in aliis pertinacibus locum habere possit. Sic pueros flagris citius interdum discindas, quam lacrymulam ex illis elicias. Quos senovisse Delrius l. 5. f. 4. ait.



genera quibusdam usitata, ut per cribrum, ferrum candens, aquam feruentem, duellum, hic adhibenda aut licita sint? *Non, DEVS enim talibus tentatur, & tam innocentem prodere, quam nocentem tegere talia possunt.* 21. Quomodo ab actibus divinis, naturalibus, artificialibus internoscenda & distinguenda Magica veniant? *Efficiendi ac agendi modo, effectorum proportionem, formalitate, fine.* Divina vera, solida, pia, honesta, gravia, decora, & ad bonum finem ordinata sunt. Magica sæpè præstigatoria, ridicula, vana, impia, scurrilia, & ad pravos fines ordinata sunt, fraudes, impietates, homicidia, aliæque procuranda & inferenda. &c. Modus agendi in divinis sincerus, gravis, mediis decoris, aut sine illis procedit. In Magicis falsus, mediis alienis & ridiculis, aut naturæ vi adhibita, & effectus ipse sæpius apparens tantum est, non verus. Conf. C. 9. t. 38. seq.

10. Naturalia à Magicis quid differant, ex t. 3. 4. haberi potest. Ibi Naturæ vi subditus est, Connexio causarum & effectorum proportionata, nota, & legitima est, naturalia media adhibeantur, nulla allotria interspergantur: Hic omnia in contrarium. Artificialia differunt, quod ex arte verà procedant, ab eâ regulentur, ad eam examinentur, & quadrare reperiantur, totam Naturæ Sphæram non transcendant, & probabilem causam cum effectu connexionem habeant, finemque in se honestum, ac naturæ sui licitum obtineant. Magica omnia contrà sunt, C. 2. t. 4. seq. Et hoc C. t. 4.

11. 22. An omnes Sagæ sine discrimine interficiendæ? Papistæ nonnulli affirmant, ut Frid. Martini de Jur. Cens. in appendice, Delrius l. 5. f. 16. Vbi Blancum, Carrerium, Grillandum, Covarruviam, Lopetz, Damhuderium, aliosque allegat, Bodinus l. 4. C. 5. Remigius l. 3.



l. 3. C. 12. Binsfeldius in Cod. d. Malef. leg. 5. q. 1. aliq.;  
 Ex Reformatis Perkinsus in Bascanolog. p. 287. seq. *Sed*  
*rectius distinguitur. Sunt enim quædam melancholica ac de-*  
*lira anus, quæ se Damonis fæderatas esse putant, cum non sint,*  
*& quarum capitibus Demon ad varias phantasias abutitur,*  
 C. 4. t. 15. *Quæ commiseratione & medicatione, non suppli-*  
*cio dignæ: Sunt quædam deceptæ & fæderatæ, quæ tamen*  
*nocumenta nulli intulerunt, quæ corrigenda & in melius con-*  
*vertenda; Cum apostasia earum magis Theologicum & Spiri-*  
*tuale, quàm Politicum & Civile peccatum sit: Sunt deniq;*  
*quædam foederatæ & simul maleficæ, quæ jure interficiendæ,*  
*tam divino, Exod. 22. v. 19. Lev. 20. v. 27. Quàm huma-*  
*no, eod. & Canonico. p. 2. caus. 26. Et varijs Extrava-*  
*gantibus, & Civili, Codic. de Malef. & Mathem. legibus*  
*varijs. Et sic quoad hanc rem Meisnerus p. 3. Ph. sob. f. 2.*  
 C. 6. q. 5. Thummius de Sagis, q. 8. Harprechtus T. 4.  
 op. d. publ. Judic. ad leg. Corn. d. sic. n. 305. seq. Vbi &  
 Besoldum, Kirchovium, Golhausen, aliosq; allegat, &  
 rationes Martini dissolvit, aliq; rectè procedunt.

12. *Multa aliàs circa processus cum Sagis quaruntur.*  
*Vt, an in Magicis criminibus ordinarius processus ac ordo*  
*servandus? Quomodo in illis inquisitio instituenda? Quæ-*  
*nam optima indicia sint, quibus tutò Iudex procedere possit?*  
*Quænam minus urgentia ac incerta Magia sint indicia? Te-*  
*stificationes & probationes Magia quales esse debeant? An*  
*ad testandum aliquis cogi possit? Quid in accusatione Magi*  
*observandum? An & à capitali hoste accusari possit? An*  
*maleficos capere cui vis liceat? An & in templis capi, ex q; il-*  
*lis extrahi possint? Tortura an & quo ordine, modo, & ra-*  
 tione



*tionem in eos adhibenda? Præsumptiones & indicia ad torturam qualia esse debeant? Quoties torqueri possint? An Socius maleficum indicans indicium ad torturam faciat? Spectra immittentium pœna qualis esse debeat? Ariolorum & divinantium qualis pœna sit? Et quæ similia sunt: Quia magnam partem Iuridica sunt, & ap. Goedelmannum l. 3. Tholosanum in Syntagmate l. 34. & libris de Re-publ. l. 13. Althusium C. 103. Dicæol. Delrium l. 5. & 6. Laimannum & Göhausen in processu c. Sagas, Niderum & Sprengerum in mal. malef. Fabrum & Binsfeldium in Codic. de malef. Wierum l. 6. Lercheimerum & Prætorium von Zauberer, Melandrum in peculiari Tractatu cont. Sagarum processum, Bodinum l. 4. Dæm. Bocerum, Mercerum, Bulengerum, aliosq; quos Besoldus Thes. Pract. Voce Hexen / p. 408. allegat, Meyfartum in Erinnerung von Hexerey auszuerothen / Harprechtum T. 4. d. publ. judiciis, aliosq; discussa reperiuntur, Præsensq; Tractatus mole materiarum jam satis excrevit, hic ob prolixitatem omittenda sunt.*

## CAPVT XII.

## De Cognatis ac Oppositis Magicarum actionum.

**I**ta attributa ac affectiones Magicarum actionum fuerint, eoq; absolute ea spectata sint. Deinceps respectivè ad cognata sua & opposita conferenda erunt. Cognata Magicorum actuum omnes Circulatorum & agyrtarum actus, communes agendi modos superantes sunt, C. 4.



t. 19. Omnes Patroni & Studiosi Magicorum, ea magnificantes, excolentes, promoventes, exercentes, defendentes, excusantes, dilaudantes, Consilia, responsa, Curas, & auxilia Magorum & Sagarum expetentes & adhibentes, superstitiosi dierum discriminatores, quales Saulus, Gnostici, Nero, aliq. V. C. 3. t. 11. 12. 13. Catalogum eorum apud Zuingerum. Vol 5. l. 4. Beyerlingium Voce Magia, & alios vide. Paracelsum in eodem ordine quidam locant, ut Sennertus de Chym. Conf. C. 4. & 13. Cornringius, & alii. Sed quem bene hic defendunt Author Elucidarii in Theophr. non. Theoph. Toxites in præf. Testam. Theoph. aliiqve. Qui & quæ Oporinus in epist. scripserit, de illis penitus addit. Spiritus item familiares, quos bonos esse, & utiliter ab homine haberi posse Agrippa, Trithem. aliq. putant. Sed quos tenebrarum Spiritus Magicis affines, & in hominis interitum intentos esse bene Meisnerus p. 2. Ph. Sob. Wierus l. 1. C. 22. Samsonius Conc. 5. d. Hexen/ aliq. docent. Sic Jacobus de Rotà Cortricensis, Spiritum in annulo alligatum gestabat, quem subinde de rebus novis consulebat. Sed in exilium tandem pulsus est, annulum contundere, & libros Magicos publicè exurere coactus. Wierus l. 6. C. 2. Socrates genium familiarem habuit, à quo semper instantis mali admonitus, & à periculo revocatus fuit. Plutarchus l. d. gen. Socratis. Basilea cum Spiritum Scrinio inclusum liberi ex adib. in alias contra jussu Patris transtulerunt, uxor rabie correpta est, & maritus eam occidit, ipse Casu lapidis è superno cadentis ictus, & deformiter in facie percussus est, ut vix homo videretur. Niderus C. 2. formicar.

3. Iohanna Francica virgo Spiritum habuit, quo multa mirabilia perfecit. Sed ab Anglis capta fuit, & pro



meritis suis ignibus, ut *Maga*, publicè tandem exusta fuit. Idem C. 8. *Thasio* cuidam *Aristoteles* l. d. mir. auscult. *Equiti Aquitano* *Froisardus* in Chron. Alteri cuidam *Bodin* l. 1. C. 2. Sed quem ut bonum genium describit, Alii, qui à Spiritu variè infestatus, vellicatus, & percussus fuit, similem Idem l. 2. C. 3. tribuit. *Cornelii Agrippæ* canem talem fuisse pleriq; censent, etsi *Wierus* l. 2. C. 5. strenuè neget. Alius apud *Cæsarium* l. 5. C. 30. paredrum habuit, qui pro mercede 5. solidos exegit, & in usum campanæ in templo impendere iussit. Comes aliquis Spiritum familiarem habuit, cujus consilio in omnibus domi forisq; peragendis usus est. *Boisardus* de Magia, C. 6. Plerumq; paredri ita paciscuntur, ut exacto annorum numero aut alium herum prior reperiat, aut ipse *Demoni* necandus cedat. V. *Remig.* l. 1. C. 9. Spectra item familiaria, lares, munta domestica in domibus interdum obeuntes, ut *Koboldi* & *Gutalkeni* Germanorum, *Tralla* Suecorum, *Cottri* Ruthenorum, *Gobelins* Gallorum, qui omnes nil nisi demones, in fallaciis hominum intenti sunt, ut bene *Delrius* l. 2. q. 27. docet, Item anima demortuorum, quas se esse singunt, cum demones earum loco appareant, C. 9. t. 43. & similia. Quidam pro Magicorum cognatis & Curationem vulnerum per obligata arma, ut *Gœdelman.* l. 1. C. 8. n. 33. *Bierman.* d. Mag. act. t. 62. *Keckerman.* L. 1. Phys. C. 9. *Jac. Martini* d. 1. d. cognit. sui, q. 9. *Voetius* in Ther. sit. heavtontim. f. 3. C. 3. Et p. 1. d. 48. t. 21. Et cruentationem Cadaueris occisi ad Occisoris præsentiam, ut qui fascini aliquam speciem esse volunt, ap. *Kircherum* l. 3. d. Magne- te, par. 9. C. 2. Et auri per Chymicam artem productionem habent, ut *Tostatus*, *Ægidius Romanus*, *Aponensis*, Item

Astro.



*Astrologicas & Genethliacas de futuris conjectationes ac praedictiones, ut Delrius l. 4. C. 3. q. 1. Samsonius Conc. 8. d. Sagis, Pererius l. 3. de Magia, C. 1. 2. aliiq;.* Sed omnium horum aliam esse rationem, & vel naturalibus causis, vel supernaturali cuidam dispositioni, vel peculiari arti & notitia assignandum esse alibi ostendetur. De aurificio C. 7. t. 21. quaedam dicta.

3. Opposita Magicorum primaria & secundaria sunt. Primaria, quibus directè Magica evertuntur. Talia actus divini Magicis oppositi, extirpationes & remedia Magicorum sunt. Actus divini sunt, qui ut vera solidaq; miracula, totius naturae vim superantia, Sathana actionibus per Magos expeditis opponuntur. Ut cum Moses sua miracula prestigiis Magorum Ægyptiorum opposuit, C. 1. Apostoli ut Iohannes cum Cynope, Petrus cum Simone, Iacobus cum Hermogene Magis concertarunt, suaq; miracula illis opposuerunt, V. C. 6. t. 22. Macarius prestigias in juvenculâ equi forma apparente dissolvit, ut intuentibus iterum homo appareret. C. 1. t. 7. Sic Propheta & Apostoli realiter mortuos resuscitarunt. Daemon fallaciter & apparenter Corpora ad tempus subiit ac commovit, ut resuscitata viderentur, cum reverâ non fuerint. C. 9. t. 40. C. 11. t. 9. Extirpationes Magicorum sunt actus Judiciales, quibus auctoritate Magistratus gladium non frustra gerentis, sed vindicis in iram malum agentis existentis, actus Magiei evertuntur & impediuntur, authores eorum pœnis civilibus subjiuntur, & sic impietas profligatur. Huc & remedia referri possunt, quibus Morbi, incantationes, fascinationes, philtrea, veneficia, ligamina Magica avertuntur & tolluntur, de quibus C. 11. t. 5. seq. actum.

4. Se-




4. Secundaria, quib. consequenter Magica impediuntur aut evertuntur. Talia odium Magia & Magorum, hostes & inimici eorum, sedulique ac vigilantes Magistratus sunt, omnesque illi, qui Magorum conatibus obsistunt. Sic Hippocrates l. d. morb. fac. Magos detestatur. Cato monet, ne auguria consulantur. Romani Sagam in bello Marii adhibere noluerunt, & capitali supplicio affecerunt, qui furem Magicis artibus retexerant. Filimerus Gothorum Rex Sagas omne e populo suo in Scythia solitudines expulit. Idem Ludovicus Andegavensis, Patres sexta Synodi Trullana, aliiq. fecerunt. V. Zuingerum Vol. 5. l. 4. Beyerling. Voc. Magia, p. 15.


GLORIA IN EXCELSIS DEO,























Biblioteka Jagiellońska



stdr0019245



